民國叢書

第五編 • 94 •



茹

唐文治著

經

堂

文

集

第二編

古四部で見る言語とよう 而桴亭陸子確庵陳子又以潛修篤行闇然日章之 時風氣所成著為派別其不樹降旗者惟震川一有明中葉弇州王氏以雄偉博辯之才主東南壇 心藉以維持於不做比之弇州其功固孰爲多乎 人心繼往聖開來學之功則亦不足與語矣吾婁 於文章之著述也亦有然其才勝德者謂即 江寂寞之 而賊人材論固失之稍苛然其於輔翼世教 一濱凡所著述一 也首有才勝德勝之 本乎誠正而世

コースはからいませい言用しているとう 學至乎沒而後止也故學數有終若其義則不可須 平讀禮其義則始乎爲士終乎爲聖人真積力久 邑老唐蔚芝先生將裒刊平生 舍也爲之人也舍之禽獸也故誦數以貫之稽於數 勸學之 **茹經堂文集二編屬余序端以發其指於戲余讀荀** 索以通之昭其義也爲其人以處之 聖人也君子之學也入乎耳箸乎心布乎四體形乎 靜端而言蝡而動 一篇謂學惡乎始惡乎終日其數則始乎誦經終 可以爲法則小 所著雜文都爲乙集)始於爲士終乎 學也入 則

耳出 矣昭其義者有人矣獨未見有為其人以處之 乐乎其言而持之以盱衡當世學者蓋稽於數者有 女名は ラスモン 一名 其書観記所逮者何限試謹最其尤者古訓是式洞 君子之學也以美其身小人之學也以爲禽犢竊嘗有 者也於戲吾生四十年矣並世方聞雅儒頌其詩讀 幾 原以六書小學爲門戸以官禮左氏春秋周秦諸 乎 領碎殊者有人矣餘杭章炳麟也蓋恢張高郵 乎所謂誦數以貫思索以通厥見迺與漢唐諸 郭而旁參釋乘以究悟慈氏世親的 口 口耳之間則四寸 耳曷足以美七尺之軀· 一全 書爲精 神命 如唐先 脈

數之間者有人矣上虞羅振玉海寧王 許書之有違徵古史之闕記 叉羅王二君之所順澤抑亦章炳麟氏之所厚非 石證 視流別者也其有以疑古者稽古 史許慎書為徑塗竺古之情深而疑古之牖亦闢 祖蔭吳大澂諸人之緒而觀前人所不記遂以後 好古以王充論衡爲骨幹而以姚際恆古 引念孫之 經補史以殷虛龜甲流沙墜簡爲根秪以六經 一者也然而穿地不足以匡史龜甲未能以考 學推 而大之以至無垠者也至於爬 而疏通證明不厪名物 不爲章炳麟氏之 國維也蓋繼輓 斯 羅

之隨時抑揚而後進彌以馳逐漢學揚徽遂以署新者 當於世教謂經子悉後出所託偽奚裨於徵文喜爲異 支船等多三般人多人 以實事論切忌於鑿空斯則三家者之所不同而 也於戲竺古同而所以竺古之具則異羅振玉王 考崔述考信錄暨康有為新學僞經考諸書張羽翼排 **輩之於章炳麟是也斯又可以覘流別也然而是必求** 之於章炳麟是也稽古同而所以稽古之情則異胡 也所謂稽於數者也然而具數或未以竟義稽古徒 說而不讓敢爲高論而不顧若而人者績溪胡適寔 切旁援歐儒益爲曼衍謂賢聖爲芻狥之已陳無 國維 同

中口などとして言うに言語し 章學術考鏡源流以漢書藝文志爲閩奧以淸代章學 疏於論 名部次羣言推闢大義者有人矣錢唐張爾田元和孫 誠文史通義乙篇爲首涂考信蘄徵乎古覈實必衷諸 變法者有人矣南海康有為新會梁啟超也蓋襲淸代 劉逢禄襲自珍之餘論而蘄措見之政事者也若乃辨 於博聞或者 謙也蓋恢史統以昭孔統上 ,耶佛時恣縱而不儻張三世以演進化通三統以徵 目刊落訓詁名物之末專求其所謂微言大義旁 證敢於昌言以春秋經世為揭幟以公羊改制 亦病之而蘄多識之貫一貴通經以致 などう 一承章學誠氏而匡違

明史統 る治生ラモニオー 機以孔子爲依歸而明心見性不同時賢之外樂 相 而要歸於揚 可爲特筆者 、矣宛平梁 也大抵稽於數者必謹名物器數之 其大較然也特是學問不外記誦著述以爲禽 與以有成者也特 爲微言大義之 康有為梁啟超 心補風教者也凡若此者皆 漱溟也蓋有志紹正宋五子之學而 也又抱樸潛修歸於自得以佛氏書爲 西漢之微言薄東京之古學則無乎 縮討而要之眞積力人 是張 好爲政論原本六 网 田孫德 謙嫥意述學 一蹬論 所謂昭: 經志事 昭

心庸詎知不要其歸於爲人而所爲誦敷以貫思索以 日日日からて見い合用してとなった 晤對容顔 庶幾君子惜乎吾頌其語矣末見其人也最輓近乃得 先生之文若無以這相過者此則博文弱志之見質 乙義也乎獨宛平梁君有志躬修近益誾然學以美身 國學者蹙氣之資博文者搦志之由徒長矜伐奚裨 以先生鉅 見唐先生於澂吾之知名唐先生也最早又同鄉里 者徒荀子之所謂學數有終而無當於不可須臾舍 乃於輓近世者一 則矜氣未化自問記誦詞章不後於人而 人長德名輩不接莫為之介亦未敢漫修 則素性簡靜不憙交遊

言之不足當先生 變而制行有常窮不失義達不失道威儀翼翼雖未識 專門學院比以戎車阻道大師虛席俾博暫承乏其事 · 安船住员有二角 在: 上 書爲入德之門孝友齊於家庭温恭溢於辭色世態幻 **沾詞章記誦之末其學以孔子六經爲與竅以宋五** 乃得時時親接其言論然後知先生躬行君子不徒沾 視古聖賢何如儻所謂君子之學入耳著心布四體形 殆見其人歟所蓍文集二編若干卷而博得見者厪 動靜端言蝡動一 可為法則者而今殆見其人歟而今 **噱者也先生寔都講吾邑之國學**

古四学記と長二語 詩合故訓於傳若 唇故故者依古作訓風俗通引詩傳又引詩說是魯詩 砌治魯詩而說苑引詩傳叉引魯訓是魯詩傳別出 而遺魯詩傳不錄者乃班氏之疏漏也又如漢書藝· 記者就獨 楚則其以 爾雅屬孝經頻 卷 一魯詩說一 傳 傳用所說以為 說而卒斷言之曰漢志著魯詩故魯詩 と言う 說謂漢儒釋經之書或稱故訓或稱 三家詩則傳並在故訓之外劉向應 班 傳之 始傳傳教 爲用 脫 字徵 無詩傳然據史記申日 î. 確 疑注傳申

· 安希生三名三帝 金厂 外皆別有傳爾雅以觀于古足以辨言蓋訓故之體而 傳毛詩合而爲一 牖針鍵六藝故以併屬 生是編豈曰不稽於數者哉信未可以一端窺先生矣 一類例拾六藝之所關然則誦經讀禮通其指意讀先 經陳示要道於章末每繫以詩語此傳體也 生原籍太倉輓淸之季吾邑搢紳士大夫有欽先生 |訓故一則敷陳五經之要道而要之啟設| 地而授館焉余嘗以縣志事有所請益 則曰故訓傳若三家詩則於故 類凡若此者咸足以發七略 前 則辨

卦中一爻之義則當就全卦統觀之蓋必能明全卦之治易者凡釋卦爻中之一辭則當就一爻統言之至釋 故也蓋屯之二爻即震之二爻震二爻因初來而象詞辨也所以獨見其難者以二爻乘初剛而五叉屯司 易屯二爻辭義丁亥 茹經堂文集! 1722年12号、1年月 然後解一爻之 如匪寇婚媾女子貞不字十年乃字凡此皆象傳 經說類 一編卷 義方能確鑿屯六二 太倉唐文治蔚芝蓍 屯 如邅如乘馬

言賁 行不進之 般 記 剛 之象蓋 碟臧 其 危 敢 陳氏 如 故 儒 知屯 如晉言 左 進 說經 難 貌 是義 故 海 呂 不能進之 般 吉 五 氏古 經 旋旋 屯 般旋 辨均 晉 乘 選緩之: 膏施工 易音 如摧 初 剛. 意也乘馬班 謂邅 不進也震 剛 不逮下 如萃言萃如 訓 也 苦 當當 澶 釋 取 一回由 今本 自安而兩交並 作 文 故二 象於震之馵足 爲 亶 邅 屯 初 馬 如者班當從 作 如 欲 亦由 嗟 叉 張 如 澶 爲 乘 近 亶 如 連 舜足 臧 初 句 如 也 者與 法 馬 也 故 鄭 拜 四 匪 例

....

與五 無尤屯 訓許嫁者 知五 媾自當指 固守其正觀四爻之求婚媾為求初往五則知二之 同 するこうないまちょう合用)情故二 象有貞德之女子既爲婚媾久 十年乃字此正屯之亨也 婚 爲 卦主不得以寇目之而二 例蓋賁四受上之賁故非寇視初之 也女子貞當絕句字乳化 因九五施未光 初虞仰翔以五為寇王輔嗣又以五為婚 以寇 非蓋屯為物之 1/2/ 視初也此與賁六四言 故亦非寇 始生 也先儒 不敢遽進五亦不 日剛 而不字此正屯之 卦見 傳序 視 初之 匪寇 有以字訓愛 婚 婚 媾 能

女故二 動滿盈滿 者 於 數 成於十復上之十年**不克征**頤三之十年勿 十而無益者也故象傳曰反君道道大悖屯二之 五 由 一者蓋 女不字然雷動滿 ,泰屯五陽不下陰空有雲雷故屯其膏男 字所謂成於十而 而 屯次乾坤之 地數五其斯 即所謂 而 蓋 已惠半 即 後為天 所 字 謂 爲十年之 也 農易說云剛柔始交 終亨者也 年乃字 地 動 初判之 乎險中大亨貞 取象歟蓋 故象傳曰反常 也 以其所以 時天 地生 敷 日屯 終於 用 雷 要 所 以 五 雨 蓋 謂

子至をできい回ります。 氏 易訟 泉虔 集 始 卦 外 解載荀 故以作事謀始 其 卦大象傳 争正 是 乾 對 翻 勘爲義 傳義 古義蓋中 日君 明爲君子矣 爽 因地勢 入日天自 西 西 頗 子謂乾三來 亦 亥 乃是全書通 天與水遠 足採 國之 文治案虞說未 叉 地 何 轉 水自 行 勢偏 變 得 專謂乾三 東南 神為 訟君 例 口東流上 乎東古聖 作事 得 是 別 周易 ·坎為謀: | 來變 取象於 下違 大 象 乎 乾 乾 俱 荀 坤 知 訟

易所及 以西水皆 界 爲地之脊可見 河 源之 、故魏書陳奇傳游雅 觀於 西北 西水 河洛 下對坤位 西流推 領 水東流之 分東西 之 北極 以東者蓋聖人 由 論 游氏此言實 此而言易之 西 所以定 經幾之中正 而 流處方許 訓乃古 日易訟 東則中國 地 、設教以 (與荀 卦天 所及 脊故阮文達 之 天水互 為當 相傳 地東 自慈績以東耳云 與水違行自然 氏 **《義合**實係强 爲中國法 北 極 與海近 分東西行之 持首氏 9 經經室 經 綫之 嶺 國 惟 幹駁

卦作 說也 子 生諸 古弦子につ言う言田 事 爲乾 之陰 謀 次陽 陽 者 始 生也所 冠至健 四字當 削 北 卽 作 爲 方 水 取 事 水 而言天 謀作 亦 謀 丽 ŝ 天 生 就 爲萬者 天自 乾坎 數 始 水 乾 故 坎 君 物 西 水 始象 水 爲 義謀 之始 兩 子因 違 則傳 轉 卦 云 五 所 合言 生之 鑿見 行度乾之 取 說習 卽 其 教 所 削 之 故始乾水洪 水自 誤事 象 謂天 修 水洪 以 取 坎乾 物 謀 鄭範 亦爲 近 天 為西 始 時 於 注五 惠 生北北 也 此行 水 方之然 之卦 則

以大君為並指乾言荀氏法易師上爻履三爻臨五爻但 旁通之同人 易師 交言文治謂二 師上 履 儒於 違 成 歸 釋作 臨 坎 違制 而不成 本 卦 則 一說俱未是行 亦 聖 戊義不 經 乾 無乾 經 子均明 文 又與師 謂訟亦 何 注師 象五 不言大 俱言 天之,未 師 上所 本失位 履 本 鄗 浮以 卦 君 君 水生 審 一卦言 卦以 於 無乾象虞氏 虞 下此矣 如 同 流說訟王 注 大 說迁在弼 君 爲 而 師 君 亦疏於易 變 反 爲 淺無謀注 著 例 就 並 陋當始謂 指 經謀無

矣此虞氏之失也荀氏以大

[為指二

一爻近惠定

然履之 考全易通 日立生に至了二回用をいった。 大君而·)則師二 必特言大君以表異之乎个案大君者謂先世 、君亦有大君之專稱如虞氏荀氏以乾與二爻爲 易述亦宗之夫五本君位二升五爲大君其說似 大君與君渾稱而無別則聖經但通稱君可矣 主也交例五為天子上為宗廟見京氏 一大君又何爲變其例而言於三爻乎即云履 師二升五之比例然臨二升五既言大君於 例有言君者有言大君者君有君之專稱 升五叉何爲言大君於上爻乎豈二 上叉可居五為大君乎此荀氏之失也 一旣升了 抑

得應乎乾之上應也則上視三履而剛志得行也臨其說極精履三言武人爲于大君者謂三爲成卦之 **支程写有二部** 於上者上志在內卽志在二上之敦臨從五而附益其 乙專稱其言大君者乃上爻之專稱先儒渾爲 五上之志丙一也 則二之升五君之宜亦大君之宜故言於五爻以日 知臨大君之宜者知臨謂知二之當升二升五而宜 一過其祖遇其妣不及其君遇其臣君即爲五祖 一祖者即宗廟之主也師上言大君有 能積德以威天故能受天命也實就謂武王受命 一明乎此則知聖經之言君者乃五 وارائها المسر بالمسام الاهدم ويهونها وتوادا والمامية معاورة يعنه والحمراء فالسطال الرائع والمدي الأثاء والراء أفاوات والمعارب

	日本というでは、一個日本の一人をは、一
》傳叉日大觀在上蓋謂上有二陽	觀之彖辭日有字色
五之能立主極故能轉害為利也	于王者何也曰是中
言之卦義似乎不利矣而觀四乃云觀國之光利用賓	言之卦義似乎不到
又剝否之一陽以陰陽消息之序	抑陰類觀一陽四峰
否而觀否三陽三陰四爻陽剛能	廢十二辟卦由遯面
了有就卦象言者然一者實不可偏	釋易有就卦義言者
子	列觀六四爻餅義也
矣	說更怕瞀而未可信
大君震爲君大君爲王之通稱君爲公侯之通稱則其	大君震爲君大君爲
不足據為定論乃近儒俞曲圍易買又創新義謂乾為	小足據為定論乃 近
THE PARTY OF THE PROPERTY OF THE PARTY OF TH	

危解 無光 國之 項平甫所謂履正則爲賓不正則爲敵國有光則爲賓 轉而爲實于王其云觀國之光者非觀國之盛運 眾陰之倡 九五能)將替而未替之運左氏傳所云猶有觀焉是也 也 而覬覦乎下三爻云觀我生進退 可觀則敵是此爻之利害轉機甚速雖若吉辭實 一蓋觀之吉象非真吉初爻童觀一爻闚觀皆以 以誠意字下故羣陰觀感不敢進剝而四爻爲 又適當位而順時故雖有叛主不臣之心亦 公此時尚未失道正如四之觀國之光退而 財主 民違五則進民從五則退其進 觀我生者謂 乃觀

爲心聲於文章之著述也亦有然其才勝德者謂即 古政治で置い言のシュース 而桴亭陸子確庵陳子又以潛修篤行闇然日章之 有明中葉弇州王氏以雄偉博辯之才主東南壇 心藉以維持於不做比之弇州其功固孰爲多 時風氣所成著爲派別其不樹降旗者惟震川 於荒江寂寞之濱凡所著述一 人心繼往聖開來學之功則亦不足與語矣吾 馬温公之作通鑑也首有才勝德勝之 一本乎誠正而世

傳世者皆辛亥以前之 憂傷國事不復有所著述卽及門諸子晉接亦罕其 夫陸陳之緒其功等於宋五子者 才德之分祇有多少離合之可言 其義理發爲文章以翼世教以正人心則紹之者 |惟當世教淩替人心陷溺之時處乎其地同乎其遇 以後弇州之 王文貞公而大之者吾友唐公蔚芝也 意於教育文熊又適以其時朝夕與共 川氏後荆 作而 鄉 **蔚公則自辛亥以後痛** 桐 則甘亭彭氏繼之今 城轉相 而大要亦可睹矣若 則綿綿延延相承 顧吾師暮 隆盛雖其於

古西田と言と言語でいた。 私所好也若此則公之續集繼行於世謂文熊宜有 公之微意有脗合而又鑑其愚忱知非出於流俗之 其難者文熊託有一 貞與其相攜勿舍豈不以悲憫之忱拯救之志凡身爲 蔚公亦安所取而十六年來始於滬濱繼於惠麓顧艱 細流之益但折然心服盡情傾倒而已嗚呼有友如此 **并其夙昔所蓍述往往出以相質而文熊則絕無土** 如晦毎見其蒿目傷 言亦安所辭乎夫交貞之文宏深肅括公之文博大詳 見其躬行實踐開牖理學時則有言性之作每一篇成 一日之知於所心折傾倒之處或於 心扼腕悲歎時則有憂時之作又

支系官ラ島二般アクチ 豈才勝之足與語乎惟悄乎憂乎公之志則愈苦乎嗟 告語者之各異其體至於輔翼匡正繼往開來則一 盡其有節質往復之殊者值所遇之時益非昔比與所 乎以文熊得師友如此顧落落無所成就豈不可愧 耶州谿堂詩序則日敢樹降旗日有唐文宗退之一 折也今公是集多淵然曄然有興味及詼詭之作皆文 稱有幸焉昔皇甫持正於韓子之文豈不盡讀而獨於 屈時學韓子而每有未臻融渾之處宜其於此文獨心 已豈韓子之交無逾於此者乎蓋持正之文聱牙詰 一所學焉而未能者也則於太原師後奉爲圭臬熟

中国芸色では「三田」これ				弹世弟同里朱文熊拜序	焉復焉取以爲法焉比之挂
					7正其可冀乎丙寅仲秋下

序

朝康乾了 振之尊義理之 薄宋儒爲迂疏斥明儒爲譾陋桐城姚姬傳先生起 百四宮又長二三田、ヒラ 而道益昌其在京師贈嘉定錢獻之序言極論 鄉陸桴亭先生窮性命之學躬遭鼎革講學於 後學術異尚南北 而 而極盛者先生之功也自效據盛行其淺焉者 仰慕至於今稱之宋學卒能不絕 儒出乃得聖人之旨羣經始有定說元 一學不廢攷訂之勤以古文爲天下倡 能振綱常守節義豈非宋 乖分至唐而明示統貫惜未能 如縷

ŀ

方糸生三生二糸 談詩書老蘇所謂不近人情者比此皆是老友同 效哉今也不然衣臣虜之 知天下事不可為息影錫山講學以 所趨嚮風行海內士人從 、垂訓先其大者之意筆之 尚書少宗桴亭之學服膺宋儒含咀羣經疏 其茹經堂文集分編付梓其初編旣得而讀之 行將問世其文才氣豪放以視 高科躋顯仕未能用其所學自光緒丙午遭 學之津梁也比乃貽書屬序 衣食犬報之 而遊者亦歷有年所矣 於書授於其徒俾學 維綱紀使思 同心之言非 里 析

宋儒之 尚書 宋學未窺其與何足以知高文惟念尚書與桴亭先 Terreported and the contraction of 同生一 哉不徒以立言君子名之也因書而就正之丁卯 君莫屬余少失學長又奔走四方孤陋 TITLE CONT. CONT. 汪曾武謹序 統貫前有桴亭守其緒後有姬傳振其衰令 振式流俗俾宋學不至遽墜於地其功豈 鄉同丁末造而講學亦同一 轍俛仰三百年間 Participation of the Participa 無心得而 淺 裑

息象炎人泰升 易升上交消不息義丁亥 消故升爻解言不息而象傳即言消以 為 火不象小 稍 稍 相息傳人 不 義即有大 即以陽息爲吉陰 圣 可疑者一 消爲 凶是陽不息即 /釋之然據 爲上不力

支系写了全二角 之貞此可疑者一也且爻辭旣;言利貞矣而,象傳云. 卦辭言利牝馬之貞同例易言利某某之貞者凡四若 升在上消不富也是爻辭言所以利貞之義在於不息 陽道不息蔑貞甚矣而爻乃旣言冥升又言:利于不息 **云坤爲冥荀氏云陰性暗昧居尊在上是冥豫與冥升 巾象言所以不富之義乃在於消夫消與不息旣無** 是傳與爻辭直有違戾矣編考漢宋諸儒之說無 以破此疑者蒙嘗細考易例而會其微試,樓析言之 爲暗昧之義此說自是不易利于不息之貞者與坤 一六言冥升者與豫上六言冥豫同例處氏注冥豫

退之勢升而不已苟安而不躁柔而順人則亦利貞然 息之貞者後順得常之謂也人誠禀暗昧之性又處難 ー・シングの前にご母へ同時成立 此利貞若正賴乎陽道之不息故日利于不息之貞 經乃云利牝馬之貞者蓋惟其先迷失道後順得常而 貞皆主陰柔言牝馬陰類言利貞若不應取象於坤一 歸妹九一 貞皆就陽剛言若坤卦辭利牝馬之貞升利于不息之 牝馬則安而不躁柔而順八故曰利貞升上爻言利 不息之貞亦正此義冥升者先迷失道之謂也利于不 八利武人之貞謂初失位之正為乾爲武人 利幽人之貞謂初動一 一陽在 虞 此

故 同 傳言赤富 文糸で三人を一名 l皆謂¹ 无妄象傳未富虞注謂四 深意非淺 言 不富謙六五之不富亦以其虧盈失實義與泰六四 不富與泰六四言不富謙六五言不富) 義而於利貞不言者此又如豫上六傳言冥豫 此 以柔順爲主則其不息之貞固在 坤虛失質升傳言消不富亦謂消失質然 慮是仍與爻辭義不背也至象傳所以但 以戒迷昧之人必以 同例泰象傳釋不富爲失實處注 見所能測至象傳言冥升在 4 動坤虛是經言不富未 /謹慎含藏 无妄六二 自 坤虛無陽 消 不富 雖 象

古英之為二篇一次化一 之意自在言外卽升傳消不富也 易解朋至斯孚義戊子 之意亦在言外傳中本有此例惟精心考之乃能知之 朋至斯孚文治案虞氏逸象兌為朋故於易之言朋者 解 解載荀慈明日乾動之 有言外之意即豫傳何可長也 何 (兌卦為義其實非也解卦得乾之) 四朋至斯孚虞注臨兌為朋坎為孚四陽從 可長也而不釋成有渝无咎之例蓋聖人 一坤而得眾是解自乾變虞以 語而其勉人 語而其冀人无 一陽故李氏 釋 經 初故 利

兒象則 南 類 解自 陽 コミス・ニンスミースだ 朋 此例推 則 得朋東北 有 從 從 聖傅 陽也 喪 此 初則 臨 所謂 變故為兒朋其誤 解 所謂 類 失固 四以 易 又似四從)則泰一 喪 故 例 朋 未離 凡言 /陽處 朋 至者 喪 西南 可信矣然則解曷言 朋 其 初陽 朋者皆謂陰類也故坤彖醉 陰中惟陰 叉 朋亡 聖 何以 類也東北者諸陽 者諸陰卦之位 傳 至 謂 不見於 所 陰 即 謂 與經義顯違其誤 類 解自 陽能亡其 爲 至 其兼 師變 臨 故 陰 乎朋 日 而 卦之 (解本卦) .朋至今! 反見於 類 婸 相聚 至日謂 世 位陰 類豫 謂 解 是 故 並 虞 故 從 刊 陰 川

解陰類從於四故曰朋至且蹇解之彖辭並曰 古座言と思い一局一学、名一 斯孚也五爻言有孚于小人者謂一 陽實爲罕解一 西南為陰類之所聚是蹇解之朋當爲陰類之顯證也 而陽即得眾其義又以對勘 朋盍簪謂陰類合於四陽復彖之朋來无咎謂陰 之大蹇朋來尤足爲解朋至之比例蹇解並一 | 傳釋解之 五陽為主解以四陽為主蹇陰類從於五故曰 初陽咸四之朋從爾思謂四陽慮比於陰類而蹇 利 三與五互炊陰從陽而陽有以罕陰故 西南日往得眾謂乾得坤眾蓋陰至 而盆顯也斯乎者易例 一往五 則井足以 一利西南 一陽蹇 朋來 類 陽

易豐 文系与三人生二人名 近 經義自瞭然庶幾無支離 一初九週 待之雖留 惠氏易說 行之正成明夷則三體震為夷主故遇其夷主吉 類此又因四爻之朋至 國以為限聘禮畢歸大禮 四也四失 配主 夷主義 配處作 者不 位在震爲主五動體遺遇故週其配 十日不爲咎 引鄭康成日 丙戌 **妮妮** 何必皆指遘言虞必以 2. 第主 之弊矣 初修禮 一斯子而推廣言之也如此 正以旬日者 九四週其夷主虞住 日旬而稍 朝 朝聘之 旬之 四 四 以匹 外 禮 為非 敵 如 也 恩 則

知所據且於四爻之夷主說亦未能相通竊以爲配 夷三體震為夷主則配主又指何卦乎即云三體震為 夷主則經何不言夷主於三爻而乃著於四爻乎其失 故言五動以成之不知就初爻言固與五動不相涉也 「下されれてきる」「面中」 へんかっ 四行之正則即初爻以觀四爻旣不得謂體蓮遇而 配主旣以爲五動體遘遇矣而於四爻之夷主復以爲 、既不可信矣鄭君以禮說易與豐卦取象不甚合未 | 爻以觀五爻更不得謂成明夷其失三虞注有此|| 且不特此也釋易卦必就六爻統三之虞於初爻之 配主夷主文義當是一例處以四行之正爲明 即

支統写了写<u>新</u> 即 週 夷主蓋指一五也爻例凡稱遇者或就本爻言或就 與豐之言過一例至明夷初九主人有言主人有言者 || 承三得正九四弗過遇之謂進則遇五此皆就上行言 若噬嗑六三遇毒謂失位承四暌六三象言週剛謂 週 行言凡稱主者則皆指上行言如同人九五大師克相 一者三爲下卦之主巷者出門近遇之象謂二遇三 一段九四週元夫上九週雨夬九三週|雨皆就本爻言 婚媾有言之 四陽小過六二過其祖遇其妣不及其君遇其臣謂)義言一陰有言也暌九二週主於巷言 例然則經曷言平 也

ころび、一曲三二、江南人門を加口 其尚往之志故象曰吉行也言上行則吉也乃近儒 說之於是乎穿鑿經義如毛氏仲氏易謂四之 來奪其剛而予之以柔乃是夷主夷主傷主也焦氏 明易例但知陽爲陰主而不知陰亦可爲陽主 平治天下之主也爻例五爲天子易傳氏四爻上行至 五適值君位正為王假之象故曰遇夷主遇主而得遂 故曰 配者 初納 則初與二 一配主 已卯離二納已 匹也豐卦 一之相合斷可知矣經又曷言乎夷夷平 祖考配字不同以納甲言之豐內卦為離此與豫象傳配以納甲言之豐內卦為離 大故志 丑卯至丑為一 在尚往初遇一 旬故曰旬无咎 陰剛柔相 が後蓋 剛從

澤若汗之出身不還反也此本否卦體乾爲首來下 易日謂五建二爲諸侯使下君國故宣布號令百姓 皆大雅所不取云 易換九五換汗其大號上九渙其血李氏集解載 易渙渙汗渙血義戊子 遇 之豐 文系中三至二条 人名 一 成坎水汗之象也又載處仲翔曰應在三坎爲血 一釋謂渙二之豐五爲週其配主渙二 所主以陽適陽故稱配稱夷凡此紛紛支離之 爲週其夷主王氏經義述聞 四豐成明夷渙成中孚明夷不與中孚遇而與訟 又謂四爲初所主 不之豐五而 九家 初 處 被

市經濟及夷二扁一、劣一 均不免支離夫二本與五應則汗謂一換汗謂五義自 乾來處二而虞仲翔又謂二 之物人君之號令似之故渙汗於五爻言之 一截又何必指乾來處一言乎仲翔說二 心病汗者心之液也異風足以散坎心中之滯鬱故 於觀二乎然則經曷言乎渙汗曰由五應二坎也坎 爻無涉如其說則所謂渙血者又何不見於一爻或 以汗與血爲次象本無不合惟九家易謂渙本否卦 汗五居君位有發號施令之象汗爲 爲 觀坎象不見故其血去逃出无咎文治案 變爲觀坎象不見則其說 變為觀更與 出 而不

者經 血 117/4754 11 17711 1475, 1 17 一立黃謂陰血交於陽氣屯之泣血 需之需于血謂需炊陰之血而小畜之有学血去 傳易渙汗其大號言號令如汗汗 胡廣傳政令猶 朱項平甫 坎陰而言易 咎尤足爲此爻之比例有罕其血謂陽畜陰也 叉曷言乎煥血 謂 ∭ 四從 所以去其傷故象傳曰遠害也 五 周易玩辭云三 汗往 渙其血謂陽散陰 例凡言血者皆以喻陰也故坤之其 日由上 而 不反 一應三坎也 居 此 險極 並 出而 古 也 漣 一義之精 如謂泣 次為血 而 爲 不反 血 逖 出者 M 又後 坎陰之 卦 確 抑又思 傷 謂 是 可 惕 M

易旣濟九五東鄰殺牛不如西鄰之 也離爲夏文治案虞氏通例凡言東西者皆謂震兌 易矣 屬陰九五應九二之陽故以扞言之 經東鄰西鄰處亦據震兌為說然既齊雖為泰息 既齊東鄰西鄰義 牛在坎多眚爲陰所乘故不如西鄰之禴祭禴夏 翔日泰震為東兌為西坤為牛震動五殺坤故 ·血言之是又可見聖經之取象眞確切而不可 出故 陽加於陰謂之 丁亥 汗見素問 | 禴祭實受其 上九應六三 東

中當位於旣濟之 其說則東 西方 乎其說支離更不待辨李鼎亦集解載崔 反非震 **个乃又謂坎多眚云云則豈震** 氏旣以震為東鄰兌為 涉矣且東鄰殺牛與西 鄰之謂也二 而 實 西鄰云云宜 次兌為西鄰 時 則是周受 之 一應在 卦虞 西 見於泰卦 離 「鄰瀹祭」 而行禴禮者反非兌 鄰 命 此 正不得復 之 為東鄰而不 日也五 取象當各歸 而 日出東 反與旣 取 幸合 象過 次爲 憬 如 濟之 這 離 西 而 果 實 致

爲說 為離之 坤言者有就離言者 殺牛瀹祭之象徵之統觀易卦取象於牛者 而崔則專主 用黃牛之革族之上九曰喪牛于易皆取本 多交之 中交西鄰當為坎之中交曷以徵之卽於本 西方西鄰象也與崔合惟 禮 二五言竊謂崔 記言食 離 如暌之六三 日坎為 引 大畜遯 東鄰 日其牛掣革之 鄭則 說較為直 又主互 鄰 東 殺 凡七 |截東鄰當 一次互 有就 離 離

亦成坎也據 爲禴 者 疑因殺牛繭祭為坎離之象然後知先 夏非是 不變之 一執成 涉 謙六五之不富以其鄰震 100 **学謂二之** 至 月西其義自精確 此則旣濟之 推之於萃六二 於 祭 既指坎則利用 小畜九五之富以其鄰泰六 所謂鄰自 成 於 西 坎爲罕案虞 以二五交 鄰瀹 亦然蓋萃二之五 卦者 不易也 | 龠亦當 祭亦當 應 謂次經 況既濟六 例 為正 儒之 爲本 訓 丰 則 東

泥 日空台と見ご言 口非時而祭曰瀹文王愈以恤民四時之祭皆以瀹 不求備 富 意合又可見崔 亦自有通例也又案集解於升九二象傳下引于 以其鄰鄰當 **震東兌西之** 爲紂 而言即如 故旣濟 西鄰之 謂 氏 小畜富以其鄰鄰當 九五日東鄰云云是說也與鄭君 西鄰 四與上 為文 訓 知易之 論爲殷春祭其說尚未盡 執 一實亦經 爽本 取 象周普 然則易交以本 師相傳古義 世之 謂 旁通 四易本 釋此 卦 者 鳣

為後 耒當 讀書 知濟既變 易傳言湯武革 **支**系生三手二系 誘以大賚懼 那是 怨湯 天 湯響丁 我乃今讀商書湯誓 濟 万 万 不 下信之東 以唐書載高定七歲讀揚誓問其父郢 不恤 穑 艺 東がえ 應 以孥戮若是者豈所謂順 事故憚征惡 命 面 名 而征 順乎天而應乎人 卦不 順 焦氏易章句·產合恆益 西夷怨南 何云伐 役湯 篇 復釋先儒舊 **耶對日不從誓言** 乃勞其曉 面 而 而 征 孟 平 子亦言 北 說以 諭 狄 一而應 斷以 怨 卦 義倶 爲 湯 日 何 乎

文治因 於湯之 桀雖 我后謂湯玉苡下 昆吾氏為亂是當斯時有乘桀暴而作亂者矣湯誓所 市空堂支表二扁一多 者均失其意也据本紀言夏桀爲虐政淫荒而諸 也含我稿 也舍稿 七歲 有眾汝 伐桀本因乎眾 取湯誓本文及史記殷本紀反復數四乃恍 小兒尚疑之而先儒竟 順人 事謂自舍之非謂湯舍之湯於君臣之分素 事而割正者 乎郢大奇之而 知別 心此篇正是仁人之言先儒 不恤我眾者怨其不正夏以不恤我眾舍我稿事而割正 不堪桀之暴將 不能答 無有爲湯剖其冤者 怨其不正夏以救 此可見湯 然

謬之 用與此嚴 が何書 理乎夏王率 如台 夏氏 其 又謬夫以桀之 反不知之 史記 罪 疑百 言 之 為亳眾 而姓臆與 均作奇 有罪 何 駕方說 以 言 前湯之 遏 理乎夏臺 干眾 又懼眾民 眾力云云乃眾民述 何四 故 一淫荒而傷百姓詎有湯旣 怒也 其如台者 乃復 爲 事又著填 囚聖主菲有亳 亂 乎何) 故 正湯詢眾之 命眾申言之 不敢不正之 湯 欲駕 惟 THE REAL PROPERTY OF THE PARTY **資懼** 如我 聞眾言然後 之罪湯 以孥戮 眾 何者 日 之恤 知之 反 然 則我 知 猶 湯 謂 決

近經堂支耒二遍
後一 **揚誓丰求元聖三語近儒王西莊因謂或別有一 曹如周書有泰曹三篇又有牧誓」篇之例而江艮庭** 罪無以萬夫萬夫有罪在余一人而墨子兼愛下篇 之之上益以見揚之因聞眾言而興師矣又烏得有憚 引余小子履十三句爲湯說不云湯誓向賢中篇叉引 征惡役之事耶又案周語內史過引揚誓曰余一人 以予惟聞汝眾言至今夏多罪二十二字易於天命殛 應是可見湯實懼民之作亂非脅民以必從也觀史記 蒙大慘後之不從誓言句與上之舍我穡事句本相! 蓋致天罰而伸公義是爲有功舍穑事而私自倡亂

詩皇父考戊子

詩小雅十月之交皇父卿士大雅常武大師皇父此皇 、必是二人 則係專權植黨者二處未可混合為一 一在宣王時一 在幽王時一係征徐奮武 孔冲違常

武正義謂十月之交皇父擅恣若爲厲王時則在此 先得爲一人此語未之深考厲王時但有弭謗煩刑·

父為 雖未言皇父之德行然云旣敬旣戒惠此南國 時況經言皇 用之而以征徐 小應陷入豔妻之 一役國 王事者其後亦何至爲邪伎之輩即云老而 冷無 王時則在常武後亦得為一人此語未之深考常 伯休父命宣 在厲王時者謬也冲違又謂十月之交皇父若 人方欲得 父徹民牆屋 擅權之 乎然則後 黨據竹書紀年宣王二 争則 甘心焉叉鳥得在宣王之 一萊民 人有從鄭箋說以作都之 十六年則幽 父固不得謂 田 里肆惡無忌 年 騎恣亦 則亦勤 世復 則流 師 武 爲 毲

其前烈一 龍妖不應有七子之親殊不 稽古編四 **汞之深考皇父七子之見用先儒以爲妻黨盛女謁 這又謂皇父蓋皇氏父字世傳稱之近陳氏啟源毛 有據冲遠說以宣王幽王時之皇父爲一** 甚則此皇父固由褒姒而進孫毓詩評疑褒姒生 時已爲大師矣 一如吉甫之後有師尹申伯之後有申侯此 謂作都之皇父定是征徐者之後人不克紹 〈何在幽〉 師 王時反爲卿士 襃 史言襃人有罪請入 耶然 八者謬也 則後 詩 於

千口部を記と言い言語 史中數千載不可不辨此語亦未之深考以皇父等七 老臣宜倚用之乃皇父安於退居不以國家爲憂故詩 義據漢書谷永傳言誠修後宮之政抑襃閻之 則後 爲黨臣蓋是漢儒相傳古說不獨古今人表及五 怨而責之 既係裹人之族則與宣 類損妻黨之權 、有據冲違說以皇 又謂漢書人 多. 師古注皇父之 即幽 、物表列皇父人下下沈免 父 為世稱者謬也 王時之皇父安得 一時皇父因謂爲先 屬因獎寵 飢 同 朝 却

謂皇父等七 皇父為權黨其不合有七實都是强辭惟 有據阮說以皇父 傳以 三卿信維貪淫多藏之人是毛意亦以皇父爲貪 阮氏欲以其肊度之見盡闢漢儒舊說宪未允當 氏旣申毛義不當於其釋皇父者而反闢之 之情形恍如耳聞 此爲幽王時詩亦謂皇父甚自謂聖擇有同國 一然此二 之 颇拜經 車篇爲文王時詩有王 為先朝老臣者謬也阮氏駁先 目見而皇父之罪狀定矣 條說實亦未之深考古 謂讀徹 我牆 第 一然則後 此說 條 儒

非 故 記 日空空と見二言・ジタゴ 對楊天子 雖 而 八皇父 偶 石父不與皇 荆蠻 進 父 乃係 之 之 列也 非 顯 八見 良臣 敷休 人當猶i 甫 絕 父陳 五 十月之交篇皇 即碩號甫 同 卷御 乙 列 引覽 先儒必欲 石毛 父詩 叢見 例至 **鈔經** 焦 南 未疏 引義 仲 節南山 是疑 經 知詩言 皇 强合 豆 所謂俱非妻 屬 決 芝 此 一命南 則 尹 南 仲 氏 徒 可

公說脫 無詩傳魯申公本傳云獨以詩經 **鲁詩有傳無傳考戊子** 一詩傳號日元王詩是申公有詩傳之 則關弗 好詩諸子皆讀詩申公始爲詩傳號 案師古說未允史記申公傳作以教無傳疑疑者 **書藝文志載魯詩故二** 傳是所云無傳疑者乃不知蓋闕之意班氏用 家詩遺說考謂漢志所載魯故 疑 傳師 字非謂申公不作詩傳也楚元王傳云 古注云口說其指不爲解說之傳文 一十五卷 任為訓故以 整 善 詩 說 二 教亡 傳

乎今特立數驗以證魯故魯說外別有詩傳漢劉 古巫をできて言用しない。 魯詩其作說苑所述多魯詩說至引詩傳則必表明之 於傳若三家詩則傳並在故訓外不當混而為 氏說豈齊詩傳韓詩傳亦可謂之齊故韓故齊說韓說 鞸晃厲戒立於廟堂之上

云云是可見詩

説外實有詩 傳向恐其與所述之詩說混故特標明詩傳以別之也 公主之云云反質篇 如貴德篇 心也云云修文篇引詩傳日君子無所不宜也是 為之詩傳文 引詩傳日自陝以東周公主之自陝以西 謂 此 引詩傳曰鵬鳩之所以養七子者 說亦未允詩經惟毛詩合故 向 如

詩蘇萊魏應皆不考白虎通 **香則別之云魯訓炎者依 傳伯邑考武王發云云是** المار 魯詩其作風俗通 設慰者也鸞設衡者也又辟雍篇 一琴瑟御此與何劭公司恭魏應皆習魯詩亦時不為時,他為明述多魯詩亦時 非即魯故 曰泮宮半於 而魯故外家 天子云云魯訓別於詩傳是可見魯傳 亦時 A STATE OF THE PARTY OF THE PAR 不可以事 詩傳文合姓名篇文王十公公羊傳 引魯傳 實別有詩傳矣又考應 魯詩 引詩 前作 前如車旂篇引魯訓和俱係魯傳也然又有引魯故 也作 傳 如禮 第 引魯訓水圓如璧 如車旂篇 其初 時四 樂篇 承制會 引詩傳 引魯訓 ·子引詩 砌

交第 古が出ると見て三世紀とのころ 傳湯之先爲契無父而生云云又何劭公公羊傳解 引魯詩傳 詩傳 習魯詩者亦時述詩傳如褚少孫補三 王受命有此武功云云詩說別於詩傳是可見魯 然亦有引魯說者則別之曰詩說如第 非即魯說而魯說外實 仲說 魯詩故又 天子食品 引詩傳 染絲染之蓝 則靑染之 日舉樂云云叉王仲任論衡率性 後 水草交厝名之為 漢書班固傳注 別有詩傳矣又別考諸先 一丹則亦詩 引魯詩傳云 一代世表: 是俱係 卷引詩說 引詩 家衡 魯 傳 關述 詁 儒 傳

詩說而乃蒙以傳名乎漢志遺申公詩傳者乃班氏之 文条にごをフニスか **凌**次仲禮經釋例言授受之例謂凡卑者於尊者皆奠 明甚倘魯故魯說果削詩傳則諸儒何不逕稱爲詩 酬爵奠而不授辨丁亥 漏後儒不察即據此以為魯詩無傳是亦考之不 奠觶而但言賓受觶其例互異未可相混 人奠觶而不言授觶亦有授而不奠者則經不言 授蒙謂其說不然酬爵之例有奠而不授者則經言 不授而其言酬爵例亦云凡酬酒先自飲復酌奠而 故

古空省区是一百里的多一 授與授而不奠之所以互異者由士與大夫禮本各殊 拜洗主 亦並非奠而不授爲酬之正禮授而不奠爲酬之變 拜送鄉飲酬賓亦如之特牲主人酬賓卒洗酌西面賓 拜受爵主 如之有司徹主人酬尸卒洗主人升尸 、奠觶是爲奠而不授也燕禮主人酬賓卒洗揖升 據鄉飲禮主 面拜主人奠觶于薦北寫坐取觶此數事經但言主 、坐奠觶於薦西賓辭坐取觶復位主 人酌膳賓西階上拜受爵于筵前大 人酬賓卒洗升酌降復位賓拜受舒此 一人酬賓實觶賓之席前北面賓西階 升主 一人實育 人作階 射酬賓亦

授其爲禮之殺 乃禮之 酬 ラダングインフィーフィーン 節 之正 俱永是蓋 事而 者燕 乃禮 既各 **殺蓋** 醴 今酬賓 不 近 剛酒 同 張 具 猶之 文 氏爾岐亦謂莫解不 則 可言 謂主 八獻實既 鄉射之 本無定)奠而 酬禮儀節亦各 一不拜洗 顯 肌人 斷奠而 不授者非爲賓主 親授受 即 例 剛爵為實主 賓受 也而敖 同是授 隨 禮 餔 授 則酬爵可從簡而 而 是 異禮 授 氏 本 故 繼 酬法當然此 爲卑者於尊 英 作特奠 經諸篇 公乃謂奠 有尊卑之 而 (而其禮 獻 也 殊 觶

古巫监义是二国田 酬爵之 謂 親殁不得為 爵之 親 有正禮變禮之 例盆 例不明自凌氏又以爲凡酬酒皆奠而不 禮 人後議、 射之 無 授是即 明 子帝以祜 別子自 弟 酬舒為. 伊為祜後 剛尸 授 一敖氏以奠觶爲酬之正 兄子暨 死 而不奠其禮意 剛寶 則代 伊不服重 叉不 爲 嗣 勸 祭祀之禮 部帝怒 暨 已互異 則承 父 又有 並 殁 安 勸 收

也 にいういことと 其愼 制故儀 必奉 可 實 何 殁矣 且 以 如 爲 父 絶 重 而 若祖之命蓋 也如 放 後 蓋 族 爲 服 一殁矣 是 此 傳 人以支子後大宗 聖 後 理 而支子之 肵 支 敢違 何 不得 父若 定宗法也 子 如 爲 然無 可也 而 龍其本 違 孤 可為 子矣 俱生 而 叉曰 亦不 必緣情 也 命 之後 生而爲· 是古人之 我 大宗者收 故 還 ·敢違者· 者 敢 同宗 , 観焉 也 稱理 則 也 於 族 可 也 宗

則是 也後 所謂與爲人後者即所謂自許爲 ではい言語の 人者一 將亡 無 財 謂不孝五刑之屬三千而罪莫大於 國之 也是 同宗者之 子乃與賁軍之 人而已旣有爲者而往奇之是貪 人後者皆當坐以不孝之罪禮記射義 無恥也以貪財無恥之 大夫與爲人後者不入鄭君云與猶 無一 無後也必其覬覦乎其人之 見其不貳隆也今父祖 一即人 一將亡 無 國 二親 之 人後而與 故 於無 財

者忘棄其本生之 與叛 並 有身則無 者 起是眞無人心之尤者乃律之所宜禁司馬 親無二罪也然五 夫身 斬 急 有 衰之 也父母者 父母之命己 裳 親以與人爭嗣或至於 服 親 者其 一將亡 人之本也夫 則是父 復 而 冷世之· 又烏得而 亂 他 國 倫 さ 逆 理 大夫並絕之以 服 人則多有背經 無父母 為人 與身事二 年之 周 朝 後且 反使 而 使無 是 相 遷 殺 者 叛

車 理会に見る言語 萃萃車之萃 所 令 僕 車 謂 戟漢頡杜 集 季 五戎 解 秋 作 補 戎 引 車解 也 司馬 戎路 戎 輕車之萃 戎 車 案 法 義 鄭 車僕 主 之之軍爲 也 甲 在 伸 日 申 軍 猶 注 其 蒼. 掌 輕 云萃 說 戎 所 、路之萃廣 也 乘 車 蒙謂此五戎當 謂 也廣 猶 所 英 副也 用 議 車 對 敵 横 軍之 此 (陣之 五 者 輕葢 師 從 車 闕 皆 隱 周 車 戟

多系生三十二名 鄭 則未知: 正義 訓之可知季秋之習五戎 、関陳車徒 駕授車以 君未定 月令注 乃 謂車不 乏 所 **季**吏聽誓于 說故特於周 級 謂 五戎 即習戎 須更習可謂紕繆無稽至于下文 戎車 爲 、戎車既 者 弓矢 何其望文生義也 車之事正義乃以下文言 所 削 殳矛 陳前注亦引月令之 謂 注正之耳大 何文 此皆 周官中冬之 戟 知月令 詩 簡車徒 司馬 兵車 秦 兵車 注 風 中 習 語

茂膏肓從題辭之 樂 曲 ゴスとからいっていまり 輕 言 禮 無大夫士 闕四 疏 必 有琴瑟諸 周禮 引熊氏 原指 從 [乎其元] 乘孫 制論 1/212 小胥職 云条春 子 2義蒙謂 而 乙 Ž 大夫 陳有萃車 西 簡閱之制 天 夫 秋 此 夫 判縣 說 題 也 解 視 題 [固未嘗] 縣諸 之 倭 據侯 特縣 據蓋指諸 陳 可 漢 不有其定時 知 夫 故 買 戎 說夫 特 誼 者實 路 辨亦 縣 制 廣 也 $\equiv 1$ 判無 是 鄭 闕 縣樂 小夫 飾

飲鄉 此與仲 取 與 雅譜 射與燕禮 耳非以諸侯之 此 納 所攬 云其用: 燕禮 尼燕! 所 〈則賓及庭方 謂 射 取誠 賓 师言工 興 所謂 於 樂 鄉 樂 樂國君以小雅天子以大雅是 射 奏肆夏賓拜 一歌鹿鳴 門而 兩君 為即大夫之樂也 得謂大夫士 禮 又可以肆夏 所用之 相見入門 奏肆夏卒爵 子之 四灶皇華者皆饗賓 樂非 門 之 酒主 樂+ 指 作升堂 而樂 一人答拜了 且燕禮 制 諸 候之大 也據 也 樂 記 而 鄭 則 而鄉君 闋

古四世人群人司四日 夫倦於聽治息於竽萃之樂是則非諧 知矣抑又徵之儀 有鐘鼓也程繁 其所 一機於後 樂若其於私家則本無樂縣 山有樞 因上 仰揖 世也 工取之 日請侯倦於聽治息於鐘鼓之樂士 刜 禮若士冠士昏士喪士虞士 宜 纖悉詳憊而絕不著 晉昭公而曰 用之 則大夫士惟 琴瑟白虎通日 一樂乎魯詩傳曰天 爲自 子有鐘鼓明諸侯乃得 用之 國 但御琴瑟而已 「君饗之乃上 樂此趙文子之 用樂之文者豈 侯蓋無鐘鼓 相見諸 取諸

釋子太戊子 大名はころ生と一条 論特申其大旨以傅會題辭之義 內也去即易突字 說文子十 忽出也从到子易日突如其來如不孝子突出不容 象小兒形本無疑義惟去字甚屬可疑母生子未有 到生者如以為 專事子民者 所重在突 故但琴瑟而 氣動萬物滋 也文治案元氣起於子子人 說如其言豈到子又皆突出者 惟其突出故謂之不孝如 順則人生豈皆不孝子耶或者 已此皆古經 八以為稱象形去不 師精 八所生 從 則 順 因

言而於此二字注 日本はなれて無り、「無理」 明與陰陽氣亡箕子者萬物方荄滋也蓋其意以坤終 是許君蓋傳孟氏之學者孟喜傳載蜀人趙賓謂箕子 萌是爲箕子故曰陽氣動萬物滋是許固隱用孟易義 所謂去出不容於 於亥乾出於子二 一離卦六四象傳曰突如其來如无所容也无所容即 象以卦氣言之自中字推行至離正當 、諸字多就十二月陰陽之氣生長 內據此知離六四象傳之文乃專釋 又皆用易義據說文紋言稱易孟 易此文亦正可輯作易注離南方之 在北方冬至夜半一 陽初起生物孳

小明子為孳生之 以焚如爲殺其親之罪此亦指其傷毋而言也又說文 陽悟逝即去 · 大学、一个 至之時離火上 上去如而言也自後人不達易義不審許意於是 虎通 造棄字本旨亦爲棄去出之子故易文之棄如亦正 · 欲成子則必至於傷母故謂之不順不孝而鄭君· 部棄下云捐也从火推莘棄也从杰杰逆子也 日木生火所以還燒其母此自欲成子之 一然而 一炎而斯時陰氣至微成物未具 一義而子字義晦又不明古爲未及成 太字義更晦 生是故就五行而言則離爲木爲: 與 伞 盛

儒之 古母を見り世に一言思した。 免有拘墟之譏然如理堂之專守古注力埽名理宋 則莫精於宋儒自朱子集注行後之潛研理學者萃諸 不遠後之學者或因宋儒之說而東古注而不讀固 趙氏原本焉然蒙於此書有不能無幾者夫孟子一 每章末皆標明態氏章指以針舊疏剽竊使人居然見 焦理堂孟子正義考據詳覈高出舊疏遣甚其尤善者 大要在崇仁義辨心性 說雖善而不採毋亦未能虛心與觀正義於每章之 說編爲大全精譚性道辨析毫芒此誠趙氏之 理堂孟子正義丙 別王霸而仁義心性王霸之 戌 所 辨

マダネルなころまと 「そり」とう 原固好 言心言 論 **曹辨別仁義心性王霸必屛米儒而不用其惑者 嗜欲以爲自然之極致羣** 理氣則合程朱與老釋並譏論盡 實个世之 不敢有所出入焦氏 而僻者 武宋儒者 謂治他經之學或可專宁漢注而論語及孟 性言仁義者 其說而間參已 叉隨時抑揚違 世 也夫漢學崇尚家法墨守 馳騁辨駁已不免有喧囂之 輒引戴東原字義疏證爲說夫 意論性善則雜飲食男女以 引雜糅豈有得於孟 離道本班氏藝文志 心 知性則援 習 儒 理

されだなさてきて一言田・公・・・・・・・・・・・・・・・・・・・・・・・・・・・・・・・・・・・	w4		揚波逐靡必欲儕孟 乙
TILLY			揚波逐靡必欲儕孟子於荀卿之流蒙不知其所爲家

茹經堂文集二編卷					大文がはいていています。
受業何葆恩謹校					JAller

万型宮と長二言世でなって 殷 擊之事鄙 關豈容不辨前見教育部有不祀孔子議案數日 學校不祀 各省各邑因此議案均觀空依違不敢復舉孔祀 雜 然空谷幽芳知音日寡不久必至於淹滅痛心之 鞠 子為何如人縱使賢智之士獨抱遺經遞為茂草若任其淪胥數十年後我中國學 孔子議癸丑 人向所 一編卷二 不爲然是非之界萬世人心風 倉唐文治蔚芝著

管 教育 非所 於學校之 人心 教儀式崇 一理以免橫決諸重要事絕不聞提 部之 (理安在 明道 子之理 學此其所以為 於 德謀普及崇實業 腐敗者在僕僕 中致學者之 奉於學校之 此 者 曲 彳 子非宗 特 鵬 謬其咎 呼何其說之 心奔 中名為尊孔實不合 駁議 教 家尊之 考試誘人以 競 初 提 陷溺兼之 倡 此 不 自有其道 科學以 在 義 議獨 祀 孔子也 利 禄 造 科 運 以 條 行 今 繁 科 此 瑣 於 舉 削

计图到过度的 一种 舉孟子深得孔子之傳者也嘗言莫之爲而爲者 一神若中人以下之材則不得不藉鬼神氣數之 天厭之獲罪於天無所禱也之類 國中人以上之 震懾其心然後能去 必曰使之主祭而百神饗之是天與之蓋孔孟深 如精氣為物游魂為變惟皇上帝陰隲下民天 知西人以神道為宗教而吾孔子未嘗 人
さ 言也且非西人之公言)材始可以言理 惡而爲善向使 不自命為宗教家 而不言數言人 四書五經中 私言 神 厭 也 道 知 膀

支系生三全二·彩 老 -

言之 一洲之大宗教家可也蓋西 謂宗教兼指講倫常議禮制度考文言之也故曰 也中國之所謂宗教合中人以上以下言之 所謂宗教專指藥倫常信虛無言之也中國之 言其學之 一無所不包能賅萬巢爲大教育家 人之 所謂宗教 爲 也也

爲大宗教主此亦萬國學人之所公認也今據 我之言以爲中國無宗教至於道教佛教 西

尹

育部之言日教育與宗教各有目的不宜强合為一

古の社会には民二言用に 知教者 程度之 而爲二 來崇奉 也 可見教育之 教以為 也夫 明將 何教 高其信教 者也今以吾國學生之 敬 目的此 明於教育之 有過之 所以爲· 仰之人以爲目的是教育與宗教 人之 非之 與宗 學而育之以成其爲 于抑猶 應 人之 原理者尤 拜 學也育 孔子之 式 學校 行 與維 不及 程 理 度與 水教 曲 何育之 乎夫 旣 川必舉 介之事 西 理 嗚 悖 以 以成 國 尊 呼 西 斷 何其 數 國

學校 **支**系生三生二彩 爲 說之偏也夫原議者之意不過欲 為之先導不知因革之義當革腐敗之政之偏也夫原議者之意不過欲廢拜跪之 年以來之文教禮法今欲 也 而非之宗 盡舉左教 魔 犯傳性 展 去 氏 一質 展 切埽除之 不書言居言易 而 果國心自 將 恐 攻 尤而言天 起 起 治 賢 夥言齊施 若教戒之

古巫宮で長二帝四 聞障礙教育部寧未之 教中人人吾學校畢業不應拜孔子之理由三 **今以學校拜孔子之** 不肯入學旣悖憲法公例尤 育部之 應拜孔子之理由 孔教子弟 則宜 堅持其教 日憲法 入彼學校而廢 | 经11 孔 他 一教彼之 子則於教育普 故 公例信 致 而 鳴 知且彼奉 以去者不知 傳吾以 呼何其說之偏 其膜 於教育普 他 教之 他 拜耶 耶 穌教之 凡幾信 子弟 教 穌 及 大生障礙 也夫向之 諷 因 大自由之 ·教自由· 學校不聞 誦 信 一自廢 及絕 M 經

フンストニーコー・マオー 此 而不求實事空言之爲害於天下 廢文廟廢經典古 明之 事之實行痛乎悲夫个必曰孔 譏 至歐美之 弊豈獨教育一 爲治者最忌空言而不求實事爲學者亦切忌空言 理乎嗚呼國粹之滅亡可爲 /權 我謂中國交涉度量 利而 士曾不一 絕 新道德寂然未 不計彼此平等之 鑒夫前車嗚呼嗚呼尤 端 禮古樂蕩然 爲然故名爲百事俱舉而 至為廣 聞 痛 子非宗 權利方今民 关方个政界皆 何者 流 偭 P 行痛! 教 爲其專讓 規 |心昔 改錯 則必 /國初建 實 廢 則 他 無 所 外

向 古西部の国門三田町へたいって 審夫天下人心之從違今中央政府之命令幾不能行 呼是自危之道也孟子曰失其民者失其心也人心之 於國門之外而復使多數禮法之徒生無形之反抗嗚 背國家安危之所由係也今以教育至要之命脈 雌以 行將自滅其教也嗚呼嗚呼此天下同志之 此後政治將盆無所措其手足夫立 則埽除之惟恐不盡其嚣然不靖者謂從 心維繫之 外人之眈眈也行將瓜分吾國也吾人之 自肆其安分循禮者則羣起違抗而)幾絕不措意是皆持說悠謬不求實 一法行一說必 ī the state of the state of the 此我 大生其訾 一所 味

毋寧偏 女糸生三年三年 性也蓋夫人自有生之初莫不各有其天眞焉及 故之 而應物也乃莫不各喻夫世故焉以天真之 地 剛勇於進德而柔怯於人道也且人與其偏於圓 有方有圓然吾謂人 生 於方 類摩而天真乃不足以敵世故而其五性之 力以爭之者也 丁亥 而予以 Charles of the Control of the Contro 何者方足以持其本性 性 興 其偏於柔也毋寧偏 剛 有柔人之率其性 而圓則足以喪 以處世 剛 動 何

圓通者欲以 者是以後 亦有所宜 於 上してはなって言うし言思しない。 矣矯揉六情者殫智竭思以求容悅於當世於是顭 屈是者爲非而故違之佞兒而不直乖辟而不怒 闇塞夫物固有所是而亦有 也 圓通之 當是之 《焉夫至 汙而不知恥翩翩乎其若轉圓 漢 順然而末世遠順之故則多有與是非相 時是非之心断 劉梁 而違心 徇世俗之所好則必构非者爲是 於羞惡之良泯 日事有違 乖理 一瞬餅 削旣盡 而得道句 而其天德之存者亦幾 龍辨始 所非物固有所宜違 |也幡幡| 有順而失義 而於是羞惡之 於作 平其若 而故 終

喪性之 其愛僧遂有不當喜 及永雪之子二利之七 樂當好當惡矣巧言令色文過師非推其弊極 迷惑失志而真以爲當喜真以爲當怒眞以爲當哀 無不各有其本質 一而其端 而樂 丹綠 本而 惡迂拘不欲與人異趣而 不當 雖足以美觀 學道者之 好而 圓 繑 通開之然則圓通者 好不當惡而惡者其始也 適 善 而飾之則未有不敞摶土 大戒與且夫萬 而土之 不當 木之本性失矣今世 怒 本性 而 怒不當 已而其繼也 失矣截木以 物之位乎 乃爲失 良 於無 猶 而哀 剪 乃遂 成 誠 F 所

觚哉之 鑿格不能入終老牖下而世之習揣摩務苟合者乃遂 謂非圓不行於世而專詆直方爲不足學於是又有忠 至於喪其所守叉有賢智之士學問之徒惑於世故圓 古平夏長三世紀天 通之說遂懈其將順匡救之志而所學卒至於無成悲 孟子荀卿逃仁義明王道其說時君如持方枘以內圓 濟水無不偭規矩而改錯競周容以爲度是故孔子有 心迷謬三代而後遂變爲圓通之天下伎邪之士 學爲圓通者殆猶摶土 士謹愿之徒惑於世故圓通之說苟且從俗而 一歎傷人之破以爲圓盡去其主角而亡本具也 一截木之類也奈何世道壽 如

原情甲申 方之情樂下方之情哀叉白虎通曰情所以六者 由出入也五藏者何也謂肝心肺腎脾也六府者何也 本含六律五行氣而生故內有六府五藏此情性之 情者何人之陰氣有欲者卽喜怒哀樂好惡也左氏傳 北方之情好東方之情怒南方之情惡西方之情喜 生于風怒生于雨哀生于晦樂生于明翼奉言六情 子太叔述子産之言曰民有好惡喜怒哀樂生于六氣 夫蒙是以著惡圓之說而三歎言之以爲世戒焉 アコストニアンコン レスプレー 八氣陰陽風雨晦明也賈逵曰好生于陽樂生于陰喜

黃鐘者孳萌萬物爲六氣之元位于子十 古四当と見て三田の一会にし 爲喜太簇者簇湊也萬物湊陽氣以生位于寅正月 之氣以轉旋乎其際六律配乎四時蒙得而引伸之 水火土之質以運行乎其間而治其情者亦莫非六律 陽之氣以生其發而爲喜怒哀樂好惡者蓋莫非金· 、情爲好姑洗者洗鮮也萬物改柯易葉莫不鮮明也 于午五月于人情為惡夷則者夷傷也言萬物始 于辰三月于人情爲樂蕤賓者言陰氣幼小故蕤萎 小腸胃膀胱三焦膽也明乎此說則知人稟陰 入情爲怒無射者射終也陰氣方盛 DESCRIPTION OF STREET

而復性也詩蒸民箋曰其性 之治性情也禮以節性樂以 然則情 無欲是以孝經鉤命決 る米グライン 系 即陰承陽也是則情固通 正氣以養其血氣嗜欲之 物 日利貞者情性也近条氏 **隨陽而終位于戌九月于人** 情者人之 也者固隨乎四時之節序以分乎五方之 情者魂也魂者芸也情足以除碳而即 欲也 又曰情非制度不節蓋 日陰氣者貪故情有利欲 有物象其情 動 防情實仍取乎六律五 正漢 而遏其放蕩邪僻 、情爲哀 和 即以治其情 而得 有法 削 則 古 聖 風 而 倩 漸 能 董 氣

古空宫之是二言田一一人名、二 辨篇載孔子曰爾雅以觀於古足 世莫知根源故作孝經以總會之據此知孝經者乃 藝論云孔子以六藝題目 會六藝之 班書藝文志以爾雅屬孝經 **占經之言即詩書易禮之 不明于天下** 書藝文志爾雅屬孝經類說戊子 通 氏起廢情之學而李翺復性書復為 性之 書 一說不明于天下而性原乎六律五行之 而爾雅者亦六藝所總會也大戴禮記 雅言也王充論衡是應篇 不同指意殊別恐道離散後 類其立意甚精案鄭君 以辨言矣辨言者辨 滅情之論於 之說盆 總 小

六 藝 之 類 TYX III YIII WA 則爾雅當為之首是 經 而 文列五 附於孝經 抵亦總會六藝之與旨班氏以此書與爾雅及 同異个其書雖已佚 爾 一鈴鍵 雅乃六藝之針鍵 經 經雜議十 也或者 訓網羅 則班氏 非 訓故 乃謂漢志有小學家實 異義於六藝無可專屬 又不然班氏作志之時叔 八 意 莜 篇 然既以雜議 爾雅序亦云 以之 ·以孝經 經雜議者乃石 列於 誠 名篇則以意 爲總會六藝 類 九旒之津 也且孝經 通經· 渠所論 是 重 故

典儉答 爾雅為草木蟲魚之書矣 **南史陸澄** 識字 在漢時 氏 可該是故漢志以之列於孝經而不 傳 有識也漢文帝時爾雅與孝經 甚尊降及後世儒者茫昧乎經訓乃專 與王儉書云世有 眾書無孝經 孝經非鄭 **略藝文並陳之六藝不與蒼頡凡將之** 爾 而論其本旨 雅者則六經之故訓存焉 所注僕以此書明百行之 且爲小學之 則是經學之 孝經題爲鄭玄住案 7類不宜 列於 權 俱 置 博 連 列在 帝

34.

也以後人注書之體言之若朱子注論語巧言章云 傳若三家詩則於故訓之外皆別有傳爾雅之書訓故 釋經之書或稱故訓或稱傳毛詩合而爲 塾師教 敷陳經義之書其義例雖若不同而其指歸則一故古 經師之教法本然也蓋爾雅者辨 體也而孝經陳示要道於章末每繫以詩語此傳體 離而爲二班氏傳習其法故以之 又得 人必以此一 義 湯竊謂 疑孝經為 一書為先所以見經 班 氏以孝經 小學類矣文 釋經訓之書孝經者 爾雅 列於 訓與經義之 拾 爲 曾反覆 則 類也漢儒 類者實 日故訓

真生深於禮迦戊子 ゴ巡车でMP二m日間 也自後世恂愁之儒或崇 義而告當世之 者皆悖乎古經師之教法者也吾是以申明班志之 生之學傳自荀卿經典序錄序左氏傳云荀卿授 張蒼蒼傳格陽賈誼是誼固荀卿之再傳弟子也 本精於禮 知 故訓 或 故訓也又曰 馳騁穿鑿 是 72111 以賈生亦深於禮 於 論樂論諸篇 [好其言善其色云云此 是 尚空譚於是乎敷演 平曲傅故訓 考二戴禮 而大戴禮 而違 傳義 記既 失傳 傳

其言春 女系生三年三年 瑟之 乞言之義也其言道德仁義非禮不成教訓正俗非 制所言王子入學之禮也其言干戚戈羽之舞管籥琴 賈生之書是典臺之禮亦以荀卿賈生之 賈子書保傅傅職容 觀賈生之書其言世子入太學承師問道之禮是即 蒼曲臺之 會是即文王世子小樂正學干籥師學戈之義也 言諸容之義也 秋入學坐國老 即曲禮首篇之 記集其大成而后氏之授二 經胎教譜篇夫 〕 義也容 而親饋之是即春秋 經所言容 、曲禮之 一戴乃多述荀 一緒論爲多今 學實 釋奠養

記 所 曲 古口でとうごではどこ言語 可見矣然吾考賈生書并有不專言禮 證家法 禮 說者若 根 禮篇 禮 旅遊荀 察篇 無非禮意是 弧 刑不 止質 並 蓬 取 矢以 傳陳 出 之階 生 子之 上 大 必 おこ 射 學始 夫 政事疏言人君審察 師其遺 軟則二戴 級篇言黥劓之罪不及大夫小戴 可見 亦隱用其說據此非專指禮言 天地四方之義也凡此諸義旁 蹊 買 徑也抑 乎誦 法故能 生於禮實精 經終於 所述多賈 又考之班 如勸 習禮 生緒 取舍之 而 詳 禮 洽 固 家亦 為學必 論 熟靡 事大 固 約 取 旗

陽之八節其言六理六德 通 德 公書藝文 以得乎先 変與之 而爲之節 欲人之節其情 有 陰 附 相表裏 樂法 活傷 會 王制禮 於 文 不知春 禮 此 成法周公之舊典而實 林傳禮家俱 自非 說 之 本意者蓋未易道 性 秋者 純 觀其陳立諸侯 洞貫 粹微至探禮經之 辺 爲 ·秉周禮· 賈生之言六律 即性之 不及誼 乎陰陽之際 艺 神氣禮 今乃許 性 此 制度 百事 精 也 藴 或 旣 創

草具其儀法夫改正朔與禮樂諸事是固經世之學而 **董子傳春秋而繁露**一 世之學也是故漢之賈子董子皆兼通 此言融貫經旨允稱特識蒙是以因買生之傳春秋 俱當本之周禮者也故汪氏容甫曰僃物典策國所 紐信其精禮學焉 「祭無不本之古禮賈子傳春秋而新書所言若保 語輔佐立後諸義亦無不本之古禮是以其本傳 以為漢與宜改正朔易服色制度定官名與禮樂乃 君舉必青以詔後世春秋者秉周禮而謹其變者 書言三代改制服制簡制郊 禮與春秋者 祭 與

市型受表二届一、长二

定其目錄十二篇見後漢書曹褒傳叉作禮器制度 宗廟儀法及稍定漢諸儀法皆所論著是漢儀俱通 宗廟樂見禮樂志然通之著作猶 中是孔沖遣尙見此書其外若定衣服制見韋賢傳 漢書所未載惟鄭君注禮數數引之其文散見三 **双孫通所著書考戊子** 孫通本習古禮 权 朝儀頗采古禮與秦儀雜就之又徙爲奉常 廣雅表云周公制禮著爾雅 撰置 禮記文不違古今俗所傳三 所制作俱禮家;言本傳載其與諸 不盡於此也魏博 篇 **爱暨帝** 禮

禮記中 經典釋文亦謂釋言以下或言叔孫通所益蓋卽本稚 名也班書藝文志禮記家乃不及通是其疏略又考漠 親亦稱禮記公羊宣十二年傳何劭公注引禮乃釋水 護說是叔孫通實嘗輯禮記爾雅爲通所採當在大 日平宮では二部一人ジュー 爾雅為通所取入其稱親屬記禮樂記或係通書之 風俗通聲音篇引禮樂記乃釋樂文是禮記中當 釋親稱禮親屬記孟子帝館甥於貳室趙岐注 樂志云教化所恃以為法也刑法所以助洽也今 仲尼所增或言子夏所益或言叔孫通所補陸 ·近臧氏拜經 日記謂白虎通三綱六紀篇引爾 The second secon 引釋

火之餘也更秦之時篇 叔孫生之專習古禮王充論衡謝短篇云高祖詔叔 孫通惟習古禮故又撰律令也抑文治更有一 律之家必傅會禮經故威儀三千五刑之屬亦三千 七篇趙禹朝律六篇合六十篇蓋古人禮與律並習法 篇叔孫通益律所不及傍章十八篇張逷越宮律二 傳漢典寢而不著民臣莫有言者而晉書刑法志云漢 叔孫通所撰禮儀與律令同錄藏於理官法家又復 万名不生了年之一到一人之一 承秦制蕭何益事律興廐戸三篇合李悝律六篇為 制作儀品十六篇何在而復定儀禮見在十六篇秦 凡有幾案儀品十六篇與曹襃 證以見

高堂生高堂生魯 有所更定惜其書久佚 抱殘守闕之 自秦燔詩書禮 乃班志旣佚其書而後世言禮家亦 禮當 修明禮 考 朝儀 一志鬱 闡 戊 虚家制度 幽之 廢樂壞而叔孫通承其後 而不彰嗚呼亦可慨 叔 仲任 外 通亦會 使古典賴以不墜 班書藝文志 己不及見無從考其目錄 人是通於儀禮當亦 於士禮家但 LIL DROWN BRUNESH STREET 是朝 厥 万獨能 功殆 通 載

總論其旨大抵漢律多本周秦後漢鄭君曾編漢中作至後漢郭躬陳寵以法待作了。 者死傷人及盜 禦姦遂令蕭 **令變更甚** 用餘 抵 令 何擦摭秦法作律九章今見於漢 繁高帝 龍以法律傳其家今見於通典時後張蒼鼂錯于定圖之 罪 蠲 削 秦法遂 初 於周官 關 刹 中後 法 精詳 以其法 漢 用 竊 陳 書 鄭

中亦多字飞 はないないとう 15日 17 スパーコ 也 所 謂諸 周 沒 掌 云如 **高新罪皆** 一戮掌斬 、縣官者 奴 芝 个律 男子 之 及 刀若 須 作應 家肵 並核 殺賊諜 男女 具引律令格 今 於罪隷女子入 署法 沒官 棄 同 而搏之 名 市也 如 即 而沒之 是 此 式正 削 斷 注 蓋 詔 謂 ~ 者各以 於 文違 謂 削 獄 律 中純 斬 春葉注云 律 唐 者 斷 肵 用 THE THE PROPERTY CHEST SHEET SHEET SHEET 流 鉄銀若 謂諸 獄 答 仐 罪 緣 奴 取

則案 議 約 名 從 劑 例 律議貴律漢之 注 先 鄭 奏請議是 不立 具即 云 請 告 若 律漢 賊 如 市勞過 中十 所謂諸 辟 消 小 曰 削 時 議 司 云若 市 也 寇 土 八議 之 斬 今 日 爲 辟 師 日 笞 券書 注云若 雜即 時更 乃 者 議 以 律漢 犯死 親 \ 財獄訟 墨 之辟注云 別之 罪皆 謂 今時廉 綬 各得 者正 條 奴 吏 先 所 若 也 其 婢 坐 時 反專

是也 月 **有券書者爲治之** ロ四番を基で三届||Y 天: | 若 刑罰之 告狀鞫之是 肵 買 宅盧舍上 謂 賊 个時得遺 叉 凡 不和 軍)注云若· 有責 得闌遺 鄉 而較 邑 及家 省 也 車 物滿
一
一
時 有 及 凡民 是 固 卽 放失六音 船 判書以洽 取 加貴取 殺 者贓重 斷 五 同 貨 之 引 **獄律**所謂諸 日 不送 賄 財者令以國法 無 持詣 則聽 罪注 息 褙 欲 官官 **坐臟** 計 鄉亭 者 注云若 云若 利準 者其時格 鞫 各以 是 ナビ 獄 即雜 盜 The state of the s **1**个時辭 時 行之 者 論 皆須 律 是 無 罪 即 也 所 犯 故 令 依 訟 無

「万分イミイニー系」 11 禁之 贖 肵 手殺 下及篤疾犯 The second of the second second second second is the second of the second secon 一餘皆 用 即 物 兵器盜 他皆 一時殺 勿論 則沒官是 春 者 賊 始 反逆 是 不坐 愚注云若 5 而未盡 臟 也 腻 司 殺 是 也 論 加 律漢 責沒 凡 厲 即 是 此 應 禮 也 也 死者 俱 於司兵注云若 例律 入 司 縣 因 係 刺 上詩盜 鄭義 所謂 周 赦日 禮 是 之 即 僅 蕨 名 及 傷 未盡 例 時傷 律 再 赦 謂 殺 削

the last three mentions to the second			
5			關者特
			山州中
至	;		不則語
5	1		
テー			者如 話!
		1	車
3			一一一一
「江東」というという。			律
世_			7
			師
			主套
중			武
•			
→			
			櫻
		i i	蝈
.]			海(f
	;	;	不著 則
•		1	君
	1		
			11
			大
		i	4
. ! !			
~			莪
			大士
			禁有
			議有 中於
			中於
			An LE
			無唐
		İ	證律
			心作

が經堂文集:二編卷二 一 一 一 一 一 一 一 一 一 一 一 一 一

古田学会にと述べ、言用 噫嘻行: 阨塞之未知執 鄭公孫揮能 **茹經堂文集** 其端 概曹焉愁焉 論說記文類 敗不可收拾綜觀歷史遂古以 鄭蕞爾國也介 恆由於 失職 知四 一編卷三 此 政族姓之罔辨軍實蒐討積 一旦有事倉卒無以 則盆令人思春 國之 久矣敵情之不 於晉楚狼跋之 為論 壬寅 太倉唐文治蔚芝著 秋時 藩敵勢之 來各 窺其舉動浸至 進 鄭 之公孫揮 退維谷之 國外交之 城虚實

プチャニングニッグ **| 靈警而其職又爲行** 位 列 郊是 貴 使 國之 國之 賤 能 周旋 舉 能 為非不甚密 孫 以 應 揮 動 鄭將有諸 無害 對諸侯鮮 能 揮 老 剛 弱 知 固瞭 弱 剛 於其間 交 者 四 也 然在 人周 國之 鄰之 而揮所以 侯 有敗事公 柔 之事 **爰**譜 爲 者 此 道 考左 而 而 天 日 剛 邦 7孫揮實 以審其 產 能 於 聞見 氏 先 然之公 傳 則自 知之者蓋其桌 其大夫之 確 問 觀 機矣 爲 而 四 閱歷富 之樞 或 族 Z 機

者無 靜者 空をした 三冊 也 執 將 之 岡弗宜 其然 其道 理 於 而 於 護 周 而 强者 之 是 而 猶 弱 馭 以 所 復 恐 安1.1 剛 其幾而參 盆 次護弱者 機張省括之不得其宜 國 心 畀其權於行人 無所於爭者是 强 而 其體 滯 弱者盆 外交於是神馬故謂外交之 曲 而 無所於 也 是 之 心心 執 而 不勝其弱 政 窒 動 知 静動者 爭則 由 而 大愚不靈之談 腹心 以 知 而不 為 弱 亦 也 而定之 消息存亡 閉 惟 昧 明智 關 於 坐鎭之 消 道 Ź 贝 也 息 柔

典文 挾黃老之道非 汲 為 船 黯 俶 與寫 兆 論 剛 餂 戊也 論 有得 則 弱 以 剛 武 爲 焉 黯 嘻行人而 知 柔 Á 侮 詆 動静 而使之 柔 而 不 未精者 然 為剛戒 **堯舜脅其君** 而 武帝內多欲 之要 動 汲黯 必 可以 靜 也使 領 用矣 者 罔弗 失 而 剛直之士 八職乎哉 以從已 何 舛 焉 然 躁 即國家消息存亡之所 而 者黃老 外 施 於黃老 而 則 而其於黃老 義 知 毁 之)學靜重· 先王 四 之 國之 語 學 之 謂 懿

古田舎に美二回 叉鳥 而 其坦 與 黯 故得 能 是 一率之 爲 乎且 堪 深 廷 慢 於黃老 氣 24TI 其 質 然 聞 用 剛 熱 善言 則 即 戇 臣 黯 直 術 心怨 黄 之 本 心 者 老 思全 深 歟 性 望 者 爲 然吾 於 忠 至 我 傲 然錮 毁 黃 我 無容心於進退 悃 有 屈 唐虞 又謂 曾 用 氣 至情 於 臣 面 中 精於黃 如積 黯 籠 折 使 惟 而 薪之 不能 深 老 之 而 語 敢 際 使

湯是魏其諸事俱是直 **支**希性三个三条 心中之談 以退 武帝之多欲故以 下遂 有揣摩之士嗜位進取之 也且 為進之 者 而 伺 夫 並 即其不深於黃老 旨合 非槌 天子之 西 漢自張良曹參崇尚黃老其後宗 然 擲 爲 意指 情徑行之為 不足與行唐虞之治 財並以武帝為奇貨 則後人有謂黯用 以為嚮背如公孫弘之 秕糠堯舜之旨 之驗他如論 徒隱竊黃老之 無一 而使之見信 端與以 黄老 也彼 匈 是 可居 正憤 術 奴談 餘 以事

學校培養人才論已酉 百型省と長二層 ※25111 焉爰作論 明也乃司馬遷 頭角 而疑之 家之中願連多故或貧 辨至易明也一 不察遂謂黯生 則無害也異 一点 以辨 之推 舉停憲政舉天下之人才將盡出於 2 稱黯好黃老之 一者之孰 之殘之廢之棄之 平行詣俱得力於黃老文治竊有 日將有所恃也或乃以爲不中 見憚 用黃老與否其辨亦至 一言治官理民尚清靜 如是則其家終 心迹之 y 誠 훽 無

也 地 洩 此 教 其源 化 遇 相 洩 未 疑 嘗 者 明 以 權 Z 於 政 忌 誠 惟 聞 學 治 天 術 言 Ź 之 今 生 視 用 御 摧 權夫 多 學 權 家 得 培 衚 之 狮 術 殘 庭 Z 言 行 査 也 之 之 外交 天 之 新 所 道培養 廢之 下至 間 舊 仰 在 賴 我 不 因 棄之 律 誠 嚴 相 起 權 非 之 保 教 狮 而 道 者 農 能 敬 則 不 宜 立 動 所 生 因 抑 者未 加意 親 我 何 誰 教 正 諸 疑 也 過 賴 幻

丁原子ではいまり、「神田」 培養之 芽君 吾與也 何者 丁甯 1儒望於 天 道宜 不至試思他人之 兒 如 他 勝其痛心矣是豈國 下人之 我赤 何者矣居學之時 人之父兄以赤 加意 12 12 一以监 為龍 而 者 以盗贼 子弟猶吾之 一賊無賴 蛇其效 如保赤子 其父兄之夢魂記 子弟 待其 張 家菁莪作育之至意 處 入學之時其父兄之 我即 也戕 子有言民 相 也令人之 惟以 國 庭矣兹者 杞 (吾同胞) 盗 柳 愛其子 断 一賊無 憶 喪 物

女光华三八重三和一个一二 翦 愼 萌 道宜 啼哭呼號 隨 而 **被則其枝葉扶疏** 者 思 之今我 有不達者矣 不能 國 生計 加 而 意者 滿 渥 之愛護 又馬 其願給其 之 加 可 遏 吾國 灌 如 日 (故慎 植佳 起居之宜 怪 艱 漑 乎 有旁出者 四出 गि 勿傷 水是 得 木 知 不 有拳 用 出 飲 此 與 猶 誠 氣 淸 曲 乳 則 稍 縱 其 自 生 約束 之而 也寒煖之 而不 而 可 此 稍 則學費 翦 傷 之句 隨時 中 祓 一自長 其本矣 使 而 繩 得其 墨者 者 飽 必 大 申 木 也 而 儆 傾 培 乃奮 矣 從 衕 故 教 加

古巫宝で見ら言語 未築 世第 月兹者羣 法也培養之道 有言道德基礎 由 無其 利 色 則 則 漑 道德 屋宇垣 一級之 而 一經之 夫 即繼 人然或忘身徇 論 之 2:12 於 不明· 語首 塘勢必為 宜 禮 不遺親 加意者 也 義 馬 言學 科學 也 之 中東之 除則 而 道德之 而 屋 風 利 後君 即 宇 講 雨 騏 肵 繼 明 於 驥 垣 所以 飄 |名譽請 道 墉 範 以孝弟孟 短氣 搖 德本 也 圍 不明者 गिंग 彼 之 稂 地譬諸 訓 不 丙此 國 淹貫 身 莠 子七 能 昭 以 然 翦 曲 科 作 無 固 則

言我 德 するないしてくること 向 ·萬言 而 微 肵 如腹 俾 不 中 亦 無新理 謂疑之忌 欲 國 天下學者 心吾 能罄 見為 道德文章或 之 迂腐 與押學 名 又聞 而撮 加 也今宜以 之摧 諸我我 知聖賢之 西 其 而 之 哲 可不 至 足 道 絕 言 舉 新 復 無 使 不 廢之 實 存 膼 於天 加 之 然 カン 鹊 外 所 心 在 棄之 與夫 此 於 理 何 視 一發明一 相 行 抑 凡 也 者其主 下 印込於 激 培養之 而不 吾 聞聖 如 至 使然 古 手 在 溺 疾 足 持 門 道 於 於 學 電 陳

也 大書此說以告天下同志之 繫刹之上 口ではthindby in甲属/ 水よ・・・1 見慶 非 日孝長余深喜之詩日永言孝思孝思維則永者 見孝長字說王子 類至於國家無人才之可 此 **似韓文公答呂毉山人書** 文頗求為天地立心文 學生之責與雖然激之 能長言孝思而不忘則 **承七歲慕有明方孝孺爲** 九日碩果不食天 /氣其來無端其去無涯 君 庸 然者 絕我中國之學人 又豈學生之責與宣 人自字孝孺繼 人所能知 其誰激之使 法則孝長 也自記 八竊願 然充 叉 極

家之 德 更有望 爾類言 斷句 於 字與詩義隱合因其字宜 ラ系作ライニ系の名 田 宅講 行莫 閨門之 孝不孝之間 人 長 取誼日威儀 一者詩 財賄 其家之蕩爲滅馬亦 大於孝一 勿替亦 內無訴醉之聲 子旣孝而嗣 閨 曰威儀 門 入其門父子兄 之 身之善惡存亡 申 孔時示錫爾 內多晏安 孔 知 也 時 子 其人 一考其 文孝 君 子 (門父子) 孝 有孝子孝子不 之態其人之 弟 源 行 源繼續 敦 也 四 子懸諸家祠 雍雍然論詩書明 家之盛衰與廢 厚文 見其勉之哉 兄弟悻悻 明 而不 一桀驁 可知 置 Z 竭 楹 然 余 浮 汞 也 抑

雖 根本豈有不萎者惟 四十二四日子二十四日 患偷樂 通 枝葉之於根本 PJ 長 於 此 有孝子此 빾 皆 愉 家 亦 端 指愛 色有 明而其本在於家庭教育其教育尤在情 記 盯 體之 長 情 偷色者必 子之於父母本爲 日孝子之 经三 也手足 則吾 所發而言故夫孝之 向 其 相 諸 倸 有深 體故 有婉容 福禄 人之於孝猶手足之 腹心豈有不痛者 當 愛情之發委曲纏綿 愛者必有 利益之 知之 體之所分故疾 視 益知孝之 思 於 和 The state of the s 氣 無 而惟冀吾 校葉 無 有 於 和 腹

するがいうました 4

於者 性 耆 實 水 母 手 也 生 爲 鳥 而 原 極 理 加 心 舞之 於 之 者 懼 也 則 常之德 良 亦 有 於 生 也 亦 知權 生 人 生 林 手 矣 生 機 當 之 也 舞 生 輿 得 初 以 世 足 也 則 所 生 生 於 之 生 蹈 惡 物 生 理 此 則 何 可 生 心 謂性 始 爲 不 也 而 萌 乎 親 生. 至 得 惡 於 所 概 則 要 從 可 子 老 天 於 死 四 兄 行 矣 之 而 此 則 不容 於 事 矣 於 故地 而 孝 天 知 性 巴 猶 足 實 而 魚 孝 天 呱 故

日による人類に同時に対すること 充孝之量必當以恕行之我欲孝人亦欲孝若何而 於家庭澹然漠然而轉能汎愛及於社會國家者然 (人之皆能孝我欲悌人亦欲悌若何而使人人之 悌於是而親親仁民仁民愛物必使萬物各得其所 博施濟眾老安少懷孟子之所謂老吾老以及人之 幼吾幼以及人之幼苟能充之足以保四海張子女 **寡孤獨皆有所養飛潛動植咸若其性如孔子之** 能推恩以及於天下是以有愛情於家庭者乃有 君子務本本立而道生 唯裕此愛之理與情 使 所 則

草食上視寒煖食下問所膳 綸萬象而詩人賛述之旨不過曰遹追來孝又曰繩其 **旭武夷考文王武王之孝行備著於禮記文王世子首** 極者也虞舜大孝終身慕父母終其身於孝之中其長 之願連而無告者以仁孝之本心行教養之實事視吾 所謂民吾同胞物吾與凡天下之疲癃殘疾皆吾兄弟 力之所能及而為之不倦故夫孝之事業其長更無 天然は一つ自己一名 周家以忠厚開基讀大明縣皇矣諸詩元氣純懿 載此係鄭孔子贊之日大德必得其壽其長又何 如也而尚書所記載日舜生三十徵庸三十在位五 飯亦一飯再飯亦再飯 所

西巡覧**文**長三扁一〇〇六二 東林學校陶齋記王戌 勉之更望後世子孫得吾說而共勉之也 立民之德治周公而始章相距十有餘世其事業何 也其孝之長又何如也吾望諸見與四見得吾說而共 載其長又何如也孔子日孝莫大於嚴父嚴父莫大 其情性何如也故其本支下洎百世國祚綿延至八百 上帝而郊祀上溯及於后稷迄今誦思文之詩知后稷 爲季長仍存此文作爲家訓云自記 此文成後 天則周公其人也昔者周公宗配文王於明堂以 家大人因孝字已定為後代名特命改

ILI AN MAINIMA TILA SECOND

天賢人放逐所謂上下不交而天下無邦也所謂· 無形默持於無體 **汞可喜居剝亦未必可悲** 陰陽交午之際泰終而 然以思數百年治亂之迹以默契乎聖人之易知 於子子維東林 不能無否也剝之不能無復也循環起伏往往消息 迫 林書院旣改學校後一 朔邑 人陶雲組 一主持之力爲築陶齋以紀遠思旣成來 M 地 先生 已嗚呼明之叔世何世也璫篏 因 惟 否 世運之污隆 **剙議改革之功與夫校董** 視一二 已成剝來而 戌孟冬校長辛君 賢者之心默應 而變者也竊 復巳 伏居泰

|| 麓顧高||| 公已相繼講學於此地以維此心此理於冥 古町出土を見る。 人之不可不張弊人之不可不革也舉夫數百年之 於苞桑者乎非所謂碩果不食者乎懿與東林何其善 默之中軟物方人於萬里之外此非所謂其亡其亡繫 習而張之為學校矣懿與東林何其善因天下之變 **清之世何世也殆猶六明之世也一二能且知者知弛** 人而外君子天地閉塞之時也然而具區之 持之應之以待天下之復也嗚呼今又何世也所謂。 沿相習而張之革之陶先生亦起而更東林之相沿 因天下之變以默持默應而開世變之塞也嗚呼我 瀬錫山之

想 因 THE MAN THE TANK 下不交而天下無邦也吾不知其然否 改革 持其變剝 子也我又不知其然否也明世 國何如 慨 如 然於其地其時亦有繼顧高 也我不知其同焉否也同否 以靜待世變之復者乎變 ·年此院未改之先印證於 變者 也其人何 有繫苞桑之意振顧高之風以報 有所不憂惟憂無人以 乎我不知此校此 如也其地 有所不懼惟 (今二)十年已 之事不可迫我 如 地將何以承陶先 **向起默持默應** 数 心其人 殿其復今陶 也內小人 可知我不 八心風俗 改之 齋 無 又懸 而

改革之心乎我將拭目蒿望於無窮也 夢遊詩經館記 古田当とまる言語「父子」 意中以為是五經館也甫入內覺樓臺殿閣崢峙無數 吳君叔釐復邀余夜飮至則沈君叔逵等皆在馬暢敘 戊午冬至日門人劉玉陔等邀余午飯日 門左有門者數八曰唐先生來矣恍惚有八導余行後 逕醉歸遂臥夢至一處若滬上 有踵至者日請先入詩經館政治門余問詩經分門 北向屋五大楹輝煌金碧東牆懸隸書數幅則 干導行者則日政治門在樂歌門之旁遂至 戊午 一味蒓圍然四圍短牆 一微醺矣同 處醫

欲有以難之漫然日我有 有金繡衞風二字余漫謂之日汝善對乎女子日然余 聯 治學也余贊歎日此眞天然佳聯導行者日先生喜對 · 皇華詩也余遂入東廳室見東牆懸 コスタバルニスをします! 熊 我符余詫 **吾醉矣旣醉以酒** 可召掌衞風者來俄一女 躬弗親庶民弗信女子向余 虺 維蛇女子應 不競 日此夢境邪我當以夢事屬題即日 不絲不剛不柔導行者指示之 既飽以德女子應 日 一極難之對汝必不能矣即 如金如錫如圭如璧 子入全身皆白絹衣 笑日是不難不 日毋选我梁 聯 云有馮有 余恍 維態 胸前 此

日が出会で見る局で、多二 心之貴乎誠也女子領首日然當是時余聞 從 未究心忽貿然日女子不能歸甯其情眞朋友不能過 聲恍 其詞僞 |是遠而之意胡孔子一冊之一存之乎余於此詩 質先生豈不爾思遠莫致之即論語所引豈不爾 求 人間能 與斯人也豈即康成詩婢與越十餘 何用不臧余 惚 一眞而一僞聖人所以一刪之一存之見立 風 得幾回聞 如聞在公載燕四字音節特清越余歎! 也歸以禀 大佩服方贊 即蘧然而醒 一歎間女子曰我有 消斯地 **亟追憶之** 111 也 2始悟女 四面皆 歌 思

大学はフィーラオー

旋於胸中不能去因屬筆記之

記義大己未

兒慶 永 述 寶 衢 先生 言邑有某

犂以自隨 人給 丐 錢 犬 歡喜跳躍 輒以兩足捧而授 丐錢某日丐忽

乎速 伏啼於市公所之門外兩日人異之謂之曰若 起 行犬聞遠起眾隨之行數里至某鄉榛 莽 間

寂 悟其為丐也 人有聲 號號然大遠 一發出尸傷痕遍 爬土 一眾助之 體大更暗 掘二 許

=

是犬遂不食察其狀悲價甚數日竟餓斃已未三月事 余於 古里古文章三島の名言 黑貓王戌 遂斂丐密訪邑丐中之桀傲者句稽得實寘諸 一論日人而大也則犬 也嗚呼噫嘻 犬也吾傳人無從而傳犬也吾風勵人 黑虎一 皆黑鬚爪齊其色怒睛睒睒有威稜家人咸愛之 上海徐家匯獲 而逐之內子訴諸 入橱中竊 而人也大而似人也則冀 貓狀豐偉以修鳴败然清越 食顧不自掩藏露其尾於 家嚴曰 13 省而風 外

矣黑虎 延頸叶呼 コスシストニフト生ノニュスー 汝輩愼 劣也 悔其有 求人者安得受 **豈非污吾手乎若** 家嚴被 耶內 垂頭 家嚴素愛貓 人心者 賓傳兩兩相形語娓娓可愛余媳慶棠之 食 子等不敢復言先是 喪氣去 酒 家嚴輒爬搔其頭以爲樂是夜復來作 物 喟然 可矣乃不 乎抑威之 家嚴之 自是 護 無恥吾不能 日 若 乃不竊食嗟乎天下之無行 自咎藏之不密 非竊食貓乎吾今掻竊食 則日天下之 者有素乎昔 訓誡 乎然而是貓 無恥吾不復搔若 家嚴夜飲 C 司馬温 而轉怪 黑虎常 也能 · 竊食 公作 貓

古巫学と言言記念 而作檮杌乎 滴每下愈況物猶如此矣古之史家所以不作春秋 希禮記言今~ 語語有注射得此法方能悟史記封禪書之妙 存此文者冀有以威於人也自記 一篇疑於一 贈 2011 不趣黑虎遠甚然後知世變之惡天質 八而無禮雖能言不亦禽獸之心乎集 不莊然孟子言人之異於禽獸者幾 猫亦徐家匯産也跳跟隳突 ī

茆經堂文集 編卷 			
編卷三			
受業簡樣思謹校			1, [1,]

上ったはないとかがいる問題	之是徇藉以自肥其身家	言欺人以覬遂其無窮之	而駔商市儈者流乃得乘	夫好利夸誕無所顧忌禮		書	上沈子培先生書丙申	書類		茆經堂文集二編卷四
	之是徇藉以自肥其身家私飽其囊橐舉世滔滔而天	欲一旦得志乃惟聲色貨利	而駔商市儈者流乃得乘其敝而起相與矜情飾貌大	義廉恥氣節之說掃地無餘	个世道:壽張人心陷溺士大	蒙函丈轉商壽州 孫先生允			太倉唐文治蔚芝著	

瓌 之風 國家大事盆至 氣盆 至 於 於 離 敗糜爛三 奇 天下之人 可收拾故文 八才盆 至 於 治 嘗 散

調背 苟非得聖賢之士有以 日之患患在學術 今日之患患在人心人心之 其本 原竊恐天 下大勢如 榈

河之日下庠序之 **熏蒸而失其本** 性 7林皆 而 論者 將爲庸惡猥瑣被淫邪遁之 且 謂變法乃可以洗心不 知 徒

明於尊君親 日之法萬不足以變今日之人心且正心以變法 之義實 事以求是則法自 可隨 而

欲 變 法以正心以 法徒使 日趨 我 中國之優 桀點譬請食馬肝以 柔斷不能盡 如 歐

与西室で見言型 章章可覩蓋理學經濟相 朝盛衰之幾也 也且大理學之廢與我 辟卦消息之 理學與則人心純固 與時曾文正羅忠節倭文端唐確慎諸公明效大驗 機械恣睢而國家因以 初有湯文正李文貞陸清獻張清恪諸公 何嘗不言變法而法卒 機於陰之 公回 微弱此不易之理也周易 剝陽而留未盡之元氣則 之愈亟死亡 愈變而愈壞者此其故蓋 國家於以隆盛理學廢則 須而成理學為體經濟爲 一愈速故计

庶幾 大名からこったこう 至許 亭林先· 理學爲主言乎其 萌 果 於幾希拯 轉 不食 而其事事 了誠能以 思曾 辦文 生 否 及 河渠貢 今之 相 而爲 人心 頡 正 泰 桴 言 頏 理 名 言 平桴亭 體 賦戰 學 亭先 兵 讀亭 思林 天 實 則躬 文多 將 幾 因 辨先 陣 死 先生之學自 刑 行 碩 调 錄生 言 學 實 變 亦 法 果 稱文 實 矣 為集 踐 其 無 深先 用 履 有生 有 不 及其未盡 具 中蹈 源 內與 則 綸 聖桴 天文 導 兼 流 於暗 則 畢貫 外亭 綜 和 西合 足 諸 地 向 王先 博 學 而 公公 以存 理 之生 覽 維 而 所 然 蓋 學札 禮 學 則 術 樂 推索

迂愚之見轉達壽州先生即所賜下刊資俾得早付殺 私誤國之弊耶 賢之道忠君愛國之 青日後即以此書庋藏官書局中興起來者古人有言 輯 初創之始即以桴亭先生之學訓迪後進爲正本清原 正其本萬事理又曰 一一のことと言う言用したり 計以持由剝反復之幾是豈特方今世道之幸抑 垂十年兹者書敘業已刊成敬是鈞覽井乞以此 心之幸也用致瀆陳伏而亮詧 書甲寅 家大八篤好桴亭先生之學辛苦蒐 履端於始今壽州先生當官書局 心以治西學又安有好利夸誕營 1

功世道 説別 易師家法燦然具明 サンスルコンインニュー 易箋易釋似應 氏易嘗病其徵引龐 鄭 四交 於鄭義 敬 人心實非淺 宣似於 所教正 、著易箋釋 或又引他 分作 外 體例較為完善質窺之見未識有 說作為集說其體例之不純較 不著 家之 鮮曷勝拜倒之至惟竊有獻疑者 所撰周易大義係以程傳作 雜 現大著易箋係箋鄭君注似應 奉讀 兩書漢儒釋經首重家法昔讀惠 如 一字其易釋 一說質屬未合至張氏出而 一卦初交引虞義二 過探噴索隱鉤深致遠 書 則應排比 一爻引荀 主 事 後 眾 而

與曹君 刹 無善法也 丁茲会と長に一 日前接奉惠書並 广徽言大 一生之意 端 復 午節 道 艱 卦持 **蓋弟書改正甚易兄書則改正尤難審思再** 義 彦書丙寅 洞究聖人微情吉凶與民同患 假函命同學讀之 合說 義精 幾無餘蘊自來說易者得未曾有其中 深有望於箕子晉之 经回 晉 極 周易鄭注笺釋 明夷二卦與鄙見相 而以迷復 上下千 爲指 順而 序敬悉 **斜而言尤與聖** 麗 綱 回 紀 貫串羣經 乎大明爲 而以明 切書來適 倫推 說

女糸与ライニュー 王事紂 破 辭 見 順皆先 懿文德即書所謂徽 勤於事君 公繼志述事之 家解自 竊 亦欲冀君 夕 疑坤彖辭之 人之 亡矣故彖傳曰 、儒所未發深合 我西 不遑 之 人心 維 義 持世 郊大畜彖辭不家食吉 暇食之意故小畜之 君 上九之 悟 गि 子有攸往 小畜 運而言 柔懿恭也至 言不識尊意以 終 |則有始| 大音 事王 曲當人心 剝復 1 先迷 一侯明指 、卦傳天 蠱 桂 爲 後 象 初 利 則 陰 謂

因李生頌侯等催速付梓不及改正恐紕繆處甚多 淚使不孝讀之寸衷腸斷矣此書告成與世道 古堅治之表言扁一 祈 關係必當刊刻不宜終悶 附 奉手教獎借 郑士 復書 正尚 篇寥寥天壤 数條皆 **虞禮大義亦已細讀** 神農以艮為首黃帝以坤為首未知何本 可修改歸於無咎 過隆塊 吴 精確坤君子有攸往先迷後得 亦惟兄能爲此言耳實 四: 何克堪然知我之 拙集蒙允撰序感甚此 過沈痛已極字字 深 感且佩尊論 引而進 人心 m.

安糸イニンイス・デー 劉 義 剢 自 亂 子政 殺 合 亂 天行見聖 息皆 九 說 西 悟 郊 育者此也 有治亂之 與惠氏以君 合蠱幹父之事即周公繼志述事與九 不事王侯指夷 生 通烏能及此 謂文王冀紂能用其道 分 一生大德三 遏 P 、維持人心世道之意尤為 殺 異聖 凡 機 子謂坤 此 而 而 入自强不息使天下治 諸義非兄見道之 遂 在 齊而言姚仲虞已發其 承詢神農易首艮黃帝 生 人事則有終始之異 元由 理以協乎天行之 以施 剝 反復義合 澤於 至論 民

丁平台と音台画が公司 厲烈 首坤 疏 圖 夏 伏義得河 謂連山首艮歸藏首 而 害 易其說必 得名禮記 此 聲之 神農 事漢 因之 即歸藏是其明證吳姚元直 解歸 轉則其說所自來舊 圖 日連 有所本以此 周 雖無明說然 連 傳稱神農 山歸藏氏得河圖殷人 山氏黄帝 因之 坤禮運孔子稱我得坤乾 日 高厲 而言連山本神農首 周易元直去古未遠於 孔氏易正義八論 矣賈 日歸藏氏蓋 川 氏為烈 一云連山 繫之辭故儒 PARTY STATE STATE OF THE PARTY S 周禮 因 氏得河 山 據 歸 因 世

女系八三不三元 分 歸藏皆 首乾次坤崇天卑地君君臣臣父父子子夫夫婦 之能 說 以 連 句无首吉為句最當无首者言天德為萬物之始莫 故於乾用九云 稱 稱 天地之常經 夏日連 先傳曰天德 夏易連山殷 山屬 王 伏義但以廣異聞非即 時措之宜非萬世之通訓惟伏義原 ·春說審矣區區之見未識當否伏 古今之通義也鄭注周禮引杜子 見羣龍无首吉朱仲子以見羣龍 易歸 日歸藏而伏義無文字但 不 可為首明坤艮不可先乾連 藏周易始復伏義之次首 據爲典一 乾 媥

僻 古で記念とと意じ言用 世女 壤 曲 者 君慧言書已未 未及 幸 女二 恥 節 而 〈德不修 尙 近 婦烈女飲泣 掃 聞 搜 條 地 曷 大害大集 氽 報載悉通志局 勝傾 無餘尤 一發項而 尚須 視節烈為 经国 佩 終身其名 體 展 爲 聞 從前 限 細 可痛 讀 徵 無 加意 錫某 吾婁 畢 足 求 徵 貨局 層滅者 訪 即 此事 重 珍衞 節 勉 輕若 某 抱 竭 此 先 烈 兄 愚 弟 生 宗旨實與 最 因 肝 為贊成 修志 加意主 娅 可慘 事因恐窮 修 選序呈 陽 州 /但 時 志 時 持 刪

弟 兄 文学, 小川八九八四十 含笑於 向來無 之當然 闡 郁 烈婦 足下敬啟者 本 微 氏 殉難 也現在 地 顯 所請託惟 身遽殞 已亥 先 叔母徐 風具熱 也 記 Ŕ 聞 一吾弟於 可 《心當不同 對於此 吾鄉 併寄奉敬 孺 爲殷鑒此 人墓志並孝烈姨母胡 設立學堂 太 裨益寒畯之盛心惟 惜區區 事則不過 屬 祈采 非 天道之 物 數 人 九 事譜 通 門正 俾烈 頓首 志 兒 存垂不 一在搜輯 具禀州 記載實 魄貞 孺 弟 請 朽 傳

通 1 17日本大学の 在今日 制藝 院 之 而後 一恐終無以饜志士之 進 何者蓋自 教養 道 我 計 及訓詁詞章而其本意 明德 則 則書院 諸兄詳陳之蓋 一窮天 斯民之責又 《有不容》 必推 漢唐以 并引 可以 極 來教 倂 理 不設之 於 與學堂宜分 屬 心 入學堂 新民 而後 於校官 聖 而 養 一勢而 術稍失 能 致 (斯民 賢 收達材之 知必 乏學 而 並有不忍 而不宜 之責屬於 Щ 學堂不 體 矣自非有以變 長 用兼該 端端 · 效至 乃自 可以 一於學 書院 郡縣 如 設 倂 欲 印

星 1

文字 精 言館 殊 之 心 惠敏博 灼然 於 此 揅 秘 近 於滬 西 亟 理夫先生 顧其思辨錄中論 《明矣又試 終歲 學 **亟者誠迫於事會** 學 上交交忠賢相 如此設使生於今日其必習諸 者豈 强 推 生 驗 當 記 崛 以近 其精 一利瑪竇 精 起 知 習 於 戎 事 西 歳差之法 狄之 艾儒略 文 徵之曾交正名儒也 也 可 卒 及 而設 寂 能 又謂 收回伊 [謂歐羅] 同文館 如 新 濱 至中國之時 西 學 舒 於京 國之 巴 師 語 而 君 驗

此 是不學無術 書 文 文其日 靡 字 一力求 義 (固陋仁 盡撤 理 所 敵 鄉 變法 論 屆兹者高領军袖衰衣詭服之 風 西 之 之 夫迄 專志維 徒 西學堂之不容 下之學堂藉以塗飾 迄 耶 台山 、君子 乘閒. 未 分儻 明瓌瑋之子弟乃無不 未 知所底· 能 新 抵 顧何忍復 異 隙臆 孤 冶者 意 止 決 用 不設 、唱聲方 非其 抑亦 張其燄 於 瀾 者 生民 復起 此時亟設學堂有 PROPERTY OF THE PROPERTY OF TH 全局 也去 徒 又 被其鴆毒 可恥之事 之 中學之 業已 、況連 盡 耳 裁 勢旣 此 會 也 戀 下

苦之不聞持違心之謬 能 之 庸 廷不得賢 偶有談洋 俗粗會 梯榮 學堂 都持 而 夘 壬大 所 間詩書禮 務 也 心 夫折 至 者 屑 I 是 洋務之所致也夫為 然 不潔之高 相 《國勢之》 則今 衝樽俎 與擯 設 噬 義 者 無聞焉惟貨 · 文 其 「斤不遺 日 國勢之 剩 之オ 論守其 知世 ·而用之 餘 也 將 變 浸 力 自道 所 何 弱 臣當 利是 及一旦有 乃降 一成 正 知 察 視 忠 由 拒 以 爲 前 中 由 所

古たりからいから新田 **義經陰陽消** 廷言之 後 係 闚 可談洋務 也是 所以為 長江 西學 矣 息 為 法 经日 極 堂 聖 忠 亦惟忠臣孝子斷 可 人 教孝之 愛 輯 之 邊十年之 圖 謂 兩 譯 之 所戒懼 粤德 俄 襲 地而 後波蘭 據 波蘭 膠東西 一个日者 即宇宙 方수之 **覊縻其眾每年** 禍 也 種 間 報 俄 談洋務 遂 則 紛 絕 紛妄 窺 艧 學堂 取 矣 於

開而 能 徵 會未悉德 諸德事 而更甚 豔羨儻復深 密 里言之 悉 其聲 於高 相 一者數 如此 也訴 西學堂之不 兵姓 爲能經 與各 閉 吾 者 竊 固拒 東 鄉地襟吳會民 無從究問其事遂寢考諸俄事 為德 D 無轉檄 顧我桑梓 恐 國 同隔閡不可 欲以 異日淪胥之 忍不設者 兵羣毆致 **渾樸椎野之民與猛** 德帥德帥謂旣 大經立天下之大本 奚 通 物富饒 · 文 其 忍罹 故也 斃東人目擊之 禍 此茶 將有不亞 /如近今 也 向為各 公寿是下 無洋文 中庸 於 悍 如 國 照

爲其 日回からり見ら回し、次に 何若使中學囊括乎西 一以開物: 輩之意 也 同心 之勢與其使西學角亂吾中學而士 全勿爲其偏宜包涵乎萬彚而不宜 可見吾黨之 成務為極功而不宜以敬聰塞明爲得計 與維持厥事庶幾人才蔚 擬延請師 覺後 河邊 從 事理學者宜爲其通勿爲其塞 患 學斯吾道尚不至有絕滅之 門出 覺覺後覺又日 為教 習而尤望諸兄之 起道 廊 林被塗炭之災 始條 廟 縣 得人之 術 拘墟平 理者 昌 明內 助

細讀 **支**希当三考三剂 地 與李生碩侯書 哉是用 舞而贊成高吾鄕幸 補 之 性 來書語氣阜 婁之 天地之所不足 治盡 不揣 西學堂 為貴所以 之性 懷 冒昧 乙米 4 然 輒 若即 貴者 故聖· 天地 敢盡 盆 甚大局幸甚不 盆 於 鞭 何惟其裁成輔 其芻蕘之詞 人心世道 (言志 辟 裏深 巡 宜 口 細 爲可喜要 惟望諸兄之 老 學所 相 故 者安 **参**贊 性 心也豈 則 同與修能胞修齊盡 能 經 知 朋 綸 鼓 盛

古だからいまり言用 聖 角逐 國 馬温公范文正 先知 此義 所 此 初 也 如 學顏子當從一 先覺 自 顧 溪 為能 亭林陸桴亭陸 邇 先 來世 變 一公庶 必謂 夫不 名回 其 适 死 壽 幾能 獲若 **观**舉 言 学 量 不知 志 怪 張 伊 學 誕 何 清 見及 撻於 市所以 有以貫三 心迷謬天 獻湯文正 所 顏 動 所志 事事物必 此 察識 策 入有 一才而立 譜 爲 精 美後 先腐 先生 使萬 大夫 敝 ·古卓絕· 極 所學 均 而 此 物 後 奔 能 伊 虚 推 走

1

患 在 故鄙 鼓 變之本原 及光生了怎一系 動當 變法禍亂之幾萌芽已伏殊不知變 根 人心 西 世 不知使 人究 同背日之患在學術 測算製造萬 而 氣断削旣盡 兼愛明鬼 之聰明 實根於學術兹者和局初定都中達官 兌 秀題 重義輕利明尊君 至僅 不足以及歐洲而去 林之正氣安得不 者 得西學之 入其牢籠 而未及乎人心今日 强輕重 皮毛 法 親 而 而不求所 掃地 之 而 陳 何 說 無

安自 日本日本コンコン・ヨー 好排擊 一个思 涕 守吾言以理 自 風 世 則 雨時之 之 曾 之事異日婚 恨 鄙 一被髮祭 名位 と 無 朱井敢昌 補 故 之 江方 學為體以 於斯道之 微薄又秉 劃 所 野其禮 鳴 厚窒也 稍斯 經 萬 性 孔孟 聖學於 者 迂 濟 維 海 持 論 俯 持 爲 吾 禹 用 弟 聆 人心 私 抑洪 仰 有志 世 心惶 144 讀 線 變 水 木 駭 之 無盆 訥 而 爲 輒 周 剣陽 雖 公 恆 禁 也 兼 痛 用 之 至

· 方系生之至至 概 木失其本 厭 辨 此 無怠 恥龙 興吾弟志 析義 在而 纖毫私欲之累則異時 萬 無危訓故詞章 為第一 神靈之 利 有爲者亦若是 小山諸 以昌明孟 希聖賢是 名 · 鍼灸之·)
冑
勝
變 章時 要務能 12 時於 子 取 卽 之 今 於 過弋 夷狄之 孟 立德 静中 天 學 孟 地 子云 囑 子論養氣數段及 為主至於崇尚 勢人 立功自己 獵 之 體 心所 豪傑 兆也 験使吾心光明 透 寄惟 i有壁立: 一教之之 鰋 利 雖 氣 無 萬 節

 歩 為 其道 コなことこと言う言う 孔子之 文周禮 民宜之 、稟靈變之資爲輿臺 立政又為 純如 奈 古知弟文大進矣距躍 柱 體時邁叉為 何變而已矣易日 來奉 尊書 爲政如此爲文爲教奚獨不然謹考之 爲 到書 體無逸又為 機儀禮又 ジエ 種讀 體 、則賤之文亦不可爲輿臺 「通其變使民不倦神而化 為 何周公之文之善變也 者十天生人予以清明 尚書文法序不煩 一體七月為 體象上下傳爲 體牧誓為 可可 THE PARTY AND PERSONS ASSESSED. 體鴟鴞 體 現 琢 周 氣

南彩写 为是一般 辭上下傳為 曾子作孝經爲 門之文之善變也唐韓子作 其下句 姚姒渾渾無進云云共み九 年綴學之士迷罔雰圛 無有能 外其文質分八體古來著作之 而不能乃爲剽賊文也 矧有生字生餅 物而變者讀前篇則知其後篇省 體 矣 其他文言 體而門弟 2 盡爲文章之 進 一辭也格也 子作論語 家自 學解述其所師 卦序卦雜卦又分 典日不雅唐朱以 子雲 奥臺 又爲 調也罔不 何其善變 相 如同 體 法 如 旬 也 何 四

ー いいたい humalinの 銘 中通 造言各 玉篇等書 而寖多也凡為文詞宜多識 五字前事之 内儀 奉言執 然來矣 論其 太極 弊而 相 神 月讀 都宜 吾弟 ì 師 之機不專一能怪怪奇奇李 師 4 一也 奚獨 嗚 殷盤 熟讀融貫盆求造句信 指導徑塗則 人中之豪傑亦文中之 人曜先 一兩儀二 呼文字之精微可鑒矣易 三篇 說交凡爾雅急就方言 一也文者物象之本字 墓誌銘祭張 似有所得知 字晁以道通 惟陳言之務 屈 之 經 法

が約4号2月三彩 造言提筆橫空放恣之法弟試 老 1 循軌武之有同 I

也 難 爲 騎 浅 者 道

郁 兒 書 戊 午

前 得博 能 接 來 否 書 成 《書尙未》 論 席亦甚善惟 編 道 可必或者 教育章法甚善 余 有進者 委 グ 於 禮 汝 記 耳 汝 制篇 欲賡 來 心 續 有言

我國二十 其間者異俗 何容 二行 易近 省 修其 時畢 幅 員 業 遼 教不易其 廓 風俗 是 俗 而

齊

政

而

適

其宜

談

而

遺

內

尊

西

而忘中

政

其宜

川異

制民生

HELYSLAND AND AND IN 朝 旁逮 知 年 未 可 唐 畢 用 肵 吏 操 業 然 可 沿革 治 輯 述 佑 憫 刀 號 於 何書起 き、耳 根 經 如 通 孰 本 而 於 典宋 本 世 方輿紀 甚 使 眾 國 之 文 馬余嘗欲 割 之 計 編 迄温 馬 我 百 歷 以後 鹽 端 史掌 並 姓 要 外 漕賦 近代最 臨文 天下 公通 國 乃考 法 故 編 獻 稅 中 郡 鑑 也 風尚 求各 1論者遂 國 歷代 庸 通 國 國 考下 1 用 利 政 之 誀 云牘 之 病書之 治 名臣奏議 知 其不宜 經 以留 至 學 刑 爲 書期 門 於

遷 審施 之 肵 至繁賾矣以宏才虛受之人 信 有差 誕 至 流 泥 行之 噴 好 俗 可笑 惡 而 不 先後 涯 亦 厚薄農 办 轉 謂 可 着 亂 涘 國 夫 遺 乃 政 四 隅 而 卷 也 中 之見遂 誤 治 天下 工 知 四 物 家 國 國之政治學乃 爾 産 醜者 民 大矣學術至浩 而 所宜 欲 足 不 尚慮其知能之告 也 知 以 以泛應 治 願 何 汝深 所底 中 可得 而 國 研究其本末 非特 博 不遺 思 止 易傳言 矣禮 而言 而 浮誇 耶 也 竭 此

古四年記之表二三田一〇八八八八 之大成者惟鄭君故怡經學者首宜服膺高密然有說 禮經校釋序代程序東太夫子作 焉鄭君以禮與爻辰說易是爲**一** 虞諸家可與鄭易並行不廢也詩箋引申傳義或有不 同乃下己意是所宗主仍毛公家法也獨三禮之學 二代而後集羣聖之大成者惟孔子秦漢而後集羣 序跋類 一編卷五 王辰 師法其外若荀

通

專門絕學干古莫並學者 也唐賈公彦採黃慶李孟悊之說纂爲疏義鄭氏微言 賴以表見惜文筆宂漫詞意結轖識者每病之宋朱晦 制作於元公脩定於孔子鄭君依經立注廣大精微博 安莫此為

甚故某

嘗謂晉之王肅元之

敖繼公斯二 周至誠所謂質諸鬼神而無疑俟諸百世而 勉齊楊信齊諸大儒皆能崇信鄭義 儒尚未敢鑿空妄議至元敖君善出乃誠鄭義 少其所撰集說專逞私肊靡所根據 得其徑途 儀禮十七篇 公親 一門約禮! 稱曲 禮叉 而 教含鄭君 一時高談 不惑者

古不正常にて言てこう田マンドニーし 研思各有心得然未有合校訂疏釋集為 一詳校金璞園之正譌胡墨莊之古今文疏義專事 例有四其訂注諸條或義短 諸家之違失纂成 病其他專事校訂者若阮文達之校勘記盧抱 正義均稱精實然竣氏間引敖說不信注義胡 /來習禮 ||經學之 A COLUMN TO SERVICE AND ADDRESS OF THE PARTY 升之儀禮管見鄭子尹之儀禮 叔彦學禮專宗鄭氏乃本通德之 經者若凌次仲之禮 之莠何者 公其違鄭義即 於鄭而欲强與鄭吳是 釋例 私箋覃 胡竹 村

世道 快哉 讀此書釋冠禮注道子冠於作少北避主 生之誦習已也其必默契乎先聖之神怡維持乎人 文系立三至二系 昭然如日月之經天江河之行地豈非讀是經者之 叔彦此書先繫以校者祛守譌傳謬之 有二

吉

東

原

謂

說

經

之

弊

有

二 一級解生訓之弊遂使干百年來經義之晦盲否塞者 一義非其本義或守譌傳謬而所據之經非其本經 之大防而後所著之書乃可傳之萬世而 柳某則更有進焉夫著書者非徒貴明家法便 一或緣辭 | 弊復繫以釋者 生訓

feller the recomment of terrement descent a dealer bee

擊眞可以發天下人子孝親之良心夫人自蒙舜無知 至老而親殁其中可以報罔極之思者至多數十年耳 至反諸其所養其滿實於冠子饗婦之日已早見之事 具志某讀此注·心嘗疑之以為鄭 君必有深意今讀此 するとうと見る言語と、そこし 然內省之時也叔彦斯言吾願凡有親者日三復之又 昏禮朘御沃盟交注謂夫婦始接情有亷恥朘御交道 然不安者又謂喪禮反哭升堂反諸其所作 此數十年中去一日則少一日冠昬之時正八子瞿 志之說即聖人制禮之精義男女有別夫婦有 人子者宜發深省及時以養是言也仁厚懇

義敬 一方がなことなくこうがしくって 修齊治平之原維持世道人心所裨誠非淺鮮也世之 讀是書者誠由此而窺鄭氏家法復由此而 精覈不易於鄭君本意尤爲訴合無間然則是書豈 高密之功臣乃實有得於古聖 孔子之精意其庶得叔彦之志也已 庸通義序丙辰 而不離親而不狎是 不夏秋而不冬四時顛倒其序者乎無有也潮 而不夜夜而不晝日夕愆其候者乎無有 朔盈虛有水行而失其信者乎無 為生民之本萬福之原 人盡性立命之旨與夫 一朔周公

以立 - Car or American 始誠之源也乾道變化各正性命誠斯立焉又曰誠精 大焉又傳之於周子周子發明之曰大哉乾元萬物資 明誠神幾日聖人大哉誠 一誠以發 人心至此世道遂不可問以尊德性道問學之君 天之道也誠之者人之道也又傳之於孟子孟 於默然以容明哲以保其身此何爲者也皆由 乎不誠則無物無物則爲邪闇爲欺詐爲機變 日至誠而不動者未之有也又曰反身而誠樂草 明天人之道傳之於子思子思述其言 12111 也孔子作易乾卦文言傳 也其天地之 J)奥國家之所

戒 支彩写了第二新一个 完 於無聲無臭愼獨之功也莫見乎隱莫顯乎微君子 王之 以至於位天 天下之不誠也聖 二章所言無 愼 亡亡亡 恐懼 純亦不已 而天下平者一以質之舜之大德受命此誠也 以爲中庸也不誠之至也世界之壞壞於此也 J於此也中國士大夫違慎獨之旨畏愼獨 即小人之中庸也小人 而 地育萬物慎獨之 非誠而其始終要歸於慎獨自未發之 不愧於屋漏則所謂不動而敬不 亦此誠也反是而爲邪闇爲欺詐爲 人有救之之道 功也自闇然日章以 焉曰愼獨中庸 而無忌憚也 THE REPORT OF THE PARTY OF THE 言而 中 能

雖愚必明雖柔必强蓋能誠 中面的文章に一面形 則明者思强者柔大哉誠乎鳶飛戾天魚躍於淵其誠 惡其可畏哉聖 國 則無以見易易不可見則乾坤或幾乎息矣文 所在平敬其所尊愛其所親其誠之所在乎質諸 而無疑百世以俟聖 日中庸毀則無以見誠誠 八必有旗 溯浩浩其天其誠之所在乎孔子曰 一人於是又大聲而疾呼曰果能此道 が 國家將亡必有妖孽周子曰幾 人而不惑其誠之 則愚者明柔者强不能誠 至誠之道 Ĺ 乎肫肫

アンドイニー・イン・スカー・ストー **險通莫合徽可謂不刊之作故特爲之序同志之士** 乎息矣陳生柱尊蓍中庸通義其於子思之學縋幽 絕

自省焉

之屢作屢輟未有得也癸亥秋爲館生講授朱子文集洋先師王文貞公所臨陸淸獻吳竹如兩公評點本讀 朱文公文集校釋序至 文治於弱冠後好研經壬辰服官後始治朱子學假鎮

汗浹於背一日偶與浙江吳生其昌論及寶應**王** 大海茫無指南深愧無以對先賢而益諸生未嘗

年定論辨之詣詣 THE COUNTY IN THE PARTY IN THE 全本數十帙朱墨圈乙殆 錄之 籤帖稿之 報 注 記朱子年譜 日文集注未之 命 兩先生語復 語爱 大句細書往往宗數十 反應吳生 馳書寶應 一譌後有一 得近獲過 或日范姓亦做邑中 有所謂齡案云云者疑 遍 網羅散失尤 劉 (集注 錄王 翰 ·百言並問 詳而 先生 屬代 間有。 於 成 訪 書 晚

敷王朱 支衫写了了一系一角 至當使異端者無所措其巧還朱子之 研朱子之書至是 謂文集注之籤稿歟而朱止 事歸而讀之精思抉 旣成作而欺曰道 至實已 例名曰校釋其圈點之不能闌 兩先生於朱 元明以來諸儒所莫能逮而自 字之定萬義紛陳且旁及史事各家櫛文 一爱復屬王生遊常 而盆顯於 子之書訂年 之顯晦固應乎天時而不可强 理而董 兩美必合殆可謂 先 入者 月辨異同務使歸 一極畢生之 乏釐 別作劄記附 真於千百年之 爲 四卷草 尤為

其敦能表場之 **娺歟抑道之** コロチョン長二三世で/ ショエ 向非劉 明風雨之時豈 解 心以貫 題者晦而晦者將復題歟然吾 之 引證 顧是書不出於承平之世而乃出 不自私其所有王吳諸生之孜孜兀 赤可知 (串不啻貫申而已 兩先生 外尚有讀朱子書記疑其或有出 解 而 明之 呵護之靈其精神終不可磨 其於朱子學蓋不啻 生所 - 復加之以身體 著宗朱要法 岡白 於

支光生三年三十名 王

編諸書亦皆零落無存矣訪其梓鄕父老鮮有知 則吾輩服膺朱子之學者更當力任表揚之責而不 日或忘者也 者

項潭詩話序丁巳 山趙君學南

可感歎者以道德純粹學通今古之儒而厠身亂世昆山趙君學南刻碩潭詩話成問序於余嗚呼天下 與鶏之林美玉儕碔砆之列生平所蕴蓄不得已 流世莫我是言莫我省活國之計莫我詢譬諸 厠身亂世之 鳳

或且煨燼零落僅留殘編一二守闕之 於言論寄之於詩歌 遇亂離凡所著述付諸

感歎 兩無之 可感 見嗚呼此 隱僅存於傳鈔之 。聖學入 議 者 天難 丁明 因循未果資 也昔年吾 李學貫 **呃先生而** 傳鈔之餘或者不察不門諸書世尠傳誦斯可 臣 非天 删 念以 並其愛· 師座文慎 可威 之與而不復 殁 女蘭 而愛護 一歎之事 知 乎或 公有請以先生 均先 可感歎者 免有所改 傳先 見用 是書者若] 感歎 後 鄉 逝 當 陳 也 竄 斯 : 從 時

銅 **麦米等等二彩** 罗巴 也夫 在水 駝荆 壁! 然 於 讀 棘 繼之日 -央矣道: 天道 悲 別 他 稿 !則、 吾婁張 何 刊 極矣 豊 有離 先生 庚 安桃源療達 而刻之 I 天! 制 如 1.欽遲而神往台 或 奇 沙不可能 如桴亭先 而 渺 子復心 呼往知矣 社 麥 卽 秀中心 生遺 孔子 矣 佩 E 書得 大 洄 會 伊 噎 成 於

求 in bushilling; immelia 有能流涕而道之者嗚呼政治衰而 清議盛 清議盛 以爲非常人也 子卧 旣 生與夏舜仲徐孚遠諸君子之遺蹟交人故老 興雖 聞 子拒 .取義之 氣節之 公二元 都能 一說拘墟愗士或以爲不 得見如是怏怏去危行 擅詩名指紳皆 則往 乃游松江歷華亭訪幾祉之 往趨 氣節 東漢是豈 表襮 之若鶩有明之季其 於當 倒嘗以女弟 之以 一群不幸之 剛德心尤 運 MANAGEMENT OF THE PROPERTY OF 會之 一社會得)風流

會 盆:胺: 常恩愛護而維持之 **支糸生三年二条** 斯時也 與宗社 以離換譬諸兄弟鬩於牆 八人人之 氣之所寄也 月郎或銷於旦 挪 一雖固結之 心故自古聖 相爲維繫之誼寖衰寖微士 九弟 **開於牆外侮不旋**四夕或毀於無形迨夫 其不解 丁提 以保我之子孫黎民 之繫不能無望 君 而 忠 乎周易大 使 知 愛 國 國 家爲 之論庶 踵朮 一大夫之氣節 呼 會摧殘 及其衰也 而已 社會之所

熊愚齋先生集曰續近思錄曰家規類編付諸鉛印 求而未得者故以名近世以來士大夫拾理學家之 因舉平日區區企仰結職之忱書諸簡端竊冀吾吳山 りが必からしまで、一言思いくだった 正誼堂逸書序奏 川靈椒之氣旁魄鬱積復社幾社之秀佾有繼而起者 餘習爲守舊迂謬之莠論師心自用臆決唱聲深閉 正誼堂逸書以左文襄在福州刻正誼堂叢書時 曰唐宋八家文憑曰范文正集曰呂東萊先生集 叔紹先生越干夏集張淸恪公正誼堂遺書都若干 [禁也會陸君規亮擕先生 卯 一安雅堂文稿乞余爲 訪

謂賊民工 學以號了 八上悲夫悲夫由前之說所謂謬種是也由後 一次民是也二者之說既更進而迭可 一復隨其流以揚其下、 一復隨其流以揚其下、 一有隨其流以揚其下、 一有時, 一十七十一 一十七十一 一十七十一 一十七十一 一十七十一 一十七十一 一十七十一 鄉襲 棄如 朋 八人心盆 緩 學 之 聽 倫無君 I倫常

緯天人者不過日理而已矣理也者彌綸於六合卷 微之以採頭而索隱得其紀則經綸

經濟相

天地 亚宝文甚二届 一心析之極其精擴之極其大顯之以開物而成務 行孟子之贊宣聖日始條理者智之事終條理者 齊指歸不同而其導源於理則 不足失其緒則如正牆面而立一物無所見一步 所 若厲者曰盡性曰立命而其所以貫徹終始 願揭先生之苦心以爲天下萬世告蓋自 三 而 治 一多元 爲用大矣哉俯仰前史名 人者曰天德 日王道所以終 儒名臣學問 不之 舒

外以之 無有之 吾不信也惟不明乎理於是窒塞以爲體似乎有體 我前則必虛心易氣徐察其理推 也六府三事五 心之學操存省察俾之虛靈而不昧及萬事之 而實則體非眞體 間 治 無體 平其有復至於顚倒錯亂敗壞家國之事者 五. 常 一長庶績 而實則用非眞用道德晦盲世變 五倫之 以理學爲 之用釋 序秩如 不明乎理於是橫窓以爲 詬病悲夫悲夫个越 布 如 五性七情之 也 而究之以至於· 如是內以之修齊 一發邃 形 如

向之 爲學或飾 所機 可以煤 然自返也夫 或非聖而 無法紛呶不已如吾

四月寶應劉君 一外集序 甲子 翰臣書來言其邑朱億劬先生

將刊其七

世祖止泉先生

外集以行於世匄予爲之序

選嘗歎其用力深而信道篤有非後世接嘗之 **宁方有事於朱子之學讀止泉先生所編朱子分類文** 氣諸篇尤足以振聾而發瞶文亦淵然穆然蓋有 | 수 讀外集則 一本程朱之旨以立言而貴人 土所可 性 舍

方できて言で、言思 · 交二 L

悅我口也

文が信号をプニタ 身之文也有諸 所人者異也 求 於道矣然繩以聖 故於道有得有不 而氣壯不求其本徒求其末因末以見本則所見者 於文者雖幾於道 一於文者也而其文高下疾徐無不宜者是何 更無論矣是以聖賢之立言也非有意於 有德是其本末之道殊也本深 名 内必形諸外故孔子日 入於道者雖不求其文之工而文自 而道終約略而未盡其奧其他 人之旨不合者尚多也宋之五子 得焉韓歐諸家善爲文者也 有德 可謂 猥

者不知立言之本殫畢生之力以爲文文旣成而欲 於聖人之言以其約略所見之道而爲著作之方不 變不仕不去髮是有德者蓋無愧止泉先生之家風 明則又何患乎文之不得哉止泉先生志於聖賢之 其所言之麤也則亦聖人之糟粕而已曷足貴哉且 行至官と表で「<u>三</u>一」 丁之於道也無所不窮其理文者亦言其理而已理旣 **八矣其於居敬窮理之功深矣則其發爲文章又烏** 不善哉予聞憶劬先生承其尊弱曼老先生之 於書也故六經之文皆身體力行之言也後之 刊正集於河南板藏朱氏家塾个憶劬先生復 1 1 PROBLEM STREET, ST

求其所謂身體而力行開來而繼往者則庶幾億劬先 爲嚮往不置惟冀後之讀是編者不徒悅其文之美 さるがはこれとしること 子俊先生文集序丙寅 原王 集之刊並擬刊止泉先生 先輝映豈非絕學將與而人心世道之一大轉機數 不敏服膺止泉先生之 之志也夫 幼農先生刻其師 余余受而讀之歎日 於陝中博學篤行疆探力索作)學曩讀其易旨文集諮書 柏子俊先生 口柏先生之學關學之 學考略闡揚明 一灃西草堂集旣 輒

路以究民物之原作 關中學者蔚然成風其見而知之者有呂與叔諸先 盛矣而近 其紹而述之者有馮少墟李一 悟關而子俊先生亦有論學三關日義利關曰毀譽關 古匹からと見て言明している。 | 劉念臺先生作聖學三關曰人己關曰敬肆關曰迷 |生死關蓋念臺先主所述陽明之學也故主於妙悟 成功子俊先生所述張子之學也故主於守死以善 張子之言曰不愧屋漏爲無忝存心養性爲匪懈蓋 一教明體達用正經界考井田欲興復先王之遺 世崛起而傳之者乃有柏子俊先生往者蕺 /窮造化之奧而 一曲諸先生彬彬乎稱 9

尊然後民知敬學所謂嚴者非妄自尊大蓋不如是不 事君在家必能事父矣蓋師生之誼固由父子而推焉 先於尊師先生訂關中書院學規謂師嚴然後道尊道 學子之所當服膺者尤莫急於禮教禮教之根本尤莫 皆所以嚴義利之 吾甯也則正所以破生死之關而還吾天地之塞天 文が行う全二部できる子 如如 以振諸生之修爲也又引晉欒共子曰民生於三事)帥者也故曰先生之學關學之正傳也而余謂今世 事師之禮與君父並在學知事師則在朝必能 一辨而祛毀譽之私又曰存吾順事 則致喪三年一則心喪三年而 17

LEGISTER SEEDER 轉訪求始得之 子歲排 **懵然不知倫紀情誼之不可漁於是驕亢之志** 烏呼世 記 於 其師戒 即 分餉 |衰道微邪說暴行有:作後生 序混淆學校之中不聞禮義之訓在 則 燕 10.4 子孫 於陝友乃壽諸梨棗焉其專且誠 朋逆其師燕僻廢其學者比 同志自擕數帙、人川均燬於火厥後 | 篤守師 乎古之 地 **永久勿忘其寶貴** 法春秋令節 師何 其誠 小子長傲遂 · 祭 先 之 斯 籍也 哉 氣動 外 於 也

非今日之碩果哉余是以三復言之俾當 救時莫如尊師蓋惟尊師而後性情厚惟尊師而後道 故亂] 日少然惟鄕里有良師而後國家有善治故居今之 將亂之時送唐太常南歸作序舊: 11 子俊先生此書豈非救世之指南而幼農先生 明性 知先覺覺後覺定四海之民其必 、懼欲以尊師為天下倡余亦嘗謂古者君師之道 《敗糜爛》 日少而治日多後世君師之 尊師 不可收拾嗚呼豈不痛哉昔 刹 而後風俗純而善人 老 ${\cal E}$ 出 道 伊尹有言先 一分故亂日多而洽 不勝斯道湮没之 一曾文正 世明達 當學 知 世

棄刻太倉舊志五種序戊申 者爲由近以及違不知者爲逐末而忘本由近以及這 光緒戊申六月文治自滬歸太倉寬觀吾婁各校軓 者其道宏逐末而忘本者其學氧故汝儕欲上下數 思之於鄉土如上所云云者其能纖悉而周知乎知之 為天文地志食貨瞭然在掌是爲史學之名家顧返而 年爲聖爲賢爲奸爲伎爲通爲塞爲禮爲樂爲兵爲刑 年當自鄕土始又告之曰汝儕宜 日発生で長い言思した。たっし 而告之曰汝儕宜知歷史歷史之要在上下數千 一講明正學始 知地理地理之 進

大流作ライニ流の名 其 事 盞 故 汝 儕 欲 縦 横 億 萬 里 當 識者為昧所從來知所先後者其志 療然在掌是爲輿地之名家顧 所云云者其能博聞而强識 可遏吾向之所謂歷史地 知新自歐化東漸其迅 里為經 沿為革為高 不舍進而不 爲緯 E 為廣 山 川 也 乎識之者爲知所先 為分 彼 返 爲陰 如筵瓴之水洶旭 鄉土 西 而思之於 純味所從 野物宜寒帶 始又告之 鄉土 來者 而

當變而變不當變而不變者與時消息之士也知其當 コスストーション AMICA THE TOTAL 衡吾見亦罕矣故汝儕欲由舊以知新當自讀鄉土志 口變者學術也知其當變而不變者守舊之徒也知其 抱殘存古之儒易所緊碩果不負詩所稱雞鳴不 水也知其當變而不能不變而猶執不變者以爲 而輒薄不變之理者叶囂隳突之流無本之木無源 學說更與之而 一成唯唯文治退會同鄉某君以太倉舊志一 知其當變而不能不變而猶執 訓辭以爲序言蓋天下惟能愛其鄉 新蓋遂古以來 不變者倫 不變者以爲 理

支系信马名二為一名王

後海或源也 者然後能愛其國家記曰三王之祭川也皆先河 一或委也此之謂務本吾鄉風氣樸質不乏 而

崇正錄序已未

務本之

士願悉以此進之幸勿騖廣而荒也

光緒壬午 臣倉皇來 告曰吾婁向無異教流傳今聞有客民 月十九日文治讀書陸氏齋中同學李

者購城南宋姓屋踪跡極秘將設堂傳教矣婁東書 聚眾百餘 人集議此事冀弭禍幾先君其速往至

鄉父老咸在焉吾師王 **盦先生復謁縣尊任石芝先生陳述利害薄暮縣尊** 一先生居首偕眾往謁州尊吳

3

靳之 服 吳速他徙免拂輿情吳猶倔 給議撥書院 日立名に長二副とえて 原 價 吳性命間不容髮然地方不至釀成巨變而後禍 柄舊擊之張君拙嘉等旁訴聲沸騰吳始懼俛首 八消弭者 退翌晨 堂 為稽歷年簿記嚴詰邵某始無異詞當 皆 公款以償而院董邵某 教將復來之說甚熾訛言朋興羣懷 即他往當是時人情洶洶咸欲得吳以 即平而 先生 姓鞫訳並 力也顧彼時屋價實由先生 宋姓之屋卒歸書院所有者 强 剴 服諸生李君 切勸導給還 則謂款無所 伯豫 屋 疑懼 價

以來俗尙純樸士皆循循於矩矱之中今之流風稍 息矣正學榛莽仁義充塞吾為此懼請以是屋爲四先 且常在吾鄉 一洞庶幾個 即以先生耐配四先生洞庶幾崇德報功之 同學 力也先生 經正民興之旨平鄉父老愈日善爰於是年 八日奉安四先生栗主於其中徒步躬送 人心目中也越三十六年戊午王先生 如肅肅如道旁觀者感歎不置兹事兹 日先生講學之功在百世衞道之功之 自陸陳江盛四先生講 歸

顧化 嚴義利之 非斯地歟迄 日四宮で長二百冊。アンメニム 正錄問序於 距 數 斬 回 洞 世 溯 今閱十三 四先生講道問德於荒 嗣 寂寂氣節冷然亦非在 其奚 耳詳考吾婁之 一時更 世矣王 敢 一一一一一 復 録遺 何 一先生繼 **遠集**別輯: 一乎孟子有言君子之澤 如詩有之 入心風 起紹道學之 江寂寞之濱獨 兹事始末 如 俗較王 斯地歟而 為崇 傳

支系生三十二元 气 **岌岌不可終日公以詞林受** 夏文敬公年譜並遺詩後 邦本及表揚忠孝爲當務之急光緒改元 子厚庵所輯遺詩十二首為公季子棣三手錄貽予棣先師浙江仁和夏文敬公子松先生年譜一卷為公仲 何其言之悲也當咸豐之季粤匪交訌强鄰內櫐時勢 朝特達之知府躋卿貳封章入告無非以奠民生 並以書來告曰先君遺跡吉光片羽止 |毓慶宮行走從事講帷公密勿憂動朝夕納 E 丙寅 奉 此而已鳴 西 呼

古の西世文主代二言田・『システム 陽奉陰違內外惰媊莫可究詰公惄焉憂之痛陳利害 謂急宜實事求 軍當事者望風希旨藉以爲粉飾太平之具舞文牟利 宮授讀也與先 兩宮倚界於是益隆矣當是時中樞銳意求洽創辨 河務長江礮臺事宜蓋 能復振矣方公之 以為迂遠 用之學爲宗旨旋復督學江蘇並巡閱東 一師常熟翁文恭公叔平同被 ·是裁節無盆之費爲百姓培養元氣時 闊於事情而窳敗之風日甚一 時有二惠競爽之目乃 Section of the Assessment

文糸な三十二元 則以名壽而論文恭公爲幸以際遇而論公亦未爲不 幸也迨文菾公貶死後不及十年海內鼎沸政變送興 論我 離麥秀之悲銅駝荆棘之恨當復何如然則以運會而 國家亦遂淪胥以敗嚮使二公而尙在蒿目時艱其黍 而我 臣者與國同休戚鞠躬盡瘁而已其幸不幸之適然初 國家爲不幸以身世而論兩公猶未爲不幸也雖然大 下惜之而翁文恭公登協揆掌樞密旋遭巍以去然光緒庚辰嵗遽以末疾卒於官享年五十未竟其用

博士弟子受, 吳山傷心極! 色甚喜謂汝英發務宜努 **香敷四復 登** 陽 訓 辭意 一忠信勿干與詞訟勿沾染鴉片 知 目豈 勉數語始命 於公時年 不忘 三不痛哉 至為 一不能奉 今讀 嚴 力進修 豈 詩翛 十六覆試時公見文治 厲 退去獎賞之日 此情此 年 不痛哉文治於 忠 取首場文口講指 景宛在 |懇談| 如 庚辰 目前 鴉時 通 通 訓諸 雷嚴票 年

其手寫公遺詩亦足見孝思之不匱也傳曰明德之 遽卒次厚麾亦已卒二 支系写了自己和 先 必有達人竊於公之後起者有厚望於無窮焉 使美國學有本源洞達時務趣年杜門不仕能繼公志 陸文愼公奏議序辛亥 韓子有言古之學者必有 句家所能彷彿一二高山景行之念益復往來予懷 不能已矣公有子三人 際而民胞物與之情 年矣次棣三與予爲至友奉 師又日士固伸於知己蓋 長松孫以哀毀憂勞葬公後 露於楮墨

諫時數諮 又得 有大於是者迨 節 譚詞章訓詁之學文慎公不甚注意曰吾 於政治之大 吾鄉陸文愼 非孟 詢時政利弊文治從容語公御史大 子屢 後條陳經世之務公則大韙之 匡正 君 以 公蓋 辆 之迨 爲 德 故 君 有 皆 識 污後世 師而 為學大情洎乎中 可 過 兼知 暇 則諫惟· 一者也 文 筮 爲 故爲 3

壽考康彊之質耶公遺疏 我莫若子沒世之名吾 長君芝田得若干首爲選 秋奉 獲譴 今日其感懷憤激又當 而見貴嗚呼迄今距公之 而伊鬱 公輒大言我雖 親 以終耶抑

昔公之言行往矣公之志節已矣天壤之大同志之 南歸遂與公一別不 以屬子矣文治 擇而印行之吉光片羽或以甚夥稿都不存文治乞諸其 何如兹者手錄一編追思髮之殁又數年矣儻使公復存 蒿目時艱盱衡世變故損其 一昔賢 、得見嗚呼公其以言人文治則又悚然丁去 節

尚有手蹟數卷昔年文治曾爲印行有年譜 古歴省と長二三明記へなった 張海 學陳君慕周編輯 學其行其才其識充其所至蓋不難淹貫漢宋馳騁 天道 傳海民初知海民以苦志早天當世無知者藉 呼此吾亡友張君海民之遺藁也以海民之 能 民遺集序王 無常命不可說至不能以學傳而僅 林斯密鳴 精微閎博有閼世道之交傳而僅僅以少 知當世通人達士必且疑此集之 尤日夜望其速成云 辰 呼將 何以報我知己 会が ラ 師 僅 之志與其 也 卷 那 屬 同

義疏旁逮 規摹時尚多海民意所不欲存者因爲刪 大きないっていいない 海民衡宇相望朝夕論學競出新義旣同受業於太 王師之門師先語以宋儒之學海民則大喜日取諸 以序海民之文屢 民長予二 思 手不停拔口 傳則後世井 小學近 中秋竟以劬學中暑箴石失理病 年庚辰與予同游於庠時予賃 復為搜其遺交得百餘首大抵皆 思錄三 及作 屢 報 無有 不絶吟雖盛 **一** 知海民之志者豈 |魚堂集諸書窮 爲之拉然流涕而 暑鬱蒸流 汗霢霂 日累夜彈 屋城東 不能 逐 幼 原 與

賦 然日是 授梓而海民遺集因得出而問世嗚呼此豈足以傳海 **今**歲孟春 **鎌洛關閩之學為之萌抵則其所就或有進於** 1日ではいっていmで、imm **其任道之** 世通 名家禮堂寫定傳與其 | 耶夫自乾嘉以來崇尙樸學藝林之士爭欲著 不朽自經學史學外若 吾黨之責也亟商諸海民始族小元茂才出泉 人達士未必不許以後生之 同門姚君 吳君子倫虔 勇躬行之實又足以維持名教挽近世浮薄 柳 屛精 君孫松王君晉蕃 心選 人藉令海民起 小學詞章金石 校良成一 可畏 台目 聞有是集欣 集藏諸篋 而角逐其 且海 目錄無不 旣 間

陸庚星遺稿序 其賫志以 女本生了作二者 老 海民之素志而亦豈予之向所期於海民者此子、資志以殁至不能以學傳而僅僅以交傳嗚呼此、 焉不知以治 序海民之文屢作屢輟爲之泫然流涕而不能 子有言傷哉貧也蓋自三 以學校虛懸教養廢弛士大夫放棄其實 習則 所謂爲往 生爲急於是以貧病憂傷憔悴鬱伊 甲辰 一代而後 絶學為萬世開 地 不均士 學實業 無

幾壽世余笑謂子之交成則爲劉海峰不成則龍 星乃輒就余談經余時與買舟共赴澄江時庚星 總角嬉戲 なりでとか三乙世でこう田田へかんった。 節與交余稍稍遠之旣聞庚星貧甚頗跅弛爲不羈之 癸未之春庚星應歲試受知於瑞安黃夫子之門乃遂 行余遺書諫之 **氣頹喪甚余輒激厲之一日庚星謂余吾文學桐** 盆不能自存矣丁亥戊子之間余肄業南菁書院庚 除浮夸飲華就實爲文務朝先正不屑屑干時譽而 陸庚星慟焉余自爲童八九歲時卽識庚 輒相共迨庚星弱冠詩名藉甚里閈長者 庚星殊不以爲忤而兩人蹤跡盆疏闊 城庶 因

也 往弔之 踰 余實 其門登其堂 [偕歸] 庚星之婦陳 詎 是是 亞 頹 成之 而 不祥 靡 庚星 不能 傳 之 旣 風 一念疇昔之 余應禮 物必從 」於是年一 俗 氏 丑 遠庚星爽然 育德講 偶有不 叉 |春庚星: 部試 、跡弛自 誼 殉 學明道 節 下第 姶 折 知泣 死余益悲之 娶婦 貧 旅 以造就 跅 病死 館 下之霑襟 特 是誠 弛 津 屛 矣 嗚 迨 尙

志 古空舎で長二扇 野 泉ニム **曼傷憔悴鬱伊之士必當悲其志哀其遇誘掖獎勸輔** 于所云其間不能以寸者庚星歾後其文多爲庸子所 百詩若干卷李生頌侯來京爱屬其選輯編次並書數 而世之君子誠能得吾說而思維之見夫天下貧病 「棄其天職之所當爲以彼衡此其大不祥也豈特孟 饑先知先覺之義而宇宙太和之氣或者萌抵於 以弁簡端庚星地下倘有知乎當可少抒其孤憤之 矣而 裁成俾之各得其所不至推而納諸溝中庶幾己 可得余屬其族弟芹之明經物色僅得書後數 固有教養後進維持風化之責乃迷謬不 .110

フィルグラン金ノマル タモコ 光緒戊子之春余與玉峰始相見於江陰南菁講 孝禮義躬行實踐之詣玉峰喜甚拳拳服膺益自砥 平 函慰之爱進以周程張朱諸先儒性理之書並告以忠 博 玉峰年十七亭亭玉立心已器之 旨心折余言遂執弟子禮其秋應闈試私告余亟 玉峰遺稿 第以爲堂上慰不幸報罷玉峰則大感幾流涕 與訕笑 道在是矣時講舍諸同人 序 甲 辰 八玉峰玉峰弗顧也歲杪余乞假歸 一旣玉峰過余談經學 、方爬羅箋疏菲 合 期 礪 時

將赴 **隨弗忍暫棄甲辰之夏門弟子李君頌侯朱君監 薇皆** 之父思子成疾玉峰之婦未成昏矢志守貞聞先生 はなる。このでは、一世の一人をこと 吾焉所請盆余亦不自覺其悵然亟告以相別無幾時 玉峰有 耳余己丑下第暫館津沽冬間得同年章君琴若書謂 居京師爱屬其重加釐訂寫定付梓二 再赴南菁玉峰之叔實秋攜其遺稿示余且告余玉峰 玉峰以病殁矣余大驚悼爲出涕者數日壬辰之春余 字癸巳赴都遂置此稿於行篋庚子之亂攜以自 禮部試玉峰叩別依依若不勝悲者且謂先生歸 日之雅請一 言以壽其文余受之揮淚不能 與

身心性命之學是眞能不爲風氣所轉移者乃由此已 者當戊子己丑之時士大夫咸羰拾瑣言張皇碎義 氣所轉移者天容摧折之以至於死是眞大惑不 期揣摩當道者之耳目而玉峰獨能深信余毅然不 **數之適然而余竊怪夫舉世汶汶之中偶有能不爲** 爲序嗚呼余奚忍序玉峰之文耶夫壽命之 一俗人之好尙相與從事於聲希咏淡之中以潛奪夫 不幸也方今之世風會之所趨益未知所底一 造物之 忌悲夫玉峰之死豈特于氏之不幸固吾篡 一叶馤狂攘肆然無忌吾道之晦盲危於碩 豐嗇雖 可

者蓋渺焉不可復得悲夫大道之行與三代之英固自 果之不食余嘗盱衡當世求夫純粹規矩如玉峰其 近裏不禁心嚮往之旋復治經生家言得錢竹汀先生 **余少讀黃陶庵先生集吾師自監諸錄探賾匡幽鞭辟** 唏嘘而不能禁也 潛研堂集鈎稽訓故是正文字深得漢人說經家法 AFTERMENT STATE ST **百聖賢所有志而未逮者此余所以序玉峰之交爲** 止盒文集序戊申 大好之以爲義理考據之學乃獨萃於吾鄉之嘉定 **隅鳴呼盛矣旣又稍聞近代黃翰卿先生之文章訪** 三

求數年未獲見戊申冬其哲嗣虞孫甫手先生知止 支系写了了一新着王 文集見示余受而讀之所景仰者蓋僅亞於陶庵竹汀 雲相如司馬子長班孟堅而後屈指可數者不過韓 數家變注之朋道學之士偶一爲文大率升堂而未能 八與求其面三端而 入文人文之粹發見者不過義理考據文章三端而志 一先生云天地磅礴鬱積之氣無所附麗乃 〈稟非人事所可幾也 相傳嬗故老所誦述則以文章爲最難工自漢代子 · 朱子明之王文成公始能合義理文章為一 一以貫之者古今來殆不敷 顯之 盦

朝曾文正出始發明桐城姚氏之說以爲義理考據文 日本共派に加いい。田田町であれて 爲文章之助世有知言之君子蓋不能易吾說也翰卿 章不容偏廢其志欲合三者以爲一而余讀其全書知 交正之支流不可也且夫斯道之在宙合聖者得其全 先生泛濫百家而獨折衷於桐城方氏晚年得曾文一 賢者得其偏得其全者可以收天下之偏得其偏者 所著尤服膺之至魁書論其子弟謂宜家置 偷蓋有得於曾文正所謂陰柔之美者居多則非謂爲 爲文蹈規矩循繩墨不務斬深刻絶而一出以温厚和 一編放其

於民之心是非之心亡焉爾大學言格物致知格物者 大光信ライニ系でえる **考據文章之一端而自嘉定一 死生之文以往參焉然則自三先生言之固各得義理** 國何以立繁於民之心是非之心存焉爾國何以 以爭不朽於當世兹者陶庵竹汀先生之風邈矣承學 **羽
詩
物
ク** 可以第天下之全世無聖人 THE RESERVE OF THE PROPERTY OF 二者之美嗚呼其盛矣夫盛矣夫 士品題往 奧郎以辨吾心良知之 哲故亦稔其不丁 、則士君子皆得專擅 邑言之則幾幾已兼擅 一於文章而今乃得翰 是非也宋儒言即物 傾

随之 世衰道微 与弦宝で置い言語図/ 名こし 是人心是非之公澌滅殆盡而惻隱羞惡辭讓之心乃 **窮理窮理** 是因是因非
小省莫衷 東海有聖 心同此 獸者 恥 而俱喪無父無君無天無法無尊卑無長幼無禮 無教化無上 1幾希又日 理 始是其所是非其所非是其所非非其所 出焉此心同 第至事物之 是国魂失而民狂隳突叶器如醉如夢 因非因是彼亦一 同也所是者無不同所非者亦無不同也 一下痛乎悲夫孟子曰人之所以 那說誣民充塞仁義則率獸食 此理同也西海有聖 理卽以窮心理中之是非 是非此亦一 是非迷謬 人出

救國而要以讀經何也經者萬世是非之標準即人 支が生った二州 イニ 叉引孔子惡似而非者終則斷之曰君子反經而已 乎其何時已乎吾友孫君師鄭憫焉爱救之以讀經 則明明常道則明是非政治倫理之是非於經中水力 財教育兵事外交之是非亦於經中求之如丹素之 一行而爲以背負天之禽吾生民之劫運其何時 則庶民與庶民與斯無邪慝矣經者常道也知常 標準也孟子之論鄉原日非之無舉自以爲是 禮曰國有鳥獸行則獨之嗟乎以首戴 一齊如化雨之

蓋譬諸闔晦之外得開 平埽擦蕪而啟天門嚮者 心理之所同然隨之以行 國粹教科書續編序 古典語言で置う上記しておっし 以此活國以此屈子 乎吾先俾之辨是非吾先與之讀讀經救國論 予謁吳擊甫先生於京師先生示予曾氏古文四 乎孫君之志豈不深遠而懇誠乎世果有憂國之 八作而萬物覩吾國其必有此一日乎其必有此 一禽者咸改爲以頭戴天之八各正性命保合太 戊申 一心志之閉塞畔換類於以背 乃大光明由是傾者易危者 之 何闔而晦何開而明是書 線斯即是非之界几

方が生える一名 類宛然見曾氏選本爲 維時以八事倥傯未及鈔錄至今為憾今年春衛 文學之衰至於今而極矣 一各一其性毗於陰者得陽剛之氣少毗於陽者得 無錫廉君惠卿示子國粹教科書續編亦以四象分 〈與文而二之也夫文 而言厲心酯而氣利益君子之言恆雅 氣少自古 今而傳後者曾子曰出辭氣斯這鄙倍矣韓不 一鄙卽其末二探其本因其言以度其心 以來未有性情不正氣質不純而其文 者 欣慰不能已已嗟夫吾中國 而究其所以致衰之 人品之所由見也五行· 以仁小 由由 居

中學國文讀本序己酉 THE WIND THE PRINTS INVESTIGATION 以言文由是而詐偽慙枝之弊生焉由是而詖淫邪遁 書有感於斯爱麤爲發明曾氏之恉以質當世立言之 文可廢嗟夫嗟夫此誠八心世道之大憂也予讀惠卿 己之方觀八之法胥寓於是自斯誼不明士大夫離 卑而聖賢之道術盆不明於世耳食之徒至以爲 一弊生焉由是而叫囂攘奪非經侮聖之弊生焉人品 曾氏陰陽四象之 一海高等實業學堂之二年旣編高等國文講誼 說雖以之衡古八而實則律 急

書籍於是分塗而纂焉然 復屬國文教習李頌侯主 異教育之士將合其不 與彼郡彼縣異即此鄉此 心性萬有不齊也氣質萬有不齊也耳目聰明亦萬有 學國文讀本以爲高等諧 支系生3名二般一名 The state of the s 而高等學而大學名稱於 小齊也微獨此國與彼國 「方今文化大啟學核如林凡天下教者與學者其 **譬猶行億萬之** 是定焉程式於是判焉教科 者而歸於一 異此省與彼省異此郡此縣 居中國今日時代言教育欲 區此并亦與彼鄉彼區彼并 政黃虞孫孝廉諸君編 生之階梯旣竣諸教習質 而小學而中學 またがない人ではないのでは、

知天下八士之心性氣質耳目聰明其分各殊也於是 陳誼高言理當抑未揣其本也王制有言修其教不易 至尊而無尙其道 盈虛消息張弛之 **夥矣然則先生之** 聯而斵之 年之時長日始至 Transmit and the Kinh 由是出焉介以學之不齊而論豈直省國郡縣鄕區 反其習貫而强以致之則事必窒礙而不可行古聖 其俗齊其政不易其宜凡教與政之行也必視其習賞 一杯之 亦在為之而已矣為之而畫一之 道隨時異焉此窮理盡性之學所 水灌而溉之其受損於無形者或日 也如是而欲强水其一 輯教科讀本毋乃舛乎余曰諸君 11 (Lineau and a service and a 取尋丈之

察凡學堂之風氣矯其陂者而歸於平偏者而返於 謂先立乎其大 淺嘗深造亦有各殊君子以行政之理通於行教則將 弱者而起於强舉天下學者心性氣質耳目聰明皆 支於写了 月二 名 王 我之志以運行而無所隔閡外之而不 井而已以一 賢智者毋庸俯 八而教二 [能收效於無形且自歐化東漸藝術 一三八其得益者不過一人餘則昧然膜然 、而教數十八其得益者不過十數人 所過者化所存者神若機之省括惟精 而幾愚不肖者俱可仰而及孟 者遂漸致於 子所

物 家農 皆 A 18 AND 19 19 19)精藴 (孰大 一天文地 Cold's all south s. alterny 、地之心六藝炳 国文 化學衛 、於是邏· 商 如指諸 而 用吾 諧 無用或且 理 家謀 禮 異 生 樂兵 學 制 來 掌 國 矧 然 說 科學辟灌並 民 延 以發明之 伏 生 刑 孔 粫 淡羲畫 殷 其間者 食貨河渠路 紀 新馳騁而 爲 重譯之 正 倫 頼) 俾僻壤 折衷道 卦以來含 才智卓越之 出背窳就攻汽機 異 而將厭者庸詎 未有 俗 縱 要 政産 德 將 遐 已儒家法家 橫萬里郎 <u>.</u> | 職赤 五 八生有三 行之 一掇各 知 秀 測 國 科 算 成 餉 慮

Ĺ

心理 女が生三をシニュージング 教育乎曰否 世道之壽張 中學國文新讀本 彼邦之人士然則是書 爲教育家盈虛消息張弛畫一之始基而何久王 顧其策奈何或曰 小歷史無有甚於 足憂乎諸教習 而躋之 The second of 否揚 八心 序戊午 之迷謬風俗之庸惡士品之卑汚 進農家工 今日者有識之士怒焉思斯以救之 愈日善爰書其語以質世之通 揚不足以止沸也或日將奪哲學談 將講武備精器械而振之以軍國 一域乎曰否否空言無裨於實事 可爲國文與盛之嚆矢亦 一家商家而道國民以生

倫常 人心至 腹非之而不敢言迄乎今日廢經之效亦大可覩矣新 道德旣茫 - totte att buds a tintal 廢 味 於先後 經 於此日 則 讀國文廢經者世奉為大功崇拜恐後余向 則 所知而舊道德則埽地殆盡世道至 風俗 中國之大危機也然則有道 シュニュ 不能定 度具備 士品 應言 和 於此· 於 則赴之若 不能靜又日 大可関也且夫我國之 三經孔子日定而后能 此 三元! 計爲惟一 近 平日 一之 讀 無

章於世爲盛蓋建功業者未有不本之尊ラネオス **支**彩写字写二彩 一幹文者 平也豈 而 舉 文 經之支與流裔中天之 不慎哉此讀經爲救世之第一 國 1文思贊舜日文 化 國民之 存文化 盛 鄙 3. 則國治文 陋 (氣皆浮 俚 籍 俗 爲 之 兢 化微 兢 而 教 乃今世 不能 書自 世 (禹曰文命敷 則 於文章者 沈 巍 舉 國衰 詡 手煥 如 國 之 故無論 事也 土 是 民之心皆 新 乎成 而 淘汰文 法 也 于 經 是 功 古 者 四

これるできることできるという 秋乎我國二 經 國 者 事 民之精 恫哉 陵夷當復 也孔子曰知 既愛國貨先當維持國文 國家 /漢韓歐曾 神也國貨幣 主滬校・ 動 何 魄 無 如且 我者其惟春秋乎 驚 用人之 有 夫 心疚 師範各學校 國 則命脈塞國文 貨 如疾 年 者 此 而 八此讀 國民之 及近 必先普通 再 年 罪我者其惟春 逾 國文爲救世 が 命脈 或 則精 可底 所 皆讀 化 也 我 用 退 神 國

孳不倦有以掞張吾之學識異日者中國之文化其先 盛於吾校乎歲在戊午國學教長李君 黃君子楨朱君叔子鄒君聞磬編輯中學國文新讀 **支**経写了另一系 告成來問序於 因文見道 於猥瑣陋劣之習進而求之刮而磨之勉 易吾校諸同人及學子亦皆精奪國文孳 余余維孟子有言七年之病水三年之 深思而實踐之 倘能以此編爲蓄艾之方毋自是毋 風俗 年知我罪我在 循 文勵行 **颈韓黃君虞孫**

望也夫

學堂即今交通部工業專門學校 業專門學校國文成績錄序 之日汝儕宜崇國學在易夬之 殭. 圉協洽季秋之月文治 來主 甲寅 **教辭**曰揚 是 也 郵傳 既蒞事進 部高等實業 廷 諸

章蓋魏乎煥乎黼 土者宣教布化於朝廷緊交字是 (思日文 、明而論語贊堯之則天日其有成功其有 **徽翼爲中天之**)所以臻郅治備哉燦 預尚書贊 完美以來

誠神明之式也 尼 山木鐸聲 而這四教合科其

コジューン国と、国団 維賜也達夫子文章可得 而聞爱逮六藝諸

支えらう

写える

三利

三名 而進言曰弟子既聞命矣我校掬設於十年以前樹 而文章實 不孕育於是 (焉爲之 麗 三不朽立德立功之外尤重立言 漸科學掞張舉凡兵農法數聲光化電 於國文翹懃以求之罔敢存菲薄之志第 盧有識之 平八故汝儕宜崇國學 · 好乃左歟文治曰 吁子誤矣夫木 之歸宿! E 支流於 日 月麗乎天百穀草木 將特關 歷 於是有某生 塗改從象寄 軌 一德 麗 行 匑 風

有典天秩有禮秩者理也無文 其國家其人 コペンシューニョルのインシューム 人兢進於文 倫攸備成周進 文則何以有序緊古聖王通 迄孔子數干年來綿綿 綱維綜其要端 、明者則其國家其 類弱焉息焉滅焉我 土追 軟物者光 7者光誦綦詳秦1 延延 可得 久則何以成理敘者序也 可得而說尚書陳謨天敘 神明類萬物 類之 國文字自書契之 類 强焉存焉反是 門 所以常存者 書陳謨天敘 九敘惟歌

發揮性理者文爲之也安定分齋經義治事紫陽講學 廣谷大 格物致知下逮餘姚宗派舜水人師讚緒導揚維文是 其政不易其宜舉凡山川陵谷之變遷風俗運會之遞 斯國文之宜與而不宜廢者一 **嬗聲明文物之 頁然則今日人心之不死道德之攸歸者皆文爲之也** 明堂而觀禮儀趨采齊行肆夏者文也奏簫韶而歌 頌聲依永律和聲者文也園橋觀聽部令咨俞雖幸 刑法食貨戰關號令之具胥由文焉以作之揭 川異制民生其間者異俗修其教不易其俗齊 粉闖鐘鼎旂常之鉛識人事老少存亡 八絃經緯九垓旁唐

埽習行之法律則庶萌惑宣 THE TOWN THE 而不宜廢者又其一 意能文者興若夫其冠 名不正則言不 平文勝則史終 有能 如 ※二九 端 癤 順言不順則事不成斯國文之 我國二十四史閔大 /然識 也 重斯文孝弟人瑞 亦文也 于野夫廢歷朝之掌故 孔子有言曰少成若天性習貫 絕其纓禁緩其容簡連旂 [憫焉況] 一聖微言觀乎人交化成 今試問 增夥省方 邇 麗藻彬彬不文 年贏滕之子 2宜興

器則 方がなってもフェンオー **倘師其意** 日間朱人之 也 師德也藝成而立 鄲也未得國能 國文 程 功而 不當廢者又 返恆 年也 以美語教其國也吾國國學之精 不以德言授其徒也美之學于意 八其一也 (所謂通 食後進 則國文衰 反 一一一一一 行 而名 大雅閎達蹙額疾心 俗庶幾其有濟斯國文 且夫形而上者謂之 其母壽陵餘子之 庸記 模範之精 知象根 勝

悉學子憚於艱難妄言廢息誤矣眞矣眩 中型岩灰、美二扇、一、尖、丘 文之當興而不當廢歷千百 而成文鴻範五行肇自)設又 動親炙之誠然後知 述焉莫而 懼然顧化唯 行之 又踰年爱 諷焉或歌 **冷孝子** 然而咸退其明年爱有國文 國文 有講秦漢諸子之 大會之設又踰年爰 或泣或廉或敦或萌私淑 製 極 弟忠臣貞婦之 象器以含章者莫非本道 萬棄鎔鈞孰闚其迹 年而不可磨滅者也 議 DESCRIPTION TO THE PROPERTY OF THE PERSON OF 全矣惑矣。 倫 有國文 補 年爱 而 逝 研 怕 國 願 朝

典章我校必有進於政治家者方墨經之旁行象畫 碩 繼自今者篤信殫精鍥而不舍當陰消剝極之會 鉤深致這我校必有進於道德家者總撐萬變網 進 果之爻際晦明風雨之交抱雜鳴之誼將見閎意眇 且請 攝提格之歲 詮我校必將有紹述師傳者夫聖者範圍 我校必將有通譯閱材者奪道 一言以爲序文治作而歎曰是吾之厚望 如月國文 科長李君 學之與突發 **項韓輯**

磨搣者意在斯乎意在斯乎 古四至已て自己二十二十八十二人 籍先正法度心摹而手追之孜矻不舍日 爲卑庸鄙倍之習曰水淺水淺雅者使之俗精者使之 序於余余維大易之義曰貞曰恆貞者事之榦恆者德 一業專門學校國文成績錄一 ,已夏吾校新國文二 | 固若 深者使之 則吾嚮所謂國交當與而不當廢歷千百年而不可 不畏世人之 吾校諸生之於國文可謂貞而恆矣舉世方務 一陋通者使之僿要者使之蕪而吾校諸 一譁笑相從於晦明風雨之 一編成國學科長李君頌侯來問 一編序 三 像取古人 新月異他

支 之 博 大 與影也 堅卓者必其 巧滑而伎柔叶囂凌 孔子之言曰 、秩序者文章之基人事之 泯棼棼皆害於無 人格之與文格 昌明者必其 言舍衣 人之忠厚篤實者也若夫圓熟軟美則 手人 人之光明磊落者也文之 秩序學校之士 亂則八必恣睢放蕩而無 文以化成 誰余 須而不離者也余嘗有言 紀也世變多故言麗 重閱之有忻賞不 天下人之於交形 命清流 所 品行不講 心修 精 秩

古恶言言言言言 发光工 文字之氣正而世界昌焉是故易者陰陽消息之氣之 所對滋也書者虞夏商周政治文明之氣之所昭斯也 之善氣人欲吸世界中之善氣必先吸文字中之正氣 反正善善惡惡之氣之 始易且夫世界中之善氣卽天地中之正氣亦卽文字 中之正氣也 入之恆毀節而銷骨摧 、軍嘉喜怒哀樂之氣之所周挾也春秋者聖人撥 利失足如墮千丈穽惡氣充塞若洪爐之陶鑄青年 1 明堂雅頌里巷歌謠之氣之所發攄也禮者吉 人皆吸天地間之空氣而不知吸世界中 所旁魄也宇宙之太平始於善 陷廓清曾不知幾十年以後

氣而善氣實始歷於文字孟子日持其志無暴其氣韓 吾聞一 者善審氣吾閱一文而知其人之善也知其人之惡也 可知而言莫能廋人之言可以偽而氣莫能遁善知言 也又曰和順積中和者温也良也文字中之善氣也又 序也古人曰吐辭爲經經者常也序也交字中之善氣 To the second se 1剽而不留昧沒而雜 文而知其人制事之 「氣盛則言之短長與聲之高下皆宜人之心術不 文而知其人心之明也知其人心之昧也吾閱 與文格相須而不可離也善知言 有條理也知其人制事之無秩 剽者浮也雜者亂也文字中之 A CONTRACTOR OF THE PARTY OF TH

市西宮とは一三世が永二人 學說泰半述孟學不過 **元文字中之善氣而卽以提引世界之善氣於無窮 同讀周易離爲文明之** 疑之 階也無形之競爭以心理有形之競爭以 也迨驗諸當世而結 業專門學校雜誌序 舌之不能省也吾惟願吾校諸生傳嬗吾之 競爭以科學有形之 以爲何相悖也又讀史記孟子列傳敘鄒衍 善審氣者善知 一競爭以 轖 製言心又疑之以爲體 卦而其象又爲甲胄爲戈兵心 丁 乃盡解蓋文明者戈兵甲 巴 人也 一文離爲 而彼黭淺 學術 之學說擴 不能 例何 知

時離之 A COMPANY OF THE PARTY AND ADDRESS. 子剖斗折 義 管子官山 莫 而欲 如爲仁 衡民 屏絶 斯 海 征 艺 者 争莊子 反水諸已之 明 折首 也 說知此義 孟子矢 **於** 差若 起 爭 者也 絶 聖棄智住兵不 起 說人 以戦 鄒 痛 而欲補救之者 文明之弱者 知此 面人之 衍 初發 明 義 明地 相校 也 球 與

質之文 上すたがからいいからいましまがないよう 悲夫近代學子稍稍研求科學徐而究其實乃徒知物 學偏於空虛 知文明之 且嗜功利薄仁義此猶抱 球之 此司馬遷述孟學之 離 明而 一丙以康以寧無仁 事六五 足以治天下而不知甲胄戈兵之已隨其後 7 禍 於 其心思耳目之 有形無形之競爭曾未嘗少辨焉或 知中國必將有聖 象而 大台也漢虑以來鮮明此理 知上 義救之不爲功蓋有仁 義則地球之 聰明窒塞乃日益甚蓋徒 九正 邦之 一丙以爪一 打了! 道矣重 明麗

競爭趨於有形之競爭乃復以有形之競爭歸於無 發揮文明之學說以勗勉之並將以振起我國民也 無錫國學專修館文集甲編序癸亥 文集之昉何目乎其昭明之選乎騰華沸麗爲文人摛 之競爭背者宣聖懷然於大道之行與三代之英夫大 支系生三年三十年 オー 其人也我校諸生講求工業謀印雜誌公諸當世余特 同世界詎不可以締造在天之生斯民先知先覺之 辭乎哀歌紓怨蒸戍楚風一家一先生之言未極人交 一變未可爲文集之昉也子長不云乎詩三百大抵聖 人之本意文集之自出也然則其楚騷之

何民志之弛張夫子定之刪之而各得其所以之言而 賢發憤之作徵十五國之風以極政治之變列大小雅 容雅言其政雅頌之興亡天下王道之興亡乎其文集 THE PROPERTY OF THE PROPERTY OF THE PARTY OF
 学也以之興觀羣怨而各發其志也風言其諷頭言其
 有徵也以之專對而必達也以之事父事君而必忠必 文以極興亡之迹集數十百人之言以觀民風之 所防乎非特此也帝典皋謨唐虞政教之交也夏書 禹揚政教之文也洪範箕子之文也而周書誓誥 都周公召公立典制禮之作歷千百年之文集 作昭昭如日月之代明離離如日星之 1

此 有課課聖道也年有核核先生之學也猶懼其或出 矣其孰能振之吾館之設創者爲錢唐施君省之繼。 爲無錫孫君鶴卿暨京外諸同志殫精竭力成立於 文集固聖賢以之傳道而教人者也聖賢之統政治 國 俗之變無何在 雨雞鳴之會大江南 [寶書而作也論語禮記集孔孟論道論理之文也 一極堯舜之道下集三王之文疏通知遣其書之敎 又文集之所自昉乎非特此也春秋傳之文集百 經學理學以究古今之奧坊其或出于帶也 無何不在也嗟乎今天之喪斯文也 北學者運至日有講講六藝也 風 則

論語禮記採道體之 春秋之教與廢繼絕誅亂臣賊子也未可知也其能 孝爲忠爲專對爲使命爲文爲質也未可知也其能以 藝之道施於行乎否也未可知也其能以詩書之教爲 服聖人之教與否也 史學政治 **著於編也則此編也固將繼往聖** 人之言不敢言先王之 可觀者若干文著於 することとというところ日 年矣爰假教師朱君叔子陳君柱尊陸君景周集其 學以達外內之情定期爲文以驗之其果能 一其果能載先王之道與否也于今 全 此編刻而問世未知其進能以六 教不敢道人心風俗之論 理禮之精也未可知也然非 TILL MANAGEMENT AND ADDRESS OF THE PARTY OF

文光写了了一般 文也 與未敢 英固 先生之言非知 區 一既沒我 救 資者又豈此集之 呼孝行之 大きいなない あいあいとはいるためしからのものない 者也 則此 夢寐而不能忘也爲天地立心爲生 知矣 一孝子傳序馬申 敷上 公已矣夫 、或有 集 願 者也 **自哉嗚呼鳳鳥不至** 尼 此 質先聖之 山木鐸 編 或將有補 八或有以此 . 爲諷 靈而 世疾 與孝行之在 大道 心風俗 俗之 編 河不 民立 爲文 文 一命此 江華 瘸 家 圖 區

刲股以療親芝珊則間關崎嶇 專翹練鄉團禦之死於難其子 禹里尋父與明黃小雷先生尋 古田 | 一年 | 一日日 | 一日日 義也皆根 孝子皆擗踊欲絕哀慕不忘 道 光成豐間秦氏又有二孝 之側過者瞻拜旁皇不忍 鍾 丹翼等偕余丐詩文於當 化時有二孝子日永孚 原於孝也越數十年邑 氏 1/2000 門 與何令 去迄我 兄事極相類父殁之 走烏魯木齊迎以婦養 子曰蕚翹 世之達人君子得若 咸豐庚申粤匪陷蘇 **客燦亦殉焉蓋其忠也** 仲孚其祠宇歸然峙 起 敬 與追思之 日芝 起

乏 無 廬 也 離於裏之語 余特爲之弁言嗟 倡非孝之 生自 論未生之先其說渺茫 杂 舍也若不爲禽獸 幼時讀詩至父母生 有知覺吾之軀 疾病康寧笑啼與 說吾 體 光 輒眷戀悽 何以展發 不知其 £ 乎人 而 不過從 得 載魂以抱為 可究詰 人豈 及其長也飲之食之 母 何 來而 而近 非父 乎又況 卽 世 忍 母 魄 如其言形 心若是藉 一謬妄之 所賜之 初無足 徒 畫

古空台とまた二詞と父に1 川能者其良能也所不息 恣處 創性善之說反覆啟迪以救 非禽獸 **疚**淒然感泣乎昔者孟 士橫議 是也義之實從 行相 理 **抑何忍心若是儻聞 秦孝子之** 反覆啟迪以救 天下故曰人之所不邪說誣民充塞 仁義深知刦運之將 於人心 兄是也樂則生矣生 爲 而知 子生當戰國之 迁必欲黜絕之 清其,良知也 則 殺 人之 当し 風其亦悚 時見夫諸 機 則惡 叉 能 日 可

學孟子者 康誥言保民日 **竊比於正人心息邪說距詖行** 無賢明瑰瑋之士而於奔倫之 書坑儒之禍者空言之效| 政治舍孝道其奚由 スシストリンとしてアストレン 由嗚呼戰 **太倉育嬰堂** 开空言之效而無之 見孺子將了 國時有孟子發明孝弟之 一微信錄序辛 如保赤子孟 一矣吾故序桑孝子傳特大 欲挽今日 不能 酉 子言不忍人之心日今! 心教噤然不敢發一 惻隱之心又曰 放淫辭用諗夫世之 世運舍孝道 說然而不能弭 其又 辭

古四古民と東二言語 或無因 匍 寡之儔窮 **悲哉悲哉試** 量可 將 何哉蓋 此赤子則無 侵)發生 饑 肌 至 膚 而啼 謂慘矣然 餓之 此而 非赤子之 天下之無 不知其痛癢也瘡 所 木 問其何罪而催 類 口能訴足能行手能作 知其爲餞也寒而號不 記元 同具也家庭之 知也無覺也口不能言語 而 以及天時 推其原 罪也自古 罪 而 受苦者莫赤 由大 精 凶荒 此也然而 一樂生 聖 猵 一賢英 饑饉 抵出 頭 角 更有大 倘 所 知其爲寒也 子若也彼夫 於 廌 兢 手足 臻流 知其苦楚 可倖免於死 作之 競於 離 夢 能 載 卽 鰥 蚊

路矣否則活葬於泥溝矣否則飽於鳶犬魚鼈 裳藍縷然而呱呱啼泣猶幸撫我育我之有人也 論其水源木本茫焉昧焉 即此啼笑 、憐之天下至慘至苦至茶毒之事孰有甚於此者孟 育嬰堂之赤子墮地之後即不識父母爲何如 哉悲哉此仁人君子所以哀矜惻 日窮民無告是無告之尤者也悲哉悲哉試問其 也然猶幸有人焉以育之也否則餓死於道 也 有母而 即有恃也 縱使茅簷蔀屋之 之天眞孰哀之 大聲疾呼而 党 腹矣 何

ランスノニ・ハコノ・マル

著成效因鄉人之請當公私埽地之餘毅然擔任偕諸 日本学し記言語 同志分途勸募娲半年之力集得萬元先生愀然 得三分之一也蓋三嬰堂地方遼闊育嬰之多輒 能支持之勢諸父老昆季推 | 婁舊有東南北育嬰堂三所辛亥以後經費匱 1有奇除原有公田八百餘 惻隱爲懷 N. SAIL 歷辦江陰常陰沙及溧水縣嬰堂 **女尊崇人道豈不當自赤子始** 同鄉陸 小 靜涵先生主其 非積得基本 焉爱先印

知世之仁人君子念此至慘至苦至茶膏至無告之 事雖一 知嗷嗷焉環繞呼號於仁人君子之 受苦之赤子方嗷嗷焉環繞呼號於先生之側以求 |布綏心求其柔陰陽寒暑出入照料必親必周告誡 拯救而先生之力有所不逮則彼無罪受苦之赤子 哉先生之誠也先生之治嬰堂也驗乳漿必求其厚 天地矣兹爲三堂久逭計將繼爲將伯之呼蓋彼無 易倘稍涉糜費必致上干天譴然則先生之誠殆可質 支流生了香二剂 一質之在旁之意而又自爲敬語謂育嬰款項募集非 言一笑不敢以苟嘗顏其堂曰臨質取臨之在 側以求其拯救吾

古。空台文章写画 《名二上 緒戊子夏文治與先生論易學詳晰漢宋義例先 嗚呼此我師定海黃先生所著周易故訓訂及注疏賸 觀文治偶假讀 周易故訓訂跋玉戌 本蓋皆未成之書也先生承家學最精於易口講指 與吾鄉諸同志 女變號咷而爲笑語化孤露而成室家此則靜湎先 「者恩膏遍及行見此干」百嬰孩皆爲衣食廳完之 心治將哀之憐之慨解仁靈而有以救其垂絕之命 不倦訾著十翼後錄八十卷都數十册哀然成 九頓首以請有也 一日輒索去以其爲未定之論也 書

宦京師値庚子之 するがからしていているか 書周易故訓訂爲學易津梁盍附刻於易經後文治 之憬然爱屬館生嘉興唐蘭詳加校正授之梓人嗟 |經讀本| 出此一 易例得過 也兹者距先生之殁二 踵 主講無錫國學專修館並受施君省之之 不以此書示人者因先生有宜秘之言弗敢忘 卷 同學陳君善餘以書來日子有志刻先生 成之固先生ク 半矣文治讀之 日此余未成之書也子宜閥之惟讀 彳 觚 輾轉遷徙常攜以自隨弗敢失墜 一十餘年此書 志也伏案故訓訂僅 如獲洪壁亟鈔成之嗣 既出後有學 託 刻 此 聞 後 師

穀梁傳選本跋乙卯吾黨所禱祀以求者以 日本語と見る語が入れて 備 **佳處也年二十後學為說經文字隨意平衍更不知若** 而 惟先生畢生精力在易理一 **余十三歲讀穀梁傳但覺其文之詰屆奇奧初不** 十翼後錄聞尚藏諸家儻得有力者集而刊之是蓋 而爲佳也年四十後潛研文章讀柳子厚論書 於乾坤二卦學者循是以求自可悟讀易之 卷注疏僅成乾坤屯三 (厲其氣爱復讀穀梁乃深好之以爲穀 也 |卦並附重卦卦變圖然易 一書禮書通故已風行海 Will bear During the Control し法矣追 内

法律家也斷制謹嚴於說春秋爲最宜年五十 女弟は二八金二十十八十一 進是歲適得王氏道焜評點本余詳加選擇以爲讀 春秋三傳而穀梁爲之最不當如後世訓故傳之屬燕 子大義忽悟說經之要皆當以文法行之其例實始於 庸而寡要也爱取穀梁文法以說孟子而文章覺稍稍 見道精變之處甚夥曰人之於天也以道受命於人也 復屬陸君景周附錄花甯集解以資考證穀梁氏之 也又曰言之所以爲言者信也言而不信何以爲言信 以言受命不若於道者天絕之也不若於言者人絕 公爲信者道也信而不通何以爲道又曰君子不

也凡若此語皆先賢所未發而尤足警今世之人心 する。日本のできる。三田 法之奧妙在設 左氏春秋以下諸家而不及公羊穀梁豈公穀一 作 心斠之穀梁之文氣嚴以厲蘇氏之文氣麤以囂 如鐸呂歟抑偶遺之歟然如穀 八名不奪人名者不奪人親之所名也重其所以 師虞 語也余嘗疑司馬子長作十二諸侯年表序詳 問題層累而下蘇老泉春秋論即竊取是法 取其神以 70 (師滅夏陽晉趙 シュー 爲文而後之人不能 問題以解釋之而其解釋之事 梁傳中晉殺其大 秋 蒐於紅諸

嗚呼文治 文彩写了生二系 イヨ 心通而神會之則於學古文之法左之右之無不有之 日當汝初受業吾門吾母嘗見汝謂余日是見厚重 以太師母三星樓遺稿見寄屬為校印並貽書告 、比宜善視之又閱汝文曰此違大之器也今忽忽 所撰 年矣汝其誌之 君能蘇臺常稟慈訓 自去冬遭 跋 先妣事略輒爲泣血不能自禁今 一维誦是語重益愴然因念文 先母之喪居堊室之中讀吾

助校字者朱君权子李君頌侯也殺青告竟距 而重念吾 海先河實維太師母爲淵源之所自因太師母之 授至今油鐙涼月之 我而重念吾 弱冠以後幸得奉教先生之門麤知爲學大旨然祭 師 排印更流涕以書之 込小觧已逾念久承先生命不宜濡滯謹以 翔先生讀左質疑五卷文治謹刊行之 戊午 母無隻字之遺更不自知涕泗之汍瀾 母鞠我教我之恩讀太師母之遺稿 刀尺講讀之聲彷彿猶在 五百 郑我

魯君子左邱明懼弟子人人異端各安其意失其真故 恭左邱明恥之意其爲人必磊落瑰奇講求氣節故其 遷云孔子明王道干七十餘君莫能用故西觀周室 殁蓋七閱月矣手擇如新不禁流涕之浪浪也漢司 ויו אול ליווי ואדון ואד לאו צול ויו 書馳騁萬有涵蓋古今寫其胸中之藴蓄而不規規: 因孔子史記具論其語為左氏春秋然則宣聖義法 史記舊聞興於魯而次春秋以制義法王道備 行怪違離道本何哉殆有二故焉論語曰巧言令色 明蓋熟聞之矣而今案其書類多浮夸之辭甚且索隱 八謂邱明之傳非以 一說經猶子長之文非以 人事浹

季武子謂國君十五而生子冠而生子禮也而魯襄 謬誤可疑之處乃孳乳而浸多其最謬 漢時公羊先立於學官綠飾讖緯治左 盛田氏有竄入者如懿氏卜妻敬仲之類魏氏有竄 史此其故一 けるな言で言で言語が、といし **香如畢萬之後必大之類趙氏有竄入者如越境乃免** 人符瑞之說下逮王莽之世劉歆奮其私筆任意增改 類秦燔而後劉氏有竄入者如處者爲劉氏之 一歲而冠重誣古禮莫斯爲甚此 一端爱成此書名曰質疑意以存左之 也後人好改經傳左氏離厄尤甚六國旣 者如襄九年傳 氏者傚之亦竄 其故二也先 たえ 類

善善惡惡崇正黜邪而乃時丁否塞運會元黃亦徒纂 典章復縈繞乎夢寐嗚呼深足悲矣然後世學者儻能 道之行三代之英有志未遠甚矣吾衰 空言於荒江寂寞之濱殷宮禾黍旣鬱結於平居周代 乎辭矣先師之志在於扶綱常正人心明禮義賤功 **賈其書知其人於春秋之旨所謂撥亂反正者隱居以** ラガゴラ道二第一名日 不如見諸行事之深切著明也手無斧柯奈龜山何 權所謂撥亂世反之正者意在於斯然而載諸空言 一難左也嗟乎春秋之世君不君臣不臣父不父子 孔子明德討罪惇典庸禮以正一 聖人之情屢 四十餘年南

先師王文貞文集都文三百六十 文貞公文集跋辛酉 行義以達之更相與光大而昌明之則吾先師 靈其亦可稍稍慰矣乎 初無編次與年

錄復經同學陸君禮南王君熾甫季君 甲孟春迄辛酉季秋竣事助刊資者同學陸君勤之 さればない言うへ言語 定為文集十卷別集四卷制義 編訂遺集見屬文冶謹本先生平日之意擬定分類 積成巢鈔五巨册先生旣殁之後其哲嗣慧言世 1/ 2044 . 4 卷由慧言校刊自庚 調卿先後參

命弗敢辭爲僭定一目錄先生意殊不愜若嫌所存過 即委以編輯文集事手稿見示文治懼弗克勝因先 君景周暨文治等俱稍竭棉薄而不敷尙 生瞿然曰此言汝得自何人對曰此吾婁王弇州先 意的割愛太少耳然要之先生之文精則極性命之 日汝志之此刪定文集之要法也於是 行出資以董成之憶光緒丁未文治奉諱歸里 日偶述古來文家割愛之法當以昌黎為最 統之寄其所淵源上 E 一則希蹤考亭下則與亭 知先生曩者 鉅則由慧言

中型岩之長二層で発言し 治追念教誨之恩宿草如新 學者殫心讀之自能得其獨到之處 文肅公遺集跋 不覺沒然而 足探論乎兹者遺集刊成 聞竹篔先生名光 乎其所不得不止則 发丁巴 一自歐 固 西 〈備員外 極文章家之能事 可慰 然則所存之 節 部章

路學堂今莘莘學子沾漑其澤顧鮮有能知之 清鐵道 或負手庭除間殫精竭思期於因應得當每與歐美 乙者庚子夏五義和團事起先生抗疏諫諍同 言也顧服官極勤擊自旦 カンオトコーバコンコス 余佐理先生爲 而笑不易一 公使辯論命余繕記問答函牘疏 而不敢言六月事益急余奉 告成先生充督辦不受兼俸以之創辦俄文鐵 字蓋其愛國好士和易至誠根於天性 气 刪削而潤色之有時則欣然贊歎相 一至暮不稍息夜則篝鐙 草雜遝旁午時 避地於北山之 一無交涉之 人咸 而闡 輒 危 東

市平学是表二层 迄不可得爱屬外部書記生詳檢檔 秋 余馆懷知己是年冬常恍惚夢見先生夢醒 豫籌抵制之策嗚呼孰意別未經 旋隻身返 徐先生嘯雲魁先生元字忘立先生豫甫皆同時遭 作五君詠以哀之五君者先生 以死者也先生旣遇害拳匪盡燉其家余求其遺 都事不堪問矣又曰日後和約之苛不待言吾輩當 重資酬之 輯得奏疏一 都謁先生 NAS IL 越三年得數巨册時 私第先生 卷出使函稿 一居首次則袁先生 旬而先生 条索先生舊牘 えて 目已眚暇時盡 國聯軍行 軱 已被難矣 爲零涕 爽

庚子之夏義和團匪 寶夢蓮先生詩集跋庚子 昧氣節蕩然吾國辛亥改革識者謂先兆於庚子之 **有感焉昔明代之亡在於濫刑廷臣摧殘士類是非茫** 民氣變 長亦先生之舊僚屬也其用情 陸 殄 百帙分贈諸同人 勃禍患隨之 總長見之大喜亟謀再印干帙以傳後世 非朝夕之故也詩有之人之 年行告罄矣个歲春 可謂厚矣而余則重 兵於譜 蓋

父母一 願吾子之有言也文治謹讀一通作而歎日有是哉仁 運先生詩稿 古四世已又表了四周一人人人 不離乎吾親左右之間用能視於無形聽於無聲而 可誣也 諸天下所謂民吾同胞物吾同與者乃遂如有本名 一越千兩 入其言藹如蓋其由乎中以達乎外者固若是 出言 嘗聞之古之仁人孝子一舉足而不敢 丈宅中 能禦个夢蓮先生之爲詩固以仰承先 見示日此百年先擇也僅存於劫火之 而不敢忘父母何者彼其愛敬之心旦 川草有云傳知郡邑惠家法辭到 日敘五丈手其先德太譜伯夢 餘

コジラグ・ニンコイライ |而孟子論推恩保四海必察識乎四端之發見然 製祭清河轍迹 敢忘父母 性其仁孝之)建大業成大功者於門內之行蓋尤重哉蓋尤 則叉 而未有艾 人人知之更無俟文治之贅言也 一詩之淸真拔俗異乎世之以風雲月露 丙 出言 也昔者有子有言君子務本本立而 思充滿洋溢有如傳記所謂 寅 7 = 1 所至口碑載道 而不敢忘父母者故厥後出守 草有云纊挾三 而其遺澤且下自 干旅 舉足 道

遺蹟叉痛 行区全ではい二間であった 公曾爲之序个权湄先生深願吾子一 讀第六卷人物傳則 又讀第八卷節孝傳則 話也文治謹讀之 湄旋壽臣弟寄書來且告日 節行詳焉雒誦往復曷禁涕零旣感念 弐 介表弟朱君壽臣乞假劉河紀略於朱 一百數十年矣劉河之 於繼述之 先君之不及見此書也嗚呼余小子 先高祖序文固已刊入家乘 義哉顧念吾 先 先四世 是書卷端 一世祖南軒公之事實 郷土 言以跋其後亦 生 7 祖妣周太 先世自遷 先哲墨 先人

るるがらこうインニュー 〉淡日積 以興願 田之飲 凋敝 五六十 一海吳 也劉 河之風景吾 能自 之 道 谷爲 **潛漕旋徘徊洋子涇間展** 相 爭衡固殷然 不能自行水閘啟閉失司蓄洩 海舶交通鱻産麟萃利用出入實 時林文忠公撫蘇疏濟建閘水利 陵讀金逸儒先生是書蓋不勝搶 已感情若是則又烏可以無言 然咸豐 Carlo Branch Street Co. C. C. 先 人所眺 大都會也乃數千年 中葉粤匪寬 遊也 拜 一每值寒食清 四

市平宮と長三屈野、谷、江 侈過於曩音其故何哉豈劉民之本富歟或日汽車通 **逾庚申故事迄今二年之間鴻燉中澤乃百堵皆與閱** 危險輒為蹙然動容夜不成無嗚呼此情此景宛然 天地常經自來有餘於外者恆不足於內外觀盆選 突起劉河適當其衝江流濺 呼籲乞款請修者幾無虛歲僅得無事甲子仲秋異軍 目前也而鄉之縉紳君子與鄉邑寶山諸 一富商炘經營也是一說者竊恐未然夫盈虛消息 回憶每歲伏汎秋潮風雨凌罵 經挫折遂 血市屋爲墟焚掠之慘有 Contract to the second of the second 不能復振此大可憂之 先君屢念 同 八奔走

吳君挹峰與赵娟壽臣請 爲浮誇放恣之人庶幾乎士守先聖之法言工 **奢華廃麗之家 更願其人** 中國 也易傳日窮則變變則通 不可變者道德也人心也古之聖人能以天下爲 一大されてニーマスコンとと下一 シストーー 規矩表裏如 八然文治竊願其家爲勤儉樸實之家不願其家 爲一 風而有以保先正之 乎然則讀是書者不徒 人而希聖希賢之 **闇然日章則吾劉河或可爲**第邑 、為制節謹度之 典型於勿替也抑嘗 要知 考其沿革之原當師其純 士或能以鄉土 可變者法制也風俗 是書爲嚆矢將有 人不願其 為一 一用高 聞 家爲 闻 鄉 也

書沈即 ゴスピヤニと言う「言用」 吾婁沈即 一
接
泣
集 僅有存者葉歸庵金綺泉 梓嗚呼當有明之季吾婁八才輩出 劉河志之 吾愛 丙寅夏 餘年印本亦不數數觀 倉旅滬同鄉會及同志諸君子之 先生詩文鈔後甲 一卷明張天如先生輯而刊之粤匪飢後 山先生文鈔二 父爲 所建蓋派 鄉 後學 **接書** 而成之 一卷詩鈔一 顧雪堂諸先生曾爲排印 高 是 通 心 為 矣客歲冬擬集資重 則尤文治 一卷叉其夫 企運以俟 一協助爱

マタガルにコンイフニュガーのイ 站之 流景附雲從聲華蔫甚先生閉戸讀書翛然於東南 先生創設復社提倡風雅松江幾社相繼並 先生講求性命陶淑羣倫風 **德孤無鄰不得與諸先生並傳不朽嗚呼又何其悲** 潭雖當時閱寂後世正學之士猶多稱述之者而先生 也然 凛乎壯懷之激烈而光明也說者日 个讀其詩文悄悄乎其憂也惓惓乎其忠也浩浩乎 the second section of the second seco 外無人過而問者嗚呼何其悲也且此時陸陳 而文學之士亦鮮有表揚之者帚值千金等諸 呼 何其悲也 E 一薄少君 一衡門偕 雨晦明論道不輟桴亭 Salar Sa [是明七子之真傳 興 增 諸

後毎乾 嘗聞 體膚空乏其身行拂亂其所爲然是人者天或降以大 之姿文治幼年聞 叉何其悲也孔子言積善有慶叉言鬼神害盈福謙豈 任而如先生夫婦窮做以終曾不得吐 樂飢先生有之易稱苦節少君有焉嗚呼又何其悲 古空光を見る一門である。 天地元黃否塞之會正賢豪困阨之時苦其心志餓 至常之理雜以至變之數遂杳渺而不可信與然文治 絶哭暈 **慟而絕倫紀之厚足以風勵末俗詩稱** 次無所得食取書嚼乙迨先生 先妣胡太夫人述少君富先生殁 日之氣嗚呼

爲紀 生墓在城南門東隅數十年前州守合肥蒯公曾立 僅蒼蒼之氣屈子作天間而牢愁殆不 アンアストニアイフニアが 呼叉何悲也壬戌之 固 拜封樹常新吾邑後生當永覓此責 則爲賢聖殁則爲明神然則造物呵護之靈固 今沒於荒草矣盍與同志修而葺之文治 也陸稼害先生之言曰其 三踰年錢君覆告曰 泯有如此者嗚呼父 傳先生 秋同鄉陸靜涵丈以書來告 為吾邑神矣 先生墓 何悲 氣勝者 是不特天理 免於多事矣 已修竣矣春秋 ミ 也昔伯 神 爱白 明 日

上ではないしまで、言語・別ないし 志晦顯微文治讀之不勝低徊往復之感嗚呼乃覺。 氣豈特頑懦而已今先生斯文精光不滅其鍼 蟠鬱於 書左傳考釋後王辰 **初稿旣定命文治校字** 壬辰仲春文治隨吾師紫翔王先生至京師得讀左 而愈可悲也 陽聞其風者 一書叉時時得聞緒論而是年孟秋先生適釐 朋黨交開於下遂成一 一夫乾嘉以 **頑夫廉懦夫有立志** 一來言漢學者多矣 通乃能觕得是書之 蹶 1 振之 明末 局論 造 砭時 停 事 風

學學者皆精研性道碼厲躬行抗心嫌挌關閩之緒 無所不搜而獨於吾婁闕如者蓋吾郡自 文糸生三年二飛一名コ 國初以來維時適桴亭蔚村諸君子相與主張義理之 老鉤稽故訓辨析名物夏輯經解諸編窮鄉僻壞幾於 the second second standard and second 秋者非特其平日心得之瘟之不可終秘蓋亦其家法 實以經學世其家於春秋一經代有作述而其書又評 是經者未有之作文治竊以管見測之其大綱有六 沈汗曼或寬編散佚罕傳於世先生之發憤從事於春 於訓故名物考據之學則往往輟而不講獨太原王 不然也而是書之廣博貫串無所不賅則尤爲近代治 NN

日明小学上下雪 鄭邑宣十三年赤狄伐晉及清叉別爲晉地桓十五 日本学で国際の 數地背向愁之士易於沿誤若隱四年遇於清據水經 若此類皆能究依聲託事之原黜鄉壁虛造之失其善 注東阿東北有**改**病亭當屬齊地而閔一 別三 字異其例有四傳說不同 之假字爲例桓十年齊人儀諸侯謂餼之本字爲氣 一年紀裂糯謂編乙正字爲喻桓六年嘉栗旨酒 一明小學若隐元年盟於蔑公穀作昧先生以爲三 也傳寫萬奪四也卓然為前人未發之義他若 日精地理蓋古時幅員雖狹然往往有一 a falle good to a second term of the many of the second substantial second from the land of 七古音通假二也隷變 人則 名 謂

恐亦失 吾儒 平心論 於莘 然必謂元凱附 晋戦 ナラディーマインデー 據漢志精 莘國成二年師從齊師於莘 服舊注本優 十年荆敗蔡師於 又別爲號地僖 、於櫟據水經 心區別無或結 則爲晉地桓 7 就隱以規杜 於杜昔孔 司馬氏 一旨先生 說阿世 職其善 這伸杜以攻買服固 則爲蔡地莊三十二年神降 八年晉侯登 年傳盜待諸 陽翟縣地而 又別爲齊地凡若此 此 而遂雜以 書有顯針 也 有莘之虛 襄 芋爲故莘亭 武洪嫚 屬 類 曹

義謂 歸衛 古平地である。一世の一大 此 鑑 引書堯典及周官序注 丽 傳之合 見荀子司馬法尉繚子諸 引內則男聲革女鞶絲謂 羌胡之 類皆足以旁證古書之 駁難之餅務歸閒覈不 曰申古義若桓 俘 如杜解則 此皆顯糾杜失也 杜 疑左 服似不可以 民 十二 經 僅 and all the colors of the section with 爲誤 餘 年 謂 爲 四 人豈 義其善四也五 書 傳坐其北 盛帆者爲擊帆盛鏡者 又莊二· 卿掌曆數乃唐虞古制凡 例此用先儒說隱以規杜 開叶囂爭訟之習其善す 乃據書序俘厥寶玉以證 叉 一復成樂莊六年齊 桓 十 門解坐爲坐陳 七年傳母官居 一年傳后之鞶鑑 と 世 也

禘非一 姓引孟子有孟施舍戴記有少施氏卽此施氏因悟邠 徵世本近據通志務極詳審若桓九年傳施父 卿孟 城絳謂城聚城絳非 STATE OF THE REAL PROPERTY. **經史若閔二年吉諦謂** 類俾後世言譜牒之學者 氏婧侯之後又據唐宰相世系表與通志互異凡若此 マスカイニシイフニュネーロームス **大禘周官大宗伯以肆獻** 子注語之誤又閔二 事叉莊二 and the company of the second 之是遷書之 E 十五年傳乃城聚而處之明年士 地亦非一 一年傳羊舌大夫引通志羊 一有所考驗其善五也六 有三大傳之不王不諦是 課享先王是爲時滿與此 一誤凡若此類又足以 時史記謂城聚都 Z 施 姬

迷謬不省甚或斥爲空言而以爲非漢學家之宗旨先 務使其說之新奇足以駭學者之耳目而後止而於是 することにComvain田 WARAIL 破律或碎義而逃難往往剌取占經一字一義解說至 累干萬言聚訟而不能决叉其甚者分別門戸當著書 析名物之學降至今世其弊則已不可究極或析言而 如此而文治則更有進焉者蓋向之所云銁稽故訓辨 乙始先存一 **百聖人之微言大義所以勸善懲惡蘇世覺民之恉則** 一嘗慨然謂文治 一經校訂諸史其善六也夫先生著書之例其精且博 凌駕古人之心於是穿鑿附會汎剽舊 日吾爲此書以少時已有此著千金 THE STATE OF THE S

敞帝不忍終棄嘗 支糸はってころって 左氏之紕繆不合於經而爲散莽所寬入者則爲讀 疑 原庶幾綴學之士稍稍知經世之務不至於違離道 命爲漢學者絜長而較短也然則先生著書之心其 而亦以見此書之行於世非欲與近世之破碎繁瑣 微顯闡幽之意與夫黜邪崇正內諸夏外夷狄之 一先生爲考。據之儒則庶乎能窺先生之學也 | 擊用敢申的師法綴諸卷末後世之讀是書者 是者乎文治不敏自幼受 刪裁繁誣匡正悠謬務使後世學者有以見 | 欲探先聖之精心尋古經之與義 經於先生荷教爲

者也个讀此志體 「日本大王」と聞い、「曹国」へから 則宜仿太史公書 世所推崇之 石吾婁舊志六十 江南通志可也 恩旨 宜 王君故余素所 統名 」列傳其 門若 一武功志已能高出 州 志 Ī 及班書范書傳循束儒林文苑之 有別擅 條俱係乎通省而不專係乎太倉載 例故自秩如筆亦簡潔無支蔓較之 後 而專繫於太倉州則不可也人物 卷 庚寅 人物為統名 仰而孫君則又夙昔所辦香奉之 成 於王君並 一行如忠節孝義文學之 籌而文治觸有議焉 而獨以功業稍著 庵覆校於孫君 Z 例 類

る赤公三元三系 一名三元三元 一名 ヨ · 請卓絕當世忠節彪严天壤乃旣不載於列傳又不戴 書志五行而陸淸嚴靈壽縣志亦記災異則別立祥異 **編於列傳則豈孝義忠節諸科反不得蒙傳名乎雜綴** 紀事之類俱等稗官野說無關風俗何稗勸懲如謂班 及歟錢竹汀先生淹貫羣籍鉤稽百家乃所著述不戴 志不知當屬何體據鄙意雜綴 於忠節一科是豈鈔本之行挂漏歟抑豈採訪之所未 於藝文補遺中僅·戴其·第大阳著作若干卷豈竹打先 門爲他志所無有命名旣不古雅而考之於古史通 門可也曷爲緊以莊綴之目乎黃陶庵先生昆季行 to at least the factor was 門儘可刪去凡紀聞

書翁雲樵先生文集後王辰 擬遵章氏所言之體例重修吾婁舊 日本語と言う言語 士辰季夏文治客京師得交翁君又申聆其言則淹 俱屬可商而有可疑者近人章氏實 生斯時尚存歟果 **志學最爲精覈以律此志固不無疏 少章氏書律天下之志書則天下殆** 一徵他日之識與此時有異同否也 事反不與聞也防灯先生 爾則先生與王 CHANGE STATE OF THE STATE OF TH 無完志矣余不 一齋文史通義其論 略冗雜處雖然荷 志因識數語於 州新

中此一 又申出其先集見示曰是吾祖所留 ラスオなことをプロスポートタイトコ 棘句模儗聲貌自命爲秦漢而按之乃無至理充乎其 至今世而已極矣或襞績以爲古或堆垛以爲奇鲌章 盡蓋其本導源於經史而得力於六 或者又才閪力溥於鍊氣鍊局鍊辭之 **精餘叶囂雜然而按之乃無眞氣行** 別立宗派專為冲淡夷猶之文而自 通覺其幽然之光醰然之味夷然之度挹之而不能 爲尤多信乎爲傳世行逭之作無疑也夫古文之 弊也或者巉刻其局磨厲其 貽也文治爲校 餅拾戰國韓非之 乎其間此 **矜為神味獨至** 一居士集南豐 法迷謬不省 弊也

世豪傑之士哉抑蒙則更有進焉夫先儒之論文也必 樵先生之作不馳騁以炫其才不凌駕以促其氣而 作後生學之氣體茶然終以不振此又一 渾厚靜默者也於易有之立天之道曰陰與陽立人之 文者編

曾線

聚

今

古操

末

探

本

凡

文

之

磊

落

光

明

者

必 市型话之表 一篇 17 名 11 布置取舍疏密繁簡之次務衷於法而程於古豈非近 其人之瑰瑋俶儻者也凡文之精深幽邃者必其人之 日言有物言有序文治嘗推闡其說以爲有物有序之 不其要在於立誠而已矣士未有不誠其中而能工 日仁與義夫陰陽者文之體也仁 一義者文之 弊也个讀雲 於

茹經堂文集二 志果有合焉否也 其立品何如至哉言乎豈非篤於道 一弊而已乃俾天下操觚之士有以 用抒鄙肊綴於卷末且以質諸又申不知與先生之 一持論以爲文雖小道必與人之 何其盛耶文治於古文之道無所得然亦嘗有志於 編卷五 性情相合故當先觀 ()敦品而力學其用 而厚於德而明古

年前十八伶仃失怙無以爲生乃棄儒赴申就蕭氏學 靈亦藉妥乎其尊人 韙之爰啟葬焉厥後尊人殁先生 家貧卜孃匪易盍就所曆之處安窆之庶事易舉而先 家貧卜孃匪易盍就所曆之處安窆之庶事易舉而先 大生諱錫圭字硯香世居江蘇之太倉城生穎慧五六 先生諱錫圭字硯香^世 編卷六

之曾慷慨言曰吾少孤不獲讀書成立然於致身之 **亦聞之熟矣孔子言執事敬與人忠忠於事君與忠** 爲華洋 今日今將母無憂室家完好貪多金 理財爭以鉅金延聘先生念蕭 氏與先 也同憶當時母者嫁幼家徒四壁微蕭 生 輻 爲蕭氏 一謹慎將 藤地 生爲 7 商戰萌芽伊始 事無或懈道光中葉海禁方 **婭見而器之不數年事** 理各事歷三十餘 富 氏提攜之德悉 商 而忘 如 賈開先生 無鉅 稔 氏 何 嗣 卻

皇萬狀迨 身經営家室 中国を見て再と言語 幾其長君寶善 殁甫 遇 者讀書所學 後難平 下宅 、祺等先後游於庠 幼時侍訓之 貧先代大 会立ノ 於 天卒子寶祺等四人 逆 州城之 小祥 而驚 何事 亂婁城淪 都 恐所積得 一餘往 猶復 而曹毋以一矜自足遂 為衣食累其間游庠者卒 西 風雪嚴寒瓶罄莫繼 延師課讀當是時心 往擊甕 鄉種極盛先生復訓 陷 一險潛 無症 人俱幼先生 取水分畦蒔 囘 並患疝氣 **陬**飲泣 出走

敢言瘁恐傷親 復偏訪各族 身自省立志 立宗祠未果 於笥寄存鄉 身席餘蔭曾 里持物赴 生性嚴 荷得地尚竟吾志至立莊贍族尤吾 就 睦家之肥不及他語年七十五生嘉慶 中亦無獲爱就追憶所及繪圖以誌之 上達不亦重可愧 質易 無 **些族中事平後聞被遺失輒** 心也夜則篝燈讀輒至午夜方寢今 屋後隙地先營享室數楹以供栗主 事之足擾 米而囘勞苦身習 正 一治家整肅無嘻嗚聲殁時諭寶 耶初遊 而念及此歲月猶 難時先生藏 雖手裂足繭 明咎不 譜 反 而

寶書貴晉贈朝議大夫先生起家寒素無 寶墀俱州庠諸生寶書光緒甲午科舉人 上からはなれたかがという日間のグルントート 席豐子孫繁衍閶里相傳以爲天之 會也吾國自唐宋以 初以國學生遵籌館 日昔管子之書以商 寶善女 一十七日殁光緒八年九 風冰雨終其身不自安逸 而所謂天人古今之大會更 繼 |來重士而輕商於 爲本事蓋貨殖者 例報捐同知 配胡夫人子 授奉政大 及其效也履 渺 棋寶鑫寶 湖北知縣 **儉勤有如** 天人古今 TANK THE PROPERTY OF THE PARTY 定商務中 椽之 覆: 八夫後 配

知之者 管子之遺 補爲先生作傳以備邑乘 劉先生哲 舟先生之卒去今巳二十年矣甲寅 湘舟先 而鄉之 生似蘭先後所作先生之墓誌銘 劉湄叉為祖居地其於先生之 不文辭顧先生行事之 一文洽遊歐美 生傳王子 規嗚呼 人被聰塞明猶以商學爲不足道亦陋矣 名とう 嗣壽臣出吾鄉業師王 如先生者亦可謂商務 諸 邦見其商戰之 **举举已詳於**嘉定 之采擇文 先 及其 繁盛 之 紫翔 中之 春文治省 他傳述屬 於先生表 診何 先輩 傑

鄉 顧念 及其諸 而 4年專其曹邱之主則 、其有待於後之 漏 夫生 傳 嗣君之善繼先志 鄉 見吾邑生 不忘者叉豈 獨 里尤當 及 杈 劉湄先後赴 〈季時代 師毛 計 /扶植 事爲昔時體 先 艱 生 心嗚呼此 之 能 滬 能 後 至爲先生 都出 墓誌 營業於商務幾執 插足 進 輔 爲首善文 助國家當造 於先生 商戰 銘 **鄭寒畯之典先** 先生積因之 回 義 所手 、塾及借 何 區 創劉 敢為 提倡 福

置也 殿阜心 日公之行著於 於劉 一校者 辨與學至个已蕩 世 則方與未交矣此文治 興學文治遊歐美之 輒 一猶有津 別籌款 界學而已矣商而已 7 向使吾婁 貼其猶先 生息 身公之德食 然無 見其學務商 之賜 助後 如先生耆數 獨 無學何 於後人公之名光 劉 傳先生 也夫達· 湄 吾 邑屢 子弟 而興 夫處 人擘畫 資苦之 而低 務之盛 爲 商非 爭執

浙江湖州府境有巨鎮焉曰南溽其地倚天目諸山之 勝攬錢塘太湖苕溪之秀靈氣所萃土脈厚而風俗 爲業逆億而屢中主者乃遣赴滬上筦泉貨之 通以來西商之屬集而求者如恐弗及先生少貧依 竹でからと言う言語となって 與西商互市必資舌人 長於斯者類能勇能追財慷慨 紹城丁未南來其弟紹基造盧執贄殷然問學於余就 其富厚之名所掩世尠稱焉曩余供職京師識金推事 一竹庭先生傳庚戌 八達彼此意指盆悉心奪習數年 看湖州為産絲巨區海 施與溥多善人 ī 一而常爲 納 純

也孟子之學傳自曾子故七篇中亦屢以推恩爲言 粤匪之難燉於兵先生旣以營業 及嗟乎士 子述孔子之言曰其所厚者薄而其所薄者 成則使族人反之曰毋令先人 方金が生ってイフニスを 旣以親親者仁民仁民者愛物睦 而業以日隆金固潯鎮望族也堂 橋梁治道 通 其 語用是西商之挾巨貲者咸樂與先生市名 一當窮約時間間之疾苦生計之 路掩船胔散粟米藥餌棺木之屬生平 計其尤難者始終不求人 、憫我子孫之散處也 致嬴 姚任邺之 曰載德族 知故獎敘亦 乃規建如曹 厚未之有 外舉 入萃 施

之各殊而心術乃以大異嗚呼先生往矣承先生之 孟子則謂富歲子弟多賴凶歲子弟多暴二 論曰昔魯敬姜有言沃土之民不材瘠土之民向義 者往往 貲者將何爲也如先生者力能致冨而又善於處富 漸致殷阜寸絲粒米胥如頂踵弗忍舍視昆季猶路 紹堂紹基紹坊紹塏皆先生之孫也 可以富矣先生諱桐竹庭其字有子曰燾與余善紹城 口擊輒指天自誓謂荷富貴毋相忘洎銖積錙 行誼觀之乃知非可 而有余詫其肝膽之素越卒不解其坐擁此 概論也度量性情習尚 一說互歧以

望之矣 軼 者志先生之志行先生之行繼志述事續莫大焉企予 支系な三をと一方 陸成甫先生傳了 氏諱勷成甫其字也少孤家貧無力讀書以萱庭王 下之勢矣文治於成甫先生 乎禮法之外洎乎老成凋謝 元氣也邑有老成人則其劑 日雖無老成人尙有典型老 人命出為伯父善哉公後家産為人侵蝕成黨総 先生置弗較人咸以 成者鄉邦之碩望桑梓 而人心風俗遂有江 一般觸有感焉先生 子弟矜之式之罔敢 姓

子五經三年而畢時邑中葉徵 澤淵源固有自矣歲庚申粤匪 倡後進先生受業為弟子蓋其奉篤實之教潤詩書之 橫截中流汝等卽渡矣亟植立岸南促老幼畢渡乃儀 攜譽屬避長漕徑親戚與共者六七人約同生死某 平旦寇猝至舟擠觸橋柱斷南來避難者此爲孔道 日では、一田田でいまれていません 舟出涇未及二三里望見賊幟 數百相率涕泣不得北先生奮臂大呼曰速以吾 遊於鄉流離顯沛迭丁顧太孺 喪葬哀痛如不欲生逾年寇侵掠益急先 難作先生擊其室徐太 君涵溪先生以理學提 、暨王太孺人 1 Transportation of the Control of t

然有以自立先生自謂腹中空 卿公遺骨載卿公者遇賊不屈痛罵而死者也先生 生力也先生當亂離之際厲行無稍懈與沙溪凌悅心 而哭之慟撫其子子律君如同胞後子律君家寖昌先 太亦次第肅清先生乃恤孤寡檢義骸得本生 靡有子遺是役也向使無先生 支系を言ってころことろう 一此深矣旋輾轉流徙達滬上 不少叉常曰吾自三 可以勝數傳曰積善之家必 卿兩先生交兩先生雖布 一壓五六月蘇常克復 衣然篤嗜語錄格 有餘慶蓋先生之種 章之渡則罹劫者 力於兩先生講 一叔父 伏 載 德

恢復 1日からは11年11日日 嬴以嗣 客至不食年七十 夫子四長修臂次起次修藏次修祜起與修藏俱出 了孫徇産以徇情耶族人咸服其言迨疾革時則命修 族更仁至而義盡矣平居自奉極薄家人治精饌 後復有乞嗣者至叩頭請並以田産爲言冀動聽 子兩出祕均係赤貧義所當嗣則嗣安敢以祖父之 慨然曰有田廬者不思無嗣所難者赤貧家耳吾生 丙舍附祀六世胞伯 故也蓋先生之砥礪品行 子牒源兼祧族子耕莘君後又命起聯合近宗 始御羊皮 裘重穀惜字詢後 歸公支蓋先生之敬宗 更自此而臟邃矣有

西漢風 行毋間可 幼時遭先生於道望之儼然卽 **支糸生了全二角** 有如 猶 於治心而其治心之學則賴 誠整激厲品誼其子建慶 秩然是殆聖門所謂善人之 、傳曰儉德之共也先生之 想見其為 矩 此者吾鄉自陸陳二先 子孫進財帛 相傳蔚為純厚司馬 禮義名教之中 人蓋 4 老成典型 必問其所 繼 志述 儉德 道耶漢時萬石君奮謹 Z 自來易傳曰節 子長爲之作傳百世 有 裨益 抑然聆其言論 師 後藝林之士 友 於鄉國漸漬於 事恪守家法於 出於寡欲其寡 數十 相 與切鄭文治 則莊

錢安之先生傳王成 作文已斐然有係理父白齋公顧而樂之日是兒聰慧 諱某仲諱某先生居最幼生而岐嶷倜儻不羣年十 先生諱大台字安之吾郡鎮洋縣人祖考諱墀贈鹽 咸豈庚申粤匪之變郡城失守羣寇四出侵暴先生 吾祖澤其未湮乎迨白齋公棄養家境益困濩落無 弟離散屢遇劫掠避匿田野間蛇蛟偪而狐狸嗥出 **司運判妣某氏考諱維鈉增廣生贈如例妣某氏兄長** 日本ないこと語ど、言用してスペート 入治所以作先生之傳爲之累歎欷歔而不自已也 此風蓋稍稍替矣孔子曰善人吾不得而見之矣此

先生有之矣吾婁風氣樸質靑靑子矜大都習爲謹 招之往亦弗應惟娛情 機立斷布算如流剖析毫芒動中窾要無留牘焉自 嘗一試維揚襄理淮軍文案當是時軍書旁午先生應屑於章句務以通達有用爲主少年時精於九章算術 者聞其能徵聘佐善後局事清釐田賦 厥職年二 八生者數 及来生の作品を (來梗楠) 利之場而君顧澹然引疾以歸有舊友仕 干次蓋 十五補博士弟子員旋食餼其爲學也不 杞梓杗桷欂櫨兼收而並蓄有才者方奔 人間世未嘗有之苦也寇平後當 於故鄉花木間易曰高 與利剔弊克 尚其事 津

古四世紀と国で二世紀、アイト 生友于之誼至矣蓋 篇從天性中來也吾師王文貞紫翔先生之言日 勒石永守論者以爲先生義聲卓著而不知其好善 斷遇 開導使 一、輾轉醫販民病日甚先生針邑士紳白當事定畫 則立斥之不屑附和以求合其氣節剛 行欲求才具開展練達有為者不數數觀先生 田畝荒蕪不治操奇者恆以廉價得之而取償於佃 數載粉糾 陳思王豆其之詩先生潸然出涕曰余無 朋有故或訴許爭執殭窒惕中者必爲 先生少時仲兄氏曾卵翼之某 朝解決咸慊於心苟意所不 勁如此兵燹 之

る名は三十二名 蓋其處家庭之際有非常人所能者嗚呼其友于之 行之 兄無以有今日迨伯仲兩兄殁先生卒以兩子分嗣之 朋遊 秋 西南削其子篤守世業立品揚名親賢師益友毋以 行之小小者耳家故無宅中歲稍裕卜築於武陵橋之可謂至矣至其保存族譜爲寡姊氏贈産立嗣尤其善 四年七月二十五日生光緒十九年九月一 其師蔣辟廢其學識者於以覘先生家法之嚴 **夏監生次懋德三** 一德配張恭人子三長詩棣議敘通判國史館)留貽必有剝而反復者在也先生以道光。 一詩楨優凜貢生京師大學堂 日卒春 誼

畔門 7.16分/通用三分型大厅东西口中 將攸芋而攸躋矣特以先生行狀來徵文爰謹爲之 俾鄕黨後進知老成人之典型云 **忧爽峻直善冶事兩昆季方兢兢焉置義田建祠宇** 孫有卿先生家傳王成 成先生之

志蓋所謂

匪棘其猶

津追來

孝者

壬戌之 業奏獎文科舉人授職中書科中書民政部候補主事 耀伊耀傅耀保詩棣循謹端詳里中有善人之目詩 一子之春文治自 一長適太學生聞芳潤次未字殁旌表孝女孫男 臨流水瀏 如也時 僑寓滬濱卜居 侍 家君徙倚門前聞父老 於無錫之西溪

家復攜先生手著 養善政又當載於沭陽縣志顧有不能已於言者惜先 心焉識之今歲秋八月距先生之卒已將十年其嗣 傳溪水之淸十餘年前孫先生有卿疏瘡之功也文 文がイニオニ系 **賡虞號有卿始為無錫之孟里人旋徙居於西溪之** 生之志有未白宜有表微闡幽之義也先生諱贊堯字 編次立傳用垂久這觸謂先生行詣著於邑乘先生教 及秉鐸沭陽縣教諭十 陽縣教諭當其爲諸生時常以其所心得啟迪 悟性孝友工詩善爲文光緒乙亥舉於鄉戊子 THE WASH IN SHIP SHIP WASHING 册並序述先生平生事跡屬文治 有餘年凡嚴課程優膏火

無子以五世同祖姪家復爲嗣即今之來請闡揚者 為 總之 組者先生生於某年,某月某日卒於戊申年 夫先生行事犖犖如此然考其自撰聯有云自信天 今稱道弗衰愈日先生之力居多至其婚河諸善舉 口が上からで目でこう田でいたコート 月二十九日享年七十配三夫人後先生三年卒先 法守傳悠 人嗚呼此其心果有不自得者耶自 刊條教修文廟建經閣所以規畫盡善者皆 一學校中經米商之排擊沮毀卒復舊規邑 苦斯甘惟甘斯苦莫言世事嶮巇甯 人已亥歲假旋里居又與邑紳籌創 the property and the property of the

力ながたニマノモノニタボーン 恆愛之敬人者人恆敬之行有不得反求諸己士君 **械變詐盈天下長厚謹愿之士不免因良善而受蹇** 乾坤未息之時固有信而可徵者先生之坦坦蕩蕩 成德爲行其居心固宜如此然造物屈而必信之理在 藝林翁服稱頭無間然今家復恂恂鄉黨之 子所謂反擠之又下石焉者比比皆是然而愛人者 言其子弟從之則孝弟忠信先生居官號陽教士有法 工其孫保基等嶄然見頭角門第方興殆未有艾古 何鰄焉余故特麦其微倬處世者舉以先生爲 **口孔子言為弟子之道入孝出弟愛眾親仁孟子** THE PERSON OF TH 中無愧善

上ではいいここの 天歎曰國家多難小臣遭 積善必 中西交涉之士皆惴惴慮及於 北京之新開路與東交民巷之使館密邇團匪 緒庚子夏五義和拳匪作難京都以讎教爲名不 洲 焚燒殺掠無所不至當事者縱恣之莫敢誰 一友傳 以飲食而慰藉之一 2獲報豈不信哉豈不信哉 伯先來迎吾 丙寅 远宜 親避難於京北之平義分 CARACTER STORES CONTRACTOR OF THE STORES OF THE STORES OF THE STORES 家賴以安 一也吾 水陸道 禍當是時余奉 父母其何辜 之均 斷 絶 〈全吾 何 辧

黄旗人 日漢 支系作三年二十分 郎中 衙 母常感念世君 糧遂 門之 入勤於職守若此 祠堂 探君行麥田中十餘里榛莽錯雜林蘙蔽晻密呼 天性豪邁狀貌豐偉與余初遇於總 興余同司文案辦英股事避難時余居村 The second section of the second 一司務 一解情成性諸 屋內六月杪滿 廳 聞匪兵有將害君之說君亟避匿 者瞥見君价東兒從麥溝中出 不置也君姓馬佳氏諱 見 事廢弛 如舊相識君見余主筆札 國家事焉有不舉者吾祸 洲虎神營兵四出搶劫君 可奈何時君方官 理各

余

所

落

國

賴

歎

THE RESERVE THE PROPERTY OF THE PARTY OF THE 夏余隨 平後余偕 余乃訪之於高麗營嗚 子が全てもマーラ田野 、共赠王 日自 三百麗営君豁然 來視我何爲吾將死 那 |人乎乃尊余至叢冢.中君瞠目直視日君 公琴軒 此遂 事靡監何爲作惜 相 君 衢 同京郎 聚不久今忽 シューノ 不復見君矣然書 州府知府臨 奉使日 奉 呼患難之交未有如君 悟是晚即攜眷 本 願以妻子託 分離矣余日 親 道 別語 別時 暫居其家是年冬君奉 出福 耶遂 相 與痛 之問弱勉之 通去後日 一破涕爲笑辛 1 管官者流過 適以事至 余揮涕 麾出守 者 間

等然名譽之美吾遠不逮君獄降松生同期申甫願 此往來無間也丙午君擢升安徽布政使是年冬余 支糸生三年乙一五十二十 臨其喪涕泣幾不能仰視君初娶愛新覺羅氏定王 魚之疾卒於官年未及五十旅機歸京余素車白馬以 女繼娶某氏有節行慟君甚逾年以哀毀卒傷哉君 勉之也嗚呼孰意甫逾數月君之凶耗已至耶君以 紀之者余亦不能詳也君卒後代君者爲滿洲恩君 民綦切待士子尤殷勤甄拔寒畯甚多惜其政績無 母憂丁未春君遺書來弔唁謂遭遇之隆吾二人 躍欲動有徐錫麟者以 /鎗狙擊思君殞遂 A CONTRACT OF THE PARTY AND A COMMITTER 12

泰公已去職浙江王文勤公代之 コアビネニアヨジニョ田のグジュー 倚任君與陳君鷺寬陳君名宗媽亦雅好結納天下 誦應對如流操筆立成文余初見君於戸部君時爲廣 盆無底止矣嗚呼君之死其不幸也夫其亦深幸也 余粒任檔房二君喜曰吾輩得唐君奏贖文章不患 兼北檔房領辦管理全國財政出入事宜函留意同部 西 獄距 君裕如諱豐滿州某旂人性聰慧而才豁達遇事 司掌印見長官白事侃侃諤諤言論滔滔如也嗣君 見余大契合即舉余爲總辦當是時尚書翁文 君之卒不過半年耳自此之 而那公琴軒為之)後滄海橫流 <u>.</u>

文系作了在三名 流歸時贈余小印 大手筆矣辛丑夏余與君隨使日本 余擢商部君亦兼天津造幣廠監督升任倉場侍郎 朝廷釐定官制余就職外務部君大詫曰戸部可無唐 也拳匪旣平 耶堅爲余求留任那公已許之矣余强辭之逾二 那公再使日本君遂同往考察政治利弊益洞截 統矣旋君復兼任財政處屢薦余同爲提調慶 居十景花園每遇春秋佳節退食之暇輒東招 而某軍機尼之乃止尤可見君愛友之篤也君 THE REPORT OF THE PROPERTY OF 彳 一方鐫工 一精絶 日吾以此託稿帶之 The same of the same of the same of the same of the 丁外艱不果

蒼梧之征不復銅駝荆棘禾黍蓬蒿極目傷心呼天 奇關勝或對月浩歌 日本語の自己自用を分名し 策補苴目不忍覩耳不忍聞 諱彦皆先後殂逝 鼎湖之駕莫攀 國變後君遂杜門不出而旂民生計已絕哀鴻遍 下井投石者比比皆是 於是滿人之頁氣節者如紹君越干諱英熙君 斛紅塵也君時赴津門余偶過訪縱談意更歡 貝子及那公等與余痛飲各出酒 而君亦悒悒卒矣識者皆以 **攄胸中之蕴幾不知長安人** 變於辛亥再變於甲子 加以傑士難逢游俠 令舉大 觥 野 海 無

爲之傳以待後世史家之採擇惟以 生不辰逢兹癉怒天實爲之謂之何哉嗚呼首陽之 用爲情 了系统了了全人一系。 一成同以來其害顯著近世又多持滿漢之見無論 數十年之情誼何 有薇蕨 數百年後旂子孫無噍類矣吾鄉陸桴亭先生 俱訂爲昆季交世君之齒長於余而君少於余故 抑可愧也嗚呼尤可悲也 日昔洪承疇定旂民計口授糧 而 不知君之痛 歌如君之死其誰能知之耶余與君及 マネラ 如即衡以民胞物與之 心如焚固有萬難爲懷者也 令爲農工商賈 屢値亂離失其 深

臺舟次其生平事實載寶山邑志己卯歲君縣試第 學勵行同治庚午舉人光緒癸未應禮部試病卒於 松営千總南匯營守備祖諱宜康父諱如燧字羲 邵君心炯傳丙寅 君子之大願也 君諱曾鑑字心炯姓邵氏江蘇寶山人 臼哿矣富 辰補博士弟子員與余同游於庠出仁和夏子松 門旋補廩生)流離 、哀此榮獨有能拯而捄之者乎此固仁 一時余猶未識君也丁亥春始遇 顛沛於水火中者慘酷亦已甚矣詩 〈曾祖諱亮官

文が生ってころとく 馬班尤 專而有之矣君爲人清矯出俗俯視 能爲之若夫皎潔無塵曠絕千古則天也非人也 酣嬉冰滴然從不敢與君角文藝蓋文之至者曰雄 江陰之南菁書院一 公皆大器之 凰翔於干仞之概後過太倉 同社之士或斂手稱服嘗於尊道,
曾次,燭 日清日勁此在審於法度明於陰陽剛柔之義者 一詞賦超然萬物之表風發泉流淸瑩高 曰此君天才亦國士也當是時余謬頁 見乃大歡拾君爲文師韓柳 美慧能文篤於伉儷故 先君及先師王文 一世天性尤純 君 朗

ATTEMENTALL WAS CONTROLLED AVE TO 當登 奇氣所鍾不可强] 賦有句云半雾紅塵 奇有司故斥之君亦不以爲意嘗作今月曾經照 或竟露宿達旦不自顧藉余稍規勸之弗能止 **共嬋娟之句不勝黯然銷魂時時有離別之處又復** 顧身世侘傺鬱伊乃更落 **向啼苦又云** 歸 去任後 一壬辰春君復過太倉送余應京兆試相聚益 山瞰大 此時痛飲歌呼笑明月依然明 人復哀後人予讀之愀然以為不祥亦 江砉然長嘯浩然狐吟誦蘇子贈 而抑也歲科試屢居第 坏黃土蟾何爲而光新鵑 拓自放於酒醉後歌呼鳴 有時文 月他 一蓋造 何

嗚呼孰謂自此一 傷哉予聞君耗哭之 及門写真三部でまっ 不合叉金夫人先逝世遂於丙申年得嘔血病卒享 大拔劒斫地僉謂吾輩自有千秋矣而君於酒後每 惟君一 稿凡若干卷行於世君繼配趙氏亦通文史無子 一十有二其自輓聯有好學短命何敢望回之語嗚 日余昔年執友不爲不多然性情意氣文章相契 人以弟子某為嗣云 、病殁舟次事未嘗了 一人而已比時風雨之夕知交滿座把 別與君遂不復見矣君竟以數奇 | 物諸同人相與刊君詩文日 酒

京師時屢詢君狀促迨其卒也咨嗟太息者數日鳴 踔厲風發試輒冠其曹吾師瑞安黃漱蘭先生尤 君諱樹蓂字拙嘉姓張氏江蘇鎮洋人少聰敏善詞賦 數行下也 朝考入選以七品小京官用分刑部湖廣司行走君與 日本で主て巨元三回のシスコート 自覺其至情至性豈尋常人所能及哉 座常諄諄訓誨並屬予勗勉之蓋孝弟之忱發露 君拙嘉傳略丙寅 先君已棄養矣余爲君傳所以往復低佪不禁泣 一酉登拔萃科 CONTRACTOR SAME 先君就養

其死也余作 寛裕之 **慨然大言捐** 此世之 軀 吾此後無餘望矣余與執友畢君枕梅聞之咸 好諧謔見余著述笑日如子所作正覆醬瓿 致說經能得綱 **暇朝痛飲竟以病酒卒於京師當光緒中葉** 一所以渾濁也余深韙其言爲文浩博俊邁 雖喜文學顧不屑屑於此居恆 . 輓聯云野鳥至主人去太傅何心竟忍 嘲難覆瓿易子雲復作再成數卷畔牢 納行而天下無人才掣籤行而天下 領吾鄉指紳之士期君將大 And the second s 研究時務嘗 無更

ランガイニンをところかり

滅而 古ではいい。アニーは、一世のアン・・・ 能知乃一 天年豈不哀哉其著作無所傳恐後之爲鄉七 一君彬儒 院君及畢君與余肄業其中常共宿舍君年較長 傷之至也今距君之卒已四 余曩昔交游幾編數省而同鄉文酒之會殆 相與 傳蓋其言笑丰采宛然心目間也 拙嘉蓋英奇磊落人也方黃漱蘭先生初建 傳 和 、仕途索居寡歡感懷時事遂縱酒 丙寅 則尤可悲夫 下議論不可 一世蓋君之抱覓非庸 十年矣思君不能置

支东生三个三角一名一人 於浙江俞曲圍先生之門爲學喜博覽尤好羣經諸 庭訓 如王 者余既屢爲之傳矣而其中孝友卓著才學並美者莫 居城南讀書 **居大橋南與君比** 月或以道 進 族嗣考禪某字少香本生考諱壽柟字介眉光 君彬儒君諱鳳璘彬儒其字江蘇鎮洋縣 好學自立丙戌縣試第一 士歷官浙江太平嘉興諸邑皆有政聲君幼秉 一義相切劇或以文章爭先後其不幸而 高吟聲琅琅莲戸外若出金石時予亦 the second the second of the second bear the second 鄰春秋佳日落月停雲誦讀之聲相 日君好誦老子莊子酒牛 補博士弟子員旋受業 STATES AND SECURE OF SECURITIES SE 人出 早世

哭呼天群踊欲絕由是得咯血證而體盆羸矣嗚呼 天涕泣刲臂和藥以進卒以修短有數禱祈罔效君號 甲午春介眉先生患中風症君不說冠帶而養夜半龥 灣索我償款要約甚鉅各直省公車上書力爭君與同 暢談數畫夜不倦當是時方值甲午之變日八窺我臺 背誦秋水天下諸篇一字無遺子或不能終篇輒赧然 謝不敏也癸巳登賢書乙未赴禮部試與予握手言歡 志條陳利害侃侃諤諤無所忌諱入闈後遂以此意發 、爲文遭主試者之忌竟黜去人尤惜之君事親至 以角勝負同鄉朱君叔子亦喜莊子每在座 Af legisted to be fallenging interest on a stall or any or agent 卒君爲赡其家培植其子人咸以爲難不知其皆從者 蘇香松江王建卿俱知名士也游介眉先生幕先後 必均記曰父慈子孝兄良弟悌蓋惟能孝而後能悌 本原以挽回世運矣有弟五人平日督課綦嚴教讀 子之 之內雍雍怡怡舊家遺範誠足以爲世法哉嘉定童 夜分自奉極薄每同席食常以其豐者分諸弟必周 本也教之所由生也使君而尚在也必能推德教之 通質之相屬也後世人士天性涼薄視其父母無 人兼愛之說盛而人遂無異於禽獸孔子曰夫孝 於父母分自一 一死息息相關惟其氣之

至遇民生利弊落落大者未嘗不殫心盡力以抗爭之 平時有某生以地方事請謁者君謝之日吾與若爲文 顧或尚詞華鮮宏毅惟君矯矯元亢有幹濟才隨宦太 字交他事非所敢知某生慚而退後遂屏絕不相往來 日本会の世界に開発した。 行倡導鄉里間一時人文蔚起與君齊名者比肩而出 ·娶汪氏同鄉副貢生汪蔗孫先生之女無子以猶· 一竟終於是耶君以光緒戊戌三月二十八日咯血 是鄉里父老交口贊歎謂可大用於世嗚呼孰謂君 愉爲嗣女子四人丙寅夏五君弟鳳喬以書來告 一義推而暨焉者也自我太原紫翔先生以文學品

傳之以垂不朽余竊維介眉先生與 支が生三人名 吾兄之卒已二十有八年矣平生知己無如子者請爲 余與君訂爲昆季交情至親也爱紀其畢生大略如此 則余之咸喟固有十百倍於歐公者此余所以傳君及 邵君心炯二人輒不覺涕泗之浪浪也雖然邵君之 以見君孝友而不獲報其後必有大昌者 易失盛衰生死之際不勝故交零落之感嗚呼予之交 一足娩歐公哉顧生死者古今人之所同而盛衰陵替 曰昔歐陽文忠公敘江鄰幾文集謂善人君子難得 先君同遊於库

The second secon

士是也予以役生可畏嘗與君爲文會業師王紫翔先 有東西二十子之目二十子者君與陸比部增煒字 姚 上ではからいでいい用して、マート 美則柳屏勝之矣辛卯君登賢書年才二十壬辰與予 生誨子曰義理湛深柳屛不逮汝若文法靈警詞華茂 行背誦無遺乃祖芷軒太夫子鍾愛之及長里閈間遂 赴公車試相得益懽余舉進士 一爲余幼時受業師君自少聰慧絕倫每日讀書百餘 「諱鵬圖字柳屛姓姚氏江蘇鎮洋人其尊人茶翹先 君柳屏傳略 丙寅 諸賢季必當爲搜輯而寶藏之矣 一柳屏下第悒悒歸戊戌 414.

為文不拘一格隨意摹仿皆駸駸近古當光緒中葉 越二年變以疾卒於京寓時菜翹先生與其母胡太夫 意惓惓不忍別也君在山東嘗兩攝邑象乙巳丙午 間遊歷歐美學識益閥辛亥政變後任巡按使內務科 長當是時武人枋權君怏怏不得志棄官去值浙江 君幹还掌內務部任君為司長稍稍得展其才矣乃甫 談甚樂爲余代購黃山谷字帖四册並書其端出都時 一方不生三生三名とえて 八學士動輒若書干當道以相標榜君亦嘗目命爲 、猶在堂也悲哉君善書法收藏書畫甚夥性所好也 一等選山東知縣壬寅冬君來京師數過予寓縱 and the second of the second o

某公壽序幾余日君以楊班之文程朱之理雜然並 ロガデビと言う言語である 矣迫念疇昔之誼與蒸翹先生期望之殷輒悲從中 耶君相對而笑嗚呼友朋切磋之樂今杳然不可復得 乖文體矣余笑日 不能已也君文稿零落僅存詩稿若干卷內有扶桑百 八吟盲尾尙完好友人無錫楊君味雲爲排比之印記 於世深感其友誼之摯云 義兼尊可知自秦漢以來名士之目濫奔競者 曰禮記月令言聘名士禮賢者名士居賢者之先 一屢戒之君自後頗能勉睎秋實嘗見余作 1君才讀亭林集數頁識見已高如許

女子三五二元 謂 **儿緒庚子夏** many of the first of the said of the second 衛市壓鼎沸雞大 唱聲附和 不與傳丁未 是時妨政 不免爲 小露者 良 /無端飲了 媒孽 世 名 可敬 和拳匪 所 臣 平時 詬 也 物之理有固然哉 刃以 無甯者其慘酷殘忍之 桐 爲 |死者| 、斯其年下 閬京 西學之 剛毅毓賢 華 師揚言仇 不可勝數 The section of the section 、務欲盡 〈李秉衡 一殺之 趙 師 同 靈

the state of the s 其弟葆良曰吾殆將死目中不能容此輩人也旋以是 一莫之知云君故諱毓麟後易可毅葆真其字好學無不 古巫古で自己問題を 辰應 **闚記誦賅博發語恆驚座人工文章好飲酒醉後歌** 面發顏聲震堂陛堂下吏役咸匪黨也目懾君君退謂 酉拔萃成均應省試試卷註誤再黜乙丑旋登賢書王 月二十日送孥通州遂週害年四十有六死事情狀 |教師五月朔望謁聖迭行禮大言殺義和拳匪氣盛 禮部試第 用抒其抑鬱侘祭之蘊見賞於瑞安黃敝蘭師 揭曉後座主常熟翁叔平師忻然語 政庶常甲午散館授編修當壬辰京 THE REPORT OF THE PARTY OF THE

其書 塞盧 農兩先生提倡宗風後生學子專著醫以自炫君 生目尚不盲也光緒 フライルニンインニュル 可量庸意其一 吐 此識者愈以君立功立言舟楫霖雨用之 「亦散失 夫自古造物雖忌 屬氏之緒餘馳說騁辭莫可究詰君願亦 所營求迨甲午之後承流者又爭言西學拾 而橫死者其變如君之橫死旣出於無名 而無考其奇氣偉志更終身湮鬱 一言賈禍倉卒捐軀共行 中葉藝林崇尚經 則其所遇之變有倍慘 乎才然而瑰異非常之士 旣泯 術播伯寅李芍 則行殆 沒 而 猫 斯 彰

菁書院又同舉於禮部知君較稔君旣殁之八年葆 者用是海內志士同聲哭之余與君同學於江陰之南 若無人者如昨日事耳拳禍作余時避地京師北山之 以狀來乞傳爱撮君之生平以備後之史家採擇焉 陽鶴唳風聲幾不能免及出聞君死則大戚位下不能 古西北京と西江市国外が、こ 一世人方工 一大夫丁其厄嗚呼君之死其果死於拳匪抑實有 「余與君初相識於書院時談經論史商論古今旁 一於語言突梯脂韋顯倒是非一 、耶其尤可痛也夫 tree all the section of the section of the section of the section of the section 聞錚錚之

父孝待弟友處天倫之際人無間言歲戊寅補博士弟 擾攘之禍又豈不幸哉余傳同年汪君穰卿感懷爾至 汪君穰卿傳戊午 磊落之才坎坷以終豈不悲哉然而命隨改玉目不見 嗚呼士君子丁末造不能展其經綸以大用於世徒抱 スカイニーオース 子員戊子考取優行貢生已丑登賢書順德李公文田 **局君諱康年穰卿其字晚年別號恢伯浙江錢塘八** 而岐嶷劬學不厭父養雲公需次粤省囊蘗蕭然君事 本拔置第一 赴京補考授內閣中書當甲午之後士 , annualistermore intermediation non-tribus inquisitar areastermed and more increasification has been a in-com-以孟藝用離騷體抑第六壬辰捷南宮

and the second of the second s 時務 務臆決唱聲君以爲民氣之鬱久矣宜重民權瀹民 日母からから言言 世變內審國情身世之感益悲從中來矣辛亥秋武 外 復設勞言報常欲以言論機關大聲 名聞天下顧以直言故數忤權貴 慷慨力爭西報互相譯述以爲中 和議告成俄人駐兵奉天不允撤 一明目 日報旋易名中外日報丁未設 國 一而達聰歲丙申設時務報 . 騒然君不主過 スイン 函告起用項城君閱 激怒焉重 疾 京報於京師庚戌 於 退 國有人當此 屢挫折之君 為憂會 君憤然騰電 呼發聾振瞶 上海戊戌復 外

朝政之 支糸当了金二分代して **增桑亦不覺拉數行下維時天風浪浪若與悲怨聲** 事畢返京遇君於輪舶中相與言 是所謂憂能傷生者非耶抑其先幾之智耶余與君 音數年而君竟死矣戊午君弟碩閣以其遺籍捐置 同年交旅京過從相得甚歡丁未四 家人閩呻吟聲則君 一業學校之圖書館復寄君之年譜墓誌來乞傳 和海山蒼蒼亦如變色有無窮之恨遠方覊旅 日非禍至之愈亟君灑涕霑襟余兼痛家國 爲若何爲者兩 已疾革不能言 人始斂容退自是不通音 月余營葬 明 遂瞑鳴

辞眾人 古巫宮と表二帰る名と 讀之 言先民之禮法埽地殆盡矣論者謂我 小學已上男女同校中國尙非其時援據內則侃侃 力持正護謂讀經關係世道人心決不可廢叉以高等 「政變由於廢經追思君之言能無痛 名硫開教育會綜核同異時廢經之說已盛行 幽光畢聞無遺 八非之而不顧迄於今世羣經之大義孔孟之 子言是非之心人皆有之 一傳俸後之同志得以考鑒馬 一而莊周則曰彼亦 亂世之

ŗ.

余於君之殁所以累歎欷歔歷久而不忘者非僅 局君秋荃傳庚申 馬范蠡審其為商務四達之區泛舟經營遂爲貨殖之 一書報館謂是非宜 事黜某生某生遽摭拾細故列報章醜詆余君大 而歧後起之心術因世而異矣余主工 私痛而已 國之否先兆於無是非个兹是非尚有存焉者 一痛乎是非之公之遂亡也 一明何顛倒若是然不令余知也

常松太鎮笛南通間與蘇州蘇綸紗廠總理配君少 訂交 將以報知已 以蘇綸全廠事務委君乃益寅畏小心兢兢業業 勤奮自勵由商業道德 **主党で記じる。言田** 理 稔 門不出 君幼頁追志以家質故年十一 如范蠡者於無錫得 知君能招 與工 人共甘苦日吾以報知己也辛亥政變君 周君敦促之乃出聯絡 m/ min 1 p 一也後無錫周君舜卿任嫗上大有抽廠 致爲助當是時君慨實業之不易興將 こうできることでは、これでは、これは、これは、これでは、これでは、これでは、これでは、これできない。 、屺懷太史等太史當時名士 行若出恆性人爭就之名播 人焉曰高君鼎焱秋荃其字 二就買爲花子油餅業 同 人夠稽出納精 吾

營華昌恆裕 **支条性三套三角 勝數矣而東人之子素工心計在吾華設廠尤多用當** 天産 必躬必親常以一 所惜者工業不振致原料流入外洋彼以機器製 利權耳至悠悠之 利權爲宗旨嘗曰中國爲天富國物産豐饒原料 之原料奪當地之利益為害較輸出原料更烈数倍 一物乃以製造物易我金錢以去喪失利權旣不 往君乃益 屏絶 7 兩油廠會丁君价侯任大有油廠總理 切受艱難辛苦而弗餅者欲爲吾國 出其數年經驗所得殫心籌畫事無 身兼數入事而尤以保存原料挽 口毀譽無定 可

コロないからと同じい言語というとコート 有加惠之誼君終身不忘常告子孫圖報荅卽遇 扶植之其與東西洋人士相交也由周君子雲之揄揚 毀謗落井下石之徒君於事後亦不念舊惡交好相 資以身力保视君始出險費太史由是盆重之方君進 油 經營商業克盡天職如此然又有進者君平日篤氣誼 其經理大有油廠也由周君舜卿之延聘是數君者 心衡之於理苟得其是泰然行之無自餒可耳蓋君之 重然諾祝君少英貿為當道所陷君百方營救不惜 一餠肆也由吳君某之波薦入肆後王君廉莊器重 一篇於友誼無間生平如此然又有進者君性

مند

卷不輟嘗編閱古文旁及制藝並麦隨園尺牘曾文 淬礪晨出之前暮歸之後恆習字讀文以自課手繕之 是有識之士怒焉憂之 **藁批點乙書篋中纍纍然論者謂君好學如斯儻蒹賈** 家書等集擇其可誦者鈔寫誦讀順熟而後已晚年益 讀書常以少年失學爲恥傳記之暇每覽報紙或手 スタがイニコーインニスで 務本本立而道生六書之義木著於地爲本孝弟者 而學儒雖文人不能過也然又有進者論語有言君 分 本也近 一初處境頗嗇然重閹甘旨無缺乏其尊人德寶 というというとうというないのからいというというというというというというというというないのではないのではないのではないのではないというというというということ 世風俗澆薄忘其親以忘其本者此比皆) 君雖商 人而天性至為憑摯

受省 身也父責子而忍受分也不順乎親不可以爲子笑 明於大義者耶其平居教子弟常以義方子陽甫就 者謂我爲愚孝可矣禮經言大杖則走小杖則受君 生果性尊嚴凛然難犯責君尤峻鐘楚時加君常斂氣 大以范蠡之賢沈幾觀變能 **忍受起敬不怨人或笑爲愚君愀然曰我之身父母之** 手授曾文正家訓迨年長復令赴美利堅求學囘國 THE PROPERTY OF THE PROPERTY O 垣曁南學校聘君教之曰宜勤宜謙毋驕毋荒毋 ,子弟臨終時又訓陽分遺資建公益學校設義 、およっく 復國仇而於內行無聞 一語諄諄然皆儒者 後

讀書之能窺其徑謂其皆至行之所推可也雖曰未學 君長子踐四謹承遺命將設學校置義莊以揚先人 吾必謂之學矣君生於同治戊辰八月五日卒於庚申 コスカンラーナー 父之道可謂孝矣又日孝者善繼人之志善述人之 論 淑德子一 亦聰穎云 君孝慈若此則夫營業之 月四日葬於某鄉之某斤德配某氏繼配某氏皆 **日宣聖之訓父在觀其志父及觀其行三年無攺於** 一長陽次明陽字踐四篇實能世其家明尚 志述事者與橫覽吾國捐資與學者自楊 能竭其誠交友之能踐以 事

欽旌節烈爲君所生妣君生三歲而孤咸豐 安全如予所聞沈君其人者非偶然也君名紹勳號竹 *而浙之*錢

唐人父觀准字竹坪妣氏
陳繼妣氏徐 荆棘雨雪風霜槍林白刃之中冒萬死出 勉之哉 には古山で国内に田田語が、シャ・・ 嗚呼粤匪之難蹂躪徧十數行省江 沈君竹祕傳甲寅 相與稱道弗替踐四欲顯親以揚名其尙勉之哉其尙 君斯盛外殆不數觀今浦東中學銅像歸然賢士 11.5 四出侵暴鮮得幸免惟一 CALL CONTRACTOR OF TAKEN OF THE PROPERTY OF 一有道之士能於叢莽 浙俚禍尤酷賊蹤 1111 生以底於 年冬

杭城陷君時年十三圍城破母子相持泣賊蹤跡得之 遷徙編嘗諸苦回治元年正月輾轉至松江爲洋將華 挾君去不得返顧途遇乳媪某告之曰主母從并死矣 支がはこれこうない 君大號欲追詢 不幸何以自解於向之閏母殉而不返會華爾陣亡 爾所拯編入童子隊隨常勝軍習洋操華爾守松江克 谿君皆與焉華爾之婦姚長於郵故桐城籍遇君尤 顧君自念數年茹苦不死者徒以孤故也今從軍設 節衣嗇食爲覓母骸地前後十年間凡七至杭罄其 一海就錢業操奇鳳凰時以不得家耗爲處什 The state of the second 肵

饒姚氏援 西操法六卷地雷圖說一 亦不之詢生平著作甚富隨華爾戰後以所閱歷著泰 TISTE ILLING TINE 1011 分貽君君 産絲毫 契債券寄託某戚家兵燹後為八侵奪吞沒殆盡 有詩文雜著都若干卷藏於家配吳繼 一無所私君家未遘難前故殷富徐節母嘗 力解不受姚卒君經營其喪送櫬至甯波於 輒痛哭返引爲終 於輿地之學有古君子風 配袁有子二長祖縣次祖芬祖縣字瓞民 西國例以滬上法租界沿浦地值資 卷李文忠公無吳時刊於蘇 天恨華爾之卒也遺産 HIM DESCRIPTION CONTRACTORS 配謝 皆

女本なこれないまかり ろてーノ 内辰仲秋黃子許丞以書來日吾父畢生 **有依違不難坐擁厚資以分丹穴之利乃岸** 船 迹 頓首請傳因 棄養之後鄉人士思之不衰私諡 日辭受取予之間蓋士君子之大館也 一十餘 |精者鮮不眩惑當姚氏以華爾遺 市廛以終身彼其亷節有輓近士大夫 厥後吁有以也夫 齡孤子極瑣尾流離之况卒卓卓有品 丙辰 過提其整 産授 非辨析 劬學慈惠官

詩書之澤世有家法君益恢宏而光大之以爲文者 文字質甫有儒行其曾祖石香先生祖潛夫 稍稍替君引爲己任而鄉之人乃知經之有師吾國 色志文學傳其嗣曾祖損之先生出錢竹汀先生 不得 日本は言いませい言語には、シュート **叉離言宋學則空疏**] 成以來漢宋學爭鬥非一 所寄文學不精道胡以寓嘉邑自潜死先生後經确 非先生無以爲傳敢乞 **育局君姓黄氏名世榮字**闇 一然而孝子仁 八人之 用心有不容已 日矣言漢學者 言 (垂不朽文治 C伯嘉定 「則破碎」 八考諱 門 俱

省曲學阿世投貴人之所好學術受其害而人心暄之 はないかられているとう 此悲夫天步艱難國運斯呃漢宋學之爭熄而新舊 當法宋儒而去其矜張治經當法漢儒而去其穿鑿 腐其心迂緩其貌識者曰此漢宋學之變相也其爲媒 之爭又起言新學者張大其氣浮誕其辭言舊學者陳 矣粹哉言乎嚮令為學者俱以君為法則世風抑何至 君治經獨不分門戸務身體力行以致於用嘗曰治身 日考證亦學問之事但當審其本末非然者玩物喪志 庚子而又一變迄辛亥而天下更大變二十年來無非 一也甲午戰敗而政局一變至戊戌而又一變迫

 斥西皆 すびること思う言語をアンフェー 能審乎本 務禮 有本末事有終始 學一 忽變幻政治受其害而運會隨之 1必取而化裁之以適中人之用尊西柳中與守 樂政教兵刑河渠風俗物產靡不隨貫嘗 一端得吾夏書周官之遺意次亦與齊管 仲吾國學術久荒宜 孔之見非通人所宜出也諒哉言乎大學 終始先後之 起 知所先 後則近道矣彼新學·家荷 一探所長輔吾之 悲大周官六行日李 而 弗惟揣摩之是爲意 Ē 殫心 短 但講 經 鄭 世 西

統辛亥十月二十三日卒德配陸氏有子二守恆守罕 宰天下當如是矣君以道光戊申九月三十**日生以**官 君董理其事釐別弊竇雖嚴寒酷暑風雨無間焉嗚呼 教育皆義田力也邑有善堂三日育嬰日存仁日清節 保嬰恤孤敬節恤病恤災養老恤喪壹是罔不取給焉 而於勸學爲尤重族人子弟雖貧窶者無不受義務。 擴張義田得一項餘每歲所入凡勸學勸業旌善助婚 魏任邱君於孝友外尤 無弗應國中有大番害則出巨資應振而自隱其名一 **支糸住ったりこれがく** 敦任邱之誼威里緩急有所

限之使不得竟其用而天下之不通卒無以通嗚呼大 也於是時也偶有一二通人出於其間乃造物者偏欲 道之行與三代之英宣聖思大同之治蓋低徊而不能 甲子六月崑山令長汪子原渠以書來請曰吾祖我 **狂君我庾傳甲子** 日本学にと言う言思している。 有血氣心知之性而所見無以相通彼此相齒蛇乃悅 [已矣而余序誾伯君之行誼則尤傷心於數十年來 世運蜩螗沸羹竟無老成八以挽救之也 隔膜不通之世孟子曰生於其心害於其政蓋謂此 易傳有言天地不交萬物不通曷謂不通乎凡 4111

生 之樂善獲祉有足爲當世矜式者於是乎傳之謹案狀爲家傳用垂不朽余深敬汪子之孝思而尤佩我庾君 公之 THANK CITANINE **歙宣杭睦麥饒六州諸軍事領歙州刺史世居皖之** 章維億我與其字也先世自唐時越國公持節總管 嘉時移寫吳中遂占錢塘籍曾祖諱秩字似園貢 奉直大夫 夫 一十餘年矣兹者將修譜牒闡幽光 祖妣某氏祖諱雲棟字芝生歲貢 氏父諱彦安字吟竹附貢生 敢 生

眾蔓延侵掠蘇之 **蕩焉無存君乃奉吟竹公避居蘇鄉蕩口鎭顯沛流** 鳴鑾字柳門亦與焉咸豐庚申粤匪難作烏合螘聚之 乃以舌耕爲業藉修脯以供甘旨時從遊者日夥猶 毀重傷吟竹公心自是不外出偕長兄事椿庭依依 生二子長得份君其次也少聰慧不好弄年十四四 **貤贈奉政大夫妣潘氏自芝生公後徙居蘇州吟竹公** 上では、10月1日日 10月1日 五經已終業鄉人咸器之曰幸哉有子如此矣會丁潘 下者二十有三年顧君雖續學試輒因不得志於有三 夫人愛居喪盡禮如成人然僅中宵飲泣不敢過哀 以縣院之休甯先後淪陷兩地田 freien bern greifbe, feit fallefiebeit it annaummenen in eine ein ben eine einen 11111

者至孝根於天性非所謂當世之矜式耶兵燹後棄舉 一後遇吟竹公潘太夫人諱日恆悲戚思慕不茹葷不 支充空ラーカーギーノ 暑流汗霡霂風雪侵陵奔走道途曾不少間兒童賴 骨立幾以身殉往也如慕反也如疑治喪悉衷古禮厥 存活者無算余嘗謂善舉以育嬰爲最重彼水旱凶 子業絶意仕進蓮蘇城育嬰堂事視察嬰孩雖祁寒 也終身也者非終父母之身終孝子之身也嗚呼若君 任之吟竹公屢遭家難遽於辛酉歲六月棄養君哀疽 外事終其身以爲常記日君子有終身之喪忌日之 一際適逢長兄喪君茹苦經理事寡嫂撫遺孤以一

獨嬰孩少失怙恃不知姓名矣也誰與愛之啼也誰與 儲篇在吟靈中歸後歎日吾於中國之偉觀亦頗周 非所謂當世之矜式耶且方是時鳴鑾以掇魏科躋 憐之寒也飢也誰與衣之食之孟子曰个人 命督學陝甘山左君偕往埗函谷登泰山所至記以 將入於并皆有忧惕惻隱之心嗚呼如君者保赤心 之災兵戈盜賊之至人民縱蕩析離居尙能自求生活 **貳 敖 歷 中 外 聲 華 藉 甚 將 援 海 防 捐 例 為 君 納 貲 出** 乙矣遂不復出居恆惟以 「馳曹卻之迨鳴變兩奉 **谷課孫爲事原渠所讀書皆** 乍見孺

する系作ラモニーが、光ーノ 緒十九年某月十六日卒春秋六十有九以鳴變貴 丞歷署吳縣甪頭司靖江縣新港司巡檢女一 **貤封光**禄大夫德配陸氏封夫人子鳴鈞江蘇候補 謂當世之矜式耶君以道光五年七月二十八日生光 清源之道在乎居心而不在乎空言變法如君者非所 固治科舉者其品詣之高尚於今爲何如然後知正 矣嗚呼今世之士菲薄曩者科舉以爲不足復道然君 後已癸巳櫻肺疾劇甚其長女剜臂肉以進弗愈病殁 手自句讀有進則喜否則必爲反覆詳解務盡義理 治自威黨以遠臧獲靡不哭失聲此足以見君之生平 いる のはなる 明にまる しいれいる ままない あいなる ある

論曰昔者宣聖慨歎謂善人吾不得而見之矣而孟子 出宰一 賢雋賢牧曾孫女二其他詳譜系不復著高 次殤孫 人之重於鄉國天下也久矣若君之孝友純篤修其天 培植於課孫時矣頹善之家必有餘慶汪氏故望族盆 **曾豈非古之所謂善人者耶以迄於今其文孫原渠子** 日本語の記しませる。 將昌大而莫之與京蓋惟君之垂裕於後昆者爲無窮 八自可欲之善有諸己之信推而至於美大聖神善 一方學道愛人循聲卓著要其詩書之澤已灌漑 原渠現任江蘇崑山縣知事孫女一曾孫

おかからうまとうと 許君稻蓀傳

殷人貴富而尙齒保富之道古今中外靡不視爲要圖 易傳言崇高莫大乎富貴論語言善人是富禮記亦言

創設商會嘗持此宗旨以爲諸巨商勛情以憂去官志 一誠以富商者家國之元氣也商業道德行則天下富商 多而敦品屬行之人亦遂連踵而起余昔主農工

求之於閱闠之中乃於鄉邑得 **水克遂而保商之誼日往來於胸臆間於是叉以** 人焉曰許君稻蓀君

一蘇無錫人也原籍武進東橫林鎮系出太岳 一歲而孤性至孝幼年其母石太夫人教督

諱嘉穀江

當事者 嚴六歲侍母疾端謹如成人 等光厥門閭君於是出貲購地建宗祠於橫林沿塘一 辰邑搢紳耆舊以其撫孤矢志足以風世 古平当と建一言用アメンフ 鄉黨翕然稱爲賢婦歲丁巳爲太夫人 進厥後色養烝烝罔敢或懈石太夫人青年守 於)庸行君以商 以聞黎大總統特旌松筠勵節匾額並頒獎章 1幸哉有子如此矣夫孝天之經也地之義 知而不容已者也近 而敦孝弟若此且反本追 田有 世菲薄倫常廢棄 需先意承志奉 、古稀設帨之 勵俗爱請於 柏

定其後歲 藝維絲廠鳩工 竭 為蠶繅最善地爰於南里淸名橋北運河之壖創設 年聲譽大著君又以無錫為吾蘇大都會桑林蔭茂 邑與戚友丁汝霖 大體 JAN JAN ILLANIE ALINE 是時江蘇實業廳長張君 思精研工 :君爲諮議顧問時人以爲榮而君乃益樂善不 子業棄而學賈始營業於 呼詎不足以 加擴充改良繅製出品精純馳名歐美間 一作雖罷倦不肯稍休! 杜 鳳標者合力通功賃 興末俗之人心耶君 一軼歐以 滬上厭其繁華去之蘇 掞 人樂爲之用不數 張 和絲廠 一初讀書 **-藝爲事** 殫

慮

之品評者或稱風商或稱市僧然吾考史記貨殖列傳 會亦卓卓可傳者而君之行則實有本原在其平居害 親君子遠小人治家一 離不得食君又輸鉅資全活之當道獎以匾額題 克儉以是終其身無失德云自孟 是更見義勇爲乙卯拱國偕金議起君慨捐鉅資 雖聖門弟子亦與其列何哉蓋商業之盛衰視乎道 不果行乃移所儲款建築馬路庚申順直水災飢民 古田学に当門に一門でない。 、同蓋無愧馬此外如設立培工學校主持商 有施濟之舉韜晦不令人知至 以朱柏廬先生格言為法克勒 子有龍斷之說後世 團

尙忠信意主懇誠今聞廣譽施於身則雖商也亦君 一升降而商人之品詣 八高君映川介余為傳余故特紀君之生平且發 、謂商業者天人古今之大會吾謂商業者家 有五以同治甲戌歲三月二 機也然則保商之誼豈不重哉豈不重哉 八比年余都講無錫中學校稔君名 人,某氏子受治受益受善受滁受琪 飾偽雖儒也亦賤夫也 徳之廢 一十九日生以乙

赢蓄積益富分散於貧交昆弟子長作傳稱爲富而 古四地では四世の一世界に入ること 行其德厥後子孫修業而息之遂致萬萬許君初起 以治 再徙於蘇三 矣吾深望其子孫繼志述事無忘道德之本眞庶 |際三徒而致鉅富者則范 無錫當蘇常孔道攬太湖之勝水陸交通舟 如計范輩者經營之其富必甲於天下今許 逐施之 一徒於錫極類少伯 於其家從而學其術者甚夥操奇計 而孳孳好德亦近之 是 水之 用 計

縣丞之 邵孝子傳王戌 アンストリニングンスス 圖 邵孝子名斌綬字 爲陶朱公之後起云 之讀性聰慧父久絕音信孝子恆 The state of the s 歸輾轉疾病卒於 官時孝子方 ,耗哭幾絕歸白母氏更相抱大 足之乃私計於族 痛不言耳个若孝思吾不能 無耗吾早慮其不 一襁褓依祖 川陝間家人 河 母母氏居稍長 思慕幾廢 小幸恐上 八未之 父之圓 、働計欲往覓 知也 助其行歸 益 母

廣爛不能堪無消印氐川茂郡河北西 一次歸遂行時孝子猶未冠也由直而豫而陝足繭成擅 若知斯義人矣今若往能得父骨幸矣卽不得宜速歸 行然祖母老若又未娶兄弟又少夫不孝以無後為 督學川中嘉其義助之成行歸僅八閱月耳家居依 乃至璧山縣某鄉之阜得父枢蓋壁山縣令董君所厝 云孝子欲扶之歸艱於資乃入蜀乞貸鄉人高文通 これをはなれて国マニョ田のインシー・・ 膝下怡怡色養以某年卒嗚呼人生當孺子時知有 而 已父生而不及養父死而不知骨所在 とは、これでは、これに「ないのはなくなけるとなるとなっていないないないのできないないないですというできないという。 1 個間然出 親 母

驛行次有追呼者訝之詢爲靜海門姓約同行乃與偕 與抑其精誠之所風格與方孝子之入蜀也道經黃沙 宿旅

舍舍當高原

據建

破勢

俄山水

暴至 屢矣當是時蜀道艱難交通梗阻陟岵之痛精魂何依 於是蹈甚危而不顧跋涉間關衝犯霜雪飢渴願踣者 出里閈之少年耳値萬不獲已之事懷萬不獲已之 田則銜恤入則靡至此君子思報親之詞也人之愛其 するからうるる一人ところ 以去孝子之心傷矣蓼莪之詩曰無父何怙無母何恃 子無所不至故人子之報其親亦無所不至孝子一 **向孝子浩然遄往卒得父骨以歸報其母可不謂大** THE REPORT OF THE PARTY OF THE

日本ないと言うこ言サージーをなって 余旣表 李君 遑甫之墓其子 聯珪 又以其母王恭▲ 孝弟之至通於神明光於四海理有固然無足怪者 吾獨怪世之人倡言非孝公然無所忌憚聞孝子之 李母王恭人 其本心亦有動於中者與余故為之傳以備他日史官 **于** 類於死而卒不死豈非造物者有以默相之與經 **主辛苦憂慮鬱抑以死亦四十餘年矣小子每** 來請日吾父生平之志旣賴先生表揚之矣而吾 一采擇焉 一滋痛焉更願先生之傳之也按聯珪狀日先妣姓 八傳丙寅 HILE THE PROPERTY OF THE PARTY 母 念

於板橋先君爲之計畫多數事 夫 妣與外祖母及姨母曹孺 コラッポルニンス・ファファーノムイーノ 未幾而洪楊之 竹友公曰我不爲君賀歲賀 中嘗於元旦薄暮紡織至 祖竹友公官靖江縣教諭先妣隨外祖母郁夫人居署 王氏太倉副貢生 、各盡孝敬人無間言比數歲生兄弱壁及二姊三 十來歸先君事祖母鄭太夫人暨本生祖母畢太夫 《橋先君爲之計畫然數歎軍無紀律先妣 偕陸安山姑丈避常熟四叔父挈家避崇明獨 一亂作鄭太夫人偕大伯父遊湖南畢 外

加

子

懐

公

女

長

淑

順

第

三

美

外

曾 一丙夜聲達戸外明日同官賀 居於家方是時鄉民禦賊 一君有賢婦及賢孫女也 M. Character and the second se

おうないない 人がない

TO EXPONITY THE PROPERTY OF THE 高處推墮之驚厥而死而某兄忿猶未已何聯珪獨語 **許聯珪驚啼先妣出而某兄逸矣先妣** 織以活迨亂定渡海歸又生五姊六姊新姊及聯珪 則囊中無 **珪生時四叔父尙無子欲以爲嗣先君盧起爭端婉** 君悉索所有並先妣奩具盡典質得成行比先妣至崇 一君知先君性任俠急人之難不問生産先妣力)從兄某聞其事則已大恚 大盆擲之砰然一 釵 赴崇明方大伯父之赴湖南也貧無資 珥可易錢米矣數口嗷嗷賴先妣 聲碗鋒四姓 日新姊適在後院抱置 亟戒家人勿 相差僅豪 聯

ラスストラインと大きして 壁號日 携聯珪 **菲也堅卻之揮傭媼歸時先妣方食餻投箸爲泣** 縫御冬之資往往出自典質常服做緼 卒之 肝病作體乃不支矣殁時聯珪方九歲啟衾見先妣 日於是 **月姊伴勿念余汝勿哭** 一憂患中也以光緒六年正月六日卒享年四十 前二日有某戚家行先見禮先妣饋禮某戚以 知母之死也乃與諸兄姊環哭踰數夕夢先妣 母勿去大哭而醒自後遂不復夢母也 手同登樓先妣卻立墻壁呼聯珪小字曰奎 我心痛影冉冉依墻滅聯 余讀其狀慨然歎曰嗚呼 LIZ WAR 襲蓋終其身 珪 瞑

- The state of the

11四京区と国内国内国内 11年 徒其遇之艱哉蓋其上自倫常骨肉下至酬應瑣屑 緘其辭至於親朋鄉黨慶弔往來何有何無黽勉求之 務於是深閨淑質茹苦含茶處家庭之際類多飲忍 鍾非計較是非之地耳自後世人情澆薄惟勢利之 一蘋蘩之配也乃後儒誤解以爲男貴女賤女子不當 而不可得者亦且罄其旨蓄而人莫之諒若恭人者 是非嗟乎女子豈果賤而無是非哉惟家庭爲和氣所 | 其言之悲也嘗考之詩日乃生男子載弄之璋乃生 子載弄之五又日無非無儀惟酒食是議夫璋圓以 天也五方以象地也無非無儀者言無非儀之事而

光緒甲午之冬日本逞兵海上陷金復海蓋諸州縣奪 旅順踞威海齊魯之間大震當是時登萊靑道貴地劉 劉母郝夫^ 特爲之傳俾李氏子孫無忘其壼內之遺型云 與而未艾然則天之所以報恭人者不可爲蔣矣余故 之境而余所聞恭人之事則尤可爲咨嗟太息者也然 于亦皆賢鄉之人愈日幸哉有子女若此而其後且 心則旣苦矣其身則已死矣嗚呼此吾國婦人最難 有萬難措置者惟其明於大義是以委曲而不言而 ラスカースシスト 人傳丁西

こうこうかん こうこうかん はんこうしゅ 大学をなるない なまま アルチョン・ディング あんしゅう

吴寬甯海至柘林寺距煙臺僅十里旦夕岌岌不能保 守者於是置鴆兩盂於前謂羣從曰吾夫婦將以此 命若輩有願去者惟其便眾皆泣不忍去時倭人且 口至全三人皇二三世(そ) 切旣整且暇乃相率告慰安堵無恐和護旋成劉公謂 國 民往公廨偵探則見劉公禮服坐堂皇夫人贊畫 沿海居民何吾兩人無福正東省數百萬生靈之 劉公瞿然前 官眷去則民心搖民心搖則士氣渙東土將誰 一吾兩 郝氏言曰國家之難至此吾雖婦 人無福不獲殺身以成仁夫人日 八義當

事云 於民之 其後東省有水災歲大減夫人捐鉅資 忍東人之飢寒以死且與其積財以貽子孫孰若施 女条生三人名 於瘍夫人哀毀過甚逾年亦卒卒之後煙臺商民感 - 歸劉公秉性儉勤尤好施 一堂散給棉衣夫人親操刀尺督率縫 請諸當道於劉公專祠後設主耐祀且立碑以 敗者毋或有縷之 郝夫人之次子壻顧君 一樂乎其立言行事慈祥豈弟如 不密者吾衣可寒百姓弗可寒 與劉公初蒞 以振之 此某年劉 紉 日毋或有 日

The County of the

Section of the section of

事郝夫 陶母金夫人傳王寅 子之 は四部で見る言語を 言甲午之冬隻身赴煙臺劉公謂之 一譽所能爲者吾故特表而傳之將以爲世鑒焉 矣思義)收骸骨也思義以諸子可去請於劉公不 一大夫輒欲徇 八年春文治偕觀察陶君大均隨 已甚諾友相與促膝談干古烈女事莫 婦 乃擊其長子流涕辭去嗚呼自晚近來 吾亦知託孤難於死子誠義勇當 人而明於大義若此此其氣節豈矯 一已之清名以敗壞國家之 使英倫

聞父死痛欲殉墜并賴救得免後不食七日卒不 母病又割股愈之年二十歸我仲父竹書訓導事王 無間言王母有不懌必委曲將順視於無形嗚呼 出守興化殉粤匪之 一孝蓋出於天性而原非緣後起者也均四歲失)烈矣仲母氏金 如 無微不至然有過 難事聞贈太僕寺卿者也 同邑穀生金公女公以名 進曰諸君言烈女 必責不少貸 死

殿失嗟乎均不肖不克表揚先德并此區區者而天不 時曾遣女士 善待之伊所欲請典餘物以與之均異日如成立兒物 日本なるできて言語 課姪時停繡閣針其孝慈之忱溢於楮墨均隨使日本 而疾作病革時泣謂王母曰兒不孝不能復事姑矣 不足惜也均時在側不知其言之痛由今思之淚不禁 · 昇 益 呱呱者累堂上兒罪盆深女也何足惜姪均無母請 一行篋寶若金匱稿中有句云思親暗灑花前 可悲矣諸君子能一 小蘋繪圖一方以示不忘庚子之變竟 言以不朽吾仲母均謹稽

於斯今陶君之爲人質直率性相見以誠而詢以經 事君子推原自始未嘗不歸咎於少年時之失教以 則暴戾而恣睢甚者迷謬不達於理馴至敗壞家國 者比比皆是乃徐而考其行則好實而無厭察其性 實不容有須臾之差近世土大夫峩博其冠鳩紛其蘣 範無存凡民之生自齠齔以至弱冠不能無需於保 音以俟文治聞之瞿然興曰吾嘗讀程子書有言婦 家何鄭重若此旣而思之蓋中國自小學內則旣廢 家之所由盛衰也向嘗疑婦人職在中饋其關係於 乙教少成若天性習貫成自然其所以漸濡而浸灌者

the state of the s

斯義以告士大夫之家有女子者 乎吾聞陶君之所述則益有味乎程子之言用特發明 太倉方烈女傳丁未 矣光緒三十二年七月初十日烈女兄廷虎於外擕會 烈女方氏監生方紹基女居州城南受陳氏聘嫁有 不可多得而況能訓教子弟關係於家國天下之大者 竹本なると言と言用 一次につ 教爲可知也嗟乎中國女學之失久矣慈孝之庸行 (歸會貲者吾鄉之俗朋眾醵錢先後更迭卜而得之 則數百緡少亦數十緡廷虎歸後卽於是日赴滬 則秩秩然昭昭然有條而有理則其得力於蒙養

萬起鳴鉦以應土棍窘廹則奪門以出大言曰吾輩 其勢弗敢動諸棍從容去烈女聞是言痛哭不欲生 遂於是夜糾黨數人謀劫其貲先於某家聚博旋至烈 女送之門廷虎走數武復同呼曰妹室中有會貲爲 女宅攫門不得入則猱升屋樹相率入院落烈女與其 取藏之烈女於門內應之曰諾道中土 万氏女有外遇來捕姦耳鼠輩敢相抗者死矣鄰人畏 母時太孺人及弱妹居聞土棍入大呼救人比鄰 」孀弱不能鳴於官乃亟以書趣廷虎歸而廷虎 事羈留至是年十月初 オラ 棍竊聞廷

the state of the same

邑令捕諸土棍二人下之獄未竟而令去任卒逋 所嬳逾 窮詰之則女隱服生鴉片毒已發矣多方灌救之無及 烈女乃哭告於時太孺 **遂於是日死時年二十有一** 明日夜椎心泣血所以不即 可哀也已其可敬也已事聞於吾鄉紫鄉王先生告諸 日曉大義言笑不苟事祖母孝敬兄愛妹其操行皎 目可與願卽 所知也个因土棍一 年其戚時君國型始以狀來文治爱屬友人 死以明清白之志時太孺人等驚異 言之誣而遽死以自洒其 廷虎日女受誣衊無以 鄰里鄉黨聞之愈曰烈女 死者爲兄未歸也今兄歸

此家院名部烏請於 亭先生敘江潭越女之殉節爲之流涕日 ラススパーンイン・スポープ 朝廷而嘖嘖於士大夫之口嗚呼烈女之目誠, **脊**哭抱苦節之貞委曲以死而其名湮 朝旌表如例嗚呼烈女之 所控訴彼夫窮詹委巷之中貞 日吾鄉因游民眾多而設警察警察者所以保衞資 戸也 一間何可勝道今烈女之名獨能達 四者爲窮民之無告者謂其情志湮鬱雖死而 ·乃警察旣設而土棍橫行如故嗚呼昔陸 一目誠可與矣昔孟子論鰥寡 姬淑媛熒熒無依 於 沒而不彰者 可與矣 整

古母主と同門門へよう			斯也嗚呼悲夫
अंदा ।			斯也嗚呼悲夫 至於斯吾傳方烈女亦爲之流涕曰誰同民
			民鐸而至於

 					コダンス・パニマンでである。シーノ
受業舸葆恩謹校					The second secon

郝經堂文集一編卷七 鍾名儒德音之所被霑濡涵育汪濊洋溢浙江為古吳分地秦漢而後風會漸開山 于中国的**发展**上层。 送嘉定徐季和先生視學浙中序甲午 甲於上都甲午孟春吾鄉徐季和先生奉 嘉人物英跱通經好古之士俶儻瓌琦之 震海內个承 命視學是邦先生平日激厲名節立朝終督炯介直 贈序壽序類 太倉唐文治 蔚芝著 倫累軌連踵 以故土風清 川靈氣之所

以數十年而一變其間惟有志之 聖天子與賢育才之至意而交治竊有進 簡命舉朝人 爲古今之學問雖干 一自嘉道 藻飾其所 士臆決唱聲於周公孔孟之 以來訓故之學 躬行皆斥爲空疏而不足道 愈謂先生 不及其下者承風望旨 百世而不變而古今 即以風氣之所 遭 ·一變而爲詞章 士能 尊 知 言大 其上 再變而爲 學問轉移 مخر 焉者蓋 為學問之 得 風氣 義周 曾 則

學校之責者宜精刊先 治嘗謂欲挽今日之 振興之夫義理之學至 人家置 巫当と長三量 可以悸動虛懦貌為 一大夫之廉恥必先崇尙氣節之士而氣節之士 利權 功利之 風氣盆至於頹堕 梯脂韋爲巧而 而禮 一習汾坛 多 義廉恥之說遂至於埽地而無餘故文 風 沸涓機械變詐之 信念 緑節 於 氣必先養士大夫之廉恥 因循天下之 今日榛莽晦塞不 知學問之 也 學術益至於瑣碎滅裂 則必先 集語録布譜 イオ盆 以宋五子之學 徒乃得隱 至於耗效 操字 而

するがパイニアノイエンではない。 **沾於訓故詞章與夫麥談西法者其得失輕重之數** 廉恥辨義 果不食蓋言君子能存此幾希之理於將墜之時詩鄭 知储經世之略而有以應無窮之變則其爲效較之沾 去當復何如且夫乾坤之不息者由人心之不泯也 心之不泯者由廉恥之常存也在易剝之上 日風 雨如晦雞鳴不已蓋見斯道之在天下未嘗 利明孝悌而其見諸施行者則又當格物 陰之 **慨然想見其嘉言懿行與其流** 野平湖之濱訪劉忠介陸清獻 歎頹息以爲世俗 風 餘韻之 河 碩

外 日平から見三届 國之 十或可得四五而氣節之士則十 一
忧然於主持
名教之有人 說有以浸漬於士大夫之 於先 生其誰能任之昔顧亭林氏論學謂 地 閥斯道之 然則挽 有恥博學於文二 於先儒之 多。独山 編 源善言學者必操其本 一無傳為 同世道之責誠莫先於 THE PERSON OF TH 遺緒隕穫墜地 恢廓而昌明之 本凊源之旨爲 |語方今術序之中文架 奔寬 心則彼機 不能 慴 而陵 伏 先生望 振興理 夷 使 聖門家法 文 械變詐之 而 SACTORISE SECTIONS OF SECTION 治 無所容於 學

读不知聖人 藥品殷懃之意何其厚也來詩推崇過 贈蘇寓庸先生序丙寅 生雖無藉乎區區之辭而文治乃喑無 ナス・スケリーノをフェージス **小能詩謹爲文以謝之先生主持廣西** 縣蘇 一、咎是亦聖門之所棄也故敢貢其狂愚 先生之行焉 寓庸先生介北流陳子柱尊寄贈 人有言可與言而不與之言是 一研覈土 、有言教也者民之 一品宏獎風流小子何 風 教者也 (詩數章) 愧不敢當 之忱而即 言坐 謂失人今 敢

こしてはそうとからこの世代をグルン・ハー 而叉推及於三年之喪不忍之隱其温柔敦厚之意深 者莫如道德然余以為言道德更不如言性情論語陽 以來風氣屢變江河日下有識者以爲法律之窮拔之 傷世蓋寒暑而愆其節民之受傷於有形者也教育 失其時民之受傷於無形者也今之 如而子弟之受傷者其可痛更何如也綜觀二三十年 日性相近習相違下 、後世更千百歲聞者莫不與起 子以學詩詔伯魚以二南禮云樂云不在玉帛鐘鼓 篇詳言人心風俗之所以義特標孔子教人之旨 即繼以絃歌之聲學道愛人且 而況於親炙之者 教育者其宗旨

有子曾子似夫子論 支照当了多一系 子 於致中和大哉位 子生當戰國之時 不好者性情中之感罕也論慎終追 心疾首發明性 以能厚者性情中 於天命之性 能皆是也 教之方注 喜怒哀樂未發之中而其功用則 天 孝弟則不好犯上不 之衝染也子思子本家法作中 地育萬物性情之效盡於是矣 侯放立 性情何獨不然古聖 教備於告子 **恣**爭地以戰殺 五歲悟道 遠 篇 作中和舊說 ·則民德阿 賢 本心 (盈野於 教 亂 所

日本の一個一個一個一個 樂三代而下下而爲師儒其教著於詩文然所以涵養 德性奮發志意至於手舞足蹈可泣可歌所謂感人 有殺機之偶萌哉今世學者不乏英奇阜犖之才或者 感世變之多故慨我生之不辰其性情不免流於激烈 復返嗚呼此世道之所以陵夷而人才之所由顕喪 中才也棄不才而青年子弟乃盆入於堅僻自是而不 而教之者類如風雨寒暑之不得其時甚至中也棄了 此豈盡學者之咎哉抑教者實有責焉枉尊教人 而天下和平者其道無二致也如是而天下皆生機豈 利貞者性情也三代而上上而爲看相其教施於禮

Ł

廣西之教化蓋可知矣干里之外此心同此理同古 詩與余意訴合比年率廣西子弟數十八 コスポ位三年三元一名一 食予激賞之以爲吾道之干城而陳生亦視余爲知己 陳生柱尊從學於予有年矣篤信好學如饑渴之於飲 贈陳生柱尊序丙辰 皆強雍然穆穆然其性情之温良有可愛者蘇先生在 月懷必罄也生爲詩激昂慷慨多悲怨之音予戒之 一言不余欺也用敢貢其芻薨之見先生儻不以爲 一推行而張大之則於吾黨救世之旨豈曰小補之 、來就學於子

事縱離奇而光怪吾心尤宜中正而和平孔子曰樂以 樂孔子賢之彼感懷時局憂傷性性習皆庸夫也英雄 ナコロムエーで加び二回日のイン・シー・コ 造時世安知他日天下事非由我而澄清之乎涵養遂 人將凌亂而無所歸宿譬諸羅八珍於前而畢饜之 好博而心不專一書未竟又、攻他書予戒之曰生毋然 斯意氣平甯靜乃可以致這吾願生為諸葛武侯為王 **后憂樂天知命故不憂顔子處亂世居於陋巷不改其** /成爲曾文正不願生爲屈靈均爲賈長沙也生讀· 毋然世界縱幽闇而晦盲吾心必須光明而曠達世 八為學惟專乃精君子以學問為嗜好然嗜好過 The state of the s 7

ヌネグラモニネ くて 有進者夫輪囷之木雖不中於絕墨然大匠過之必一 竭其造就未有能追大者也吾尤願生之爲聖賢而 **縱其跅弛當世名士吾見多矣志游則易衰氣散則易 瞫暺乎其有味也生其服膺斯言而勿失之可也且** 學業可成朱子讀書法曰熟讀精思循序漸進如是 白首不成一藝者其病在不專靜則記憶力可强專則 讀書而掩卷輒忘者其病在不靜凡人有終身讀書 任其廢棄騏驥之馬雖有時而償與然伯樂過之必不 孔子曰其靜也專靜專者造道之初基也凡人有終 有能知味者矣且不至於積滯而疾病者幾希

聖天子卽位之二十八年歲在壬寅太原紫翔先生 習復萌也因書此贈之以爲生之座右銘云 爲名士也柱尊聞之豁然以悟予恐其積日旣久而舊 177225日は人間では田田 道之而文治則獨有瑣屑之辭爲先生獻者先生於 王紫翔先生六十壽序王寅 尚 存 先 生 幼 年 之 作 也 戊 寅 歲 文 治 年 十 四 隨 六十有 為角屬念先生學術之純德行之懿及門諸子類能 人為總角交少年時恆以文藝相角逐至今篋中 一矣其秋文治返自英倫捧觴上壽願貢 一先生偶過齋中見文治習帖括課輒 COMPANY TO SELECT THE PARTY OF
堅卓者必其人之忠厚篤實者也天下惟第一 故凡文之博大昌明者必其人之光明磊落者也精 制行為先務嘗曰文字雖小道然品行學問皆在其中 此美才也宜益縱之俾進於古庶幾勿楛乃質先生 女系生了全二系 完 爲法矣辛巳歲遂執贄先生之門先生忻然於凡文章 奧性命之幽旁遠訓故箋疏之誼諸子百家之言靡 家大人 口講指畫午貫旁通至於朝夕訓誨則必斷斷然 等文吾子勉之文治憬然受命以故由弱 八誨文治曰此先生過譽也顧孺子當以先生 籍以迄於今凡 言言 A Commence of the Commence of 等 始

.3

4

|晦盲否塞陵夷以洎今兹歐洲 流遂駸駿平奪我聖教之皋比天下耳食之徒不揣其 瞬天道窮於上人事變於下自利艾東來而西學之 口で記させた二冊・ジャンコ 之權分而教化歧於二自是厥後賢聖不明道德不 於今日也文治瑣屑之辭如此顧尤有爲先生進者蓋 誼尙不至見棄於君子之門則皆 期望之 三代而上君師之權合而教化出於 一有失亦必嚴詞峻責不稍假借蓋文治自有生以來 一般知已之感未有過於先生者而自度學問行 惴惴焉惟恐先生 一知而 諸邦乘間抵隙鴞視鷹 先生 1先生督責之 於文治 一代而 一言 下君師

敦優 都會之間聆士大夫聚語必曰設學堂及 マッカケニ・オンニッカーシーンス 晦之中不肯出 乙待文治 之間聆士 知先生之心考先生之行關先生之學則先生] 敦劣敦緩敦急孰宜敦不宜則皆瞠 源程課之次第與夫各國政治藝術律令風俗之 而 罔知所對於 一大夫聚語亦必曰設學堂追詢以學堂教法 獨 厚而待 言以拯天下學者之聾瞶是豈 斯時也先 和 附莫知所底文治嘗 具薄蓋 乃獨蕭然於風 游縣 世之人 目撟舌 、旣未 鄉鄙 逡 先 雨 巡

伊尹有言將以斯道覺斯民孟子有言如欲平治天 國家文化洋溢庠序盈門吾知異日者不獨縣邑鄉 神與夫教者思教學之精神二者恆固結於無形之中 天下而不在於獨善其身灼然明矣夫學者求教之 含我其誰先生嚮者誨文治如此其勤則其志在兼 不言之表易日匪我求童蒙童蒙求我蓋此誼也雖 而不可解一旦有以通之則恰然渙然訢合無間方今 間將有求於先生卽都會之中亦將羣奉先生以 The section of 生其必以嚮之教文治者教天下之士夫然後 聖教之實足以包西學而西學之終不能奪我 W/ ... THE RESERVE AND THE PROPERTY OF THE PARTY OF **八蓋此誼也雖然**

PRINCESSOR AND RESIDENCE

學也量 **买**粤生先生六十壽序 書之以告縣邑鄉鄙與夫都會間之士大夫俾知先生 **天**兼空之毛之光 紳邑老咸華華焉秩秩焉沐浴德化歌詠麻嘉菊農 日竢之用特進此言以為先生勸卽以為先生壽且 一志固非無意於天下之學者 天子即位之二十二年柔兆涒灘之歲且月同硯吳 菊農將爲我世伯粤生先生暨世伯母張宜八獻六 體醪酎酒以甘之 不盛哉文治不敏竊爲同志之倫馨香祝之 維時先生適重蒞吾鄉棠蔭鋪菜圈澤延羨搢 え 鏗笙簧絲竹以樂之命偷兒以 丙申 也

軍門達士軍營之聘運籌帷幄昈分殊事旣盪平斂 節環瑋連犿賴粉軋芴叉士君子之所弗取也先民 **禪**粹岐嶷嗜學尤覃精經世之務方中議公地山先 日本語の音楽画の名がい 既陳醆斚序行乃有執虧而進者日夫康疆好德之 一攝理番同知也先生實踐內政時中議公方平定 切人 黎臺駘之祝自古有之 '務亟需是正諸規畫百端待理幕府虛 召許史以鼓繞梁於時春酒 不媚今者不可無一 飛書馳傲動協機宜 一雖然或敷陳曼詞或撏撦 言以爲先生壽先生宅 一歲甲戌又就 既熟群風斯扇樽 無

之師亦由佐理得人焉方今 第用是軍行所至從不妄戮一 ラスカイニンインコラ 鶚視當道語公動稱才難向令得先生經畫之才以應 土匪援脅從罔治之義於就獲諸 略於是又有執舒而進者曰夫先生之武略偉矣抑 天下之務總撐萬變宜咸可以就理敢進一 足以美其利民之溥也吾邑婁江爲三江之一支河 治者莫不以水利為亟然人情可與樂成難與慮始以 一師亦由佐理得人焉方今外侮頻乘歐洲諸夷鷹瞵 「四達農田灌 所於水學猶有鳴鏡擊獎之事鄉人士 THE PERSON NAMED IN COLUMN TWO IS NOT THE OWNER. | 概利益孔多爲民命所維繫故自來言 これのでは、大きないというというないできないのできない。 またいまたい かんしゅう こうしゅうしん アイトラント 一人論者謂達軍固節制 、苦心 的別摘

旁逮吾婁諸儒之言水學者若二郟之上治水書言 食其利於是顧殷重先生撰婁江志備載其苦心偉績 唐六窑南北麋場諸河轍迩所至人懷其仁士夫相 上では、一個世間中国 (2011) 頭於庭婦孺相與謳於野往者三韓白公治吾州時率 **奮子來恐後民田得沾水利者數萬畝今歲復開沒** 力之法取之已復捐廉以爲之倡而躬自督之農夫感 利書桴亭先生之婁江條議確盦先生之拯患說蓋 支河癸巳年開浚六里塘六愛涇蕩涇三河以業食 〈濟朱涇旣又以濟朱涇之法濟劉河東南六郡胥

コンノンスインニーンエンニンス 先生之孽畫 騏驥騄耳千里之任也而 歸撤棘後先生遂宴同人 / 梗楠 君遂出其門而是秋菊農亦高捷省垣 如林庠序盈 廉以獎厲之其待士也循循善誘如課子弟 一翹懃若 先生之興利溥矣抑未足以盡其育才之富 杞梓棟梁之器也 得以見諸 名 不及於書院校藝外別立 門披華啟秀岡非嘉植癸巳調 施行者 **觥**以彰仁 非伯 而非輸般則無以從繩 於衡鑑堂 樂則無以施控御先 皆白公力也今先生 聞於是又有執爵 時美談十 文課擇 歌鹿

乃國家盛衰之幾道咸以來若曾文正胡文忠羅忠 トからすることのマニカ田! W/ スターへ」 諸公何一非從學校中出聖人 信吾婁士風素號純樸安知無名儒名臣崛起其間然 固有以厚其報也夫三代以上 交羨論者多服先生 公教澤於是又有執 虧而進者曰夫先生之育才茂 一者當務是急或不暇注意於此庸詎知 而下風化之權委於牧令自學校衰而 不足以闚其爲學之 生之養育 八才其所見固遠且大矣敢進 一
放
後
之 邃也蓋先生自幼離經辨志 動而不知其愛才之擊 、有言十室之邑必有忠 一教養之責統於君師 人心薄居民 オ之興廢 觥川

以朱子小學植其萌版為文蓮守先正法程不自軟 鈔呂氏正續小兒語及李氏老學究語爲蒙養必讀好 家累軟相望級學之士相與鉤章棘句動稱漢京而其 7生肄習之以爲振興樸學之地夫自乾嘉以來考據 學又購備張淸恪公正誼堂全集及經史諸書擇高 慨然捐資助刻安道先生年譜譜以表章先賢興起 行世告學者曰此爲人之本也吾婁理學宗傳自 一先生爲之倡歲這年湮其嘉言懿行漸以放失先)外而於先儒性理諸書尤股膺呂氏語錄嘗 · 蜂乃或以私意分別門戸意氣儇佻膠言踰 老 The state of the s

TEDATA CAMBANTO 乏徒 患患在人心人心之患苟非得聖賢之 再拜捧觴而進言曰是數說者歷矣 及今世士 源竊恐名教之就湮有如江河之日下在易剣之 碩果不食今世性理之學幾於碩 而昌明之非卽十二 秦者乎敢進一 乃得乘其 延慶而未有艾 以闚先生之本源也蓋先生之 一向詭奇人善其所 敝 而起故昔者之患 觥以光碩學於是 一辟卦陰陽消息之機所以轉 私學詖 果 所以 交洽 士有以正其 此猶 矣先生獨能 在學術今 邪遁 先生之 万復 侮

ナダンがたニラインニジルーノーろん 有政事而後可以行仁義有仁義而後可 集羣聖之 **有子之言次於卷首何哉蓋夫子之** 刀殊其理 \興天下之仁義而孝弟仁義之本也 一之本也親親仁民舉斯心加諸彼所謂 甚哉有子之言 因稔 服官後三黨六親靡不周卹旁 一大成弟子錄其遺言以爲 知先生內行純篤表裏 數 也先生與 Ť 似夫子也是故有風 人朝齏暮鹽室 家大 人性情道 如懸罄 如 所 當 陸 俗 義相契有 州任 在蜀省時 而後有政事 教 朋友之 本立而道 先生 蒞 獨有 者 邱尤 民 無 取

栗任吾鄉叉迎幼岑先生於署中朝夕相聚白頭兄弟 之不能自謀衣食及萬里尋親無力言旋者助以資斧 堂男丁女口八十餘人又推而兼顧五服內外弟若姪 古座省と見言門で、おこ 至嚴俸不給則稱貸以益之未嘗稍有吝色此紀實 作夫豈世俗緣飾經術沽名弋 **偷愉恰怡孝友家風益令人**歆 **俩輯吳氏家墨**]編極意蒐訪始克告成今且刊三編 一題永思圖文謂先生以一 文章科名稱雄海內者聯 有推諉文治嘗讀世伯幼岑 一縣亷俸所入分贈五 **툸不置吳氏故豫州望** 譽之輩所能爲者至其 相繼先生紹承先

於忽忘奈何亦惟收族而已矣今先生之行實有合 敬宗敬宗故收族蘇明允之言曰分而至於塗人者勢 也幸其未至於塗 敬他人於是機詐之變日深厚 實無厭利之所在則不愛其親 盖自先王之教不行上下縱於 乙道苦而天地之和氣或幾乎息矣禮大傳曰尊祖故 MANAZA HINANANA 天凡茲數事倶至庸無奇之行 焉爲之措置同宗同姓至相 精義向令當世之士蟲能法先生之所爲士 人使之無至於忽忘焉可也夫 **視若路人蓋非特生** 生正德之事曾無 文治 無等之欲娛娛順睮 而愛他人 顧獨以是為重 不敬其親 無

學問經濟之塗講明綏中震外之術是所謂寓富强於 天生計不至相率告絀而因以其時優游絃誦從事於 斯乎抑交治及嘗聞先生之論政事曰作州縣官無他 但能以營夷子事長官之心移注於百姓積誠以通之 仁義之中也古人有言正其本萬事理先生之意其在 百姓所以推吾親親之心以及之者猶腹心之運於 肢根本之 日立まできる。 於刻聚伯儗之士多欲希清淨之迹而其弊極於怕愁 方今東治冘雜鉤距之徒多欲收幹濟之名而其弊至 力以行之久之未有不效者旨哉言乎蓋仁人之於 一達於枝葉也厚薄輕重各有至當不易之則 the second secon

雅旣醉之五章曰威儀孔時君子有孝子鄭君謂君 **有孝行宜廣之以教道** 昆季必莊以誠所性與先生 **[慎敬恭經紀內政出** 放諸而無弗準者蓋由其源這 先生獨能以震誠務實爲事旨哉言乎吾黨之不得 方子生って一方 論蓋 源如此顧豈末俗 ·鄭君以女士爲女而有士行者又有賢 已久矣然後知仁人之行所謂本立道 小儒之所能測哉張宜人居恆 入顧復不遑暇逸而其忞慔菊農 一天下其八章曰釐爾女士從 始無間然文治普讀詩 放其流益長也先生 生推

先生壽 真伊昔大儒若孫夏峄黃棃洲顧亭林諸先生皆碩德 **嘉齡縵福茀滁祥源庸有旣乎用敢敘次其說敬** 傳播藝林今菊農實能善承先生暨張宜 詩固有明證矣往者黃石齋先生 「日本会」と言語と「日本の一」 冢抾融會二書之微言大義而體之於身則夫異 |禮爲孝經疏義近阮文達大論孝經注釋曾子十 卿先生六十壽序乙未 且以為菊農勗吾知先生聞之必且追然 、正有言天之生賢 人也大抵以 作孝經集傳 剛直保其本 人之志恪守

1

ナンデュニューニュー 忍作爲一 貞隱年登耄耋而皆秉剛直之性寸衷之所執萬夫 蓋勢乃今於我世伯葆卿先生暨伯母張太蒸入得之 其效實相因而至縱觀當世其能取驗聖經而無愧 克言九五福 文治於先生誼屬同郡而一海之隔迄未得親承 謦欬 一質瞬之大壽而神不衰不似世俗孱懦豎子依違 一而不可動三光晦五岳震而不可奪故常全其至 為其說實本於洪範洪範言六三德先以正直 and a supplication of the 切不可久長者也認哉斯言文治嘗推原 日壽然則五福之與六德其分雖然而 to the transfer of the tenter of the section of the 剛

日本日本日本日日日 11日日 11/2011 剛 l 歩文 片煙 直 之 槪 洽 [起於] 區之意 禁煙 即以爲 之志夫自 不敏 足 歡 1 所 丹 愧 語 感 舉 揆之 烈 無 丹 以應 道 遭 学能 治 揆勗 以 至 咸 應 讒 生 一也錫名 心丹揆之 吾父行年六十 以道義相 可乎先生疾惡 廢 來海禁旣 乃 命當 欲丹揆 1穆字日希林蓋 切礦願得 贝向 弛 焉 甚嚴 外洋 吾 顧 所聞 母 人於 而 先 即

支系当三十八分 者 通 底 能 勢較之文忠之時事變 彼 神信罕乎金石 人必養其至 足 外洋之 師 計剝膚椎髓朘削 法文忠 則所 論 利權 人以 而天 日 承 異日經世 一裔宇鬼 爲中 至 至 剛之 剛直 勢益 我 至 國 |孔棘蓋| 氣 力求 曲 剛直 瑣者 固 而後行 氣 如江 氣節 管有才 離散 槪 夫 安内 無害 不啻 而 泂 我 之 塞 狼

するいからいるうに当日 慨 **哫訾慄** 不嚴不 ~ 潰 一曉峰 然語 埽地 運會 敗 華也 糜 文治日詩有之誰生 斯 可破或可 盡矣往歲倭奴 言得 極愈趨 爛 以厲眾如今 不復知禮義廉恥 由 浴ゴ 至於如此者由 氣節而出則百事皆 罪先生 乃伺候於公卿之門奔走於形勢 愈 也貌言盛則 下天 構衅 一則爲之 日 事第斬 一属階至今爲 爲 無骨鯁之士 疆)累歎頹息不恰 臣張皇無所措 何事而氣節之說幾 夫功利之 傷自 數 偽萌苦言盛 晩近 足 也 矣迨 便夫 見 浸

陰 先 路 可 俗 遇 一懿行蓋 [毖者] 消長之 此 事賽諤無所顧忌 張 逸 三彩 破觚 也丹 所性 太恭 一壽謂世俗之壽壽於身先生之壽壽於心 所當矜式 揆誠能 也 機 與先 不勝書 圖宣 與夫人世 居 至其他孝友睦 生 恆質直 、者與音吾 聖之 而其榮 殆 勉 [則所以] 爲 無間 「興亡治 所 慈祥經 氣 ^绛大 節 然 鄉陸桴亭先生 怪歎 一婣之 承先 凡 亂 端 此 紀 誼 異 Z 非 而 内 則 儉 改實基 剛直之 皆福壽 周 惟 政出 日出司曹 勤敦 以 尊 崇 頌 艞 樸 登 此 復 節 而

義 表裏今文治學 中国全部第一一一一一 不承天之 身則幸而得之適以爲累壽 君丹揆六十壽序 直諒之義率原其不文之 服膺朱儒 之嚴毅耿, 公告當世之君子且即以 爲艮家傳曰動 凝重沈靜之氣磅礴鬱積氫之於 所賜是說也與洪 則他 介固可謂壽於心者而如丹揆之 術行誼曾不敢 日追 心 避 確 庵 **齡發明生人** 、範五福三德之言隱 先生 於心則持之若勞無 擬桴亭之萬 時其道 無疑也用敢 光 人則為壽易 明論語 所以致壽 沈 然 潛 如 勉附

進士亦備員戸部君喜甚白諸 歡讀書抉擇大義文 義以方外敬義立而德合無疆 者樂 然而無求其涉於世也與物無競故其性情貞固 觀政農曹維時余始見君 為道其氣宏以深其容肅 言每言必中於理親朋皆 一於多壽徵諸譜兄丹揆 静默善事我譜伯葆卿 水仁者樂山知者動仁者 オ 如舊相 歎 而莊其德淵然而寡慾 戊子登賢書庚寅成 服以故深得葆卿先 其君之謂與 靜知者樂仁者壽蓋 生每侍坐或終 而益信焉君生而 延余偕人雲南清 識以為敬以直 辰余成 岐 而 發 進

/图||进門|||江南內西部門||| 余並約各書 一聯座 國事務 以亭林先生 所可君 筝匪 如在農曹時辦理交 遇事力爭君 或否之切磋之樂 批閱公牘纖 衙門即今之外交 日記 座 日 兴 氛 以期進 知 日迫君 直 錄楊圍先 進則余繼之余進 電 悉弗 德修業焉歲戊戌同入 如 部 誠 涉惟務以柔克剛以 月聯軍入京君奉 兄弟之 有時 生集暨 余勿告 是也余先主英股君 時 恰恰 行政一 則君 所可余或 胡文忠公集餉 堂上 繼 然維 知 時君 總 否 致 踵

á

衡時事未嘗 命議 至寶坻余亦奉 大学にアーニー系 一譯署時君惟以 一大臣奉 一隸按察司君歎日吾其歸 作露方建設 擢商部參議 和吾兩 籍讀禮比時吾蘇上 向榮之 皆徒步數 相對流涕 Ź 勤恤 機忌者思有 余同時授右丞聯座議商政如在 堂 |商艱通達商情爲本務志同道 避 千里 也 居北山之平義分村 當 乎是年冬余兩 是時樞政 强尚書載育周貝子 とうこうちゅうないちというしょうしゃ ちゃくなんかんない 大学には 城相 雕之丙午夏遼出 見慶更生 如 日薄崦 盱

交至 揚君蟄仙主其事君殫精擘畫省費數百萬外人 後 道亦所弗辭近復有請滅蘇賦疏濟太湖之議仁言利 修道樂天然或遇地方大利弊輒盡言忠告雖見忤 謂天壽平 古がなからう言語 利權 杜門養疴之居於崇城之堡 一農額 稱頌弗置嗣復一 以鎮靜處之而滬杭甬路卒底於成至今兩省 頌昔子思子論至誠 君固已 格者乎个歲已未九月欣逢君六十攬揆之 議築滬杭甬路綫以抵制之羣推君 一 ドンコ 一肫肫如淵淵如進而達於浩浩非所 出 為浙江財政監理辛亥改革 西自號農隱課睛話 曰肫肫其仁淵淵其淵 與浙 雨

有事也 也以九 偏爲爾德 如南山之壽如松柏之茂日月動者也南山松柏靜 詩 辰諸 獨可以壽已 山阜岡陵靜者也 福 天保之頌遐 如之 而 其效推於俊民用章家用平 蓋靜德之光大含閎逮於百姓如此書供範 壽歸本於日 謀所以壽君者來徵序於余余謂君之 方喻而靜者居其六其五章日羣黎百 可以壽 7 福 川動者也又日如月之恆如日之 如山如阜如岡如陵如川之方至 古聖賢之 、恭曰蕭曰思恭肅思皆靜者 、不獨可以壽人且 康蓋 一静德之 則明德 可以壽世 德 康 所 姓

中国版艺艺艺术三回用一个1551人 光緒七年辛巳余應瑞安黃嫩蘭師科試入文場坐 他日之壽人以壽世當於大臺之年配之諸同人愈 民定而后能靜靜而后能安世固未有不定而能靜 字五號遇同號生則洪君滅霞也言論甚懽如舊 靜而能安者也孔子之贊大德必得其壽特引詩證之 人為進德之助云爾 君潄霞六十壽序戊午 宜 爱本斯誼衍爲壽言不諛不溢非徒爲侑觴之 民宜人受减於天世固未有不宜於民人而能受 西 而

|故事恍惚如在目前其奚敢解景平之言目吾父事大 將爲吾子誠涓吉合卺欲博一日萊衣之懽先生知 告日吾父行年六十矣以國難未敢稱慶顧个歲十 余大喜以爲吾友有令子後福無量矣今歲夏景平來 得晤君哲嗣景平精疇人之術博拾多聞謙退如不 其家法之有本末也宣統元年已酉余承乏太倉中 先生其貌莊然其言肅然其性情肫肫然懇懇然乃歎 大型がいいいいいかり 〈深敢乞一言以爲侑觴之助余囘憶四十年前舊

藥其侍大父病也竊嘗糞以告醫至今家人猶稱道 勿忘焉余聞之瞿然曰是所謂明德也夫孝子之事親 戸退入私室如是以爲常其侍大母病也曾刲股以 白水子已と見二三田一〇〇〇八八 致其愛養則致其樂於是其德之暢達也光於四海通 於天下則乖戾浮囂之俗其或稍稍息乎景平之言 小忘乎心夫然後能安其生而全其天故余嘗謂父母 年齡恆視乎人子侍奉之安否以為修短之數居 一視於無形聽於無聲色不忘乎目聲不絕乎耳嗜欲 神明災害不生禍亂不作向使以君之風推而播 一帳前數察鼻息息和酣睡始徐徐起躡足掩 1111 WARREN BERNEN BERNE

重事 **再事史日濯淖汙泥之中浮游麈埃之外不獲世之** 矣而其平居高躅志潔行廉若此易曰不事王侯高尙 高節也夫君繼志述事恆盡心於桑梓之義務兩爲鄉 其淵源碑帖派別並復審其體勢就傳以來未嘗 學若詩詞學若琴學皆研究有素而於許書致力尤 則留連竟日歸則詩句滿囊矣余聞之慨然曰是所謂 釋卷性尤 吾父平日淡泊明志依仁游藝靡所不窺若韻學若 カタイなニマイコンニュスートノクイ 任自治職瘠水道創男女學校亦旣規畫久 、耽幽靜每當春秋佳日放棹鄰湖遇佳 勤

然進 福之故里 悅鳥性潭影空人心世傳顏潭詩話 **计型宝区甚三届 图** 经 占 **壽叉奚必羨世間之富貴功名也耶君聞余言其亦** 蘭朝餐夕飲觸願與君攜手同行訪嚴光之 且長乃與夫山色朔光吞吐出入同為神仙不老 先生避地蔚村有煙花七十二潭常咏古詩云山 源作避秦之計庶幾夫荷衣蕙帶飄搖安朔秋菊 網然泥而不滓者也君其近之矣余 曾慕有明陳· 「干戈雲**擾**海內沸騰余常欲聯二三知 一耕於寬閒之野漁於寂寞之濱湖洄伊 乎 員 書余樂而序 之釣臺遊 間桃

嫺內則捼挱無失庭幃長著德徽六義能檀文業年上 黃純書六十之年少廣飛雲婁室表五三之册不率 九歸同邑伯衡先生肅恭敬止循循保氏之 **幛成曠代之女宗靈瑟雲**敦譜霓裳之法曲��官缺座 代星森天媊亘古爲昭花落常山於今有曜章長素夙 蓋聞翠媽題策開嘉兆於循螿金母圖客傳形芬於漢 承母教世重周官崔彦鸞幼為威儀庭斯訓義絳紗碧 THE THE STATE OF THE PARTY 胡母願太夫人六十壽序工 19如胡母顧太夫人者乎夫人系出武陵來嬪安定 八仰懿章昭明有答世稱令德當代坤儀興門女範

子は形式は大きに言語してない」 **懐諸幼不輟升堂之哺敢敲隔戸之碁無** 鶴之歌驟起從此飲冰茹蘗託井水以無移達髻榛笄 事屧中有秩於尸祭箧無完幅楹葆彈書上 詠柏舟而自誓當是時也繩床小子八穝衣單風燭 枚速方期飛聲文苑何圖入夢獨瑰緋衣之召遽催黃 於月夜伯衡先生經經緯史善書能詩上古下今馬丁 儼容答拜機聲助讀數斷漏於霜天槐蔭添香每終 下無寒無 提提碩人之德舉梁鳩之案看冀缺之耕整服如賓 一戶冷夫人內則曳柴汲甕無假於僕人外則酯 **爖之植而內外無闕此其不可及者** 様 之 庇 一事尊嫜

家政, 學必申 荻每 庭 **嘉此其不 オヨスクミーオレータル** 典 一霞粹士 粉榆執教甲胄六經 剃 訓 而 八治婚嫁者四· 機科矣 補 崦 日父志無忘齊縷秦篝他 戒 心瘡鍊指生 嵫 可及者一 兩兄已 教暴嚴 日落禮備 名 成 服馬鈞激水流 也 東帛備儷皮不忒牛 人矣綴紙補書質環就傅 已而企 三虞經 而 、粹士世 霞世兄海 紀 丽 人謂 ノ養詩彰 | 艱棘 布綺學儕 兄亦卒業於南 天心必見時 三 眠占 而 移心支 學 成篚 馬戲 九熊 持 쑽 則

日本学では、同時である。 梅鶴讀書豈必求官此其不可及者四也若夫御 翻羹無罰 而夫 其不可及者三也於是粹士世兄以碩士之 聞 熛 報雙鳳清聲惟賢母乃有令兒惟厚德斯臻大耋 不能 電 し雅韻 人以為未可也京雒緇塵磨涅人成利礩而 行八萬里破鯨海之波孤航頁笈三 以飛輪夫人 用世知 一翅温生 憚其寬謦欬無聲 鞭歸去春風開 一黍谷豈待裝實學羽蓬山即聆賀 藝甯足周身於是力成粹士 見世運之推移必逐新以應變非 十里之花四妙才多雲路 懷其教不嚴而 十年成斷 冰街發瓠 世兄 湖 則 歐 博

マストーランマーハーラストライン 壽之 兩 籨玉皎元正 如 文以集酤前辟後鳳蹋躚萊綵以承歡宜其慶與善俱 戸蕭然不法而安井日有秩斷齎拔薤而分甘 、獻壽申寸草之心斟柏葉而稱寫欣春晫之滿岸 骨肉此其不可及者五也凡此柔嘉之美德成為 **肥推輔朱輪郗母當筵婆娑白髮於以知海天傷尊** 隨德茂以壬戌孟春爲周甲令辰時則芋葉燈新水 分綴遺餐以蘇困七族風和 休徴 明玄圃金蘐與莀萼齊芬於是企霞昆玉進椒花 加以林標瓊樹庭秀桐枝伯海季江裝 敗祚萬象舒新春在高藂寶葵與綏桃 兣 同舍如家人撫使婢 and the case of the same of the case 門 鬭 紛

之 有 百 在 章 敢 自 在 章 敢 春 青 世 本 章 敢 む 世 本

茹經堂文集 一編卷七			
受業屑葆別謹校			

忠愍公者豈非天地正氣之所存與公諱化成字蓮 **俔 偏 他 心 心 合 与 海 凄 龙 声 声 声 世 以 为 美 章 万 更 0** 嗚呼當道光之季燒鴉片事起中 日本語で見て言用している。 陳忠愍公殉難碑記甲子 **茹經堂文集** 建 碑 泉州府同安縣 作賜諡忠愍當 銘 編卷八 此之時公名震天下文治嘗考官 人束髮投營以 太倉唐文治蔚芝蓍 國 偏裨從李壯烈 因應失當士 問然 如 陳

女条作三季三利 帥兵守焉先是英人陷浙江定海兩江總督伊里布 年七十餘矣死事之日道 調浙以牛鑑 不受蓋薰蕕 公之江南後稔知吳淞為海 助公守西礮臺周某者貌樸訥性 !兩礟臺對峙牛守東礟臺令蘇 州鎮總兵王志元守之王恇怯居實 寶山袁翼所志 爲江督奏請督師於吳淞見公清 名 固不同氣矣小沙背者爲崇明入 光二十二 最詳其略日 口要衝敵必 一年壬寅五 鎭

贼鋒難犯議迎犒緩師公撫膺曰某職司勦賊義有進 船而灰礟門且 沙背前磁聲震天公燃磁燬其前鋒一艘 無退請勿怖牛嘿然去八日敵艦三十艘銜尾進出 ロヤンなることのとこの日 不概臺之 佩刀接仗 手作壁 武進士 子擊公中股公手執紅旗猶不仆敵大隊登岸公 碎磚公弗知也五 一無備也悉力攻西臺七月牛鑑至公帳中謂 一觀 劉 、轉戰不少卻鎗洞 一裂公掬藥納子礮震傷手血流至脛旋 國標也公呼之 月朔英船繞小沙背來犯偵 腹時隨 公者僅有三 而東臺將十

女祭写了有三利 光光 地建設商船學校又越 我首奮身擲溝中遂絕會有衣周 所識公尸頁之出殮諸嘉定殺太牢以祭之袁氏所 此越七十年南通州殿撰張譽與文治就公殉難 蘆葉對纈爲 迎船礖擊敵驚擾國標乃痛哭頁公尸 則配之忠愍公之死也海 在禮以死勤事以勞定國則祀 公像於校以垂不朽並屬文治爲記爰撮故老 色勒諸貞珉觸附於 誠倉皇逸出逾 十三年奉賢阮尙介寶山袁希 八日寶 塘碱兵王 台士民尋蘆 闡幽之義焉 推諸叢蘆 出敵

与工芸をは己言語の会に 能言或言之 一蓋不可勝數而獨於吾鄉之 (鎮官紳義勇殉難控骨碑癸 不信哉 呼自軍與以來士 車訪其遺蹟徘徊憑弔未嘗 在今阮袁二 地 間風俗有變更而人 一君復 一義士也吾婁郡城之 不能盡其愚忠之 大夫之出身 有製像之 月維時蚊蚋蟻聚之 八心卒不能死豈不信哉 ~板橋 不濟焉出 舉俾後世 可関悲夫文 難蹈 · 陷實維 成 豊 庚 1 役則或知之 出娣以爲 死地 而 數 顧

女子がニンないまして 公及同知周士濂死之而夏邵李支諸公亦先後殉難 朝不謀夕獨知府李公慶琛率五千人來援以四月上 集於東北門外離城五里之板橋眾相約以白布蒙首 爲驗至个傳爲白頭者是也當是時軍書倉卒當亭者 鳳梧等潛結民團復乞師上游相機規復義民響應 暴有弗從者則火其居殺其人勢張甚迨同治元年 月大兵克嘉城吾州夏公寶全邵公煃李公方焯支公 一日薄城下賊死力拒我而賊首李秀成悉精銳至 勇從死者數萬人白骨相望婁水爲之赤迄今鄉 習戰又無火器各解散遂於十九日全師皆覆李

父老道 者凡天地之劫運恆數百年而 無貴無賤歸諸一 而憫之爲言於當事者請重建并亭掩蓋暴露以安烈 け、四部日と見て三田田・アイスコート I有餘慟焉寇平後善後局諸君卽於其地修爲義冢 \"號召天下之士而挽已成之劫運自世之衰也 L為至愚之君子以忠義為天下倡其氣則百折 [其志則足以處天地並鬼神而於是氣機所感] 言為集點為尚視顏荷活自處其至安而予人以)骨復屬文治一言以為之記而文治則尤有威焉 板橋遺事猶為之於邑悽欷而不能自己 邱歷歲旣久漸見廢圮沈君福林 一見當此之時乃必

一文が生一人生一人 之所以潰敗糜爛不可收拾而天地之 旨言排止之者又豈無人病其愚而竄身事外者 **百乃甘爲至愚之事浩然趨** 無已者未始非貪生避患之士有以啟之 之後豈無人 子倡率義勇視死如歸當其時豈無 一論甯武子日其知可及其愚不可及文治嘗謂 呼其天理之 、憐其愚而責其終無濟者而此數 為大愚文治嘗俯仰干古每歎天下 、慨瑰奇之士慕爲忠孝節義之行則 君 所以常存人心之 死而不復顧其具有激 一劫運所以循環 所以不死 即 | 如吾鄉 事

勇為之 古西兰文表三扁叉。全二人 莊思謙先生祠堂碑記已未 爲能知之吾游奉賢南梁莊思謙先生祠考其遺 之。生子弟德澤流長縣縣延延而終弗替而乾坤之 地 郷之 (不息人道之所以常存其幾蓋相爲維繫惟) 何以立國家何以存善氣而已矣善氣之在天 人飲之 巧畏 三歎言之 難而不可止也故於吾鄉數君子死節之 | 鉅之事惟至 一則爲一鄉之善士家之人飲之)俾後來者有所考鑒焉 人人飲之 し則爲 丘 則爲 國之善

藏粟濟鄰近飢民嘉慶六年捐田 祭田三百畝惠於宗公族賴以贍他如修道塗建 年值海塘 於南橋鎮其孫 **員學宮興橋梁立宗祠貸貧乏施衣施米善行不** 一殁百年矣其曾孫嘉譽元孫登嬴來孫 · 續災全活綦眾五十九年歲꺍饑先生拯災舒 · 值海塘迟濫田盧蕩然先生創捐萬金從事修 贊成之實瑾經理工作越一 曰 **璽書襃娛榮譽傳里**閈間迨光緒二 氣 作哉積 曾鉞曾孫壽圖受祥嘉丕元孫寶瑾等 報 年而告成先生之 干畝創設義莊 乎當乾隆

フィスパー

者未之有也又曰君子務本本立而道生漢延叔堅 聖人之於積善鄭重言之若此而吾謂積善之徵基於 與嘉譽等之孝思有不期然而相處者皆善氣爲之 合骨肉之間凉薄而無思有提倡孝弟之 其爲人也孝弟而好犯上者鮮矣不好犯上而好作亂 門內之行推於利物而濟人論語首篇載有子之言曰 コロをからとして、一日田でくなり 易傳曰積善之家必有餘慶又曰善不積不足以成名 一母其猶無本之木乎乃近世以來乖戾之氣充盈 地則枯槁而立見其薆嗚呼人生而無祖若宗父 於孝猶枝葉之有根本也木著於地則爲本木 ****

積也昔周公作周禮曰和親康樂吾蓋嘗神遊於其間 也天下之亂也一家之衰也非朝夕之故也惡氣之所 个之治也 則吾國之泰平庶幾其有日乎故於記莊先生之 一殆未有艾而善氣之消息寄於 迂 一歎言之俾後之人知治一身一家一國皆當自 邱墓之荒涼暴露悍然不復顧問更無論矣嗚 閥詢以祖父之 1時艱欲求一鄉之善士而不可得於是歎劫運 八君子引之 一家之盛也非朝夕之故也善氣之所積 一而方長充之 |名諱有花然而不知所對者至 而 一陽中之碩果者其 漸廣信仰之而

中巫宝文芸二届、父子し 生

造

様

雲

字

佛 主事壬寅補 妣 戌成進士以主事分農部江西司觀政辛丑補 五游邑庠歲科試屢以第一 等授浙 歸遂杜門不出云蓋吾蘇自錢宮詹阮文達 卿先生 雷 浩 六 合 縣 學 胡妣 一神道 藍並贈之人先生天 江西司員外郎甲辰補 與府知府遇 了訓導三 碑 卿江蘇之寶應 一世並 贈 膺 先生官 高選已卯舉於 剛毅 四川同郎中京 弱不好弄年 曾曾 妣

矣先生 然先生絕無門戸之見嘗言漢學之要在典章制度 非僅訓詁字句宋儒所講卽聖人微言大義而非若 書未竟先生爲參定之人戚日偉哉先生治經之 先生著論語正義淹貫漢宋海內翕然稱誦無問顧其 釋之作因孝道之晦蒙於是有孝通之錄其從叔楚楨 宗旨屹然不爲世風所撓因禮之云亡於是有禮經通 之學以爲空疏馳說騁辭迷謬不諭經學之壞於斯極 聞或且穿鑿附會在道以阿名公貴人菲薄宋儒義 生後經術凋做綴學之士掇拾碎義撏瘡瑣節自 一師事成茓卿先生講求經學一以實專求是爲 Ź 一功也 詡

古四当立を三言語であり 學說之作以爲爲已者給宋學眞儒也卽治漢學亦 無用先生病焉殫精實學旁逮商高積矩師氏旁要之 物中法之作人咸曰富哉先生之學兼賅中西也蓋 **栃靡不釣深索隱昕夕竭思於是有測圓海鏡通釋** 代數合釋之作又以西人物理化學雖剖析微茫 格物傳論學者或遁於虛而世遂薄儒家爲迂闊 空談閔後世恂愁之士入主出奴之見於是有論 咸曰卓哉先生講學之志也自周官亡考工記大 一詳於中國之古書剔扶爬羅會心不違於是有格 、者治漢學偽儒也卽治宋學亦爲儒正論錚

いいいていいけいまれ

愈宏 俗修其教不易其俗 重 因地輿界線之不明於是有會 先 糾 於是有光緒會計表之 瑣細 一既邃 天地以 **咨輯要頻政** 若繭絲牛毛\不可梳理· 於體 以更僕數 播公伯寅翁公 生 乃益磅礴 來廣谷· 齊其政不易其宜 入威 報要之作其他遇事 作又 於用服 叔 一典圖· 因中與以來 異制 权 哉先生 人是有農 而後 聚因 濟這 其間 財 政驗 於

膺丙翰 謁先生瞻其貌壯然儼然聆其言峻然沛然叩其學淵 コスないこと目で言用したし 定省不自克有何蕃之風歲甲辰其令子啟瑞成進 幼內行純篤弱冠時設帳桃源念祖母胡太夫人年 由矣孔子曰人之行莫大於孝孝者德之本也先生自 不忍這離牽裾而位太夫人亦爲之潸然其發於至 爲先生知已 居京師時贈公靜嵒先生方官六合先生時歸 一時以爲榮而先生追念椿庭不及見撫啟瑞 聞於定興鹿公謂啟瑞曰子家世慈孝故官 云文治於壬辰夏備官農部江 西

有厚報也孝經日孝弟之至通於神明豈不信夫辛 大条に三人生と一名 生旣卒啟瑞來拉徵文將以明年十二月十九日壬 葬先生於縣北龍首村八淺坂下申山寅向祖塋之 忠者矣生道光已酉七月二十五日卒夏疑丁巳 每值歲時元旦先向北再拜嗚呼黍離麥秀遺老累飲 國變先生則謝絕賓客築楹數樣嘯굜其中 **痛故國之山河懷彼都之人士如先生者可謂移孝作** 十二日年六十有九娶於陶子 生昔年警惓惓於文治而文治於殷瑞更有 其奚敢辭因述梗概以稔後人復系之以銘 才 殷瑞孫一文興先 一意著述 . 40 44 1 44 44

黃君公續碑王戌 持非惟扶衰且修明之非惟起廢將大昌之嗚呼先生 放淫辭近世未學誣罔無知輒敢調言廢棄先師先生 世界之所以不陸沈人心之所以不靈晦者賴有善 市が五宝文表言温度が名う 而已矣易日積善之家必有餘慶善不積不足以成 八十四卦陰陽消息参伍錯綜於爲善之道兢兢焉 慨 木力支春秋釋奠上丁爲期志學設會戰兢維 言世衰道微邪說暴行同變於夷欲正人心 人以為善是與人為善者也雞鳴而起孳孳 AND THE PROPERTY OF THE PARTY O

事誠敬不苟自光緒壬辰以迄癸卯遭家不造丁父母 憂及諸昆季喪君榮榮在疾侘傺無聊得咯血證雖 曾公續其字系出漢尚書令香以孝聞天下累傳至 爲善者舜之徒也吾乃於金 自裁制而春秋霜露之感時有餘痛焉蓋繼善成性 准 同志鳩錢數萬緡往施振焉厥後眞晉徐淮饑歉亦 LAND VILLIAMINA IN THE 計捐資十餘萬金全活數十萬人人皆目之 先生者遷於金山遂家焉君生而岐嶷天性孝友遇 不知君之積善更有在於無形者當光緒之季科舉 「黃君公續見之君譯 一日善士 星 如 商

菜君燈衷日楊君斯盛君與之鼎峙而三焉葉設澄 海有若復旦健行兩公學南洋中學三育崇實初級 應焉不逾時公私各校來告不足紛然請補助者在 於兩君者其先於朱涇鎭獨立創建明强學校又於朱 學校楊設浦東中學皆以鉅富雄視鄉里或建鑄銅像 **打型空と長三屈でおり** 家莊丙舍設分校以教農民子弟自是登高一呼萬 爲盛顧君之家計不逮兩君而其心力之普及則有過 小學私塾改良會羣學會附屬兩小學行恕國民兩 **庠序興新舊交持帑藏赤立維時出私資興學者**

資亦十餘萬金然則闡潛德之幽光君之功德視葉楊 堂體操學校蠶柔城東愛國蓬萃四女學公立幼稚 艾顧瞻往者提倡教育之先哲達人怦然動念蹙然以 學堂開明女學在南匯有若時正諸學堂先後綜計捐 >塾椒新女學在松江有若披雲振德育賢三小學公立 風雨也事不節則無功晚近以來俗尙侷激士或軼平 禮曰教也者民之寒暑也教不時則傷世事也者民之 爲顯矣孔子曰善人吾不得而見之余因之重有感焉 貧兒院在金山有若質枚高等小學師範學堂惜餘夜 アンディニュイフライアノイイ・ノ tibile that the first of the was regionary from a first of the first THE PARTIES AND PARTY AND PARTY.

結己酉歲徵銀解銀乙讓起覈其事實等於加賦余上 年七月二十七日殁於宣統三年二月初五日春秋 事乃中輟此尤功德之被於無形者君生於同治十 **疏爭之當事者依違不能決君復糾鄕人士抗論阻之** 不安嗚呼嘻矣君爲善不拘於 旣殁越十有二年友人高君燮等以君善行不可無紀 爲職業愈廣則德愈宏其宗旨要歸於正而已矣如君 來徵文於余余維教養者生人之天職也力能教養 1 丁だりかいしかでいる 丁德配劉夫人子四承恩承慶承壽承豐能世其家君 |人者以||二人爲職力能教養千百人者以千百 The second secon 隅利弊所陳洞明癥

支発当る言語一名ラ 可謂克盡 一其天職樂善不倦天爵之 一榮孰踰於是爱

「其犖犖大者以昭來祀且爲辭 日

用不明恆狂若偭 年而後求兹躅 規矩者曰改錯工 柯混混眾汨

姊郁氏儀貞殉難記丁 日

姊郁氏名儀貞太倉州新塘鎮八父小石公母王太 姊幼聰慧讀書能通大義成豐庚申粤匪自蘇進

濱而王太夫人零丁桂弱不能步則曰吾甯死願居 太城四出侵掠舉家初避於鄉迨寇氛逼僉議徙 I吾甯死願依母方束手無策而礮聲纍纍如

珠舉 殺身成仁乃 將奮矛剌之姊遂 THE THE THE PROPERTY OF THE PR 孔子有言志士仁 益急呼日 復能 |樹杖枒横焉姊死志 此是真深明大義者耶嗚呼其精誠至孝出 暫避 鄕 ?行瞥見賊躡之急懼為所近倉卒間見路旁有 母兒將以貞烈死矣乃大罵賊 願 顧王太夫 母 士大夫之所難 勿悲急緣登樹顱贼至以矛援引之 人無求生以害仁有殺身以成仁 躍 人甫出 入波心 一姊倉皇扶持王太夫人出家 已決乃流涕呼王太夫人 内姊一 門已驚仆路 死賊相顧歎息去嗚 一女子而孝烈兼 三三 不絶 側姊方欲 口賊怒 日

嗟乎粤匪之難名閩淑媛以死不屈者多矣若此類名 あからるころである。 輒爲之憑弔欷歔而不能自巳云 湮沒而不稱豈不悲夫近今以來氣節埽地無餘靦然 者然耶越三十餘年其弟朝桂爲請於督學使者楊 面無廉恥之色者比比皆是文治每表揚節烈之 中國常山區額懸諸宗祠又越十數年文冶爲之 是文作於六年八月十二日是夜酷熟不能睡漏 家住新塘岩樹邊山外而今姓氏賴君傳傷心 下時恍惚夢一女子著白衣向余礆稚口吟一絕云

炊索女不得踪跡之則見女已死於宝後荷花池中翁 歸翁盛氣謾罵以飛語使盆急女泣辨不容自明日晨 起即龍作先生之嗣子時年方幼妾乘間又谮之女 带者六十餘日每夜焚香顲禱誓以身代母殁女啼號 其讀書稍不如意輒讒於翁一日女往族父家探其弟 中華主義に言思いるし 陸貞烈女碑記丁未 氣絕者三旋依族導某獨居獨之嬖妾利其操作而惡 貞烈女陸氏字巧蔭雍伯先生之次女生三歲而孤母 之凛然豈文字果通神耶可謂奇矣自記 人守節十六年而殁病革時女侍奉揚藥不解衣 the second of th D | LANGUA MATERIAL TAILORS

頓足罵曰汝曷爲死將以棺斂之費累我耶同族有不 ランスノミンコンマス 聯絕手足處各用綫帶約束體無露膚面如生或於鏡 能決也蓋自近世女學不講義理不明彼婦人女子之 者欲鳴於官以族尊故不果起屍池中見衣裳上 內得血書 起始匍匐訴於察院咨部為請於 月二十九夜事女年才十九耳越二 心虐至於吞聲飲拉宛轉周章以 例起復乞余 一紙翁偵見强取焚之時光緒七年辛 一言以爲之記嗚呼善矣哉陸女之 一十六年丁未其

歲在癸亥季夏之月友 州素稱禮義之鄉平原又係文明之 女之事俾後之君子知夫人必能自決於須臾而後 其委蛇苟活忍辱取容至於進退失據汶汶沕沕叭 天壤之間不知凡幾又推而觀之暨於曆。 而無所成名者古今以來又不知其凡幾其含垢雖 入倉錢氏甯這義莊碑記癸亥 辱於干載有如是者 1決若此則善矣哉陸女之能決爲足以風世也 時而其蒙恥實在於萬世彼獨非血氣之軀而 、錢君詩棣誦三詩楨復 一族吾故特記貞烈 TA DESCRIPTION OF THE PERSON O 一种冠蓋之

コスタがなころでころれているイン 始曜都給諫曼修公淸芬載揚曾置田三百畝額爲瓷 莊以贈宗族歷四五傳族姓滋繁支應爾鉅兵燹而後 季以書來告曰吾宗自浩川叔弢兩公歷祀鄉賢潛德 引爲大感嘗進詩棣等而命之曰吾家自七世祖瞿亭 厥田蕩然無存先世父守之秋航兩公暨先父安之公 諄諄以此爲勗詩棣等涕泣受命二十年來縮食節衣 者善繼人之志小子勉之洎先母張太恭人棄養時尤 未遑若輩能自樹立踵而爲之則續吾祖而與矣夫孝 公後家境中落吾儕奔走彙筆於捐田贍族之事驳驳 冀成先志爱先購置植棉田五<u>百</u> 一畝有奇計費萬

古空会会員会語でおり 連而無告者抑且漠然而不動其心貿然而若無與於 之人卒之塗之人不能稍溉其澤而兄弟子姓貧苦顛 厚者薄而其所薄者厚未之有也竊嘗累歎頹息以 記可乎文治作而歎曰嗚呼近世以來睦婣任恤之 敢鋪張也祗以先人遺命夙夜弗敢忘請君一言以爲 渺矣兼愛之說盛怕愁者乃欲以宗族之誼旁移於塗 爰始爰謀規橅觕具旣由邑宰達於省部矣詩棣等非 千金置爲義産復購本邑長春舖房屋二十八楹計費 五千餘金置爲義莊及變室之用名曰錢氏宵違義莊 一往讀大學遺經研究治平之義而其篇終則曰其所

孝弟之義蓋庠序之教不明孝弟之心日朘月削以至 斯言殆不啻爲今世而發孟子曰謹庠序之教申之以 端以索果庸有濟乎閒嘗游吳門訪范莊懷文正之遺 家相胥失其職矣乃輒欲於無源之處以引水無本之 宗族不敦尚安望其自治張子曰民吾同胞物吾與也 方が生える一人子ノ 治方在萌芽古聖賢敦睦九族而後能平章百姓个之 於無而風俗人心遂如江河之日下矣矧邇者地方自 風徘徊瞻顧謂古今人何不相及若此夫求之席豐履 厚者尚不可得而况家不逾中人之産乎求之有基憑 大君者吾父母宗子其大臣宗子之家相也嗚呼宗子

古巫宝を表二三冊(公し 李君遠甫墓表丙寅 慎毋侈談同胞同與而置至親宗族於不顧則夫明德 君諱昌謨字遠甫鎮洋新塘鄉人 **亟大書之以診鄕黨且俾勒石垂示後昆嗚呼世之** 有爲者亦若是吾因之希望於無窮也 小謂卽於吾鄉見之卽於吾友誦三復三昆季見之)後或者可期恢復而地方自治亦庶幾得所藉手 風氣純樸閱閻富庶之時且戛戛乎不可觀而况物 者猶不可能而况辛苦積累雖續而等於創者乎求 難如近代者乎儻令有之其足以風世爲 八也以光緒六年上 何如 也

外舅之 作避地計君笑曰死生有命吾何避哉卒廬於祖塋 去嗚呼又何其勇也君性豪邁有違志善飲酒當極 鄉民大敗於板橋死亡枕藉婁水為之不流人成勸君 屬余作碑文以紀其事嘗出當時文牘以眎余君與余 激頭裹白布以爲識四方響應號稱十萬君與余外 The second second 郁公銘軒爲之贊助畫策光緒十九年同鄉沈君馥 某甲子卒享年四十有五祖諱某父諱某世有聞望 アイオ・ニーマースを 州援賊大至聲勢日甚槍礮矢石有如雷奔電掣之疾 咸豐庚申粤匪之難鄉民忠勇奮發羣起抗拒義憤 名墨跡猶新也嗚呼壯哉是時賊勢頗蹙會蘇

踞破碎不完君獨任費修葺牆屋兄弟無間言光緒初 檢之蓋防攜帶文字循故例也君怒撲之地徑入舍 屑於 舉子 業 嘗 古田地区の国内で同じのよう 而假寐旋曳白出曰吾不願受此困遂不復應試嗚 託侵經界者嚴拒之人咸笑其愚而忌君者自此日深 **吳王某者以販田為業鄉民受其毒羣訴於君君 元蘇省議滅賦設局淸丈田畝君蓋其事有通苞苴** 入俟王某舟至聚投磚石擊之王幾不免銜君甚乃聯 何其高且達也粤寇旣平人咸歸鄉里君家為賊 醉後高吟詩文旁若無人者或達午夜始寢然不 應童子試入號舍時兩差弁夾而搜 STATES OF THE PERSONNELS 鄉

誼日衰橫恣鄕里間者所在多有然爲惡者卒無不報 悒寡歡而病亦不起矣疾革時猶詈譚令之眊憒公道 事以界周某君憤慨乃益放於酒會夫人王氏卒君悒 譚令俗吏也惑於王某先入之言誣君武斷遽奪君董 合鄉之黃某周某百計以陷君適宋王兩姓涉訟鎮洋 三年二十二元 一六 **珪從余遊好學通經由廪貢生官法部主事孫家彦從** 俱闃寂無聞矣而君生子聯甓聯珪皆讀書遊於庠聯 君雖不幸鬱憤以死然閱三十年如某某等擠君死者 之無存也嗟夫古人有言積善必獲報自人心不古鄉 先君遊亦遊庠食餼家譽家俊俱從余遊家修家齊

請先生一 均嶄然見頭角然則積善獲報之說豈非信而有徵君 其可以無憾於地下矣夫余弱冠時聯姻新塘鄉之 葬忽請間頓首而請曰吾因太夫子之喪有處於中敢 氏每聞外舅銘軒公言略知君梗槪歲甲子遭 更不禁涕泗之横流也首領之越數日聯珪以行狀來 1935にCimフンを旧事ノストー ·餘年而吾外舅銘軒公殁亦三十餘年矣言念前塵 、踰月乃紀君之平生俾碣於墓回搠君之殁蓋已 喪丙寅正月治葬於劉何之洋子徑先塋聯珪來會 一可接訪板橋之遺蹟父老已鮮有能道之者嗚呼 言補表先君之墓藉垂不朽其可乎余聞之 AND THE PROPERTY OF THE PROPER

世變之倏忽庸有常哉而君旣有令子以揚其名叉有 華君覺堂墓表乙丑 堂得之 余譾陋之文以表彰之尤可以無憾於地下矣夫 る糸生习を一角のイン 其爲士則士行或轉在於商斯詣也余於錫邑華君覺 旌表孝子諱寶後曾祖諱南祥字瑞生祖諱秉智字哲 而商亦等儕於士於是士與商合而爲 卿考諱步錟字月槎本生考諱步照字耀庭生二子長 即君季日堂字叔琴君性端重不苟言笑接物以 百之人分士與商爲一)君諱寶善覺堂其字江蘇無錫縣人系出南齊 一界限秦嚴个之人羣趨而爲商 然吾謂士

愛於君君亦戀親不已時或驟風暴雨密雪初下則必 孝行因伯父月槎君早卒無子以君為後本生棓萱鍾 器重之禮遇甚至然君性素曠達不願沈跡宦海中乃 **莱百事趨親父室問今日安否何如其性純篤如此長** 翰西之聘主其事精心擘畫昕夕不怠嘗曰全廠命根 二等蘇撫咨部以典史銓選旋分浙江補用大東一 習制舉業工詩精小楷光緒二十八年以東員就試列 翩然歸隱於商兼任保泰典業示豐錢業兩處經理歲 即數百家生活命根絲毫有間弊竇叢生勞苦以益眾 コロションピン一芸術を 一未同邑廣勤紡織公司営業部主任乏人君應楊君

爱 贏糧往時飢民不食月餘日矣君 君奮然出曰汲長孺不視 販貲須人實往而安東僻處海陬萑苻出沒眾有難 質夜袖金來謁冀陷君君曰昔楊震畏四 江 固吾分也 支系在三年三十五年 士行者 百數君憫然爲娣下博施之而歸是役也災甚 不納詩曰不忮不求河用不臧 而北雖醬風飲雪旅鬢蕭條不計也有棉商貪利 秋冬時 耶初光緒 輒駕 河內火災而急振救河南 葉 四年江北安東大旱邑紳募 舟往來太倉常 如君者非所謂 至 羅拜 知我何敢然 熟問 而 呼者 商 或 市 渡

晴 嘖 情 稱 道 昔 顧 亭 亦 先 生 謂 國 來 民 德 之 薄 有 歲 時 售吾不忍爲也邑東偏之堠陽族人居焉日益困君 「日本学記と自己 | 日田 | 一次。 置義田贈其乏得自給東鄉坊者言遠祖達降君墓歲 心不搖層亂萌於無形中緊君之力大府將列名 埽不知先人之邱壟者矣如君者豈非商而有士行者 耶居恆常以喧獨為宗旨座右懸聯云世事讓三分天 地闊心田留一 入靈臺 1民吾同胞宜共休戚因人之凍餒而炫功 則心術已壞若更輾轉自誤並 一點子種孫耕嘗語其子純安日 BOX SERVICE STREET, SPECIAL ST 1111 Mary 2007 Property and 1111 念

安州生三十二十八十 庶盡克已之功又因世風日漓人 則更不可收拾故當惡 軍府諱大烈女子 **于孫雖愚經書不可不讀非欲尋章句供裙摭將使** 《學政治科法學士女三長毓鈞·適 |身處世之方也疾大漸猶諄諄以擴充義田設立 贈族興學為純安勗嗚呼君之有士行於茲益信君 |於同治七年戊辰七月十五 國素尙禮教孔孟之道如布帛 八月二十七日春秋五 一純安南洋大學中院畢業生 J **念來**時宜 一有七 日卒於民國] 配諸氏同邑候選 放粟終身用之不盡 如臨大敵嚴陣以待 心陷搦每以爲慮 同邑 三年 清 知

字孫二 讀初贈公籍佃租必時其有無不取盈鄕人 粤匪下竄 庶 顧廷二 万型岩区岩で三田で入れて 於君之卒也涕泣來徵文余不獲辭於是 以先生貴贈如其官先生少頴慧性至孝咸豐庚 倦相知甚稔純安肄業南洋大學與余有 生諱元爵字廷一 凡爲士者知所勸凡爲商者知所法云 新 次毓珍適 先生墓誌銘乙未 慶曾繩曾孫女一汾君弟 蘇常 相繼淪陷先生家故赤貧隨贈公耕 同邑東吳大學畢 The section of the second distribution of 江蘇太倉州人祖考諱慰祖 叔琴任省議員樂善 業生侯廷棟三 and will be a property of the same of the same 紀君之生平 へ德之 日之 湾 一錚待 申

するがないことである。 シンス・ノ 羹飯食先生復出錢一 **塗先生奉贈公間道行猝遇賊持矛追之急不能脫** 則與贈公謀避兵上海當是時羣寇 **飯見先生至則徹七箸時先生** 公老又惶遽行イテ不能前先生뼙其後以身翼蔽 l此善· 、贈公病革先生未嘗離牀席常與母陸太 一歲餘寇 有婦女從旁逃賊趁之乃得解比至僑寓 人奈何使無食 気盆亟先生以贈公命至戚家稱貸戚家方 易錢求醫藥擊弟籲天而贈公卒不 故每當先生絕粒時輒爭饞之 **緡**曰持去無言報先生旣返 族母某氏適 四出侵暴戈鋋載 同居因 命

簿籍三日夜目盡腫會端午節相國合肥李公赴局考 夥子能佐我乎先生欣然從之時軍書旁午先生鈎稽 1日は1月日日に日本では日本 **八**故家有老母 毀不欲生 入鋒鏑中 一則卷示努積司存次 無以 盡哀盡禮 問 爲子也先生乃長號成喪如禮歸殯 井然因亂抽架上 日 若 爲養某君曰吾司某局事簡牒繁 一遂委襄軍械所事繼旋調蘇 何爲者先生日羈旅之人憯遭 而艱窘益甚一 如獨先生在室據案作 死弟散吾宗惟在子牟 一各宗以問先生 日塗週某

さるがらニーをとして人 事萱室尤得懽心旣爲弟元勳授室又 數舉婚嫁皆 **錢氏未幾寡爰撫其孤至於成** 未嘗言空乏狀太夫人或知 有所欲必多方求適其意如或傷之雖窘迫 竭 槭 力經營無有所缺所至處必奉太 如 故 踊 肵 事迎 知遂許婚及凌夫人來歸佐 躍不能自己 即病 養太夫人於 一煥江 人先生雖屢當 J家人 或不知也迨光緒 知 (歸幼妹) 名 邸第 見之以爲先 亷 於 困 乏 同

一丁などこと言う言用 とくこう 雖哭泣有時而哀戚之心無須臾或忘也旣免喪李 **窳就攻吏無以欺嘗有運械護勇數人旣次逃脫綜** 个又未失事縱緝此數人猶未便科以大罪顧使其 事觀察某公欲窮治之將拘繫其家先生持不可人 國盆重用公仍曾辦軍械事先生改稔知軍械利弊背 母妻子無辜被繁豈上游意乎且吾終不以不利故 日兹事重大恐不利吾公先生日運械非行運 年四月歸葬居喪三年末嘗有喜色蓋 福事得寢旣又有庫勇盗 既卒哀毀損瘠遂得痰惡肝

觀察固心核先 者皆曰諾及旦 律盜庫械殺無赦今幸贓未徵耳若趣取歸原所矣某 **欲歸罪庫勇先生爭之日小人何知必欲拾之則某先** 支老生了有二名一个名 有罪眾皆失措 先生 得其情乃 一則數 則與觀察秉燭待旦令曰明日查庫會食執事 火與觀察議不 司庫某所指 事者曰今固無监若言监何也於是 一乃大陳庫械命執事以次案驗無有 生能至是盆 觀察盆操急先生 凡先生之矜恤人命積德累行類 授某與觀察有誼 媚之 先生亦不悅也其後 乃夜召某密告之 SEE PLEASURATION OF THE PERSON 袒 如 缺

其理匠役皆得面陳短長所造船艘水雷等分支營防 有益務以撙節爲事工作有不合者常中夜起坐覃思 罔不適用常夜加工必厚給餉糈匠役翕然內外斬斬 古巫宮で長二三冊一学(学)し 國帥舟有圖工陳某欲炫厥技少其汽力工竣竟不能 無不舉庚寅之大閱海軍也修鎮海兵船將爲李相 求而求釋陳某公其鎮耶先生笑不應及東征之 事聞於相國欲誅陳先生引爲己過力請之相國笑 日海軍勞績優保也陳某誤乃事死何足惜舍明保 |吾與子嘗習此惡用圖 「經費歲減三萬餘金斤無用 一為遂釋然時人或咎先 THE PERSON NAMED IN COLUMN TWO IS NOT THE OWNER.

盆重任先生多所諮訪由是以勤勞致疾肝陽之 詔 無休息諸軍稱便於時相國奉 一粽軍械局事某觀察以被劾去時前敵處挫資軍械 急子幸為國計其速往先生許之遂復視軍械事至 叩疾愈不可爲矣文治自己丑下第與先生相 庫儲空虛不敷敷營用而前敵之索軍械者絡繹坌集 急相國念莫可任者乃召先生 コンスクニンインニンス 口數十至先生則審酌緩急先後籌置分解日夜勞痊 入都將使日本議和而以雲貴總督王公署理其事 一日吾不能早用子今

賣受業因得相其晨夕幾及一 **耆德每至夜分語剌剌不休當告予曰深耕以夏日爲** 西田舎と無い言用をいてい 門之海光寺先生遠延子至大沾令其子思示思遠執 中縱論經史要旨古今政治得失旁遠吾鄉舊聞先進 |吾所親嘗者迄於今每飯不能忘也間又称歐語子日 最苦蛭啄入骸中殆不可忍猝拔之則痛澈於心肺 樂時忽忽不自覺至於親疾病悔恨泣嗟亦將何及吾 四十年此三四十年中流光瞬息抑何易也且人當 八生天地間。有知識以來奉侍父母至多者不過 八少年怕愁不及養先君子若吾母就養才數年耳 一年無事時先生輒詣齋

コスタボロニンをフーミル **載謁律沽先生欣然謂文治曰子今仕矣經世之務好** 孝無以爲教學者非孝無以爲學孝弟之至通於神 光於四海人能卽此愛敬之心察識而擴充之 | 謂世人當此三四十年中第所二人康彊無恙盡心以 愛敬足矣彼樄柩名利之士是何爲者文治聆其言悚 勉之甲午冬月東方告急旅順大連灣望風天解 起敬)業基諸此矣先生益訢合許爲知言壬辰仲秋 陳遭謂古文教字從孝學字亦從孝故教者非 因謂先生天者人之始也父母者人之本也往 事上 則經

古英言と思う言語となり 與不用命耳至於以商船作兵艦不過託諸空談鄙 嵩武四十餘營み佈亦與北岸相等所不敢必者用命 沿海七省海濱速通鐵路 言 以書來日子所經畫善矣此時自大沾迤北 八營回防更益之淮軍二 大沽迤南自祁口而至山東埕子口有津勝豫靖 何 亭以至山海已有湘楚三 數事不能爲國與其剝膚椎髓償數干萬萬 沿海七省每省先購鐵甲兩艇快船酌 如 固我牖戸之爲得耶若謂邇來海軍覆 一沿海七省每省實線 一十四五営兵力不為 十餘営分佈復徵 量

アチルリー・キノニネツー・一人

懲噎 THE REPORT OF THE PARTY OF THE 勿去義 乙落拓少所 今者海軍 習人 -先生乃不踰敷月而先生之凶問至矣嗚呼以交 堂上古 幸勿硜硜不以告我文治以秉性狷介終不 而廢食也別紙則又署日今兹邊事亟矣子司 用鐵甲鐵甲即為利器鐵甲用人 也然 甲何用此乃 人所謂知己如先 淪 志 晉接獨先生愛我始終不棄且倦慘以 溺 · 堂上不可以不避儻乏資斧吾當爲 書無不讀於綏 正海軍崛起之時萬不 知世務之言但官 生者有幾八哉有幾 鐵 可因 「此挫失 埽從前 欲

藉令大 無所就而遽促其年以至於死是豈特一鄉之不幸 AND THE PROPERTY OF THE PARTY O 理者益不可憑耶先生旣殁之明歲令子思義兄弟相 亦天下之不幸嗚呼儻所謂命耶數耶天者不可測 其閉戸研精以吾鄉陸陳二 石田出山又加と二四田一学をこ 來告日思義輩不孝致失其怕自以違這游之戒不 說視含驗抱恨終天而吾父德行不獲闢揚當世 則夫斯道之綿延於 於厥心者謹以屬之於子文治義弗能餅爰 用於世韓范之業未嘗不可立致即不見用 **綫者亦或賴以不墜乃兩** 先生之學沾 CONTROL DE LA COMPANION DE LA

某日以光緒二十一 コランカトニングンニンを一くない 歷官至二品街直隸候補道 一年乙未三月初九日卒春秋五 配凌氏

話封夫人子六思義乙酉舉人內閣中書思孝郡庠 「東候補知縣思永癸巳舉人思遠思範思純女」 部主事張允言孫幾孫女幾以某年某月葬於某鄉

乾坤元氣下維庶萌忠孝大節戫曜日星湯湯婁水道 先生德備純懿心祇翹懃孜孜而與是式曾經孝

)某阡銘:

蜩螗內奰陸梁蒙茸吁嗟先生適遘厥衝飛書馳檄 長忠可移君蘇世居正下學之程緊維甲午海水

隸州州同 **馳贈奉政大夫內閣中書妣李太宜人先生** 語贈奉政大夫直隸州知州街貴 白平治以長三開とよう 章麗生先生墓誌銘壬辰 儵降此鞠凶弇山業業用奠幽宮後有來者毋懷委於 方攘倥傯夙夜帙性竟丁厥躬嗚呼胡昊天之不弔 祖考諱朝桂國學生 生諱鳳銜字麗生系出唐太傅仔鈞公三十二 習常維兹忠孝之 杰附貢生太常寺博士 知 風 一街考諱圻附貢生候選 己 知州祖考 世

者已如此咸豐已未遭父尹京公之喪先生哀毀之餘 江淮爲自古用武地勢不可以久居乃決計渡江而 | 語郡縣成岌岌訛 | 声沸騰先生以王父在堂江陰蔽遮 須臾離側以故先生未嘗習帖括之學秉性沖和訥於 足不出戸時以曾祖姚某太淑人在堂鍾愛甚摯不 ラギュニアモン一部 一学 くて・ノ 旋又遭王父瀚亭公之喪時寇盜充斥物力維艱先生 上事重闡孝養備至逾年嘗葬甫旱而髮並下寬吳中 靴目|兩徒步數十里措置壹是附身附棺釐然有以自 言語有忤之者輒置弗校蓋其至德之純厚稟於幼年 TO THE PLANT OF THE PROPERTY O

子中で出自と話に言思した。 一字實能身體力行故其垂示子孫者不徒以空言 誠必潔衣服器皿必自肸飾自後鄉居二十年足跡鮮 服御概從儉約每至丙夜關鍵門戸察及纖悉蓋於勤 及城市人世浮華弗擾念愿吃治家政并并有條飲食 時亦以積勞氣喘然每夜必扶母起坐厠腧之屬皆躬 親之不欲家人之偶一 兵燹之餘百物蕩盡遂賃居於邑東鄉南新橋當是 先生母李太宜 先生以家界故獨奔走於通海間乙丑歲始舉家南 一贼遇知之者咸以爲天佑善人也同治甲子江城告 一人得半身不遂之症動輒需人先生 一代也及殁哀毁骨立每祭祀 The property of the property of the party of

為教也入世和而能介門無雜寶凡被容接者雖 野老無不與之抗禮生平無疾言遠色卽滅獲 極之會必輟所事而親與之或至日晡未遑暇食故旣 之誼孳孳罔解每歲必備藥餌以給貧病雖當諸務嘗以聲色相加故寬厚之名播於閬里性好施與任 殁之後人頌其德擎涕泣嗟者偏 而态慔不倦雖當凱離之時亦必延師課讀束修之 同舉於鄉時琴若已淹貫經術聲名藉甚乙酉歲同 |典衣鬻珥以供之文治自壬午歲與先生令子琴若 南菁書院得相見於學舍察其貌則恂 鄉也待子弟極寬 下走未 恤

治之吾感且泣吾父誨之曰汝苟力求上達予不以 爲苦且辱也嗟乎吾父之愛我期我可謂至矣言已 共滌塵釜詢知僕媪適他出而塾中晚餐吾父將躬自 歔孺慕不能已文治盆悚然起敬乃念當世之爲人父 余曰吾幼年就學里塾某日自塾中歸則吾父吾母方 母者其愛子之心詎不皆然為人子者誠能體父母之 月平野と東西の一門 250、 1所能及者戊子夏日同座論經詢及世德琴者則告 以爲爲人而謹慎温恭如是必其門內之教有非世 抑抑然聆其言則淵淵然秩秩然至於曆孽經義 ,口耳之學而惟以躬行心得爲主文治心竊

年辛卯正月初五日卒春秋五十有九配陳氏子 義弗能辭用敢綜先生之嘉言懿行述其梗槪如右先獲闡揚當世尤有大痛於厥心者謹以屬之吾子文治 矣迨壬辰歲琴若以書 達這遊之戒不及親視含驗抱恨終天而吾父德行不 心以爲心則其不感激發憤以自勉 治字琴若壬午舉人內閣中書媳楊氏女 於道光十二 三霖棟懋孫女一以某年 一年癸巳正月二十九日以光緒 來日不孝無狀慘遭大故自 爲聖賢者抑力 適 同邑 際

勤儉績學闇然不求人知儻殁世而名不傳心滋痛 章君琴若墓誌銘癸亥 兩唐太傅仲舉公後八世祖立之公宋登進士第宣誓 奚敢辭謹案狀君諱際治琴若其字江蘇江陰人系 同年章君琴若旣殁數月其子霖彬稽首來請曰吾父 維此純樸之風 緊太和之元氣實温厚而豐隆何世人 中部主要言語をおり 而靡容懿維章公盛德是充訥言慎行廓然大公旁君 山之翼翼乃永莫此幽官後有來者毋懷睢盱之習示 一言以垂不朽且亦吾父之志也余聞言泫然 一儇薄至斷削

上避兵江北 艱窘甚父麗 ラスカラインマイ 世以君賞 同 兴君賞先後贈封通議大夫妣均贈封淑、此李氏考諱鳳銜字麗生國學生候選丞、此李氏考諱鳳銜字麗生國學生候選丞、所貢生太常寺典簿妣祝氏祖諱圻附貢 當讀書明理 辨義莊以子 生先 遷江陰 流離越數年始 生與母陳淑 午橋 歷 三十 公貴 如返故邑時大難和和城東寬澄江君標 贈 吾他 為延 傳至傑波 罔極之 師 顯 丞妣 淑人 不能 貢生候選 隨堂 陳氏 初

古型性の単位用であり 好樸學尤器重君延爲齋長時余亦監竽其間每當春 與余同出長樂林先生調陽門下當是時督學使者瑞 相與歡笑以為樂不炫異而矜奇惟實事以求是漠經 安黃先生激蘭病士子專事帖括爱於江陰創建南菁 書院提倡經學大江南北好古之徒雲集輻輳院長南 師家法君能心得之矣己丑君考授內閣中書余亦離 風先生繼講於後君聞風興起往肄業焉元同先生素 |張嘯山先生主講於前定海黃元同先生江陰繆藝 夏絃讀書露坐討論經史疑義滔滔辯論得 · (館聲譽藉甚光緒士午捷於鄉 HIME 新知

書院館 是獲交西士傅蘭雅商権於格致書院學乃大進購置 朝派充京師大學教習君感激知遇奮志圖報會政 焉戊戌成進 南菁講舍時與金匱華君世芳交故已邃於數學至 以制藝取士君性方剛不能合乃婉謝舉主南歸千 於合肥李氏甲午中東戰起李遷滬上乞君偕行君 西算書悉心醬校補缺正譌昕夕不倦遂卓然成家 痛絕附航遊歸居廬守制不與外事服闋後設 於津沽論學之書猶時相往還也辛 改庶吉士座主壽州孫相國爲言於

,輔延小學師範傳習所 丁未督 延 「學尙書唐春 卿

為南菁學校監督是冬八都引

見授職日 教育會長君於會政之綱、 旋歸督理校務時江陰諸紳以君望重 要文告之 往還靡不躬 推

裁覈先後爲南菁校經畫不遺 川沙横 怯蓋君生平於方正 沙泛 葉扁舟於洪濤巨浪中風雪漂 清勤四字實能躬行弗怠 餘力或因校産瑣事

其他善行若整理義莊敬宗收族等事亦多有足

「古型ないに関し、一つ田田でなって、

顧

學字與士氣囂張益甚君尤屹然不爲狂瀾所震盪其 **備旨詳草各二卷嗚呼當光緒中葉士務標榜或著書** 者性好藏 於瑞安定海 「春秋六十有九配楊氏繼陳氏王氏宗氏皆封淑 干當道冀取顯榮君獨泊然不爲依附之行厥後新 蘭玉殤霖附生棟殤懋江南高等學堂畢業生 爾考終未克竟其用以救當世情哉情哉 書購置至萬餘卷爲學不樹宗旨 兩師老成典型對之可無愧色乃旋 衷著有浮翠舫雜葉一 卯五 月七日卒於今癸亥七月-一卷筆算數學 因 風

占加ま三に見二三田でようし 孫君子鈞墓誌銘丁巳 緊古君子比德於玉温潤縝密君其太璞蓉城峩峩長 華士吳禮玉殤孫五炎塘炎福炎禧幼炎昌炎時殤孫 新玉適同邑優附生沙誌銜蓉玉適無錫浙江候補道 吾父行誼吾師知之最稔敢乞一言以爲銘余維君吾 女九癸亥葬於本邑某鄉之某阡銘曰 同年孫子鈞御史旣殁之期年其子昌烜稽頹來請 一海南洋大學學士棖殤楚輔延高等小學畢業女二 教友也敢不銘謹按君諱培元字丽甘號子鈞

時肅甯今李君摶霄聞君名延主翊經書院君爲諸生 話之學盆空疏而無用君獨究心經史爲文規無先正 光緒乙亥登賢青壬辰成進士累官吏部主事員外郎 中꺍擢御史一時咸稱孫御史云當咸同之季士務帖 君文章氣節得諾黃先生局多年十五稿博士弟子員 正黃桂軒先生之門黃先生者崇之宿僑學行重鄉里 山講指畫勉以器識文藝相須不離有不當意者則絕 淑人君天性孝友質聰慧自幼善屬文受業於孝廉万 妣告考諱其泰妣願三世皆以君官贈題議大夫妣皆 植堂江蘇省之崇明縣人曾祖諱秉銓姚陸祖諱登穀 ナンドルケニンをとしらい

占加田民と東元言語で、そうし 當廢而深痛今世學校八才有名無實乃科學之不若 適與空疏者等而償事更有甚局故吾謂科舉未嘗不 末兼賅實足以應天下之變若夫學校浮囂之士其弊 削之不稍假借肅邑人士含英咀華風以丕變一 足復言庸詎知科舉中人苟能爲實學則體用具備本 迪肅士厥後肅邑科甲鼎盛甲午北元甲辰大魁皆 間天津暨河南鹿邑先後爭聘君皆以疾辭惟專心訓 **充選大率摭拾瑣節攻訐隱私以爲務而吏治民生犖** 君門夫道貴躬行而功歸實事近世唾棄科舉以爲不 一御史者取材自翰林院各部曹歷久法弊或以冗庸

價與學務植人才整理平糶裁汰苛捐緩辦海軍 滯則有請分別錄用杜絕奔競之疏以蘇杭甬鐵路草 **兩嫨諸大端罔不謇謇諤諤剴切敷陳而疏上累不報** 約利權盡失則有請外部廢約之疏又以江南北災歉 學大者轉花昧而不問甚者營賄上 大州自己生 元八子一人 成沙潰河決之勢君獨殫精焦思侃侃力言以兩江 史任喟然歎曰此豈國家設諫官意耶吾生平常以直 **臣某庸腐無能則有彈劾請黜之疏以留學生懷才沮 閻艱食則有請免米穀釐捐之疏他如定幣制平** 督

古空空で長二三世界、今、(茶竈杜門養疴雖知交罕覯其面蓋家國之恨身世 衣冠歸里築室三楹名之曰瀛海桃源以自見志藥爐 延君治 |嗚呼使科道中盡如君者則御史臺曾何愧焉君 淚涔涔落嗟乎余之感念君如此其他溉君之德者從 岐黃參九藏之動析理邃密寒士來就學與就診者雖 爾補之終其身不以告人辛亥政變後侘傺無聊 ,知矣族京邑館圯壞君綠督之修葺西院藤花館塗 鉄値弗取活 新積公款至數千緡一旦為某商折閱君亟出 先母見背之前君慶爲商量醫藥至今思之 人不可勝計余官京師時家有病者 輒

痛矣孫君赡黍離與麥秀悲予心之忡忡過銅駝而咤 叱會見汝在荆棘之中痛矣孫君闢桃源於嬴海訪赤 學今已顯揚矣蓋潛德幽光其後必有達者銘曰 あがいこうこうか ミスノ **感自此而深而君之病亦自此而益篤矣遂以丙辰七** 松以相從搴蓀荃兮蘭芷恫不獲盡老臣之忠剩零星 月卒春秋六十有三有子二春烜殤昌烜光緒壬寅舉 一諫艸抱遺恨而長終痛矣孫君我銘諸幽宮蘄孫 外交部愈事女子四長字吳次字施皆殤三適蕭 烈四字李殤孫一 孫女一君訓昌烜嚴曾命詣余受 Constitution of the state of th

嗚呼今天下競言師範矣抑知所謂師以何者爲與平 所謂範何由而合於師乎吾銘黃君行龍益有感焉 Section of the sectio 國 譯文濤字語松別字幼亭江蘇省之江齊縣人曾祖諱 黃君初亭墓誌路丁巴 坊徑堂文表二温で会て 遷高昌里遂杜門不出云君天性至孝七歲喪父哀 試登副榜注選直隸州州判改教諭嗣後世變多故復 若成八事任太夫人先意承志視於無形疾病必親嘗 任太夫人撫之成立幼避粤匪難轉徙句曲崇沙旋居 上海浦東之三林塘同治丁卯補博士弟子員庚午 [熙]祖諱之鼎考諱光變字繡谿妣任太夫人君早孤 省

時値. 一菜奉諱之後匍匐歸葬里之人來觀禮者咸感歎 設奠其親僾 哉有子若此矣歲時祭祀必涕泣告其子孫 **林塘後里中績學者宿高材英傷日會於其廬蓋君諸** 問之小園皆工 太夫人百歲之期君戒子孫毋稱慶而己則肅肅然 於無窮也歲庚戌君八十生辰是年適會繡谿公與 、水賦詩有流水響空堂句識者多殼賞乙遷 日倍當增痛君有之矣質聰慧幼好吟詠古 乎懷乎若有聞乎歎息之聲者程子謂 | 詩而諸昆季若笠漁痩竹雲 [日吾母]

始於曾文正公其宗旨在溝通中西道藝兼資蔚成體 用具備之學而辭淺之徒率偏重於語言文字君獨本 倦蓋手澤所存皆其孝思之不匱也光緒庚寅湘鄉 傾倒焉晚年蒔花種竹別饒佳 仲芳中丞聘君主廣方言館國文講席廣方言館者 ココンシンとは一言曲というして 就稱極盛 孔孟發揚道德以居易俟命爲先以寡廉鮮恥爲 風 扇即鄉黨自 生創為 厥後秉使節主外交者成出其門自 良知之學存心養性之 [好者亦皆知束身於軌物今君 力質毎君 趣而裒刊先集孜孜 之儒講貫 詩出座 創

其孝行作爲師範俾良知不泯於天下其有功於人心 | 支糸は三人子と糸| 世道爲何如嗚呼如君者豈易見於今兹耶君以某年 江夫人賢而多才相夫有禮先君四十五日卒子二承 長適同邑茂才顧鴻來次適外交部通商司司長周傳 果月某日生以丁巳二月八日卒春秋八十有七德配 从爻形聲相益孝文爲教放平四海準譜學校彼 上海製造局磁廠長承壽外交部交際司僉事女工 孫二丕仁丕佑銘曰 |古讀孝平惟孝自孝擴之 人倫 叶囂奪攘禍變之門惟君立訓学道)爲仁幾要學字形義

諱燾字春亭贈奉政大夫祖諱培字煦谷贈朝議大君諱世淸字紹康別字木士江蘇省之海門縣人曾 殺獸斷木將祭必哀洞洞屬屬矜式國人薫善除惡詩 日四年にと三日田・一キ・し 考諱錫字康蕃贈朝議大夫妣張氏封恭人先生性 龔君紹康墓誌銘 字康蕃先生早世張太恭< 心然殺青甫竟百配流傳昊天不弔胡不怒遺先正典 语和洛陽耆英推敲互決麗藻彬彬抱彼先集中心 令聞令望曾子先施思不可復必以其時 八親自督課訓之嚴君奉人 Section of the section of the section

實志以殁夫孝始於事親中於事君終於立身顯 局峻如此旋迎張太恭人板輿就養豫省上游稔 武卷有巨紳! 拔萃選朝考殿最居甲等以知縣分省四川君不忍 名繼志逃事汝之責矣君流涕受命益自刻厲乙酉 圖告近 一委文案差甲午代理武安縣事前瓜代者不經意 謹 晝夜劬學罔敢 先生誨之 改學河南需次數月例差南歸某邑宰延 矧汝年最少余望汝尤切汝父困場屋 子以鉅 金賄求首選君怒嚴 余年九十 懈 補 一矣諸孫輩次第遊 卻之其風 子員旋 知 親 揚 閱 離 **!**

圩臺七坊等鎮皆罷市一 古巫当を表言品で、劣し **鄉曉以大義並通牒上臺以民力不勝固請核滅得報** 可民大悅沿河諸縣水利尤區河邑河道 阜者六十有餘年君 |灌溉向賴沁濟兩水自濱濟鄉民投石斷流 生計藉晉省鐵業以流通者五六萬戸逍蹙思蠢 動卒以立愛定斷頌聲滿街巷丙申委任河 是時省吏適創辦鐵捐鐵業實産自河內等縣行台 辨捐者苛擾影響遂及晉省爐戸停冶河內居 理而訊結之邑有巨室爭嗣賄君 躬自相度选浚沁 一方震動君下車後即親詣 縱橫交錯農

陵鄉曲官府弗能制若投刺邀之來至則數其罪而 門豹之治鄴而君自此得略血證矣邑有巨紳某武 דאי וורת תיירו 下流數百里盡成沃壤論者以爲功績之懋 鄉之 河鑿山通仙丁 之 人 額 手 有聰頻者宜竭力提吸之 人病戊戌正 世設奠之日士民畢集櫬出邑民爭請 稱慶愈日我明公之不畏墮禦也 |鉅費絀君 月疾革命君曰 一餘貴設義莊周 吾家固寒素汝

治公所及勸學所其勤劬亦如之辛亥政變海門秩 炎暑君親 校 昇焉君 啟秀初等小學校戾戌歲因校舍狹隘增建層樓 中型含义建立開ビスラン 不爲功爱於癸 多故拘墟 所感矣君 口講指畫雖汗流浹背不稍解嗣後督建地方 . 固辭所過村荖仍爭出 盗 自鳩 出爲民政長以維危局君辭不獲 賊鑑起不逞之徒相與毀警局學堂 帖 旣歸讀禮壹承母志 Contract of the Contract of th 工尼材烈日中 括不足以致用欲陶冶人才非設立 卯歲辦海門中學復於乙已歲 更代嗚呼亦可見孝思 手一葢奔走各院落為 經營 諸善事更念世 時 創 設

畫 故君 緝盗 ランスケニニオーるル 進行治家宜不改 得 爾留之際猶敦屬其子翼之等謂宗祠宜速建學校 家 相濟而君 洞 匪勤 下令 而見之矣若君者方 未及成疾益篤遂以是年五月卒春秋六十 助年翼之來乞銘余惟漢代循吏首推襲 順慈祥有子五 四 水治 逮捕嚴懲其尤 因以病 人孫男七人詢譔謹謨讚諤諶孫女一 7 理復 勤儉之素嗚呼孔子有言善 一躬詣 兩耳重聽 以古 人長翼之次式之綿 西鄉 一鄉得安堵 之善人殆無愧焉德 形神交瘁矣 演講 鄉多 人成 (丙辰春! 派服君之 梗 之藝之 萬 爭 配

陳君幹丞墓誌銘甲子 以孝惠著少卿之賣劍買牛則義之中有仁而君之鋤 粤維甲子歲六月及門陳生柱 水長毋忘君之名 慈訓乃蹈德而詠仁兩握篆於豫邑言采蘭畫荻而揚 自世俗之渾渾曾不知廉吏之可爲旣囊金而櫝帛復 强扶弱則仁之中有義嗚呼是可傳已爱系之以銘言 市座学を実ご属してなり **芬樂菁莪以造士蔚英彦之彬彬後之拜墓門者山高** 虎視而狼追嗟吾民之困苦益火熱而水深君獨秉平 干載而下猶盛傳其治績顧少卿以剛毅聞而 **銅錫來請曰吾父幹**來

也戰事甫定補苴瘡痍越旬日鄰邑士紳羣來相會 從伯父虞廷公及從叔父蘭梯公組織合思團局躬率 治悚然起敬曰是余之職也願詳事實於是柱乃欷歔 ラスオトニース・システーノス・ノ 言懿行湮滅不傳心滋痛焉竊願先生誌而銘之 公之殁距个三載餘矣其平居瓌琦磊落之志 一民冒矢石未及 團防總局公推吾父總其事從客坐鎮殲巨魁散 曰吾父雖文人而夙懷大志當光緒戊戌之際土寇 附城十里局名曰三立堂互相聲援眾志 されています。これのアイトの大学をあるというとは、またのでは、「おおからなっている」というないできます。 これできない しゅうしゅうしゅうしゅうしゅう 月兩城收復是五月二十八日事

背が芸芸女表二届慶く学し 事靡不躬任其勞**蓋其留意人才亦未**嘗 固宣統末政變起 THE RESERVE OF THE PARTY OF THE 小容緩設爱於 小儒 心斯民之塗炭也又日吾父旣殫心天下利病嘗謂 致富强端在培植人才改革風化當科舉初廢時完 間間騒然吾父剏殷富捐召募鄉勇威棱稍播 如蓋吾父以經世爲務雖未得志於天下而未嘗 里工業學校及本里高小學校凡關於教育之 範學校又明年創辦十村兩等小學校 因循觀望吾父立言科舉積弊之當除學校 甲辰歲助成本鄉學校明年創辦附城 土寇號稱民 軍乘機扇亂者不 THE PROPERTY OF THE PROPERTY OF THE PARTY OF 瑜 四

治吾父適董其事爲通溝塍與水利耕穫菑畬每歲 吾父之志欲由 心吾父心喜種植每當公餘暇日必親至田園督率丁 源故其至行純篤有如此者又曰農圃之學聖賢所究 作課睛話雨意恰如也復偕邑紳訂種植條約維護森 痛先代塋墓封樹飄零糾合族人次第修理並輯宗譜 如是矣邑賓興館有田若干頃以無水可耕 居恆 近推這創建陳氏宗祠至今祠字歸然族誼盆締 慨然謂 源而推諸萬流復由萬流而歸諸 年樹穀十年樹 風 邈矣吾父至性孝友 木吾得為天 比年以來

ドコのモデーで巨大二三円 之志善述人之事夫幹丞君之志事旣託諸吾子矣今 慘怛不能已文治曰子毋然子思子有言孝者善繼 要在德行功業文章三者而已吾子其勉之哉君姓陳 之賢勞未能追述於什一則此夙夜所疚心者也言次 子之所述已足以闡潛德之幽光而所以永其不朽者 焉曾祖嶭某祖諱某考諱某字秉禮慷慨好義嘗建 氏諱開楨幹丞其字其先世居浙江天台宋末有諱 有如此耆獨恨不孝顓蒙求學四方常疏定省於吾父 **香以進士勾漏令遭鼎革棄官居廣西之北流遂占籍** 入增萬餘金蓋吾父爲學體用相資故其盡心實業又 楠

學於梅花書室就學者甚眾其淵源蓋有自矣君以 次繩孟女二皆杜出孫男三一百三百五百孫女四某 秋六十有六德配梁氏繼杜氏子二長繩孔後易名柱 持於其間彼愁者鳥知其然矧龍蛇之交戰常 扶輿渾厚之氣胚宙合而爲先賴賢豪與君子隱默維 年某月某日葬於某地某阡文治夙聞君之高誼旣稔 其辦團練諸要務益欽其才德不能置云爱爲銘曰 丙辰六年五月二十八日生以辛酉二月三日卒 消莽數干里之廣莫紛羣盜其如毛嗟兩粤之浩劫 知所終極死者長已矣生者尙剝膚而敲髓惟 息

念少年孤露盆奮於學壬申入上海廣方言館讀書試 節以撫備極艱劬歲辛未吳太夫人逝世君哀毀骨立 午舉人考諱世林郡庠生君四歲而孤妣吳太夫人守 **俞君隷雲墓誌銘戊午** 古型皆に善い言言と 咸日俞氏有人矣庚辰德配顧夫< 行乎中國蒼蒼烝民不致弱者肉而强者食 君諱書祥緑雲其字蘇之太倉人祖考諱廷鷺道光甲 助以守望相友以出入彼嗚嗷之哀焉乃勞來而安集 **馳冠其曹丁丑以郡試第** 邱君之墓非徒揚君之德 將 斬 卿 團 訓練之規 補博士弟子員鄉黨先達 八來歸顧夫人爲我 TIL THE STREET, STREET

全活者尤多丙辰患中風證卧床褥二 游以去就爭者屢焉庚戌任上海廣仁堂事樂善不 自此始矣已丑 瘴霧之鄉越二載半工始竣論功保知縣用而君熱疾 設臺灣水陸電線出入於驚濤駭浪之際奔走於蠻 吳淞而福建足跡幾半天下丁亥佐合肥劉壯肅公創 君因是無內願憂更於中西文學殫精竭思力求深 **姑**丈叔因公長女通詩書明大義親操井 方分が生三と生二子 在校時噓植學生如子弟每因厚給俸餼事言於 ·已充天津電局差旋出督造電線自山東而上海 內腹後充上海電報學堂總辦存保 一年遂以舊疾 上

嗜曾文正左文襄二家集暇時手不釋卷與人談時務 崇儉尤尚氣節遇委瑣齷齪者流避之惟恐若浼予官 節士也余以告君則大喜曰令閩廣譽非所敢聞然有 京師時與某公評論人才及君某公從容語曰愈君氣 於家親戚舊交感歎弔哭者相屬也君 機詐直道靡存卑污苟且之風深固而不可拔禮義廉 許我以氣節者謹拜受之矣平居喜研究經世之學篤 聞質緣奔競事恆深惡而痛絕之嗚呼晚近以來人心 恥埽地無餘矣如君者非所謂古道君子者與豈易得 マニテンンmotion日 W/site 天性淡泊戒

卒春秋六十有三子二長慶恩美國本雪文義大學醫 當姑丈願公病殁後君迎吾妨唐太夫人以居事之如 慶棠字余長子慶詣孫鼎文等凡六人君與余交極摯 矯 焉 元 元 惡 圓 言 万 差 為 側 媚 不 忍 害 傷 韓 子 智 窮 厥 盆徵君性情之厚余敬佩之不能已云銘日 母外家事悉擔任之吾姑因得娛樂享天年以終於此 學科畢業博士次慶堯日本法政大學政治經濟科畢 哉豈易得哉君以丙辰正月七日生戊午四月十六日 支統宣言三利、老丁 行鳳翔惟君峻骨無忝綱常我銘以貞百世令望 業學士女三長慶英適崑山陳觀約茂才次慶和殤三 to the second of
宗兄郛鄭墓誌銘辛酉 君韓浩鎮字郛鄭世居江蘇無錫縣封翁子良先生之 長子也子良先生勤儉起家長厚豈弟鄉黨有善人之 年十八補博士弟子員旋食糜飢入江陰南菁書院肄 外郎任郵政司司長尋保實錄館撰著稱 質爲即中分工部戶長考入商部旋調郵傳部信補員 業古訓是式益精於勤光緒癸巳登賢書丙申援例納 方で立己見言世歌へなり 御書福壽字江網砲褂 日君特能以積害世其家焉天性幸友的類意超衡量 時以爲榮焉君旣秉庭訓常 THE PARTY OF THE P

一時隆冬冰雪沒踝凛凛然墮指裂膚交通梗塞君勇往 伏矣丁巳北數省大水災君又施賑於靜海滄縣等品 災君四出募捐又施賑於黑省率長子毓源以行當 1774 11171117171 醫理遇重證親爲切脈施醫施藥都人士交口稱誦之 趨事不避艱險但冀災黎得生身非后情而病根自 宿當事者歎爲堅苦卓絕他人莫能及丙辰黑龍江告 甲寅泗陽連水災君叉施賑於江北盲雪定窮鄉夜露 以行善爲志丙申直省水災任施販事庚子拳飢隨 和陸文端兩公創辦五城施醫局延君為提調君夙通 一宫西狩叉施賑於咬省辛丑旋都會長沙張文達 1.147

米湯稍能言問其故則曰吾持吾子吾婦尸也若釋 災百姓慘苦之狀當道者烏能知之卽知之又烏能走 則漂流去矣亟救之歸嗚呼天時人事之交迫浸成 「一次大学にいませいの用」 小舟登焉又觸 一聲棹近有老嫗伏屋脊飲泣手一 等處至冬賑吿畢而功以竣綜君前後施賑計六 主其事君旨炎暑奔走其間兼及寶慶 而告余舟觸翁仲遇遌無拾幾 湘省兵災君 又施賑於長沙上海紅十字會沈 大樹巔游魚巢其上 繩堅不能釋飲 一風蕩舟簸遙 衡陽醴陵 聞

得辛亥政體改變前黃陂總統與有威誼將大用之矣 眾之懷迄未能遂有如韓子所謂竟死不伸孰勸爲善 支系生活之形でえり 者何哉傳曰明德之後必有達人君之所以種德於子 凡五省歷數十州縣全活不下數十萬人然其博施濟 卒印璽不知所往君憤目若不得我當以身殉之追 孫者蓋未有艾天之報施善人豈終無憑乎君少懷 君退然若不勝相從於文字之役丁巳夏京師變起 志屈即官居司曹仙有建白人或以爲迂恆鬱鬱不自 resident of the Control of the Contr 何地蔑有如君之至誠真所謂肝膽可託者乃道 滬遂得完璧以歸嗚呼富貴利這人所爭趨勢利

The second secon 時遠雖懷抱經綸終不獲一 甲子正月二十七日生迄於辛酉七月二十一日卒曾 遂不起同志之士愈曰惜哉不復見善人矣君以同 **高目間閻之困苦俯仰身世惟以賞業爲韜晦計然 貴封贈如例德配吳夫人子五長毓源次恩源祖源 祖考諱應龍祖考諱懋勳考諱洪培卽子良先生以** 慶千壽千孫女一毓源等將以某年某月某日葬君 百匹金に見る三回る。公し [憂傷而病益不能支矣已未冬患中風證醫治罔效 展其志縱覽大局之淪胥

コスンディアニンイエンマエレンノイ・ノ 無爲王生道中出示故父行狀涕泣陳詞丐銘於 余主講無錫國學館風以孝行敦勉諸生平時教授 波兮一木不能支大厦之傾嗚呼惟我知君兮介于 君子雲墓誌銘癸亥 微言大義稍稍磨礱以冀感發良知植其本體 投間以乘心趨百迴兮起舞雞鳴恨赤手不能挽 、園夢兮我欲呼之醒 大笑兮黃河庸俟聖人而清惟憤世而疾邪兮二 曜靈晦兮我欲使之晨下士 Charles to the said of the

事事母益謹平居朝夕侍側飲食寒燠戚偷悲懽恆 聽於無形母善病君或數月不踰閪不脫冠帶而養疾 **瑞**祖諱貞鎧父諱恭文累以積善聞君痛父早世未逮 如此洎乎遭變辨踊哭泣水漿不入口者數日被衰即 《不爐暑不扇其致哀叉如此於是鄰里鄉黨愈稱之 することには、一番日曜/シュー 一者四十餘日守終制獨居堊室去帳枕塊口不茹葷 王孝子王孝子云夫孝庸行也然求之晚近邈焉寡 如君者豈不足以興起人心哉君善行綦廣如 初陰陽寒暑罔敢解歷數十年如一日其致養 「休宵遷無爲百餘年來子姓蕃衍曾祖諱

隨侍乎九淵孝哉閔子無間言兮丞里巷之歌傳揭 皆孝之所推所謂本立而道生者證猶水之有濫觴 女紀写了月二班 名了 余頗器之爱爲銘曰 李某次適同邑齊某孫三俱幼道中品詣沈潛能力 之有萌抵矣孟子曰苟能充之足以保四海豈外是哉 君以戊辰正月十四日生壬子七月十一 鉅資纂修譜牒道在敬宗收族友於兄弟推恩戚黨 在篤善勤膇不妄取與恂恂和易道在守身處世凡 丁有五德配孫氏子三信坦道中信厚女二長適同邑 九華之白雲兮愴鶴舞以俱仙胡强仕之足戀兮樂 AND THE PERSON OF THE PERSON O 一日卒春秋

一歲已未閏七月七日故四品封職候選同知顧公維腎 範俗其子若孫又與余有相知之素就學之勤於太恭 顧母豪太赤人喜誌銘良申 吉今世號文明者往往於門內於尊親於重闡則謂 元配秦太菾人卒於無錫里第明年庚申四月其子賡 日立世紀三三世紀、そし 不文辭竊讀易離爲中女內柔外剛內順外張所以 懿德鈕可徵信不疑者宜皆見之於余銘又奚敬 以狀來請曰能使吾母懿德不隨世以湮沒者惟先 以訓世兮乃爲辭以銘兹阡 爲宜嗚呼文治雖不文顧念太恭八之德足以警世

先生譚臻邑之名孝廉也生丈夫子四皆以道德學行 同知公其時祖姑及舅姑咸在堂一多病一 修身者反身之謂麗乎中正斯無不修矣顧乃言家 乙樂未易克幾太恭人悉處以誠柔聲恰色其庸行 於覆其家而已善哉太夫人之言家人之 あからうましえしん 有外侮則又巽順周旋謂工交際而不啻授人以隙其 瑣庸行吾不屑講求甚或因愛生驕因驕生釁及 而不言離明之用者蓋傷之也太夫人姓秦氏父茝風 一扶藩籬者無論矣此非出於涕沱若取嗟若將終。 繼太恭人爲次女幼與諸兄弟相切磋年二十)義歸於修 失明融融 週

子なならうき一言田 **叉諸母姑姊小叔娣婦亦無間言時同知公雖隱於** | 胡瑣不遺有非筆墨所能形容者卒至兩姑無間言諸 卧薪嘗膽身當其衝事幾殆矣以訴於父訴於法律 細上和下睦而 剛烈丈夫有不能自伸者加以大故臺遭所天旋隕 而治生弗尙也好黃老喜汗漫遊兼善形家言而家事 |嗚呼此又非離明而外剛强者歟以其柔順於內者 委之太添人卒之資祭婚嫁喪葬饋問之事無鉅無 孤其為人所欺凌而魚肉也亦云危矣太素人 MAN . 人無間言嗚呼此非離明而內柔順

實業鉅子次君廣明以學化質為法政名家雖存亡有 **苓狐貉歲時進奉日每逢時節忌日必歸展拜此雖** namen en de la general de la companie de la compani 史館爲之宣揚內行請旌如例其逃歸省事尤摯日參 廣長出毓琦毓琇毓瑔毓珍毓瑞毓琛俱廣明出孫女 **善之**道吾知其後之必光大也長君廣良以商濟儒成 四人三賡浸出一賡明出於其卒也其弟敦世方操筆 **憾而蕃衍一致孫十一人毓曾毓燧毓方毓澄毓慶俱** 女糸生ラモニスツラモノ 一人長以守貞不字亦獲旌表嗚呼太恭人非獨以明 行亦其誠善之所積得旌考闕流芳額愈曰允矣女子 戶程確之這吾知其必有後也以其剛强於外者爲

學則無凌輳囂張之習以其剛强於外者移之學移之 商則有折衝樂侮之才他日子若孫之有造於我國者 範儲國之器遇菀身枯後世有繼 皆太恭人之遺也 鉛曰亭林之裔涇陽之地仁者有勇離明作體是曰左 死事慘烈持遺書徵文將前諸貞珉以垂不朽甚矣諸 甲子夏五南洋公學同學會胡君端行等因葛君燮生 **局變生碑鉛甲子** 君子古道可風而友朋之誼爲敦篤也葛君名變生字 コが去ると見い言語を入れ 八誠遺其子孫矣吾謂以其柔順於內者移之商移之 the state of the state of the transfer of the state of 1117 LECYBERATERY THAT THE TELEPOOR

掠去揚言索金取贖公私營救者不一 歲膠路歸國有當軸延致海內機械專家葛君乃任張 廠河南郾城蛋廠諸工程司奔走宣勞聲譽卓著癸亥 後任漢陽鐵廠機械工程司歷充上海阜豐機械麵粉 **店段長之職擘畫經營粹心殫力寢無定所食僅餱糧** 旋派送美國留學畢業於麻省理工大學機械科歸國 而約束工人嚴峻不稍假借十二月二日冬突被盜匪 題悟超諧昆季光緒三十二年丙午由上海南洋公學 附屬小學升入中院時余適掌校務一見生深器重之 罕調浙江杭縣人其尊人某為名教師少時倜儻不羣 スガムニューニが

三足

則更重於泰山矣且因葛君之因公而死復令後之 死而令後之人咸知戒懼防匪於未然免坎賓之誤 鴻毛如葛君者儻所謂天道之適然耶然以葛君因公 於泰山矣余與葛君有一 相與觀感益奮其貞固之精神而無所顧悸則又更重 而死人莫不哀之憫之則固重於泰山矣且因葛君之 同學聞之靡不哭失聲曰痛哉痛哉方今世變元黃荆 「は、一田二公司入司が西口 、棘地殺機之伏何地蔑有故死有重於泰山有輕於 :贖金甫交而葛君卒遭戕害年僅三十四耳諸同事 Constitution and the second of 一日之雅於是乎紀之且爲銘 乙三

郊經堂文集 一編卷八		泗浪浪銘以上	青州之域張
一編卷八		泗浪浪銘以貞之千載毋忘	ド 名:
郊經堂文集一編卷八			青州之域張店之旁風凄雨黯山高水長魂分質
謹校			研 所 所 所 所 所 所 所 所 所

郵文干里以妥公靈嗚呼我公其竟不可得而復見耶 光緒二十一 聞之天道福善禍淫方今世變多故禍福針纆合散消 「ロガル・ションコー」 文治枸愗誠不足以知天道然如公之好善不獲報 一經堂文集一 一、孰知其極莊生有言朝菌不知晦朔蟪蛄不知春 舅黃浚之先生誄文乙未 赴敞廬依窄不克爲位而哭其明月乃得擎涕濡 哀祭類 一年仲秋之月文。怡宦學京邸聞外舅黃 一編卷九 太倉唐文治蔚芝著

嬰恤嫠掩骼埋骴公咸為之首倡富家巨族累輸 時時溢於言貌之表用是世俗裔宇嵬瑣側肩帖耳 カンドイニーをファカー 何如是之酷 **甄藻方諸林宗子將亡以踰越胞與之惠旁逮里閭保** 遵宋儒蘇世居正登本剗僞好惡之篤是非之公人 嗚呼孰謂人 然屹不爲動古語有之水至淸則無魚人 耶嗚呼痛哉公天性耿介 聊慮 固護好實無厭之士娛娛瑜瑜索級刺疵公獨 耶將所謂天者益 八之忌之者并天亦忌之耶公之爲學 制行孤峻俶儻不平之 可測 而理者盆 至察則無 與 氣 倫 可

癸巳入都再拜言別公曰子行矣經世之 涔下也文治性躁又累遭擯斥侘傺無聊一 呼向微公力則文治之禍必不能免向微公譽則文治 亟為延譽於太原師之門執贄之日復躬往忞慔之 愛人之人而奪之耶文治少年質庳氣靡猥蒙獎節 爲國士庚辰之冬身被橫逆賴公左袒得解於厄踰年 使酒爲其座人公書來以讀書養氣微辭規諷嗚呼文 公謂之曰子苕發穎豎幾於狂矣不得師無以成德 日本学と言う言用「人名」し 乙學或弗克成至今感公之深靜中思之輒不覺涙涔 一、半生知已自太原師外如公者有幾人哉有幾 不當意則 嗚 也

著之年未及於冠而公遊舍之而去耶嗚呼痛哉死者 **嗟公之貧号而一日不得安以樂也慕公之廉号而** 之文治唯唯弗敢辭嗚呼孰謁狂者之行未庭於中弱 慰公之靈曷禁惻惐悽愴而爲之謀曰 其無知耶徒遺恨於冥冥死者其有知耶我輩其何 吾二子長者狂而幼者弱狂者惟子裁之弱者惟子扶 **麥曲也悲余心之淋唳兮而不得憑指以哭也敬表** 文がグロインと 「於困以獨也任世俗之腹誹而心謗及宰終身受

į

祭表姊俞母顧太夫人文甲寅 **痛**謂他 酌致祭於大表姊俞母顧太夫人之靈曰嗚呼吾姊懷 無疆也嗚呼吾姊當吾姑丈叔因公之病於松江也宛 (夫之志也淑德懿行累牘而不勝記也嗚呼吾姊幼 也謹守禮義習儉勤也嗚呼吾姊生名門也鴿原抱 ·維閼逢攝提格之歲皐月二十有八日謹以蔬肴清 一姆訓察聰明也天性孝友懷眞誠也誦讀詩書法先 **壙中是誄與墓誌相類其實亦失古意矣自**記 **改祭為誄棃洲先生金石要例云誄狀言行亦納諸** 〈昆也以子自任坤道而剛也肫肫色養孝思

然而泰然也嗚呼吾姊當隸兄之旅食奔走於四方也 蠻煙瘴雨路窈而長也采采卷耳賦周行也井臼親操 也隸兄告我曩者歲入之薄月取數緡也夫婦蔬食井 兄也鳴雞戒旦琴瑟之和雝也齊眉舉案相敬之肅菾 也願兹孝女永錫爾類也嗚呼吾姊歸吾表姊丈隸雲 寒燠之或差也鄰里鄉黨愈日有女如此這勝於有子 吾姊侍奉吾姑母無須臾之或離也白華養志無陰 轉豚下裂心而摧腸也籲天自代情迫而辭長也嗚 ラガカニコンテー |嗚呼吾姊訓子女之恩勤也孝悌人瑞玉樹彬彬 高堂 也嗚呼吾姊相夫之禮婉娩淑愼壼史所無雙

然也嗚呼吾姊吾 我中表姊妹之先也吾 姊篤友于也弱妹相依聯簪裾也謂彼薄俗手足疏 11弦にこここ三田 2 棣端謹是師也春申握手悲莫悲兮生別而死離也 稍舒也胡昊天之不弔而遂奪其年也嗚呼吾姊居 別贈金娣忍連如也嗚呼吾姊近歲以來意稍蘇 |委婉陳詞共話家常也從兹家事復誰與商也嗚呼 、掇英含菁也 母之心知也夜燈新月共繡鞶絲也威儀樣 母地下當相 父所器賞也杖履北游音書弗斷 祖所鍾愛羣兒繞膝至今宛 悲莫如深也嗚呼吾

遺 談言而中理也誦梅村之集且飲之詩朗乎買乎而弗 零也將以舅家爲母家而時歸寧也嗚呼吾姊自先 大がなこれとうからくろう 一愛吾長見慶齡時時勤勸學也 、珠之逝世而事姊如親姊也而姊亦視吾如親弟 呼吾姊聞吾學道德則欣然以喜也聞吾解經史則 慟苦告九原 也嗚呼 吾姊 昔嘗有 言痛武 陵氏之 本經緯精密若爲政也嗚呼吾姊葭莩之親幸重 也欽德門之有曜願慈雲之示庇以福也嗚呼吾 字也嗚呼吾姊論修身之型上規賢聖也論齊家 日敢自安樂年未享六旬也攸好德矣何還 一甥館相儲以愛女

考終命也嗚呼吾姊弟有數言藉相慰也天倫志意皆 泉色笑從兹地久而天長也嗚呼吾姊事夫子之誠也 生視膳靡旦夕之或遑也兒已歸來暫別其未央也重 克遂也嗚呼吾姊至情至性感昊蒼也老母靈輔返 鄕 也窀穸已安淚浪浪也家傳屬弟一 諾而毋忘也平 日西世紀三三冊のからし 也倚閭倚門賢母心也載病戴奔孝子行也歐風美雨 啼慈烏也殿東雷車腸轆轤也登堂破涕不知路之幾 一豎之侵在仲春也愈云肺疾膏肓深也植壁秉珪禱 萬千也藉曰不歸此恨終天也藉曰時暫月已重圓也 The second second

祭李母 維尤精 何 饗 萱草停車也壻水之擢秀也甥枝之啟華也有孝有德 率慶說諸兒來兹祖奠吾姊英靈其尚知之否也哀哉 無以加也嗚呼吾姊人生到此其可慰也嗚呼吾姊弟 ランガノニニュニシオ 祭於龍 一女之宜其家也施矜結帨吉禮靜嘉也玉峰春藹 精誠感鬼 西伯母王太夫人之 年寎月十有六 75 神開金石上 彳 李辛 日文治等謹以庶羞清 五案 名王 靈右曰嗚呼維掌腰 奎太 照夫 **号乃獷猤而披** 母太 也倉 也嗚呼吾

惟 淹雅之袁 乎諸子陶 女 夫人之 清懿 惐 倫性婉嫕 一号實照 高行号實肇 習女史之典型 林之琦士或封鮓以資产,分表清節之如矢 傷知賢 髮而 深閨 挽鹿車而煩劵兮願茹苦而安貧 留賢兮乃奮跡於素里或丸熊以 爛
ろ將遣 母之 而淑慎母秉壺教於幼齡讀茂 乎遺 马辟蘭蕙之德馨迨笄年而來 生乎名門緊經學之世家母比 學治絲與織絍母憻誥誠 史孟斷機而訓學受遂英 亮節母洵潛德之必光緊 筮 於 矧鄰春之不

循跳 コランフ・コーンコンコンコンス 膳蓋以潔養兮擷婁水之蘩蘋際粤匪之倡 褟衣甯婦寒兮毋姑寒甯婦歎兮毋姑歎甯婦無餐 HOLDER STATE OF THE STATE OF TH 雨顧家山其何處母心縣孿乎故宇羌鹿盧 備甘旨号維雜 一箴管線纊之具另巖筲與機笄煩撋尊長之厠窬 走兮隱田家之蓬戸安碎瓦與頹垣兮任飄搖 、 鼬之 不突羣斬木而揭竿号若雷奔而雲 [嘔徑肸飾兒童之槽褯子逮破釜與塵飲 罍之屢罄母心涫峁而難安幸紅芝 佩之明幾 何以供館 粥兮維手紉 沒 之在腸兮 爭風

74 T O L L L

ţ.

兮心凄欲而彌哀冀冥凌之浹行兮依修幕與離榭 方巫台之長二<u>同一</u>變、公公1 **号通六藝而淵懿早蜚聲於術序号務博聞而疆志** 徊徨乃元穹之靡忱兮黛哲人之罹災呼閶闔之九 局堂之期齡兮觀靑春之受謝乃匿形於猕室兮哭憐 **督而覃思綜六經之醰粹兮屏穿鑿之私智採百家之** 而亡聲守大易之故訓兮惟安節其派亨日形茹而 一德之精剛兮乃組織乎仁義抱許鄭之遺書兮日緣 心一多遂二豎之交嬰豈不願追隨於地下号懼大傷 劫更号乃轉徙乎故鄉盆饼性於夙夜号中愺恅

スタからアインフィフト

三年而稱情兮實禮制之罄宜惟甒生之不文兮居 行史氏之表章登像室之間安兮爛昭昭而未央蒸蕙 此別而逾悲考禮堂之舊說今日痛甚者其愈遲 而相望時談經而講德母曾拜母乎北堂愧怕愁 眇 器惟庚寅之孟春兮適頁書而遠游猶諄諄而 **号無以頌松柏之遺芳吾聞令節之必顯号謹以** 富媪於后土兮載雲旗之委蛇迫令子之遄返

粤疆国之紀歲兮值荒落之緊次月在如以于邁兮羲祭尤母趙太夫人文尤君幹臣名桐之母也 分子規啼兮隕淚車摧 無際夜沈沈 **只將暮今日黯黯而欲墜天懭懭其罔極兮路遙遙 号吾父將歸嗚呼哀哉兮夢冷萱幃思** 忽其迂轡風蕭蕭而聲凄兮雲慘慘而色異時昏 斯之在路有苞孫之來告兮謂祖慈之 而風不止兮心震盪其曷濟悲噩耗 温気会化 而不旦兮星耀燿而忽翳原野闐其無 輪而不前母舟激箭而忽滯 不諱計

以見志 閫 維 遲 笥兮景物非撫衷責已兮未報春暉寸草有心兮愛 TANKE IN THE SKINE 憐舞綵之稽違 詩無雎 遲念良 I 駒 之 内之 格卷 形管之在 攸基德窈窕 過 **号**采卷耳以憂
写
信 一麟之盛治 じ隙分歴 別分意複微並母氏兮不見空魄禱而 御 愴 望 音 容 **分炳懿範之** 予聞言兮心棖 干載 以静穆 夷吾讀中壘之傳兮與丞叔之 思誦 而依 徽音之 兮職荇菜之 依盛小子之 昭垂昔周家之 馳 曾 億 不少留 克嗣分爱 陟屺 季世 是司賦葛 不造母衣
今
伯 号 淚 起化 巾幗 昭美 魂亦 分 揮

選以警讀分啖熊丸而戒嬉效畫荻之勤志分寧斷虀 古河野に自己自田ツスし **貴乎識時況大孝在養志兮子豈不知誠孝行之無虧** 若餄以教以養뤗無非無儀有子成名兮色養恰恰有 孫挺秀母引翼熙熙表陳情母繼令伯續白華母誓 期倍兹鳩杖兮曰報鳥私母獨歎息以爲不然兮俊傑 以忍飢懸孟機以垂訓兮閉董圍以不窺閱茶苦兮甘 **歎狐木之難支歷干辛與萬苦母語寧譽之有兒聚螢** 亭毒兮允足蒸爲靈芝俾莘莘之女士兮知姆範之是 師當紅羊之劫至兮復倉兜以相隨值中原之浩蕩兮 慨然想見大家之閩德分爲世所希其嘉言懿行之所

大名なころところ

号奚必朝斯而夕斯彼斗升之祿入号亦 被水之攸資 **号**庶陳簡之是披講舍雲起号學子咿唔摒擋義務母 力不餴疲謂虛名之宜去分謂實學之宜治勤中饋 凡人必職所事兮安得娛老而可無爲繼前修以追興

兮哀及同人聆口碑之載道兮述毋德之津津鳥悲號 樂兮松柏同春何意瑶池返駕兮翣車已陳鄰春不相 無怠分贈通德之門楣惟桑與梓兮敬母之仁视母矍

於林際另魚敷沫於水濱慈愛及夫庶物母任邱遍

羣倫有鳩形之窮民兮知母死而蹙顰曰善人其長已 無親里嗟巷哭兮問誰能如母之憐貪祝

市逐省安东二三周19 祭鄧母廉太夫人 堂之鬱起分覆腌靄之胖雲蔚名門之昌熾分集善氣 **仓聞鶴琬琰뤗壽鴻文奠椒漿뤗跪陳詞魂來燕兮樂** 陰兮與世棄捐豈第蓉湖羣季兮垂涕淚以淪連望 多士以年年知稟承之有自分仰陶母之智賢 万吾校之飄搖兮賴雅意之勤拳支 |網縕諒母顧而心喜母誦世德之淸芬子若孫母播 在上章铝灘宿月之下旬世侍生唐文 送し 成神抑私夷重感紡 文原申 臣名福培夫 **罗幸季偉之隨** 母無也錫

哭濟陽之壺範兮幸盛業之克昌个又南陽之隕女 教無義方也維吾邑之開明分都賴於賢母之掞張前 **分俾我子春之浪浪用銜哀以陳詞母并勸進夫七** 誇夫吉占之鏘鏘積上因之種種兮宜其家無正位 西淄竈夫典章卽明慧與剛强兮多忘廢於盛湘智 アンメストニーンストーメル **号追思夫精理之發皇咸教子以成名** 蘭膳致祭於我南陽世嫂 於跬步号時或挫志於秕糠心亦冀於昌熾兮惟 世運之多艱母由於坤維之不綱彼荏弱與愉 為世宗兮九東旦之煌煌胡上天之 彳 ブ 廉太夫人之 一号伸始否而終 靈 日嗚呼哀哉 嫚 師

竹匹手に自己言思し、たし **蕪荒相如之賦以減價兮賴鍼管之酌勷也賈氏之虎** 堂遘嗣兮盆孝謹之毋忘時喪亂之荐經兮痛田扈之 夫孟光時長君之穎悟兮宜王楊之韻頑膊賢母之 搶拾灰燼而掩涕兮懼助哀夫崩城之徬徨遂息影於 艾之感傷旣來歸於夫子母承耆舅之樂康痛已之 僑寓뤗閘中夜之琅琅以誦讀之解母憂兮奚啻夫灼 於婢媪而曰吾以自嘗也遂営衞之大傷兮猶自支勵 彪頻生兮緊哺乳之蹌踉也更雙珠之鍾愛兮不假 翻城分痛父祖之國殤隨節母以赴難兮慘幼年之呼 水漿緊賢母之篤厚兮自昔孝行之攸彰方靑犢之

曹堂飾靑廬迎新婦母庶抱孫之可望誰知丁婦之不 方派住三年二系 一名 染危疾而陡遍分遭所天之罹殃長君繼以不起分時 慰分夫何騰達之羨飛黃時新居之卜築兮正謝家之 之相將方絃誦於一堂分樂天倫之洋洋母曰吾懷滋 少子而掬衷腸謂汝父耿介而好賙卹兮庶崇公之足 女之樂樂圍環分勸節哀以伏牀終苑禁而飮蘗兮進 正病瞀之惚恍旣少瘥而大痛み呼天道之茫茫時子 万宜奮志以嫎修母吾其甘驫爛如膏粱也重家屯於

搴裳斠中西而精佉盧兮繼來及吾門牆偕仲姊而游 策遣夫書囊時聯袂於滬濱兮母倚門而有望值定省 海上兮又儷皮之承筐母謂家庭之造端夫婦兮遂並 國難兮淚熒熒以盈眶也歐陽聆而威奮兮爰頁笈而 仲氏之游楚幕兮叉予季之游彼邦毋灑然而色喜兮 謂吾惟含餡之樂徜徉爱駕言以送行兮遂戾止乎申 古匹亨足表二局で安し 而考問學業分色油油以齋莊謂學成供世用兮豈 突止夫江漢之湯湯正重洋之間隔兮敷游子之星霜 江引宣尼之明訓兮勖書紳以守常贖雲山之迢遞兮 家一邑之光歲玄默與困敦丹適孫生之泣喤旣 惟

庶老懷之愉快也况進世界於文明兮賴此愛子之 慈翰之滬降謂輟學其堪痛另於吾心而益愴豈惟 之悲切兮庶其返國之解悒快正匆遽之策琴書兮忽 忽孫枝之驟跼兮若五內之崩亡心忉怛於童鳥兮又 まるれたにないとう 旋뤗得通儒之優娛標碩士之峩峩兮將以學爲全國 傷逭之愴恨有女婦之馳書分促游子之歸裝謂老懷 硤也更餉祖國以璀燦兮式夫鄰邦之周行也俱慈懷)藝林餉方課繁而疎問省兮母至形神之悵惘視聽)功虧一 不漸衰兮知心血之耗於無量也今學成而致用兮 簣分亦玄珠之終遺於罔象遂終業以言

古座室長扁り光し 學英英露爽初畢業於吾校之高等小學旋 **醉生奎輪無錫人吾校最優行生桂輪之胞弟青年劬** 惜乎慈庇之未長生子之爲世範兮佇獻歲之 繼沈沈以若睡兮遂歸真乎仙鄕聽邑人咨嗟兮咸痛 大道之昧昧兮吾將上 遼喪母哭之慟而神以銳減母矧弱躬之素恙秉先知 元氣之損難償神不渫以遺言兮謂父兄之大事宜襄 而戒傾跌兮忽傷足而腫脹雖中西之名醫並視兮奈 儲培好宜大年之克享胡仲氏之先亡母病足癰 一薛文乙卯 一叩乎九閶嗚呼哀哉尚饗 路陽胡

余 新 知 · 校繼又入吾校之中學个春改入吳淞海軍學校來 雖死而其志氣固不能泯也哀哉越昨又聞薛生代 別意甚戀戀若有言語不能達者余憐之 マスカロラエンコスト 以聯語云二 **去乃月前得同學報告奎輪於九月死矣余痛惜之** 耗代穀崇 一補習科 **外談代穀以其兄不** 之欲與登樓其覓代蕃代穀 一難競爽弱一 明 人甫十一 日偕其兄代蕃至中院代蕃登樓與 个四海雄志可千秋蓋奎 知所往也哭於中院之 威 九歲時考入吾校高等 不識余固不肯 爲勉數語 至亟 穀 同

其中最幼穉 詢代穀學 **慶賀之節** 月開校後) 既而聞 入庶務室復多方慰藉之代穀哭乃 校 或 記其名是年三兒慶增亦入小學肄業余 学会し 之音 慶增 **酱**愈君鳳賓來言代穀病痢甚劇余甚憂 爲蹴踘之戲聞小學生讙呼聲輒爲忻 來乎慶增淒然曰代穀死矣其家將其 **穀歸念之尤切隔昨慶增自小學歸余** THE COMPANY OF THE CO **亟詢代蕃則代穀果死矣哀哉** 對日聞諸先生成嘉許之 而其父兄乃併其性命而付託 毎當校

魂牽係之間 識余而痛其 煦培養風 **芝**死 15 銅 家父母拊畜長育辛苦之心血爲至難 **愛護學生之起居每恨不能躬親其事** 辛苦而至二 **百語云人之愛其子也有如予乎余短** 地 家可無所憾且奎輪已入他校代穀 飄搖之中故其顧復之也無時不 之情猶有不能自已者則以其皆爲 經 父 雖的稱而出言老成救國捐 母之 一十年譬諸 種樹然無時不 求 於

古野流の画で言語・一名」し 後さ 堂 卒傷哉傷哉乙丑夏其尊人頌康君來無錫流涕謂 館肄業時年僅 焉余故特記 是兒自幼端謹九歲喪祖母辦踊如成人有來弔 南屏之間自記 平敘無所奇特而神自遠感情爲之也文品在 光炤 爽之 人知有 一光炤哀詞乙丑 江陰橫塘鎮人癸亥冬考取無錫國學專 **醉奎輪薛代榖其人者** 慟云哀哉孔子曰 以釋兩家之悲且俾掛名於人間世使 丁四余初未之 知也甲子秋遠攖時疾 子疾沒世而名不 Ē 一熙甫

論語 從晚矣臨殁之前二日叉時呼唐先生不置今已矣當 令其兄某來受業日後爲立嗣續以慰其志耳余聞。 **小覺涕泗之橫流也傷哉傷哉光炤在館時余與談** スポケーをごろう 光炤不肯余强揮之出光炤意快快自後 來錫乃竟 告人矣乙丑二月開館之夕漏三下有鬼哭於宿 初入學校 哭答拜之 則大喜曰是眞吾師矣甲子秋開館有期是兒 病不能行忽語曰唐先生方正人也恨 不當意洎入國學專修 人咸以爲異性喜讀國文尤好孝經 野名ブ 炤 病猶上課余握其手如執熱急命退 館開先生講孝 四 相 摒

古巫室之表了扁 嗚呼光炤胡奄忽兮誠造物之不仁也昔顏子稱短命 或有之矣傷哉傷哉雖然孔子有言篤信好學守 君亦可稍釋其哀乎爱爲詞曰 1噫理或 光炤實志以殁長逝者魂魄私恨無窮悲極而哭理 不聞道耳古之人如彭祖者而今安在哉光炤 一日朝聞道夕死可矣人之生也修短何足計 雨栗者嘉其績也鬼夜哭者悲不得見其害也 一皆痛惜之追念之又相與稱道之然則頌康 MAY L 炤之聲也或笑而 一仲任論衡載倉頡作書天一 不信翌晨告余 4 八雨栗鬼

咸萬方之多難兮宜外形骸而齊死生也忽同舍薦相 甯得正斃乎故鄉覽苕華之靑靑兮哀我生胡不辰也 兵殃戈鋋滿地兮天起欃槍彼老幼婦孺化爲蟲沙兮 告兮詞光炤其有靈優嬰夜啼兮髣髴小兒之聲非惡 **丹聲而然母心慘怛而不寧嗚呼光炤其毋悲兮我將** 月以傳汝之 姪肇農哀詞王戌 奔走來告日肇農逝矣余初不知爲何病病又何以 ーイフ 名 日余自國學專修館講學歸日未願忽友

書者再言論丰采歷歷在目曾不踰時竟成永訣嗚呼 奔走不遠離營業有所得輒織悉歸公無私畜比又為 吾宗喪 娛親計擇塔湖左近爽塏者闢圍爲薎裘白華絜養志 古英音を表言言語 **志赴歐美求學以老人從事實業辛苦艱鉅願隨侍供** 万性至孝得祖父母與父母歡伯叔父行俱篤愛之初 耶肇農名穀源宗弟保謙之長君生而岐嶷長而 災賑汲汲皇皇惟肇農實左右之甲寅春肇農隨 圍嗚呼詎意工未竟而身已殞耶往者宗兄郛鄭 一賢子弟吾邑弱一幹濟才天道之孿黷有 不恰者數日肇農七月造我舍繼遺

農稟陳堂上前往以代二老韙之於是馳抵災區而夏矣郛兄仍慷慨自任束裝待發顯息中風證不能行肇路衝冒霜雪面目為之黧然洎己未秋湘鄂又災祲告 路衝昌霜雪 津沽水災肇農又隨郛兄馳往賑救計閱數月間關道 抗護卒出 コンメスナー! コーンエル くて ナ **新兄施放江** 放多寡率由郛兄舊章無稍隕越功蔵後刊徵信錄 錯不可言賴德性堅定從容設施五縣之災情輕 而孝感 而黃陂而漢川而天門水陸輾轉橫風驚濤 槍林彈雨中瀕危者數卒不畏卻丁巳 泗陽等縣春賑時十 匪盞起挾利械以

古座党長三量で会し 彭殤壽天兮天命靡常朝菌蟪蛄兮夫胡短長賈生 又惡能已耶爱撮其生平以識來者並爲詞以 河之痛有不能不競於懷者而宗黨鄉人之咨嗟痛 寶墓稱其才高當世行出古人肇農雖不逮元賓然低 肇農爲募集多金熟忱緯抱無乎不見昔唱黎誌李 **改選肇農以才行名譽被選為議員越藏以來時有建** 耶其厚於德耶其孝而達於仁者耶辛酉歲蘇省議 礪行要不難處於大成今乃實志以終知保謙弟 「本邑高君踐四創辦無錫中學經燈校舎屢呼將

勃有丈夫志仝已矣是兒於戚黨中最欽仰君君素嘉 戊申四月患腹瘤以殁旣殁之三日予往唁表姊丈俞 女甥俞慶和哀辭戊申 息以陳詞兮喟世事之蒼黃旣活人以活國兮詎種 ラススケニンイコンマス ノスインノ 一隸雲暨表姊氏俞君伉儷痛哭謂予曰是兒天性 和子之中表女甥學於上海務本女塾試輒冠其儕 詞 爲殃幸蘭玉兮偕芳齊肩繞膝而慰高堂爰撇涕以 父母孝事兄姊敬撫弟妹以恩取與至廉勤學 **号庶九京愉穆而毋傷** 言以不朽是兒予自去年奉諱囘江南暫民 德

將出其所學以維持社會而乃劬學以至於死是豈特 數畫夜彼其至性實有六過人者故旣殁之後同學諸 日四部と対策に同用・シータン 乎何日復來个春予姑母疾時慶和病已作猶爲按摩 匯仍時詣俞旁晚每遇慶和散塾於途輒忻然曰舅歸 **熮黷摧殘以及於女界此何理也慶和抱丈夫之志方** 俞氏宅中夜分每間咿唔聲 女子來弔者咸哭失聲蓋其感情之厚有由來也予惟 而莫可究詰比年以來輒見有用之材中道天折。 **大道隨世界而變世界當雰圍之時則天道亦或顚倒** 笑不答詳詢之乃知慶和讀書聲也及予遷居徐家 示絶 予問爲誰愈君伉 L 今

億苓女姪哀辭五子 緊四月之旣朔兮大招巫陽罡風一 悲夫余族本零落男女子姓僅數十人余弟媄丞尚未 時而株桑維朝菌與蟪蛄兮彼惡知晦朔之殊光感禍 隸雲伉儷之哀其辭日 幸嗚呼其可痛也已予特為辭以弔之而並以慰愈君 俞氏之不幸戚黨之不幸抑亦吾鄉之不幸社會之 、輟學兮相與巷哭以徬徨念湖有時而成田兮滄 ||者其毋永傷 一州纆兮古人亦云其靡常為文以垂諸不朽兮告 夕兮摧我蘭芳

有子僅 爲最長乃今歲三月得樸丞吿書憶苓以病死矣悲夫 得意者余大姊受許氏聘未嫁死子福大伯父家 艱苦仳離甫嫁張氏卽死安甫叔父家長妹暨益卿 李無期悲夫是余族之不幸矣夫且余家諸姑伯姊鮮 即今所稱南洋大學樸丞屬余為憶苓相攸得校中薛 市平野之甚三届一学会工 儉動尤與余姊相 叔父家長妹均未字死今憶苓復繼之而憶苓之 |桂輪誠佳婿也乃納幣幾時億苓遽死兩美睽合聽 余族之不幸矣夫余自丁未歲緣督上海實業學校 后女二 一憶苓其長余子姪暨女姓輩亦以憶 似曇花先後見悲夫是余族之不 淑

卷默坐嗚呼其爲人也多暇日其過人也不逭 74/47/11/11/19 PM 矣夫憶苓生而慧得父母歡孫愚大叔父 **苓之劬學心知** 萌太夫 人 嘗 謂 揚 子 此 語 實 統 男 子 婦 人 而 言 痛 乎 億 氏為櫛髪即以其間食粥牛盂倥偬若將不及入校 **县不妄費一** 食計安可不知撙節也人校之歲自公益 書枕 此異日吾家不櫛進士也稍長果好學不 · 遇難析疑苦心冥思寢食俱廢父母勸之息始 畔天甫明卽就楊 錢嘗助妹曰吾父奔走四方無非爲吾 先母之意者耶性尤喜谈泊節 上讀旣起作字數上 倦每寢必 鍾愛之嘗 十行畢 先 母 掩 母

春病遂不起悲夫吾婁女學衰替女子師範尤寥落 吾鄉之不幸矣夫億已酉春余歸飲樸丞書舍中閱憶 さながらいかが、一世になるではない。 擇佳婿汝益宜勤學以光吾宗憶苓翩 宗風縣延一幾而行年均漸老矣方冀憶苓成學繼 **月人不謂好學如斯賣志以殁悲夫是吾族之不幸尤** 沒共六年成績最著辛亥歲樸丞授 星家庭教育因之日以秕敗賴有馬朱兩女士 |十日||而畢方入中學旋患腳氣病又患氣喘至 目前悲夫蒼蒼大塊莽莽神州世界行]樸丞命之出甫一拜余戲謂之吾爲汝 然出此情此 THE REAL PROPERTY OF THE PARTY 一提 景 起

瑞坤姓錢氏同邑錢君鏡生之女公子也歲戊午冬月 撫搶桑之變故處吾族之跼零累歎頹息其何時已矣 悲夫悲夫憶苓億苓其尙知之也夫 億苓死矣余爲之辭慮苓其可以無恨矣獨余與樸丞 多糸生三生二元 内子為四兒慶丞相聘室往門人蔡生虎臣家適見瑞 聖螻螘或同歸於盡矣朝菌蟪蛄將爭衡其壽矣悲 坤微覺之翩然去內子歸禀 一聘媳錢氏瑞坤哀詞癸亥 明眸皓齒嫣然符五可乃詫曰是誰家女洵美若 家嚴兇蔡生爲蹇

余日瑞坤病體頗怯弱奈何踰數月蔡生來告余瑞坤 蔡生嘗攜其臨摹字帖來字跡秀麗端正且聞其數學 敏也瑞坤性孝而慧能得堂上歡肄業本邑榮氏女學 古哑宫之是门宫四三人公 家嚴知秘不敢告癸亥新正榮氏女學校長張婉芬女 頗精進心尤喜之邑中王君子柳名醫也壬戌夏月吿 万 凶 來舍與長媳慶棠談瑞坤病狀 [居錫邑人即爲錫籍 一送錢氏宅乃兩函不得報余知其病之益深也 問縣至傷哉瑞坤以戊申年八月十八日生以癸 因不肯稍休竟患失血證冀其卽痊余恐 何外我耶余聞之喜其應對 家嚴函發篋鈔舊 1111 Branch or Contract 越

魂兮歸來無入地些九京沓冥靡將止底些帝告巫 淑女在下汝筮予些瞻望瑶池王毋離居些上元夫 慶婉六歲以驚風證殤丙子思之輒爲零弟今聞瑞 以招之曰 命以成人禮刊人家譜春秋耐祀嗚呼憶已未夏余女 亥年二月二十四日卒弱齡僅 方がらにはことかりくてけ 嗚呼魂分歸來無東無西些,碧海蒼茫精衞旁皇不 可暫託些魂分歸來無上天些閶闔叶窱誰訴煩寃些 、栖些魂分歸來無南無北些炎景驕陽寒恆冰洋 一耗更悲惋不能去於懷也余乃稍紀其事略竝爲辭 十有六余奉 家嚴 陽 抻

市型支表三層でおし 間世分毋傷離恨天些 韶濩陽阿些瑯環宛委絃誦詠歌些金玉其相涵養太 採月窟結伴嫦娥些梅花芳草容與婆娑些吹簫按琯 和些嗚呼魂兮歸來江南春暮苦雨廉纖些落花時節 | 璇閆耦倶些雲旗逶迤弱質相隨些珠軿翠蓋乘鸞駕 **霎成仙些庸知富貴而壽考牙修短皆然些敬告** 與我婉兒以邀以嬉些便娟綽約攜手破悲些 11111

		 -	u n
茹經堂文集二編卷九			
位九			
受業蔣景升			

市座堂文長二扁一人 父 跋 旋 壹百 編 由 等敬識 為刻 國學篤於舊誼尤 滬 有文集賴師友贊 元襄助其事二編未刻竣 所 一親友中 印之費 著茆經堂文集 金 師 旋 來書允任續刻第七八九卷並惠資 除 張君貢九胡君粹 李 師颈韓 家大人手輯奏疏 可感佩謹跋 、助得以早告 初編往歲 又發起續 而 數語用誌 士俞 由 厥成 李 刻茹經堂 師 由 君 金 慶部 師 已歸道 鳳賓各 而 叔 等 文集 初擔 金師 醵